






1
G. Budæi Parisiensis Cō-

SILIARII REGII, SVPPlicVMQ.
libellorum in Regia magistri, Ad inuictis. & poten-
tis. principem Franciscū Christianis. regem Franciæ

DE TRANSITV
Hellenismi ad Christi-
anismum, Libri tres.



Bonny
Pol.

L. Cantal.
Bian

PARISIIS.
Ex officina ~~W. de la Haye~~
M. D. XXXV.

Cum priuilegio Regis. 6

a. Ben de Ruben

8.3.1.9

AD INVICTISS.

& potentiss. principem,

FRANCISCVM CHRISTIANISS:

Regem Franciæ, G. Budæi Consiliarii eiusdem Regis,
supplicumque libellorum in regia magistri: in libros
De trāsitu Hellenismi ad Christianismum, Præfatio.

Iterarum humanarum studio,
arriumque liberalium ac ciuili-
um quoquo modo defunctus:
Franciscæ Rex Christianissime:
ad literas diuinas longe liberali
ores animum conuertete nō ita
pridem perrexeram. Hoc autem
genus philosophiæ, non mortis
tantum, vt olim fuit, inanis est

commentatio, sed theurgiæ multiplicis potius, & admirā-
dæ contemplatio, quæ immortalitatem certam mortali-
bus beatitudinemque sempiternam miseris, fide nō dubia
pollicetur, comparatque mirificè atque benignissime. Cū
vero illud prius studiū amorem philologiæ hætenus esse
existimarim, itaque semper appellauerim: ei vero ætatis
annos florentis atque etiam vigentis, ab ineunte non æta-
tula, non exeunte ab adolescentia, sed ab iuuentute demū
dederim, ad hoc ipse alterum studium, serius quidē quā
oportuit: sed tamen aliquando transferre eundem animū
concupiui: copias item ipsius omnes, facultatesque tran-
scribere, quales illæ sunt cunque. Id demū receptum volui,
cautumque diligenter, ne mihi necesse esset vsum & con-

10
suetudinē philologiæ pristinæ, contracta per diu & confir-
mata: sic ipsi renunciare, eam ut ipsam ultimum valere iu-
berem, semelque salutare. Quippe qui ita alterū studium
ab altero dissidere minime arbitraret (etsi opinio est ho-
minū peruulgata) ut sodalitate consociari nequeant ipsa,
contuberniōque iungi. Et rem quidem sic temperandam
censui, itaque cōparandā vtriusque assensu, bonaque pace,
philologiæ, tantum ut maiori minor philologia non gra-
uatē cederet: fasces etiam summitteret honoris ac dignita-
tis: quanto illam maioribus ire per altum auspiciis mani-
festa fides. Neque enim de prioribus illa, ne iisdem de par-
tibus quidem, contendere non impudentissime atque ini-
quissime posset, quæ agnoscere nunquam renuisset, apud
nos quidem certe, temporaria tantūmodo oblectamenta,
& vitæ ornamenta, cum sensuum delinimentis, sese sup-
peditare obseruātibus sui: cū hæc eo amplius æterna bona
polliceretur, & vero certissima fide repromitteret, spōso-
ribusque quālocupletissimis. Accedit quod lautior illa cō-
priorque philologia, à me prior adamata, permultūque
& culta & obseruata: utpote quā annos vitæ plureis præ-
cipuōsq; deperierim, verba dare interdū (ut verū fateamur)
nō modo suis procis, sed spōsis solita est: cū eius amātissi-
mis, tū liberalissimis etiā & assiduīs maxime. & porro vn-
de nō semel atq; iterū ipsa solū, sed sæpius peperit: exactis-
que tēporibus partitionis nō incōmodissimæ. multis enim
illa decoxit nimium benignis creditoribus atque liberali-
oribus, & paulo magis candidis & ingenuis. Contrā vero
altera quam cognitam nō minus statim admauimus, et-
si minus cum ea consuescere nobis vacauit: non verbo-
rum illa quidem venditrix est, ostentatione institoria
atque nūdinaria: verum bona fide vel optima potius ver-
bi negociatrix. In tabernæ vero sur, atque etiā in taber-

naculi abstrusioris penetralibus, lōge plura, maiora, splē-
 didioraq; ostēdit, & simul vendibilia, fidelibus quidem
 certe sui cultoribus, rerūque suarum æstimatoribus pru-
 dentissimis, & perspicacissimis. Priore autē aspectu verbi,
 faciēque ipsa sua, quasi obducta rugis & vultuosa: cū pa-
 rum festiuitatis præferat, tum lenociniis nullis vti didicit:
 accersitisque extrinsecus inuitamētis hominum ingenio
 & studio præstātium: tantōque minus eorū qui necessitu-
 dinem arctiorem cum illa cōtraxerunt ostētatrice nitoris
 atque elegantiz. Etenim vt seuerior quædam paulo & mo-
 rosior institrix, eximias suas merces non omnibus expō-
 pras habet: sic ipsa ad recondita admittit ægrius & visen-
 da, homines studiosos: nec nisi exorata assiduitate con-
 tentionis, & fide sibi facta desiderii non curiosi. Mihi au-
 tem videtur catena quædam aurea verbi diuini atque cœle-
 stis: argumētosissima serie apta atque conserta actōrū pro-
 uidentiz, quæ œconomia à priscis vocatur & theurgia, ter-
 ram & mare, vt illa in Iliade *σφαῖρα*, in cœlū tollere & attra-
 here: nempe mortales ipsos continētis & insularum inco-
 las. & tollere quidem illos sursum inuitos quodammodo
 & restitāteis, vtpote terræ agglutinatos, e qua à principio
 fictum fuit genus hominum. Tanta vis est verbi dei, tanta
 facultas, ea facundiz vis latens atque eloquētiz in sermo-
 ne sapientiz, duntaxat iis in auribus atque mentibus quas
 æterna prouidentiz præfinitio pepulit & aperuit. Quic-
 quid igitur Homerus *σφαῖρα* illā *χρηστίαν* sui Iouis, esse ac si-
 gnificare censuerit, nos eam esse credimus cœlestis disci-
 plinæ multas per ætates seriem, ad iuuandos mortales ac
 seruandos delapsam, sublimēque rapiendos ad vitam non
 occasuram. Hæc porro diuinitus *ἐν τῇ παλαιᾷ καὶ τῇ καινῇ* con-
 texta est mira varietate, verum nusquam non sibi consen-
 tanea, vt per omnes mundi ætates eodem numine prodita,

summæque sapientiæ & veritatis complexu apta & cōpre-
hensa. Huius igitur philologiæ vel amor vel studium, ve-
ra est & germana philosophia, solâque digna suo nomi-
ne. Nec vero disciplinarum vna numeranda quæ ingenuæ
dictæ sunt, vt ingenuis animis discipulorū dignæ: cæterum
numero ipsa eximenda, vt egregia, & eximia. nec tam libe-
ralis censenda, quàm liberatrix hominū, mentiumque bo-
narum assertrix (qui finis est philosophiæ) ex impotentis-
sima tyrannide metus, spei, lætitiæ gestientis, & tristitiæ su-
pra modū cōtrahentis. & porro ambitus, atque cupiditatis,
affectuū imperiosissimorū, & dominorū mētis: nihil non
ærumnarum ipsis iniungentiū atque indignitatū. Et cum
hac quidem ratione, tanquam nobili illa scala patriarchæ,
in cœlū scādere datum est hominibus: id est enim sanctio-
ris philosophiæ augustiorisque gradibus ad culmē euade-
re sapientiæ. tum vērō deum intueri licet & admirari de-
scendentē ē maiestate sua, & velut ex Olympo vero sum-
mōque semetipsum demittentem in planitiem mundi, at-
que ad humilitatē humanæ condicionis se submittentem.
Rursūque item ipsum post rerum humanarum status in-
spectiōnem, post seruaturæ mortalium prouinciā pera-
ctā & absolutā: in cœlum suapte vi sublimem raptū su-
spicere & adorare, vnā cum deo hominē hinc auferentem,
selectæque hominū multitudini viam eodem aperientem
& munientē. Atq; hæc est serē summæ philosophiæ, quam
studium consecratur Christianissimi, hæc Christi seruato-
ris œconomix dictæ cōmentatio, humano generi cœlitus
salarum instar demissa, ab imo ad summum pertinentiū.
nimirū vt iis scalis succedere cœlo mortales quoque eius
affectatores possent, quique terrenis retinaculis non ita va-
lide adhærescerēt. Nam & ipse sese viam esse & veritatem,
& vitā olim dixit immortalitatis absolutæ omnibus suis

partibus. Iam verò huius siue philosophiæ, siue philologiae disciplina, interpret ipsa utiq; existēs, indexq; veritatis nequicquā à Græcis indagatz, qui se philosophos appella uerunt: præter rerum diuinarum supremarumque doctrinam, magnā item illā docet scientiā, imprimisque cōmendabilem, quam *ἡ ἀρχαία σοφία* antiqui nuncupauerunt: cuius etiam genus ipsi & natales è cœlo repetendos esse duxerunt, propter eius excellentiam. Verū enim uero eadem hæc philologia, non ut prisca philosophia fiducia humanæ mentis subnixā, consumatum hominem & perfectum numerat, qui animante tantum carne constitutus sit, animoque intelligentiæ prædito, & absoluta ratione imbuto, id est ad amussim philosophicam recta & exquisita. Ipsa enim hæc nostra philologia & prima & vltima docuit & demonstraui, ad formalem hominis rationem perficiendam, duntaxat in regno dei victuri, in cœlūque tandem migraturi, Promethei (ut ita dicam) signēto & prædictis: accedere oportere spiramentū Mineræ cœlestis atque diuinæ. Siquidem eius numinis afflatu tinctos eos esse perfusosque necesse est in ortu rediuiuo atque paracletico, qui genesim immortalem sortiuntur ac beatā: non sidere natalitio, sed munere diuino, atq; præsentissimo. Quibus autem id non contigerit: iis nec intellectus acumen efficere, nec humana ratio poterit, quamlibet instructa magisterio philologiæ Mercurialis atque musiciæ: quāque velint prædita sit ingenii, naturæ, industriæque præstantia: animā ut ipsi suam in potestate habeant, & tanquam mæcipio possideant. Qui ippe cum nec anima, nec eius emissarii ac satellites, qui sensus appellantur, ita res mancipi sint, teneri ut nexu rationis ac sapiētiae possint, humana quidem certe tantum, suāque openitētis ac fidentis. Verum maiori (ut dixi) philologiæ colendæ & deamandæ cum ani-

a. iiii.

1
mum tandem applicaresic institissem, vteam studio complecterer ætati ac vitæ instituto attemperatō atque modificato, tyrociniū nuper facere institui, vel potius rudimenta ponere. Opus autem de minoris ad maiore transitu, an migratu, treis in libros diuisum, nunc edendum cēfui. Cæterum in eius argumenti tractatione vtranque vtrique ita conciliare cōatus sum, vel huic potius illā sic subesse volui, maioris vt minor maiestātē comiter cōseruaret, vt verbis vtar antiquorum fœderum: non etiam indecorē vt ancillari, quasque pedissequa ē vestigio esse videretur. Neque enim hoc illi imperare ego sustinuissem, quæ heri ac nudius tertius mihi erat loco numeroque rei dilectissimæ, nec ab ipsa id exprimere nō æger time potuissem, quasi exoletis iam amoribus, atque repudiandis. Tum autem veritus sum homines studiosos, decorique prudētes, & iuris huius consultos: ne aut meam in hac obseruantiam & venerationem, aut obseruationem erga illā, honorisque habendi rationem, paulo magis desiderarēt. est enim vtraque philologia, mea quidem sentētia, illuminatrix vitæ, per ignorantiam rerū humanarū diuinarūque tenebrosa: sed illa minor inferiorque, deorsum tātum præluce intellectu: hæc autem sursum versus cœlestē faciem, grandem & illustrem præfert animis. Itcirco commodius mihi visum est, studiisque meis congruentius, sic illam in huius habere contubernio ac comitatu, hæc vt ministeriū suū & instrumentū agnoscere, lautum quidem illud satis nitidūque, sed tamē officio obsequioque obnoxii. Hæc illius vt comitatū vicissim nō grauaretur, quasi supraquam fas est lenociniis cultæ, profanisque pigmētis atque ascitiis ornata, à munditia sua discrepantibus. Est autē hæc ita moribus fortasse magis quàm natura cōparata, vt à lautitia ac nitore abhorreere, nō etiam vt hoc tempore mūditiā

auerfari atque odiffe videatur, duntaxat feueram & facro-
 fanctā. ac tamenſi pullata diu fuit ipſa & horridula: in to-
 ga tamen talis fuit, nō in pallio quoque. Verumenimue-
 ro libros de Helleniſſimi ad Chriſtianiſmū tranſitu, libē-
 rius & cupidius fecerim, an ne aprius & accōmodatius, vt ti-
 bi Chriſtianiſſimo viro, nedū regi, dicarē, non facile dixe-
 rim: qui iis ipſis de rebus, quæ in illis libris diſputatæ ſunt,
 verba mecum interdū & ſcitē & diſertē, ſæpe multis cum
 aliis auſcultāte me feceris, & admirante. Quapropter niſi
 me fallit opinio: horū librorū lectio non in Chriſtianiſ-
 ſimas aureis tantum, id eſt regias, incurſura eſt: ſed ad tuas
 etiā & Franciſcanas accidet, æquas atque procliuēs: ſiquā-
 do ab anagnoſte tuo cōiuali libri recitandi ſunt & enar-
 rādi: vt tui ſæpe moris eſt huiuscemodi inter epulas vti au-
 ſcultationibus. Id autem futurū confido, non quidem ob
 opificis doctrinā, aut propter indiſtriā gratiāque opifi-
 cii: quæ ſanē tenues ſunt, aut ſummū mediocres: cæterum
 operis ob ſpeciē & frōtem, quam futuram apud te feſti-
 uam reor & gratioſam. Et noui quā tibi cordi ſemper
 fuerit Chriſtianiſmi tutela, gentilis tui, atque neceſſitu-
 dine antiquiſſima maieltati tuæ coniuncti. Quæ iure ipſa
 iandiu legirimo, vt quædam pietatis hæreditas religioniſ-
 que tuēdæ neceſſitas, tibi cum iſto diademate nobiliſſimo
 obuēnit. Quippe maiorum tuorū meritis parita, cōſenſū-
 que mortaliū delata: qui maiores tui intra coronæ lilia-
 tæ ambitū tantū decus incluſum, tibi per manus tradide-
 runt, perpetui vtiq; regni pignus, & tāquam palladium.
 Ac imperii quidem Frācorum maieltatē, quod Chriſtia-
 niſmi gentilitate non minus, quā rerum geſtarum glo-
 ria cenſeri cœptum eſt, atque nobilitari iam inde ab incre-
 mentis ſuis, quantopere dolueris imminutam fuiſſe paulo
 ante nefario facinore hominum amentiū: documēto du-

dum declarasti in præsens, in futurumque illustri. Nā præterquam quod rem quæsitā diligentissimè seuerissimèque voluisti: coniurationem item impiam detectam vindicandam mandasti, allegatis quoquo versus certis nunciis ac mandatis: etiā quod in huiusmodi casu solenne est fieri, supplicationes decernendas obsecrationesque iussisti. Ad diem autē condictū supplicationibus, ad urbē hanc aduolās, caput ac decus regni, sedēmq; imperii iādicti, peculiare ac legitimā, iustitiū esse iussisti, tabernis oclusis atque feriatis. Imperatāque viritim lampadephoria, tute ē regia in proximū sanum progressus, vnde erat ineunda vniuersa supplicatio, splendidissimo tuo comitatu & officio, tanquam aulico ministerio, incredibilis agminis pompā, ex quōque homines meminerunt amplissimam, frequentandam ac celebrandam duxisti. ad placandā vtrique iram dei, portentumque sceleris procurandum, iustis omnibus excogitatis, ē veterique memoria repetitis, quā fieri potuit expiabilissimis. Cū interim in solenni atque religiosa transuersione sacri, augustissimi, atque enthei, ingēti vi facium omnia collustrāte, & lumen propē solis obscurante, ferculorum lōgissima serie præcedente vt moris est, tanquam instrumento officioque supplicationum & obsecrationum: tute nō tam vt rex, quā vt pietatis signifer, & coryphæus prælucentium multitudini, conspiciēbare, ē loco inferiore iuxta atque superiore. Quippe eminente conspicue nudo vertice in medio & cōferēto globo procerum, & tanquā existente & emergente regalis oris dignitate, ē cohorte propē millenaria virorū lectissimorū. Quorum pars torque & cochleis insignis: hexaphorum victimæ sacrosanctæ atque piacularis sub oculis tuis cingebat ac stipabat, visenda religionis specie. Quod ob pictatis exemplum ac specimen memorabile, vt apud plebem

populare, sic apud ordines prætextatos primorésque gratiosum: multitudo quæ vias vtrinque tectaque repleuerat, faustis acclamationibus, secunda tibi omnia prosperaque votis penè conceptis precabatur: simul soboli regis summæ spei, quæ religiosæ trāsuectionis insigne decusque præcipuum erat, populoque spectandum, duntaxat secundum regiam tuam maiestatem. Has autem voces plausibiles & boni plenas ominis, sic excipiebāt homines iudicio & prudentia præditi: ac si cognomentum tibi quoddam magnificū post fatū populus ominaretur. Mihi verò oculis omnia auribusque haurienti & arbitranti, non modo labefactam aliquantum religionis probæ maiestatem constituere ipse videbare, hoc specimen edens insidentis animo tuo amoris orthodoxiæ, perstrictique nō leuiter Christianismi ignominiam sarcire: sed etiam impietatem, ac deterrimæ hominum sectæ facinus infandū ac detestandum in triumphū ducere: quem triumphum ipsi seruatoriæ victimæ, impietatis victrici, ac domitrici comparādum ipse duxeras: omniūque religionis atque ceremoniæ speciem exornandum. Quod ob pietatis specimen Christianismi sanè tutori ac defensori congruens, & plebiscito, & senatusconsulto, & equitum torquatorum procerūque placito, purpuratorum porro ac prætextatorum consensu, elogiū tibi testimoniūque delatum est, ut si cui maiorum tuorum, id est Franciæ regum, amplum & magnificum ac magni ominis in futurū. Vale princeps benignissime, & vale quidem gemina valetudine. immo verò vale tibi, vale tuis: vale etiam mihi, & nobis item omnibus, quotquot sunt vale sanitatibus. Parisiis, anno à salute cōdita supra millesimum quingentesimo, quarto & tricesimo.

Verbi certa fides ut mundo augustior esset,
 Principe Francisco nobilitata fuit.



DE TRANSITV Hellenismi ad Christi- anismum, Lib. primus.



CONSIDERANTI MI-
hi sæpenumero, Frācisce rex po-
tētissime, ad eāque mentis intē-
tionē vehemēter incūbēti, quod-
nam dignum operæ precii ex vsu
philologiæ, atque è literarum cō-
suetudine ferre possem: & verò
scire auenti quo pacto potissimū
meliorē hominis interioris con-

ditionē, ex eo labore studiōq; efficerē, cui externa & cor-
poris bona quæ dicta sunt, posthabēda, ætate quoque flo-
rentissima duxeram: cupiditas incessit adeundæ tandem &
consulēdæ philosophiæ. Philosophia autē (inquit apud
Platonem Socrates in Phædone) mortis est meditatio, eò
demum ipsa spectans, vt anima corpori nunc cōsociatā,
hinc tandem sublimis abeat, corporisque contagione de-
functā morte facili, ad deum creatorē suum rapiatur, cu-
ius illa similitudine ab eodem ipso prædita est, quàm fie-
ri potest integerrima ab ipsius corporis societate. & qui-
dem ipsius philosophiæ munus est, id quod homines no-
runt discendi cupidissimi, animam vt hominis docēdam
fuscipiat, corpori alligatam, atque illi conglutinatam, &
verò necessario coactam, quasi per carcerem quendam, sic

DE TRANS. HELL.

per corpus naturas contemplari, ideoque versantem in omni inscientia. Perspicit enim facile philosophia carceris grauitatem. nimirum quod homo ipse interior vltro sese vincendum quodammodo præbeat, indulgens cupiditati. eo autem fit, vt illa animam ita affectam vt dixi, in disciplinam accipiens, sensim eam soletur & cohortetur, tum soluere vinculis illis eandem ipsam aggreditur. siquidem manifestè ostendit, ea quæ per oculos anima, quæ per aures speculatur, & quæ per alios sensus, errore esse illa sanè plena & fallacia. Quocirca auctor est illi philosophia, iis vt è rebus semetipsam recipiat, quantum quidem licuerit ab vsu eorum temperare. Illam enim oportere colligi & cogi in sese ipsam docet, sibi que demum vni iis de rebus credere, quas ipsa per semetipsam intellexerit, ipsas esse per semetipsas. Cæterum aliis de naturis, quarum aliud in alio quampiam esse contemplata fuerit: eam opinionem habere, nihil vt earum verum sit. cuiusmodi ea sunt quæ sensu & aspectu percipiuntur ab hominibus. at quod ipsa anima videt, id vtrique intellectui, non etiam oculis obuium esse ostendit atque perceptum. Quibus documentis anima hominis philosophi commonefacta, simul vt intellexit, non esse solutioni supradictæ obsistendum, continuo voluptatibus ipsa sese abstinere, abstinere cupiditatibus, abstinere agnitudinibus animi & timoribus, quoad eius facere potest. At verò Aristoteles in primo eorum librorum quæ τὰ μυστὰ τὰ φρονικὰ vocantur, philosophiam, ait esse scientiam veritatis contemplatricem. Cicero in finibus, artem vitæ philosophiam appellat. de qua disserens (inquit) arripere verba de foro non potest. Quandoquidem autem compertum habemus priscam illam indagatricem virtutis & veritatis, vitæ lucem (vt ipse alibi Cicero dixit)

& viciorum expultricem, vmbra modo exilem fuisse veræ philosophiæ, cuius studiū ipsa nobis sapientia præscripsit & prodidit, ipse mihi oracularem philosophiam aliquando adeundam esse duxi, quam Themidis consultricis & consultæ (vt Græci suo sermone vocant) antistitem esse videbam, eiusque oraculorum magistrā & interpretem. hæc autem est amor dei, vt Augustinus scripsit in octauo de ciuitate dei, & ipsum philosophari, dei est amorem colere. Ad eius porro philosophiæ cultum cum ægrè quidem ipse, seròque, sed tamen aliquando admissus essem, vel vi vel clam vel precario aditum sensim aperiente, tum innata mihi quadam iandiu nō leui opinione rerum mente perceptarum: tum sensu quodam abstractiore, res æternas suspiciente, fastidiosoque satis æstimate rerum commætiū, iam mihi gratulabar vt discipulo sapientiæ, in eiusque clientela atque fide posito. Verū vt est vita ciuilis, ad negocia procliuis: curis statim externis aliis super alias subeuntibus, inde mox vel abductus vel detractus, abdicatum esse me ea disciplina magno cum dolore sæpenumero recordatus sum, in quam me disciplinam cupide adoptare auspicatōque cœperam. Ex eius autem magistræ auscultationibus, nec liberis illis quidem, nec frequentibus (multa enim intercedebant infestaque auocamenta) sed tamen iucundissimis, pauca adhuc teneo sanctioris notæ acroamata, ætate hac affecta, & quod dicere pudet, propemodum effœta, quæ nondum exoleuerunt. aculeum enim mihi reliquerant in pectore non hebetem, etsi non satis altè penitusque infixum. Horum verò nullum satis certum nec ordinem nec numerum adnotaui, nec rationem nunc inire explicatam magnopere contendī. etenim parum constitutas yices earum commentationum habebam,

DE TRANS. HELL.

quas occasio mihi interdū largiebatur, nō voluntas præ-
 finiebat. In eo tamen studio impēta operæ ne pœniteat,
 summam adhuc commemini, eò ferè spectantem, litera-
 rum vt studiosos eos demum prudentes, & (vt ita dicam)
 frugi lectores esse censerem, qui quasitas vehementi stu-
 dio facultates, in eam rationem referrent: quæ non-ex-
 ternis bonis, non caducis & intereuntibus, sed propriis
 perpetuisque, & interioribus instituta est, tuendis atque
 augendis. Ac mihi quidem imprimis accurandum id vi-
 debatur & exoptandum mortalibus, literarum præfer-
 tim optimarum cupidissimis, constabilitas habere viuendi
 commentandique rationes, ad easque consilium in-
 structum & propositum accommodatum. sic enim fieri,
 vt qui se precaria luce frui, cum mortalitatis conscien-
 tia, tum quotidianis exēplis meminisset, magnopere op-
 primi tumultu mortis non posset. Nam quid inconsultus:
 quid miserius: quid denique præcipiti vitæ similis,
 quàm in diem luce frui? quid autem turbulentius: quid
 deploratius: quid denique abruptius, quàm ex tempore
 è vitâ excedere? At quota pars hominum non in diem
 viuere: non ex temporali fato fungi videtur, si ad verum,
 non ad vsum loqui tantisper ipsi volumus? Adeò circa
 temporaria satagentibus: & sæpius nugatoria, non oc-
 currit, non subit ante mortis præceps vadimonium, ma-
 turè commentari quid sumus: aut quidnam victuri gi-
 gnimur: ordo quis datus: & metæ quàm mollis flexus &
 vnde: quis modus argēto, quid fas optare, quid asper vti-
 le nūmus habet. denique quæ bona: quæ mala post mor-
 tē nos maneant, rectè aut secus vitâ agentes: cæque perpe-
 tua. An verò non ex tempore, nō tumultuaria morte, nō
 exitu præcipiti tollūtur ii, quos pridie fati videmus, om-
 nibus sensibus corporis atque animi satagentes de rebus

interituris, protinusque ab ipsis ad alios aliosque possessores transituris: quos honores simul hos atque illos incuntes spectamus, simul ad alios aliosque gestienti semetipsos ambitu designanteis, serie perpetua peruigilis cupiditatis: At eisdem mox audimus improviso vadimonio euocatos, & interdum velut obtorto collo tractos ad tribunal illud seuerum & summum, vel candidum calculum ipsos in re presenti, vel atrum & horrendum (ô discrimen maius omni mentis conceptu) laturos in sempiternum. Hæc illa est sedes iustitiæ iam præfractæ atque inexorabilis: hoc iudiciû oraculari promulgatione prædictum: hoc (vt ita dicam) apodyterium, in quo manticam hiantis cupiditatis homines, candidamque vesanæ ambitionis exuuntur, inter sacrum (vt dicitur) & saxum miseri constituti. Hoc cum futurum aliquando & propediem fortasse, nemo nostrum ignoret: cuiusmodi tandem infania est hominum, quanta amentia, quàm dira denique dementia, manticam illam, naturæ corruptæ vicio perfluentem pertusamque, ad summum implere omni ope, omnibus vngulis, velis denique remisque contendere: aut candidam illam ambitus, identidem aliam atque aliam suscipere, & deinceps laxiorem, ampliorem, splendidiorẽ? Proh diui immortales, nōne & vox humana, & omnia mentis sensa, imparia sunt stupori exprimendo hominum ciuilibus institutis moribusque viuentiû? Mortales qui sese tertio quoque verbo sic appellant & meminerunt esse: quandiu incolumes sunt, animaduvertere aut nequeunt aut nolunt, quæ sors, quàm æterna, quàm abominanda & detestanda, iis prædicta sit diuinitus, ratæque lege, & verò dei primum humanitate, deinde supplicio insigni, sancta, quorum aures occaluerunt ad præcepta interdictaque semel effata, agentis inter homines

DE TRANS. HELL.

veritatis ipsius & iustitiæ. Nec verò antè se in fraudem incidisse ter capitale norunt, ob contemptam, imminutam, læsamque maiestatem oraculorum, Christi que prædictionum, quàm ad exitum huius theatri ventum est, quem mundum scriptura vocat. vbi clausula est risus & tristitiæ: vbi spei atque timoris finis, tum cupiditatis, iracundiæ, superbix, ambitionis, omniumque curarum, studiorum, atque nugarum, è quibus argumentum contextum est vitæ quam in celebritate traducunt. Cum interim quotidie recitata in vulgus & decantata seruatoris monita, peruigilationes & excubias nobis, alta & summissa voce indicant, quasique tesseram salutis consecranda, conceptis hoc modo verbis, singulis nostrum inculcent: Inter spem curamque timores inter & iras, Omnem crede diem tibi diluxisse supremum. Et deus quidem olim cum mortalibus agens in præconiis cælestibus, in prædictionibus vatum sanctissimorum, quorum ore tanquam spiritus sui tuba, ante aduentum filii sui hominum seruatoris usus est: flexiloquus fuit admodum & interpretum indigens. at in ipso vnigeno filio suo, & naturarum omnium primigenio, quo veluti Mercurio mædatorum sempiternorum usus est, ad res humanas demisso inspicendas & temperandas, cum potestate & imperio, apertus ipse pater fuit & planiloquus. quo fit vt causari nihil possimus, quasi rerum æternarum inscii. Horrendas vero non immerito minas illas quondam homines, humanarum tantum rerum prudentes, existimabant.

πέμψας δὲ ἱπποφόντι βασιλεὺς ὃν ἐν τῇ μιλήνῃ,
 εἰς ἔχθρας βασιλεῖα βροτῶν δολέμους πάντας.
 οὐδὲ γὰρ ἦν αὖτά μοι καὶ ὄντα πλεῖς χαλκῶ,
 μάλα τ' ἐξήρως δῶκεν κλισίῃ ἑμαὶ δαΐδαϊ.

At quot homines nunc sumus lactati in cunabulis re-

ligionis, rectè & verè philosophantis de natura diuina, nec lactati modo, sed porrò etiam nutriti, qui & nouimus & meminimus: crebrò etiam commemorare gaudeamus, quæ supra, infraque: præmia, suppliciaque, lege summa ac nunquam antiquanda, constituta, sancta, rata sint, & reposita mortalibus, rectè secusq; vitæ muneribus perfungentibus, atque è præscripto vel ex aduerso legis à Christo promulgatæ. Quî igitur fieri potest, vt in alta securitate futuri æui & sempiterni, somnum dormiamus Epimenidis? nēpe quod oculis atque auribus captos nos recordari nequeamus, qui in tenebris his Cimmeriis halucinamur, prælucentem faciem oracularem non obseruant: & ad veritatis & salutis monita planè obsurdimus. Nam quotius quisque mortalium, qui per fas, nefas: qua profana, qua sacra exaggerant diuitias vrgente cupiditate, cogitare quicquam videtur de rationibus vitæ referendis, & ad ærarium referendis illud diuinum rationationis exactissimæ, vbi ad quadrantem expensa cum acceptis tandem conferenda sunt, & reliqua verò cum ramento (quod aiunt) reddenda, vt Christus ipse deus palàm contestatus est? Quis verò nostrum interdum ad se, è strepitu, è turba, è tumultu civilis conuersationis reuersus, cum rem ipsam, quam dixi, æstimauit attentius, & perpendit, non dementiæ instar esse, stuporem & suum & aliorum animaduertit, multiplicisque amentia? Tandem autē moris est, & veluti expressæ necessitatis, cū aut morbum aliquem acutum, & breui tollere solitū, sentimus adesse, quasi mortis apparitorē: aut minas alias, quæ sarcinas colligere quasi in tumultu nos admoneāt, diuina tum mādāta, monita, prædictaque meminisse, auribus nostris in vita toties nequicquam inculcata. id quod si non ferò, certe difficili fit tēpore, nec tam nostro quàm inimici

DE TRANS. HELL.

atrocissimi, & tunc (vt creditur) infestissimi. Quid eos qui vel improiisa vi, vel abdita mortis causa abripiuntur, medicosque fallente, qui permulti sunt: quid (inquā) ipsos habere animi, quid animarum putamus in casu necopinato, hinc momento temporis emigrantes in perpetuum? Quod si nunc paulisper ad normam euangelicæ legis æstimate socordiam nostram, vel verius væcordem somnolentiam vacet, qua quidem lege ipsa atque seueritate quaestionem dominus ab se habendam esse de seruorum suorum nequitia prædixit, quantula tandem pars nostrum non semisomnis tollitur: & fortasse (heu miserandam sortem) in stupore mentis oborto collo rapitur. Quonā tandem igitur *ἡμεῖς τὰς αἰσθητικὰς ἐκείνους* (iterum enim externis verbis in rebus nostris vtemur) *τὴν μὲν ἔχει βίαν τὸν ἐπὶ χροῖας δὲ βίαν* *ἐν τῇ αἰσθητικῇ βίαν οὐρανὸς δὲ ἐπὶ γαίης*. At echetismi omnes & phalarismi, quos vt humana patientia maiores auditos perhorrescimus, vix exiles sunt imagines tyrannidis tartaricæ, quæ finem nullū habitura est. Age, ignita supplicia, quorum elogia clara sunt in scriptura, & furialeis omnes manias, poenarumque transmittamus, diris tenebris inuolutas, quando ea hic obuersari satis præsentem oculis mentis nequeunt. Sed quis cruciatus animi ad summū bonum nati, maior excogitari potest, quā inexpressibile semper ac deploratum eiusdem boni desiderium, transmissi ab homine per incuriam, & pro nihilo habitum? An huius etiā multæ prædictione, aure stupida, aut aliud agente, deuorabit admiratrix & indagatrix beatæ vitæ philosophia? Proh Christe sanctissime, optime ac maxime, quid est, si hæc amentia, si væcordia non est? Nam quam acerbiorē mentium immortalium carnificinam, quam Alecō (vt ita dicam) acerbiorē, quem lumbricū interiorem cōminisci sauiorem hoc ipso quisquam possit, assidue miseros æter-

númque exedente? Philosophia prisca omnē (vt dicitur) lapidem tot sæculis molita est, vt summi boni certam notam comperire atque veracē posset, tanquā rei imprimis homini soliúsque expetendæ, tāquam omnes numeros cōplexæ felicitatis atque beatitatis. Quid igitur causæ esse dicamus, cur rei omnibus rebus præuertendæ, nos translatitiā curam habendam esse ducamus? nimirum quòd rebus diuinis & æternis considerandis, pectore incumbimus iam pleno vanitate, ac mente rerum sensibiliū amore grauida & occupata. Vnde fit vt monitis scripturæ, vt ipsius dei filii responsis & prædictionibus, assensionem accomodemus (quod dicere vereor) academicam, non aliam vtiq; ob causam, nisi quia sensibus, temerariis vanisq; indicibus, fidem res illæ præsentem non faciunt & ex tempore. atqui de animorum immortalitate, corūmq; post mortem conditione, aut cælesti sapientiæ auscultandum est: aut ad priscam polytheiam atheiāmq; adeò iam reuoluti sumus, aut denique ex antiquitatis plaræque sententia, hodie quoque animos nostros cū corporibus damnamus mortalitatis, cuius sceleris omen deus, deus inquam pater auertat & filius, corūmq; spiritus. An in dubiū fortasse nunc quoque ea venire possunt, quæ de superis, inferisque promulgata sunt: etiāne post scripturæ vtriusque lectionem, sanctitatem, maiestatem, axiomaticāmq; fidē præ se ferentis & redolentis, iis quidem certe qui integris sensibus animi præditi sunt, & libentes in ea commentantur aspirante prouidentia: etiāne post ectypi cū typo: expressi signi cū annulo similitudinem, animaduersam & adnotatam, omnibus linjamentis exactam mirificentissimæ Rectè vero diuina de natura, de Christi seruatoris diuinitate humanitatēque reuerētissime, ac summa cum religione differere, vnāque ita viuere, dicere vt id ma-

D E T R A N S. H E L L.

gis quàm censere videamur, ac semel cōstitutum habere, quidnam id est aliud, quàm in ludibrium vertere admirādam illam & venerandā diuini iam olim cōmercii à primordiis rerum, pactique antiquissimi humano cū genere historiam? Mihi enim videtur, qui libros veteris testamenti cum attentione philosophica legit, in iisq̃ue commentatur bona fide, tāquam historiam quandam ille diuinæ providentiæ percensere, mortali animanti & ratione prædito, immortalitatē parētis indulgētia condētis & molientis, multifariāmq̃ue misero beatitatem parturientis. Hæc porrò tam varia est historia, tam copiosa: tot talibusque tropis figurisque & verborū & sentētiarum distincta, personarum etiā actibus, dialogisque exornata significatissime, nullius vt amœnitas studii similis illi esse possit, nullavt cōmētatio dignior maiestate philosophiæ. postremo res vt nulla contemplabilis, probare se magis hominis ingenio debuerit, externis disciplinis exculto, à salute quidem certè æterna non auerso, ac præposterè de se merito. nam dramaticæ illæ cōmemorationes, cum sensus sint multiplicis, atque inexhaustæ interpretationis: tabernariæ tamē simplicitatis & planipedis licio detextæ sunt: mirè vt tragœdiam agat grauissimam scriptura, sci-ta sub comœdia, cuiusque choragio. In illo igitur studiorū paradiso, studiosissimo cuique literarum bonarū tandem faciendum est, animus vt philosophicus, è pascuis philo-logiæ migrans, (amœnis illis quidem, sed ieiunis utilitatis per sese, & inanibus, ad eam rem duntaxat qua de re nunc agitur) implere sese contendat pabulo sacrosanctæ philo-sophiæ, (quæ epulæ sunt celestis sapientiæ inter homines conuiuātis,) ad iustāmq̃ue habitudinem farcire & sagina-re pro modo captus sui. Nam quis nostrum non fatetur, quis verò non libens audit, cū vsu ita venit, interdūmq̃ue

penè lachrymabundus, euangelium normam esse vitæ hominum calipetarū, & canonem innocentiz? Cur igitur quod miramur ipsi, quod suspicimus: cuius instituti sequaces beatos arbitramur, non etiā cupimus, capessimus, & æmulamur? Cur literarum admodum, aut supra modū fortasse, studiosi, non aliquando de hellenismo transeundum esse efficaciter ad Christianismum statuimus? atqui dignum est sublimibus animis, à doctrina probabili tantum atque persuasibili, studia sua ingenique exercitationē, ad doctrinam illā ut græci vocant *ἐνθρονον διδασκαλίαν*, transcribenda ducere, quæque auctoritate sua pollet, ac plusquam Pithagorica inter Pithagoreos, externa autem philosophia, (ut Chrysostomus inquit in epistolā priorē ad Corinthios) tanquā ancilla vilis atque neglecta, ab ingressu sacrorum theoriæ iam pridem repulsa est, indignaque existimata, quæ arcana dominica per transitum introspiceret. Quare inter hoc & illud studiū philosophiæ, quā plurimū intercapedinis interest, quo christianismi cōmentatio dirimitur ab hellenismi. Verum ō diram (ut ad inceptū redeam) intellectus perversitatem, cū tamen eadem parte naturā referamus diuinā. O tenebras plusquam Cimmerias, stygiisque illis oriūdas, quibus nihilominus in ipsis humana se prudentia venditat & circumspicit, quasi in claritate summa. Multo maxima pars hominū, qui in vita civili aliquo sunt numero, aut rei cumulandæ seruire, aut fastigio suo tollēdo supra turbam, ita solent, ut quisque luminibus gentiliū suorum & propinquorum, vicinorū iuxta atque remotorū, magnopere obstruere, manibus pedibusque contendat. Quotus autem quisque, postquā in eū (ut ita loquar) nexum sese dedit fortunæ atque cupiditatis, non vniuersa contentione viriū corporis atque animi, nō omni destinatione mētis,

DE TRANS. HELL.

atque adeò obstinatione, ita possessioni incumbit tū præfenti, tum futuræ, rerum sensu perceptarum, tanquā inde nunquam discessurus sit: Contrā bonis illis æternis, & ad expectationem cælestis ac diuinæ vitæ reiectis, non sic seruit perfunctoriè, pro illisque sibi quærendis, ita sibi negocium exhibet, ac si pignus nullum pronunciati ab euangelio seruatore donatiui cælestis, haberemus: aut incertum ipsum haberemus, aut imaginariū? At eo quid testatur? quid consignatur? quid fide, quid opibus, quid auctoritate ipsius pollicentis, & quotidie clara voce confirmantis, subnixius esse potest ac solidius? Quid rursus vanius, quid inanius, quid denique fidei fluxioris, quàm illa fors aleatrix, quæ dicitur & creditur esse hominū fortunatrix: si quidem sensuum præstigias animi principatui obrepentes, nobisque fucum exitialem factitantes, cuiusvis esset rationis deprehendere & refellere: ecquid enim fallacius est? ecquid ludificantius oculata rerum auritæque speculatione atque existimatione: quod Plato non nostrarū partiū auctor, in Phædrō suo grauissimè, alibi que docuit. Cæterū, dixeris hæc inter varicosos cæturiones, continuo crassum ridet Vulpeius ingens: tametsi vtinā hoc tantum militaris ordo rideret: rogatis autem & prætextatis satis probari posset. Quid autem si ne doctis quidem ipsis, & philosophia imbutis? Quod si ad oraculorū mandata, monita, cōsilia, quasi ad libros olim Sibyllinos, religiose adiremus in cōsiliis vitæ capiendis, Themidis vtique responsa memoriæ nostræ adhærescerent, quæ cito abeunt euanida, dum aliud atque aliud agimus, etiā inter sacra. Neque verbis autem dei confidimus, neque atrhabetoni ab eo nobis dato (vt diuus Paulus loquitur ad Corinthios scribens) nisi exili fide ac superficiali, fugacique credimus: Proh superi immortales, rerūne æternarū fidem atque

auctoritatem, fluxā aut ancipitem esse suspicari quisquā potest, qui secutas eam esse copias illas innumeras meminerit militum lectorum & deuotorū, qui pomœria prorogauerunt Christianismi vsquequaque gentium: atqui illā sola verbi dei fiducia, quasi Vulcaniis armis fidētes, tum nouarum tabularū pronuntiatione erectæ, ob idque Christo sese suāque deuouentes, cuius sacramento bona fide dixerant: ingentem & luculentā fecerunt impressiōnem, in erraticam illam nationum barbararū, trucēmq; & minacem multitudinē. Vndenam igitur hæc tanta animorū opinionūmq; discrepantia? Illi pro asserenda auctoritate religionis quidem rectæ, sed tamen inter homines magnopere tunc controuersæ, patrociniūque indigentis, post bonorum abiectiōnē, honorum cōtemptiōnem, gentilitatum atque necessitudinū abdicationem, mortes insuper ipsi exemplāque exquisitissima suppliciorū per-tolerarunt, multa atque hilari spe perfusi & confisi. Nos eodem oleo certaminis vncti: eodē sacramento adacti, eorum exēplis condocesacti & confirmati, vt videri volumus: non facultatum saltē vilitate & neglectu: non abstinentia luxus atque cupiditatū: eandem ipsi palmam aut similem liceri sustinemus: quanquam immortalitatis animorū dogmate, passim omniumque cōsensu recepto, dūtaxat non profligatissimorū. Sed scilicet fides donum est diuinū & largitio æternæ prouidentia, nō prudentiæ humanæ, nō doctrinæ, nō græcæ alumna philosophiæ. Profecto nos tenebris & caligine multa offusi, & crassissima, ad verū cernere certūmq; non valemus rerum differentias & qualitates. idcircoque plærunque deteriora sequimur, auersantes commodiora & plane salutaria. Illi verò (quod miremur) magna ex parte tyrones Christianismi, recens cælo delapsi, donatiui luculenti pollicitatione di-

DE TRANS. HELL.

uinitus auctorati, clariore insuper atque repræsentata æternarum rerū cognitione aucti, omnia bona cōmodaq; interitura, præ æternis bonis pessunderunt. Quare ma-
 cti esse fide ad extremū, per gladios, per ignes, per omnia supplicia, quamlibet horrenda atque inusitata, diuinitus iussi sunt. Enimuero insaniam omni gradu comparationis excedit, quòd interdum atque etiam sæpenumero præ stupido intellectu & sensu emortuo, in rebus ter & quater capitalibus, & faceti (si diuis placet) esse, & ridicula fundere nō veremur. Quòd antiquam illā germanāque continentiā atque innocentiam, ætatem iam ferre annosiorē negamus. videlicet tanquam antiquari dic lex illa summa possit, & vt rogationes humanæ, defuetudine obsolescere, hominūque negligētia. immo verò quod sanctiorum ætatū disciplinam & ritus, vt cōmentitios iam & fabulares cōmemoramus. Quòd beatissimā illam securitatem rerū vltro citròque cōmeantium, animique tranquillitatē, quatenus & qualis in vita esse potest (cuius græca philosophia simulachrum tantum admirata est, ei que nomen splendidū euthymiā indidit) longè maxima pars hominum, imperitorū iuxta & peritorū, non modo nullo studio consecretatur, sed etiā auersari odissēque videtur. Denique quòd ea quæ de superis, inferis, præmiis ac pœnis, prodita sunt oraculis sacrosanctis, atque etiam effata ipsius ore veritatis, tanquam *ελκυσ* (absit adraestia verbo) *επιλογη* excipimus, vt est apud Platonem in decimo reipublicæ: Siquidem hominū sensus nō ex verbis, nō è vultuosa facie, quæ sæpe vanissima sunt, sed ex corū actionibus iudicanda sunt, clarisq; significationibus. Quippe qui diuinæ maiestatis edicta & hortamenta, auribus trāsmittamus stupidis & futilibus: nisi si sordidas potius ipsas habemus, & conspurcatas appulsu rerum inanium &

fallacium è medio manārium, quæ rationi per diametrū veritatique oppositæ sunt. Certè si ratio & intellectus principatum animi regimēque obtinerent: vt natura cōparatum est nō mendosa atque integra, quid causæ esset obsecro, quin improba illa dictata cupiditatis, elationis, ambitionis, monitis sapientiæ præceptisque cederent, subeūteque memoria rerum sempiternarū, caduca ista & fluxa concederent è præcordiis? mihi quidem mediusfidius interim hæc æstimanti, Platonis quidā dialogi, decenter & appositè personati, multisque in locis grauitè & scitè sententiosi, scēdam nobis inscitā exprobrare videntur, eandēque capitalem. Nam quid causæ esse dicas, cur in hac nocte, sublustri quidem ipsa potius quā illustri: sed tamen face doctrinæ cælestis & inspiratæ, luculenter nobis prælucente, nō nisi exiliter cernere eadem illa videamur, & tanquā per nebulam intellectus addubitantis, quæ philosophum illū perspexisse nocte obscurissima nouimus, ad lucernā tantum profanæ philosophiæ cōmentantem: tametsi in summa veritatis vehementer hallucinantem? Cui dedisset ipsi quispiā, proferre impunè vt liceret quæ de diuinis rebus vñdecunque hauserat, posteritatique prodere: nec religiosè ille vtique protinus, nec ambagiosè, nec accersitis ad colorem aut veniā personis, sed docentis auctoritate diuinis ipsis de rebus, æternisque disseruisset præmiis ac suppliciis. nunc quo minus id liberè vt cupiebat faceret, à populo Atheniensi perimbutō errore hellenismi, metuendum esse sciebat Socratis damnatione. Quidam autem eius familiæ alumni, aduerso (propè dixerim) numine sacris initiati philosophiæ æmulatricis orthodoxiæ, veritatis imaginem magnopere admirati esse dicuntur, ab ipso primum auctore adumbratā probabiliter & mirificè, duntaxat vt illis temporibus ac locis, quæ luce

DE TRANS. HELL.

caruerunt. Verum illa Platonis familia quæ post Christi prædicationem extitit, si vtendam orthodoxiam tractandamque rogasset ab ipsius veritatis auctore vno & interprete, vt nonnulli alii fecerunt philosophiæ quoque alûni, quid censemus eos de doctrina salutari prodituros ac scripturos fuisse, germanâque philosophiâ: hanc nos hodie veritatis disciplinâ in paucis voluminibus, nec ipsis ita magnis, consecratam habemus, literis nunquâ fugientibus, cæterum arcanorum sapientiæ capacissimis, vixque enarrabilibus humanæ facundiæ. Quod genus philosophiæ post percursa studia, quæ dicuntur externa, atque etiam inter ipsa percurrenda, summa mihi semper habere inuitamēta commentationis visum est: vt pote in quo omnia penè sint symbolica, vnde sensus sublimes, arcani, mirifici, cælestique odore fragrantés, salubri cū voluptate ducuntur, pro ingenio cuiusque, pro captûque mentiû minime affectarum. Hæc tute cum paulo intentius consideraris, sic dei consilia mirabilia, sic rerum abditarum, & procul à sensibus summotarû, in medium prolationē, in figuris oraculorum condita, multiplicique ambage inuoluta esse dices, vt aurum in puteis, aut venis metallorû altissimis & sinuosissimis. His adde ad hominum disciplinam, atque ad immortalitatis æternæ ac diuinæ commercium locupletandû, quod ille importator salutis & sapientiæ Iesus Christus, diuinitate atque humanitate constans ratione ineffabili, cū prouincia sua decederet vt cōfecta & absoluta, in cælumque remigraret: comites tamē ipse suos quoquo allegauit gentiû (nullis enim finibus circumscriptum imperium cælitus acceperat) legis & ipsos euāgelæ promulgatores, & tâquam institores æternæ sapientiæ, in cælumque tollentis homines. Qui cum multâ copiosâque cælestium consiliorum scientiam, oculis auribusque

hausissent, Christo adhuc ipso inter homines agēte, tū eo sublime raptō, mox allapsu numinis spiritalis vberius multo cōdocefacti, & iā pleniore haustu sapiētīæ inebriati, interpretes quoque ipsi esse cōperūt, magistrīque veritatis. Hæc porrō doctrīna per eorū discipulos, & deinceps per alios, atque alios prodita Christi familiæ proceres, instar & ipsa iuris habet diuini. Etenim eius magna pars, vtsimillimū veri est, etsi nō iure scripto cōstat, moribus tamē recepta est ætatū sanctissimarū, senatūsque cōsultis cōstituta & cōfirmata: quorū auctoritas sacrosancta semper fuit cōsensu mortaliū, dūtaxat vniuersorū. Verū enim uero in huius philosophiæ studio mira admodū voluptate animus hominis afficitur, cū latebris in illis anigmaticis, in cryptis (vt ita loquar) sapiētīæ, repositā iam olim cōditāmq; veritatē, quasi animorū immortalīū annonā intueri cōperit, tādū frustra quæsitā græcæ philosophiæ. omnino enim id futurū est homini philosophiæ amātissimo, qui quidē auspiciatō initia suscepit hominē nouātia, ex illo admirabili supplicio seruatoris enata, nobis sēper memorabili ac prædicatō, animōq; versatō: si quidē inde solū beatæ vitæ pignus habemus lustrico die initialiq; acceptū, idoneū, certum, opimū. At huius sapiētīæ & veritatis vmbra, philosophi quidā Hellenismi alumni, odorātes, ne quicquamq; in ea vestigāda cernētes & sua & aliorū studia esse cōsumpta: demersa esse veritatē perhibuerūt in profūdo vniuersi: aut in imo adobrutā putei cuiusdā inexhausti, quod Democritus dixit: cū interim nō in imo rerū illa, sed in sūmo naturarū omniū asseruaretur vnde est oriūda. Cæterū simulachrū ipsius penes Hebræos erat, vel apud eos potius, in tabulario clausum, ne custodibus quidē ipsis nisi paucis, aperto aut perspicuo: tæctsi eorū olim principes Abrahamus, Isaacus, atq; eorū pueri & familia, eā olim

uisse, legimus. At Christianismi philosophia puteis ab integro refodiēdis, nō modo humū inde egerendā, sed veterem etiā humanitatē homini exuēdā suscepit, nouāque inducēdā quasi vernationē. Quo fit altero vt natali huius homo philosophiæ studiosus, humanū exuperet fastigiū, tandēque inter superos diuōsque allegatur, nō hominū quidē ille decreto atq; opinione, vt olim diui illi cōmēti tii & poetici, nō vt Romani Cæsares, aut senatus cōsultis, aut successorum suorū sanctionibus: sed cælestis ac diuinæ prouidentiae placito prærogatiuo. Hæc est illa gratia cælestis, hæc benignitas dei, quæ humano generi cæli cōmētiū (ô beneficiū nobis gloriandū, ô cōpressis decus manibus amplectendū) interuentu verbi dei eiusdēque filii indulgit & largita est. Hac eadē philosophia auspice, sanctiores animæ, rerū fluxarū cōteptrices, vt nulli dū amoris pactæ, ab externorūmq; bonorū desiderijs intactæ, Christo se dei filio despondere solitæ sunt, cōditori sapiētiae, hominūmq; assertori qmācipio teterrimi tenebrarū tyrāni, atque è seruitute sensuū corporis satellitū, qui in fide sunt illius. Ita autē se despōdēt tāto vindici animæ, sua vt omnia dori dicant sponsaliū gratia, suūque arbitrium, quod suū habent illæ maxime (tametsi obnoxii) si quicquam sui habent. Sponsus autē vicissim semet vt ipsum, quantus est ille cūque, vicissitudine admirabili dedat, cōmemorāda cōdicionē ac prædicāda instauratiuæ humanitatis. Atque huiusce quidē seu philosophiæ, seu vitæ per theoriā agēdæ, parēs, cōditor, præses & moderator est Iesus Christus, vnigenus dei filius, vt dictū est: omniūmq; naturarū primigenius, cui à patre omniū principio omnia sunt credita, omnia liberē, summōque cum imperio commendata atque permissa. Qui cum cælo delapsus esset seruandi hominum causa, cælum etiam terræ, cælestēque

DE TRANS. HELL.

naturā & immortalē, terrenæ & caducæ cōciliandi, atque etiā coniungēdi necessitudine beatifica & sempiterna, humanitatis amictu tectus, inter homines tātis per egit (cætera quidē ille omnia humaniter, cæterū inculpate & innocenter diuinitatis privilegio) quoad vniuersa vatū prædicta, omnia patris mandata placitāque exhaustit ad vnum, & peregit. A quo quidē ipso & primo & vltimo, vir sapiens idem atque innocēs, numeris omnibus absolutus rationis rectæ atque integræ, ad vnguē informatus est. tū autē eius informatio nobis ad exēplū vitæ prodita, literis-que consecrata est fide rata subnixis, atque axiomatis instar obtinētibus cōsensu tot ætatū, & verò auctoritate cœlitus sapiūsque cōfirmata. Ad huiusce igitur sapiētis, magistriq; immortalitatis adipiscēdæ præcepta, monita, præscripta, hominē sapientiæ cupidissimum, affingere mores suos oportet, tenorēque vitæ mortalis afformare, quā fieri licet proximē per naturæ oblætæ cōdicionē, qui quidē ex hominum ordine mortalitatisque cōdicionē, ad diuos iam & immortales trāscribi sese in perpetuū cupiat. id quod nō minus plebeiis & officinariis, quā equitibus & palatinis licet, & patriciis ac primoribus. quanquam quid dico nō minus: cū sortis tam expetēdæ cōpetitores, cōditionis-que beatorū cupidos & ambiētes, exuere & abicere prætextā fastus ac superbix necesse sit, pro eaque cādidā induere simplicitatis & charitatis, ciuilis ac popularis affectu etiā habitūque demisso esse oporteat, minoribusque submisso, nō modo æqualibus: verò iure suo & loco decedere plerūque, & cōpetitoribus maiora tribuere: omnibus denique æquo animo cōcedere: & quidē hæc omnia nō sine captione modo, sed etiā optima fiūt cōdicionē. Illud verò vehemēter incōmodū accidit philosophari hac via auspicantibus, idque vicio iuris gentium euenit,

quod penè iuris naturalis vim obtinuit ante seruatoris ad
uētū, nec magnopere postea exoleuit. Nam cū in artibus
ac disciplinis humanis, inter enunciata rata atque cōfessa
censeātur ea quæ *antiquis* dicūtur, id est primæ & cōmunes
animi notiones, mentibus humanis suapte euidētia anti-
cipatæ: cōtrario cū philosophiæ, tū verò Christianismi
præcipua dictata, sensui cōmuni sunt paradoxa, prudētiæ
eo amplius vrbana à primoribúsque culta, omnino anti-
dota: cuiusmodi illa sunt apophthegmata, ex ipsius euā-
geli & seruatoris doctrina oriūda, & sapiētia cælesti: Amo-
rem sui vnūquenque deponere oportere. querendi studiū
abiicere. gloriæ odiū suscipere, duntaxat populo se & sce-
næ venditātis. à charitate cognationis, affinitatis, ciuili-
que necessitudinis cuiuscūque abdicare se, quæ quidē con-
iunctā causam nō habeat cū præceptis & interdictis hu-
ius philosophiæ. Sux sortis neminē pœnitere, etiā iudicio
hominū calamitosissimæ. ærūnosam condicionē cōmo-
diorē cēlere, è réque & salute hominis philosophi magis
esse, quàm rerū secūdarū atq; affluētiū tenorē inoffensum.
genio suo ac cupidini eorū nihil indulgere, quibus homo
carere citra noxā valetudinis possit. alienā vicē pro sua in-
iuria dolere. inimico quālibet capitali & infesto placidū
& beneuolētē sese præbere. & verò philotesiam illi, nō in
epulo modo seruatoris, (quod plariq; ad dieculā, & defun-
ctoriē facimus) sed vbicūque & cōstāter propinare, & sem-
per optima fide, quēlibet sacris iisdē initiatū, non tantū
propinquū sibi atque necessariū, sed ipsummet etiā alte-
rū esse ducere. Nihil pro suo iure agere: nihil suū esse dice-
re & propriū, omnia precaria existimare, omnia profecti-
tia & herilia, præter nudā volūtātē, in utrāq; partē ipsam
certo quodā modo liberā, nec tamē ingenuā. quin & eādē
ipsam egere adminiculo calitus aduētutio, ac præcurrēte

DE TRANS. HEIL L.

domini comitēque indulgentia & aspiratu. Tum quod longē difficillimum, & tamen in prima & summa cetera tabularum diuinarum, insignitē, & conceptis imperiosē verbis conscriptum, id omni ope facere, dei vt amorem summum sic homo suscipiat, nullum vt locum vlli alii desiderio, ne sui quidem charitati relinquat in præcordiis suis: quo minus totus esse in eo amore, hemioliūque conetur omnium aliarum rerū amorem, voluptatem, ambitum, cupiditatē, lorarios dæmonis spiritus, licitorēque esse credere. Denique crucē seruatoris, crucem (inquam) & supplicium domini, cultus & reuerentiæ causa nobis sæpe nominandum & prædicandū, Pythii illius & Cræsi diuitiis, Persarūque opibus celebratis anteferre. Ob ipsius admirationē & cultum nihil in numerato: in spe omnia habere velle: præsentia deo eidemque domino fœnerari: pro iis futura ab eo stipulari, quæ cētuplicatō redeat, quæque optimo iure atque inusitato apud homines, in cælo possi deat olim. quod genus eos demū manet, vt oraculis testatum est: aut eos quidē certē, certissimē & copiosissimē, qui tolerantia philosophicā fixa fide nitentē, per omnes vitæ actus approbauerint ipsi domino huius sectæ auctori, præmōstratori, & præitori: quique ante extremū vltimi actus plaudite, nec lassescere cœperint ipsi, nec animo labascere. Huiusmodi dictata sunt antistitis ipsius cœlestis sapientiz, ex cuius vnus officina homines iusti & sapientes exiunt: talisque erat eiusdem sapientiz subantistes, qui Colossensibus scribēs, acquiescere sese ait cum latitia in vexationibus quas perperiebatur: cum reliquias oppressio-num Christi ecclesiæ capitis in carne sua exhauriret, pro ipsius corpore, quam ecclesiam vocat. id quod pro modo gratiz ipsi Paulo datæ cum fecisse intelligimus. Neque enim dominus in sua ipsius tantum carne, sed etiam

in dectorum suorum passus est, & ad extremum vsque passurus, in quibus regnum suum constitutū voluit. *ὅτι ἡμεῖς πάντες ἐν αὐτῷ ἐσταθήμεναι* (inquit) *τὰ ὑστερήματα τῆς ζωῆς τῆς αἰωνίου* *ἐν τῷ σώματι αὐτοῦ, ὃ ὀνείριον ἡ ἐκκλησία.* Quibus verbis significat, vt Photius auctor est, nos omnes eo nomine debitores esse Iesu Christo, oportereque singulos, pro captu sui quenq; moduli, & vniuersos eodē genere id debitū dissoluere. tā-ctū persolui nō potest *ἄλλοθεν* alienū, quod ne ecclesia quidē vniuersa soluēdo est, id est corpus suo capiti. quod *ὑστερήματα* vocabulū significat. Natura enim humana sua-pte origine rea & obnoxia quālibet oppressa, æquare tamen nō potest suppliciū domini infontis vsquequaque. Quod igitur & sigillatim & vniuersim patitur, passa est, passurāque est electorū vniuersitas, *ὑστερήματα* est passionis domini, vt Photius intellexit. Verum hæc atque alia eiusce-
modi paradoxa, Christiana cōstituit philosophia: vt pa-rens ipsa hominum renascentium, ita sensus & prudētiæ communis in diuersum innouatrix. Quæ nisi plena fuisset numinis præsentissimi, nunquam hæc certē aliāque eorum cōsequentia, tum in vulgus, tum ad primarios ordines promulgata, vbicunque approbauisset terrarum atque gentium (quod factum esse nouimus) quantumuis idolatriæ opinione imbutarum atque polytheiæ, adde etiā voluptati & sensuum indulgentiæ nihil non tribuere assuetarum. Passim autem eadem philosophia legem nouam, inauditam & admirandam suasit, immo verō legē summam, iure iam à principio gentium antiquatam, abrogatam, interlitam, obliteratā, quam charitatem vocauit. Hæc lex quam rectam rationē appellare possumus, in homine quidē imbuto supradicta pietate: hæc inquā lex omneis mortales in familiā seruatoris ascitos, æquo iure esse cēsuit, dūtaxat adoptionis iure: vtpote vnus & eiusdē

DE TRANS. HELL.

domini imperio interdictoque parenteis. inter eos etiam necessitudinem germanitatis mysticæ intercedere, qui eodem parente sese genitos recordarentur, eodémque vtero editos dilectissimæ Christi sponsæ, mira fecunditate diuinitus donatæ. O rem stupedam, ò plenam numinis præsentissimi. profecto omnem superat admirabilitatē, tantam fuisse auctoritatem, eam facultatem, id numen legis euangelicæ, leges vt naturæ, vt iuris gentiū, vt iurium ciuiliū & municipaliū in cōmuni sensu gentium vniuersarum, omniumque nationū, incisas tot sæculis, humanæque prudentiæ atque etiā philosophiæ inustas, nō modo passim abrogauerit, ac per omnes ordines, classes, sexus, atque ætates, sed etiam deleuerit & absterferit: quod quidē certē ad eos easque pertinet (quæ innumerabilis est multitudo) quos quæque per singulas nationes pignerari, per omnes ordines deligere prouidentiz visum est, vt adoptiuos liberos seruatoris, vt in album illud æternum relatos diuinæ præscientiæ. Quænam fuit autem illa vis tanta, vndenam ipsa enata, quæ & viriles & fœmineas mētes, seniles iuxta iuuenilēsq; robore inuictō indomitōq; firmavit? quæ huiuscemodi persuasionē pietatis dilectos illos suos imbuit, tinxit, inebriauit, etiā in Aegypto metropoli impietatis: vt parentes, vt pignora charissima, vt coniuges dilectissimas, vt facultates: denique vt vitā, mortē, & cruciatus maiores humana patientia pro nihilo duxerint, præ amplexu Iesu Christi pro nobis in crucē acti nempe vis illa fuit: illud fuit crucis numen præsentaneū. Crucis(inquam) illius & supplicii, tanto post honoratissimi futuri omnium insignium, atque augustissimi, quanto ante Christum in id lignum sublatum, fuerat suppliciorum omnium teterrimū ac detestabilissimum. inde enim gratia cælestis largitiōque inexhausta vt ē perenni fonte

cælestis munificentia manauit, qua Christus tyrannidem principis mundi dissoluit. At quàm præsentī, quàm efficaci, quàm manifesto dei numine eos esse afflatos, perfusos, suffusos offusosque oportuit, qui vitæ immortalis atque beatissimæ adipiscendæ, certam spem & exploratam, in fide & institutis Christianismi, atque in pollicitatione seruatoris ipsius positam esse cernerent? ecquis eorum sensum eiusmodi tum fuisse dubitat, cum Phalaristarum minas carnificinâsque spernerent, vt seruatoris elogia ita ipsis viderentur axiomata fide digna, vt prænotiones illæ quæ vocantur, iis qui mathematicis argumentationibus studere instituerūt? probè enim beati illi animi intellexerunt, morte Christi filii dei, elatum esse imperium & principatum præsulis tartarei, quod quidem ad filios dei pertinet, qui regnum dei verbo & voluntate flagitant & expetunt. Cum natura autem humana in huius vitæ mari naufragium fecisset calamitosum, ob iactum simplicitatis nudæ atque apertæ, culpa primordiali, diuque ea calamitas homines sefellisset in tenebris versantes diuinarum rerum ignorantia, sub extremum sæculorum (vt creditum est) & mûdo iam vergente quasque præcipiti, salutare lumen vitæ, plaudendumque nuncium salutis ipsa mundo, & seruator deus ac liberator attulit, naturæ in integrum aut paulo minus restituendæ. Hunc nunciû cælitus delatum, euangeliû scriptura appellauit, nomine sanè pleno fausti ac felicitis ominis. Quo lumine doctrinæ, salutis auctor Christus & conditor, cui eam ob causam euangelia debemus in perpetuû & agnoscimus, cum discipulos suos præ lucere mortalibus totû per orbem tenebricosum iussisset ac docuisset, ipse in cælû denuo suapte vi euolauit. Dein iam pace (vt dicitur) per spiritû subinde cælo delapsus, tradita affectatoribus illis suis, quos sibi ad tantam pro-

D E T R A N S . H E L L .

uinciam totque prouincias legauit, per orbem terrarum sparsas, iis tamenli incommittatis & expeditis, nihil tamen aliud nisi Pithò cælestem dedit facundiam illis in re præfenti, securis, nec antè meditatatis, cū persuasione stabilissima abundè largituram. Ex eo igitur iam tēpore reliquæ è naufragio delectæ, indolem asseruantes gentis Abrahami darū, per tot ætates, eadem duce philosophia comitēque recolliguntur, tanquā ad ipsam salutis lampadē lucentissimam: quoad numeros ascriptitiorum, cælestique coloniæ & sempiternæ destinatorū, diuina impleuerit prouidentia. Quem in diem, decantatam illam rerū vicissitudinis temporūque clausulam, æui etiā æterni ac beati auspiciū & initiū, Christianismus cultoribus sui præstituit atque pollicitus est. Proh diui immortales, obsecro vestrā fidē, cū hæc quæ ego dixi, certiora certis omnes esse dicamus: plerique verò (vt opinor) ducamus & credamus: cur vndique nunc itur in mundi obsequiū, inimicum legis euāgelicæ? eleuatorē cælestium auctoritatū: abrogatorē æternarum sanctionū, numine manifesto multifariam cōfirmatarum: tum etiā senatus consultis receptorum prudentiæ atque religionis ætatū sanctissimarum simul & consultissimarum: huic certe domino populi & magistro ita parere, ita se probare ab incunte ætate solertissimus quisque contendit, quasi & vitæ & necis potestatem habeat. an potius quasi hominum productori atque fortunatori? O, stultitiam meram, quæ frugalitas certa putatur & prudentia. At huius plani atque circulatoris, hominum (vt stulti putant) expolitoris, eā esse improbitatē atque petulātiā docet philosophia, quā propter nunciū ei remittere prudentia, cōditionis suæ non nescia, debeat, in montēque sacrum è medio secedere, atque ibi ad studia incūbere ab eo diuersissima. Verū cum historię doctrinæque serua-

toris, fides & auctoritas, in opinionem & prouerbum venerit, ut cōpertissima, ut testatissima, ut consignatissima, ut numeros omnes denique veritatis & sapiētiae complexa: quid causae est, quin stupidi, quin torpentes, quin excordes simus atque excordes, qui monstro tot capitum ac sine mente, morem gerere, cum eo gradum conferre, in tenebris vna micare (quod aiunt) & euagari, certo tantoque cum discrimine, nō horreamus? faciem autem illam ducis philosophiae, sacram & luminosam floccifacere, ad portum praelucentē beatissimae tranquillitatis? Nam quis inficiari audeat, si paulo instes acrius, cum tantis fluctibus affectuum, cum tam turbulentis iactetur aestibus cupiditatum vita ciuilis atque in medio posita, idque nemo ferē intra pomœria natus orthodoxiae, nō agnoscat, non fateatur, non queribundē saepe dictitet, solem tamen ipsum salutis, Phoebum illum sapientiae, qui nobis assiduē radiis mirificis sacrosanctae disciplinae prae lucet: sidera etiam ipsa ecclesiae dei sponsae, sanctarumque animarum luminaria, ab ipso illustrata, à multo maxima parte nostrum neglectim obseruari? adde si placet vel meo periculo, eorū quoque bona parte, vel deterrima potius, qui rerum diuinarum fidem, aeternaeque immortalitatis expectationem, tenere, tueri, ac circumferre debent, & verò qui in sinu refouere & vegetare Christianismi religionem semianimā, existimari volunt, charitate feruente. atqui nemo erit (ut arbitror) inficiando, qui quidē se in oculis dei meminerit conceptis serium in modum verbis, assueuratione adactū esse, tametsi non iurata. Quid igitur hic causabimur? cur omnes animae facultates pedibus eunt in sententiam istius, quē cōmunē sensum dicimus: atque ab euangelii auctoritate disciplināque desciscunt contra pactum adoptionis? cur cum tantū famae ac venerationis omnium consensu

DE TRANſ. HELL:

habeat euangelium, tam parū fidei habet in cōmērciis ciuilibus, tam parum obtinet auctoritatis in vita instituenta ad præscriptum cōmunis prudentiæ? At dictata eius & consilia sufficiunt subsidiis ac præsiidiis parandis atque expediendis ad casus omnes qui imminēt humanæ conditioni. Cur igitur multitudo ciuilis consiliorum suorū summam, ac suæ mentis thesaurum, in prudentiæ cōmunis præsiidiis, multo amplius ac libentius, quàm in fidei fano deponit? Vtrū quod doctrina ipsa Christi, quæ quotidie auribus nostris inculcatur, quæ oculis incurrit, numen illud suum amisit supradictum, quod tam luculentas quondam strages impietatis inueteratæ, inter innumeras gentes edidit, barbaras quasdam ipsas & bardas, quasdam etiam semiferas, & tanquam androsphingū potius quàm hominum, si quidē mores & ingeniū, non faciem tantum spectasses, sermonisque cōmērciū? An diuorum exempla tam multa, tam mirifica, qui vadimonium capitale cupidē, certatim, turmatim, agminatim pro Christo obierūt, vt multis & summis auctoritatibus testatum est & consignatū: externis quoque testimoniis congruē accedētibz, non eosdē (vt ita loquar) radios veritatis, aut eiusdem splēdoris, nunc vt olim asseruāt? At si hoc esse fatebimur, vnā quoque necesse est vt fateamur, nō vetustatis situ id contigisse (seniū enim res huiusmodi non sentiunt) sed oculorum humanorum vicio, qui obtueri tantum lumē nequeunt, quod tempore & situ xui, splendoris incrementū accipit. Ex quo fit (credo) vt quasi deo cōnuētē, aut minus iam res humanas arbitrante, vita sibi indulgeat, vcluti sublata legis diuinæ seueritate, aut sensim defuescente, cuius ætates illæ heroicæ, sanctiorum exemplorum soccū dæ, gratiam sibi met ipsæ ducebant nec faciendam nec obtinendam. Quasi verò edicta cælestia interdīctā quæ quan-

gelica, ætatem ferre tantam non potuerint, vt sanctiones principum, vt scita populorū, vt mores emēdati & inculpati, qui vix sæculares esse soliti sunt vel lustrales potius. Basilius cognomēto magnus in quadā epistola, Mandata (inquit) euangelica, nec interuallis temporū, nec rerū humanarū inclinationibus cedūt, sed perenni tenore eadem ad posteritatem manant: qualia semel ore ab illo promulgata sunt veraci, beato, & immortalī. homines verò nubi- bus similes sunt, quæ pro tēpestatū varietate, nūc in hac, nunc in illam cæli partē feruntur: ii vtique maximè, qui animo versatili & sententia euariante ducūtur. hætenus ille auctor, religionis rectæ prudentissimus. Sed ne sit tanta censura talisque iudicii diuini, quantam & cuiusmodi monumēta ipsa testificantur, quæ nō dubio numine clāro consecrata sunt: ne sint supplicia peccatorū tam atrocia, quàm sæcula innocētiora esse perhibuerunt, quando iam nescio quid eiusmodi nobis incuria salutis quā præferimus, promittere, diraque securitas futuri æui videtur. demus etiā si fas est, hoc deterioribus iam sæculis, & fortasse deterrimis, permittamúsque nobis multo liceri minoris præmia cælestia, atque immortalia, quàm quāti discipulis suis Christus cælestiū & terrenorum potens, & superūm atque inferūm, indicauit & addixit, cohortique vniuersæ contubernali suæ, atque eius asseclis & comitibus. quid tū? Num etiam persuadere nobis possumus, homines earum rerū cupidissimos, quas deus inter homines agens, procul contubernio suo & comitatu cū detestatione amolitus est: homines (inquam) hic beatos, & affluētes omniū rerum copia: in earumque possessione animo acquiescentes: vnāque deliciarum aucupes: aut qui eam vitæ condicionē exoptent & persequantur omni animi contentione: animas denique secundis rebus atiles & sanctas,

D E T R A N S. H E L L:

sublime: hinc abituras post obitū credemus lege ab euangelio legislatore promulgata, ac sanguine suo sancta, quæ tamen vna lege possumus? Neque enim dominus noster, cum familia illa sua sodalitia, quæ facultatibus suis omnibus pignoribusque cessit, cum sese daret in eius clietelam & comitatū, alioqui etiam fidissima & obsequentissima, tam dura condicione egit: & cū ætatis nostræ hominibus cōniuentibus oculis acturus est, indulgētissimoque dominatu. Neque cohortem illam domesticam, & peculiariter euocatam, sequi vestigia sua voluit, conceptisque verbis sanxit, egentē ipsam & ieiunam, exuccam & exanguem, ac magnam partem cruētam: & nos tanto interuallo ad idē quidem sacramentū vocatos, cæterum exemplo longē diuerfissimo, solutissima militia & luxu prædita dignos esse censuit, vacatione fruētes operis faciundi. Neque verò priuilegiū latum apud superos de quoquam audiuius, ne vno quidē, lege vt diuina, vt sempiterna nō teneretur. etsi multi diro errore ducti, solutos se ipsa arbitrantur quadam prærogatiua fatorum benigniorū, rerūque ad votum cedentium & secundarū. Nimirum multi mortales funeribus elati splendidis, opiparis, & interdū symphoniacis, sic beati hinc abeūt, vt principes olim Romani, sæuitia & impietate insignes, inter diuos referebantur, specie quidem illi visenda spectandaque popularibus: cæterū ridenda miserandaque prudentibus. Hic fortasse reclamatur ab his, qui inertix blandientes nepotinxque licentix, quorundam nunc hominū auctoritate confidentius abutuntur, non indoctissimorū. Quorum verba ediscentes, quæ nuper exierunt, pro oraculisque citantes, sententias fortasse partim negligunt, partim non intelligunt. Quasi verò operum vacationes virtutumque largiri consentaneè possint, qui fidei iustæ vt iustificæ, primas & se-

cundas apud Christum seruatorē, tertiāsque tribuūt. Age num copiā, num opes, num bona quæ vocantur externa, ea condicione possidentur: sic cumulos hominēs felicitate beatōsque efficere possunt, iis vt bona æterna illa qui dem, ac mentis humanæ captu maiora, sed tamen futura, & in spe tantū posita, mutanda sint? At sola ipsa explere desiderīū animorum auentium, certum est inter homines sanæ mētis. Atqui si in harū rerū perpēssione accurataueri nobis aliquādo vacarit, in mentēmq; venerit: nihil tā in causa esse perditæ incuriæ bonorum & malorū extremi reperiemus, quā labantem ac vibrantē fidem historiarū sacræ doctrinæque diuinæ. tæctsi ò superi, ò seruator, rem miseram, culpam fœdam, atque inexpiabilē. Scripturæ & oraculis credimus hæsitabundē, multis, magnis, solidis, irrefutatis auctoritatibus, exemplis variis ac mirificis sic confirmatis, nihil vt iis esse possit consignatius & cōpertius, rerum quidē certē intellectu iudicioque interiore cōprehēdibiliū. Etenim vrbana multitudo & ciuilis cōuersatio, errorum omniū magistræ, docent nos in perditis vitæ rationibus, subsidiū mutuari tristi ac trepidæ cōscientiæ, ab disciplina Academiæ, ne pro certo quippiam habeamus, corū etiam quæ de superis inferisque naturis oracula prodiderunt. At perpurgatis auribus initiatisque esse oportet, à multitudinisque malè sanæ auscultationibus integris, qui mysticæ doctrinæ studere cōstituerit, etque assensionem semel accōmodare. Nam si fides labat, charitas protinus tepeat necesse est. at verò sine ea operā & oleum huius studii perdere nos nouimus: ita spes languabit & vanescet, & frustra tandē erit & laborum & contentionis summa. Hic tu quid respondeas, si te ita affectū sacra philosophia vt discipulum suum roget? Heus tu litterarū hæcenus cupidissime, est aliquid quo tendis, & in

DE TRANS. HELL:

quod dirigit arcum? An passim sequeris coruos testaque,
 lutoque, Securus quo pes ferat, atque ex tēpore viuis? Cer-
 tē aut tecum ipse quisquis es literarum amantissimus, aut
 mecum ego potius ita loquar necesse est, quasi per paro-
 diam, & verbis illis utar Satyræ. Quidnam igitur miser
 ex cultu pietatis & philosophiæ expecto? Immo verò si
 nihil pensi rerum æternarum habemus, aut si ambiguum
 quippiam & alternans habemus: quò tandē nobismetipsis
 negociū exhibemus in Hellenismo, & ad philosophiam
 incumbimus, quæ meditatio mortis esse dicta est à Plato-
 ne? An expectationē illam tandem cælestis fructus & sem-
 piterni, quē tertio quoque verbo quisque nostrum usur-
 pare in sermone solitus est, quē nobis, quem liberis, quem
 coniugi deamata, quem amicis, ac de nobis prolixè merē-
 ribus, libenter ominari & exposcere diuinitus gaudemus;
 tanquam nucem extrinsecus nitentem, intus forsan mar-
 cidam, asseruare in sinu nos putamus? Miserum me si ita
 est, atque etiam nefariè ter miserum, qui aliud de re tanta
 sentiam & pronunciem. Age verò, quidnam causæ esse cē-
 semus, quòd cum longe maxima pars hominum, in tanta
 vitæ securitate degamus, mortisquæ sempiternæ: vix tamē
 decimum quēque videmus vel in morte placida, vel in
 morbo tumultuoso, nō vehementer trepidare, venturūque
 æui recordationē quasi deprehensum perhorrescere? Quid
 quod facinorosi homines, & ter atque quater ausi capita-
 lia: aliique qui in summa obliuione & incuria æternita-
 tis vitam egerunt, ad vadimonium mortis præsentaneum
 & post spem vitæ conclamata, in cælum supplices suspi-
 ciunt: deūque miserabiliter diuósque tanquā in tumul-
 tu aut naufragio, inuocant? Nempe quòd sensuum ludi-
 briis, quasi nebulis quibusdam à principatu animi tum-
 didicatis atque abscedentibus, lumen statim veritatis vali-

diore appulſu incūbere animo ipſi incipit: intellectūmq; ad contēplationē earū rerū ciere, quæ impēdēt iā propius, & veluti capiti incubāt animā agentiu. Simul numen veritatis ſuapte vi tunc in mētē inſinuat hominū, niſi ſi qui ſunt torporis cōclamati, qui callū iam obduxerit eorum præcordiis, qui pauci ſunt. hoc enim nō niſi planē excor- dibus euenit, vāſanāque rerū æternarū incuria correptis. Iccirco acris & ſtrenua futuræ omnino rei anticipatio, ad mortis cōmētationem nos perducere debet, vt ſemper appetētis, cū iā dies eius ceſſerit. Hominē autē eo amplius philoſophiæ ſtudioſum, in rem præſentem ſiſtere, vt immortalitatis in vtranq; partē conſciū vberiore fide, & per ſuaſione nō labāte. Sic enim fiet vt terrore mortis animus per totā vitā vacet, qui vulgo moleſtus eſſe ſolet, animo- rumq; cōſtātiā frāgere. Cūmq; vaſa mortis cōclamata fue- rint, quod ſæpe magna cū trepidatione vſuuenit etiā non quibuſlibet: animus ſemper ipſe in ſtatione ſua excubans inueniatur, ac ſēper apud ſe ſit. Vt deniq; ſibi met homo ip- ſi in articulo rei ſūmæ, atq; in vltimo diſcrimine nō deſit, in quo ipſo ſūmæ actionū omniū, cōſiliorūmq; & ſtudio- rū vertitur: quippe vbi cū hoſte perpetuò certamen in æuū decernitur, eodēmq; infeſtiſſimo. Ecquis autē nouit an dei placabilitas, quāquā aditu ſēper obuia ac facilis, blāda etiā ſui in vita, benignāq; exhibitrix, in ſera illa tumultuariāq; poenitētia, nō tā mœſta ob admiſſa, quā pauore perſuſa: miniſq; fati imminētis expreſſa, Atropi ſeſe germanā oſtē ſura ſit: O ſi id euenerit, miſeras ac perditas ærūnoſæ vitæ rationes, & pudēdas poenitēdāſq; iis maximè atque impri- mis, qui beati & affluētes fuerūt, titulōſaq; & grādī nomē- clatura illuſtres. Quorū memoria extructis altē monumē- tis, cū elogio vitæ, longē latēq; cōſecrata, atq; in multa vi- tæ ſæcula propagata eſt. O nubē erroris dēſiſſimā, o caligi- nē hominū cæcatricē, qua vita obducta eſt in medio po- C.i.

D E T R A N S. H E L L.

sita, atq; in celebritate hominū, vt malè olim & præposte-
rè lucē Latini hanc vitā appellauerint. Deus optimus, ma-
ximus, genus humanū ad imaginē suā factū, seruātū quon-
dā volēs, vicēmq; eius dolēs & miserās, vt in tenebris insi-
piētīæ diræ & infaniæ, ad internicionē præcipitā tis popu-
latim atq; cōferctim, filiū vnicū, æqualē sibi æui æternita-
te, cæterāq; omnia parē, humanitatis plenæ velamēto cir-
cundatū, ad homines ipsos cū mādatis liberis liberōq; im-
perio legauit: tāquā Mercuriū quēdā futurū, interpretēq;
commerciī cælestis & sempiterni. Is nasum sapiētīæ veræ
ac diuinæ, mirabilē atq; memorabilē nobis cōdidit, aduer-
sus prudētiā cōmunē, sapiētīāmq; hominū quālibet præ-
dicatorū natura præstāti & eximia. eius porrò aduētū & di-
sciplina factū est, vt Hellenismi philosophia, quæ emun-
ctissimæ naris antea atq; sagacissimæ, esse sibi omnibusq;
videbatur, fastigiūmq; humanæ mētis deo propè æquipe-
rasse, mucosissimam adhuc esse ipsa se fateretur. hoc nihil
vnquā maius atq; admirabilius, aut fecisse deū aut facturū
esse, humana intelligētia concipere aut cōminisci potest.
Huius miraculi cōmētationē animo aliquando philoso-
phico, eiusmodiq; beneficii diuini memoriā, cuius etiam
homini sæpissime excidere, qui quidē per imperitiā rerū,
rusticitatēmq; plebeīā, non impediatur rē ipsam animo
versare & perpēdere, sceleris instar est profecto ingentisq;
piaculi. At quotus quisq; nostrū, in tāta studiorū varietate,
vel ad literarū cognitionē, vel ad quærendi possidendī-
que auiditatem, vel ad ambitum incumbentiū, vel ad sen-
suū delinimēta pertinentiū, ad succisiuas saltem horāsne
dicam, an horarum quædā momenta, raptim ac defuncto-
riē succisa, in iis æstimandis & cōsiderādis bona fide oc-
cupatus est: cū interim totus sit, nō in legitimis modo se-
riisq; cogitationibus: sed sæpe nugatoriis, & nihil ad sum-

mā institutæ vitæ pertinētibus? O dirā animorū torpedi-
nē spē prorogādæ vitæ: quæ nos à cōmētatione harūce re-
rū & similiū auocat. digna certē ipsa quā propter veratrū
(vt dicitur) albū sumptuari debeat: quippe cū mēs huma-
na tū maximē ab infania liberāda sit, quā atrā bilē Græci
vocāt: cū rationis certamē sensuūmq; cōmittitur, aduersa
riorū acriū & pugnaciū: id quod euenit quorū philosophia
copias suas instruit, aduersus dictata & præcepta ci-
uilibus prudētiæ, sensusq; theatri. Cæterū Christū suū cha-
rissimū deus, ideo ad orbē terrarū descēdere è cælo volue-
rat, vt homines veritatis inuestigādæ mirabili studio præ-
diti, iidēmq; luculēta erratione, ac deuia indagatione alio-
rum abducti, in viā tandē redirēt ad veritatē ipsam ferētē,
indēq; in cælū spectātē, rectāq; pertinētē. Eius igitur adue-
tu & magisterio factū est, vt enūciata diuina, oraculorūq;
proloquia, ac vatū sanctissimorū prædicta, cælitus olim
edita, lōgo interuallo homines primū pauci intelligerēt,
futuri paulopost populi præceptores. dispulsa enim opor-
tuit crassam rerū diuinarū ignorationis nebulā, quā orbi
terrarū offuderāt stygii Protei præstigiæ, qui circulato-
ria ludificatione præstringēs oculos mortaliū, eos in terrā
cōuerterat, ne sursum aspiciētes, trās cælū perspicērēt. Quā
in pestē incurrēs prisca philosophia, ea sibi tandē munia
arrogare ausa est (vt est insolētia) quæ diuinæ sunt pote-
statis atque efficiētiæ: in veritate interim persequēda & ve-
stigāda toto ipsa cælo aberrās, vt est in proverbio. Proinde
cū manifestū sit nobis, quòd sapiētiæ humanæ orbitæ,
cōmētationisq; philosophicæ vestigia, in ambages quodā
ferebāt, procūlque nunc abducūt studiosos sui, atque auer-
tunt à cælestis disciplinæ methodo, cuius Christus seruā-
tor mortalium, auctōr & præmōstrator fuit: aliam nobis
viā incundū est, ducē etiā sequēdū orthodoxiā, cuius vtique

DE TRANS. HELL.

doctrina tanquā amissi vrēdū est ad dirigēdas orbitas ^{arri}culi philosophici. id quod viri olim permulti doctissimi cū Latini, tū verò Græci fecerūt. Et quidē absq; doctrinæ diuinæ lumine, sine oraculariū monumētōrū adminiculis gratiāque inde manāte paracletica, nihil est opis in sese mortali prudētiz, dūtaxat ad semetipsam in calū erigendā, ad viamq; capessendā ad summū bonū ferentē, qui scopus est philosophiæ: quippe ad æterna cōtēplanda suapte vi caligātī & hallucinatrici. cū etiam alioqui rationis (vr ita dicā) frenos, humanitatis efferatæ petulātia, virtutisq; lupata duriuscula, nequaquā prius æquo animo libentiq; acceptura sit, quā diuini numinis reuerētia, spēsque sempiternæ beatitudinis, intrō ipsa inseruerit. Ad summā si adurgere nosmet ipsos ratiocinando institerimus, necesse est, vt opinor, ista reciprocari, Si doctrina seruatoris euāgelii, auctor est & magistra veræ & insontis ac perpetuæ sapiētiz (quod nemo tā perditæ mētis est, quin protinus ponēti assētiatur) germanā vtiq; stultitiā fateri oportebit disciplinā hāc esse tēporariā & sæcularē, à cōmuni sensu gētiū oriūdā, quæ civilis est vrbanaq; prudētia, quatenus quidē certē diuinæ opposita est per lineā (vt aiūt) dimetiētē. Et si partes omnes veritatis habet illa (id quod in prouerbium receptum est ratæ fidei apud omnes, quodque instar habet axiomatis) nimirū hæc omneis habet numeros falsitatis. Age, si illa sacrarium est ipsius veritatis (quod in confesso est vbique gentiū Christianismi retinētium) in hac vtiq; cōtinuò fatendū est, vanitatis esse diuersoriū. Deniq; si illa salutaris est, ac sūma veneratione digna (id enim nemo inficias it) hæc cōtinuò exitialis videbitur & planē detestāda, si quidē hāc tute institeris cū illa cōtēdere. Iam verò si ne præsentia quidē perspicuè cernit animus, nec futura præagit cōmodè satis & tēpestiuè: vt qui tene

bris obrutus sit stolidarū opinionū, certe ad doctrinā illam numine afflatā & cōsecratam adeūdū est, vt ad lumē certissimū atq; saluberrimū. Verū ò mores incōsultos & prapōsteros: cū ipsa sapiētia monumēta in manibus habeamus: cū in precationibus atque ceremoniis quotidie recitētur, quas maiorū placitis & exēplis frequētari ab omnibus institutū est: denique cū veritas ipsa auribus nostris identidē vltro semetipsam inculcet: quotus quisq; nostrū inde abiēs, corū quæ audiuit, ad vesperū vsq; meminit: meminit dico: immo verò quis satis attētē auscultat, interim dū veritas ipsa atq; sapiētia, quasi cū populo, cū patriciis, cū omni ordine agit, præceptaq; sua ē suggestu, monitāq; ingeminat? Quis verò animo adest præsentī & cōtento, quod nisi res alias interim aliāsq; ageremus, inter cælites ipsos vtiq; versari tātis per videremur: dū verba sacrosancta legūtur & palām pronūciātur: dū tanquā oracula indubitata fundūtur: partim ore dei prolata, eiusdēmq; hominis: partim ab entheis vatibus multis antē sæculis tū mirè prænūciata: tū cōgruētissimè iis quæ ab ipso gesta sunt inter homines & exāclata. Videlicet hoc illud est sermone diuino significatū: aures plāriq; nō habemus audiēdæ sapiētia, veritatique exaudiēdæ. At oracula cælestia numen suū nō perferūt, cū in aures insinuāt tātis sacramētis quolibet modo inauguratas, & more trāslatio. Nā nisi torpēt cælestibus promissis & interminationibus auditū habereamus (& præmiis enim & pœnis lex diuina sancta est): ecquis tā perditū est animi, ecquis socordia tā deploratā, quin pauore interim tremorēq; perfūderetur? Nūc cū Christo quotidie auscultare inter sacra soleamus, præmia ac supplicia, tāta in vtrāq; partē, eadēmq; sēpiterna pronūciāti, inde nihilo secius abimus tū hilares, tum vultuosi, propter res nobis natæ sunt, studiis nostris atq; desyderiis aut aduer

DE TRANS. HELL.

ſæ aut ſecūdæ. futuri interim ipſi xui & perpetui, & cæli iuxtà tartariq; ſecuri, aut ſecurorū ſimillimi, præ ſtupore mentiū. Hic facere nequiuī cū minimè id affectarē, quin paulū digrederer ab inſtituto curſu. veritus ſum enim præ uariationis crimē, ſi id ſilērio prætermitterē, quod incur rebat in ſtilum: etſi ruruſ vereri ſubiit, ne vlcuſ tetigiſſe incōſultè viderer. Quare vt alternātibus ſentētiis aliquādo defungerer, hætenuſ periclitari ſtatui, vt ſpecillo magis quàm vngue vlcuſ atrectare auderē. nā ſcalpellū adigere tā luculēto parētis cōmunis abſceſſui, nequaquā filii eſſe duxi, qui infirmitatē manuſ ſuæ atque imperitiā noſſet. at fomētū admouere nō ſuſtinui, ne aut frigidū iudicaretur à lectoribuſ, aut fortalſe præcalidū, quod nō minoris eſſet culpæ. Verū enīmuero cū ad vitā agēdā duāſ viaſ diremerit atque inſigniuērit doctrina euāgelica, ſalutiſ alterā & immortalitatiſ beatiffimæ: alterā internicioniſ æternæ, ac ſpei proiecțiſſimæ: earū in dieſ diſcrimen magiſ ac magiſ fugit, cū tamē luculēta ſit orbita intermedia: ac tātū inter ſe diſtent, quātū fineſ & extrema bonorū & malorū. Plærique autē mortaleſ non intra viam à Seruatore ſectā, ab eiūſque diſcipuliſ atque eorū ſequacibuſ cōplanatā: ſed in ſpatio cōtermino vel potiùſ cōtrouerſo, viā facimuſ: ſecuri quo peſ ferat, vt ſuprà iam dictū eſt. Eorū autē minimè nunc meminero, qui per orbitaſ trāſuerſim exultāteſ, horſū illorſumq; qua ſaſ, qua nefaſ expatiātur, ſoluti metu legiſ diuinæ & immortalis: Cuiuſ ſanctio quālibet prolixè cōcepta aut minaciter: nihil tamē impræſeſ ſpondet atq; interminatur. Cæterū nō pauci ſunt, quātū cōiicere licet, qui libertatiſ diſſolutæ placita cōprobāteſ: nūc in hāc, nūc in illā cauſam academicorū more trāſcūteſ nulliuſ addicti iurare in verba magiſtri. Quod inſtitutū vitæ nuper cœpit longè luculentiuſ quàm pridem, impu-

dentiúsque inualescere, nouarum opinionum occasione,
 quæ magna ex parte cupidius exceptæ vt festiuæ, quàm in-
 telligentius, vt ab imperita multitudine, fraudè capitalem
 creauerūt corporibus atque animis multorū mortalium.
 nempe quasi præconiū gratiæ euangelicæ, quæ legis ser-
 uitutē disciplinamque obnoxiam excepit: non ad pileum
 mortales inſontis vitæ & abſtinentis: sed ad licentiā quā-
 dā vocarit Saturnaliū & Florialium. iuſtitium etiam pla-
 nē indixerit antiquatis legibus ac moribus, quodlibet æta-
 tū conſenſu probatis & receptis, & verò ætatum ſanctiſſi-
 marū atque doctiſſimarū. Hæc manus primū tenuis & ob-
 ſcura, ſenſim duces habere cœpit & ſigniferos armis in-
 ſtructos doctrinæ & faciendæ. Sed vt eſt temeritas multitu-
 dinis, quadrato penē agmine vel incondito potius, partes
 facere longe gentiū auſa eſt, nōnunquā inter ſe diſſentiē-
 teis. erūpunt autē in dies in alias atque alias rerum noua-
 rū molitiones: quaſdāque ſœdiſſimas & ſcleratiſſimas;
 nō iisdem tamē auctoribus indignitatū, vt ex ſcriptioni-
 bus apparet, nec iisdē voluntatibus. etſi inceptorū huius-
 modi amētixq; multorū inuidia, in eos inflāmata eſt po-
 pulari præiudicio, quorū nomina inclaruerūt in prouin-
 ciis quibuſdā, ob ſuſceptū primo facinus aut ſubſcriptū:
 quod per ora hominū agitatū eſt variis rumoribus. Verū
 id permagni & præcipue refert, quid dextro, quid ſiniſtro
 numine ſuſceptū ſit ab vnoquoque hominū, in auſis hu-
 iuſcemodi: quod dies (vt opinor) nō longa declarabit. Per-
 uellē autē vt ad res huiuſcemodi cōmētadas ſi factū opor-
 tuit, & cordi fuit prouidētix, doctiſſimi tantū vtrinq;, at-
 que etiā exiſtimatiſſimi accingerētur, nō etiā audaciſſimi.
 Eo autē res euasit partim horū cōfidentia, partim illorū
 culpa: ſumus vt apex auctoritatis, honores propē diuinos
 adeptus dicam, an meritis reorū nomine ſacerdotū, quos

DE TRANS. HELL.

sibi quondam Christus cælestis pontifex legauerat adhuc inter mortales agens: sanè malè nunc audiat ad vulgus & incommode, ne quid amplius dicam, & verò in ordinem propemodùm redactus sit sermone permultorū, & licentia temporū. Inuidia porrò vt multis olim ætatibus in vniuersum, sic nostra flagrare cœpit vehementius sacer ordo mortalium, quæ profanis ordinibus aiunt oportuisse ex instituto seruatoris præmonstratorē viæ salubris esse, atque è loco superiore designatorem: id quod inter homines satis conuenit: de eoque dènum cōtrouersia est inter eos ac reliquos omneis ordines, quòd præitores quoque eosdem esse necesse fuit, exemplisque præluere, nisi ordinis maiestatem imminuere existimari non nollent, aliisque penè contemnendam præcipua ex parte præbere. Etenim si sodales illi dominici, reliquisque Christi discipuli, quisque ab vtrisque eorū sanctissimam & germanā acceperunt disciplinam vitæ, vicissimque eam posteris tradiderunt per incorrupta sæcula, successoribus in locum suum successis, pietatis æmulatione tantam vitæque sanctitatis reliquissent, quantā exēpla, quàmque solida earundem virtutum reliquerāt: haud dubiè (inquiūt) ambitio & cupiditas summo procul essent ab aris sacrosanctis, ab earumque ministris: quæ res duæ maxime à regno Christi dissidēt. Deus in filio suo Iesu Christo, quem pontificē mundo summi dedit sacramenti, hominibûsque salutaris, cælestis etiam philosophiæ conditorē & interpretem, exemplū nouum ac mirabile statuerat, crucis suscipiendæ vnicuique mortalium, qui ipsum sequi cuperent vt pontificem, vt ducē delectæ à patrefamilia, beatissimæ illi hæreditati æternæque destinatæ. Id exemplū præceptumque, quos maxime venerari, imitari, exequique decebat & oportebat, quibus diuus ille sodalitatis delectæ coryphæus, & collegæ ipsius,

iure successorio in manus tradiderant lampades magisterii, eos iandiu ipsos copiosos imprimis factos, & quod lōgè discrepātius est. Sed præstat (vt opinor) vlcus altius nō explorare, ne immemor esse cōtestationis videar à me factæ: atq; hæc si diuis placet (inquiunt) auspiciis Christi seruatoris nostri fiunt, eiúsque asseclarū sub infulis & velamentis pietatis atque innocētiz. Id verò quàm incongruè eorum professioni, quàm absconè euangelicæ simplicitati, quàm versa vice religionis prisæ, quàm sursum denique deorsumq; (vt apud Græcos dicitur) in mores receptū sit, nullus non intelligit, & omnes vociferantur. Nam qui domini nostri quasi sub iugo traducti & furciferi (hoc enim Christus dei filius deúsque, seruandi nostri ergo & esse & videri sustinuit) tessera & insignibus, sese sacrosanctos esse meritò contenderēt & venerandos, eos conueniebat ipsos, quo similiore domini essent aut certè viderentur, parcius de genio suo cautiúsque mereri. nisi verò cōsemus. Sed rursus hic necesse nō habeo multorum sermone cōmemorando, litē meam facere ex aliena controuersia, quasi in causam subscripserim quæ parum mihi cordi est, quàmque maiore esse nō inficior cognitione mea. En quo mores (aiunt illi) deflexere ab illa disciplina hereticorum temporum, nobis quidem illa commemoranda semper & prædicanda: sed tamen vltimū à nobis, ab auis que nostris tritauiisque salutata, ac nunquam reditura. aut post insignem quandam certè reditura tabernaculi domini conuersionem, vasæque eius in officina prisæ seueritatis bona fide interpolata, magnopere vt mirari homines non debeant antiquas dissensiones in præditiis nominis Christiani nuper recruidisse: quæ vtinā dissensiones tantum ipsæ non etiam discessiones sanctæ ciuitatis fuissent, & tanquam abscessus quidā fœdi in corpore sponsæ do-



DE TRANS. HELL.

mini. Opprimi autem aut sedari vt olim, sic hoc tempore, potuerunt, non magis exercēdis legibus, pœnarūque atrocitate, quā vitæ & exemplorum æmula seueritate. At nunc eò deformitatis licentia erupit in nauicularia Christi summi exercitoris: vectores vt hortamenta floccificiāt in puppi circāque sedentiū: quando ii qui ad gubernacula summa admoti sunt, quique propius inde abfunt, obdormiscere somnum visi sunt focordia, diurnum iuxta atque nocturnum, nec minus nubilo quā sereno. id quod ipsis omnino contigisse oportet obreptione funestī Mercurii, aurea, vt est apud Homerū, virga homines improvidos exitialiter confopientis. Pars etiam vectorū nō contēnenda: delicias grauari magistrorū nauarchique supinè iacentium (vt quidem speciosè satis isti plausibilitérque, si minus verè, vociferantur) in nauigia se coniecērunt alia atque alia, derelicta & cōtempta summorum auspiciorum naui, sibi met ipsi velificantes. Quasi verò Iesus vnus ipse nauclerus (si ad verum loqui velimus) prætoriam nauem egressus, per mare iam mediū huc illūque perambulet, quocunque inuocetur gentiū subinde se cōferens cū sua nauicula. Haud ita pridem homines quosdam ingeniosos, elegantiorēque in modū eruditos, pudere cœpit (vt videtur) μυνησθ' ἑαυτῶν aut esse aut videri. qui quāquam consilii sui causas, sane quā speciosas, in medium attulerunt (quarū illis copiam, hominū literas bonas linguāsque ignorantīū improbitas largita est: quippe iure atque iniuria quædam inueterata tueri, eadēque ridicula, auctoritate sola, famæque elogio obstinantium: id quod nullis fideculis exprimi potest ab intelligentibus) quanquam igitur illi vt scita acroamata, plausu primum multorum excepti sunt, tamē obliuisci non debemus, parentē illam nostram, tum innumerabili, tum beatissima

prole fecundam, eoque nomine sponso suo dilectam & comendatam, salutare methodum, non ipsam à semetipsa, non ab humano magisterio, sed diuinitus edoctam esse. Verum ^{τὸ δὲ δεξιὸν ἀπὸ τοῦ αἰσίου} fortasse videbimur: cum utrique apud se se parētis esse domiciliū certum cōtendant, & alteri apud alteros simulachrū esse tantum sponsæ dominicæ pari fiducia dictitent, non item pari æquitatis speciei: & quidem utrinque non studio partium fortasse minus, quàm charitate certatur reponēdæ in artus suos disciplinæ prolapsæ. Est etiam ^{ἐν αὐτῇ} in partibus id incōmodum, quod homines quidā existimatione freti longo usu quæsitæ, titulōque inani, magis quàm solido iure parta: omnia dei ac pietatis Christianæ causa, facere se aut simulant, aut parū potius perhibentes persuasibiliter, ius oraculorum interpretandi solis sibi vendicāt. Cum interim alteri magnæ matris sacra, putidis verbis eleuent ceremonias, annis melioribus cōsecratas rideant: itus etiam vetustissimos: ordinum discrimen obterant ac despuant: hymnodias lerodias esse censeant: psalmodias pro rhapsodiis habeant, ut quidē est opinio multitudinis occupatæ inconsulto præiudicio, in utrisque partibus. His porro qui auscultare cupidius institerunt, plurimi quidē certè, eorūque imperitissimi, atque ideo deterrimi, nec doctorum hominū sententiæ sensusque intelligētes, primū suis legibus viuere, deinde nullis cœperunt: quæ duo non magnopere differūt. Deo certe nunc vota ut si vnquam alias facienda sunt, si rempublicam in meliorē statū saniorēque verterit. nam quid futurum esse dicas, cum spretis centuriis prærogatiuis, primarūque classium, centuriæ fabrū, sutorū, cerdonūque in suffragia coeant de cōstituenda orthodoxia, apud nos quidem certe, cum eò licentiæ ventū esse videas, theologi ut passim agminatimque prodeāt è schola Lucretia-

DE TRANS. HELL:

na & Epicurcorum? Tam dira autē fuit quorundam illite-
ratorum sceleratis in opinionibus pertinacia, vt velut py-
raustæ vltro ignem appetere nō dubitauerint, nimirum di-
ra vanitate elati & perciti, in numerum vt diuorum refer-
rentur à suis factiosis: nec in eo falsi sunt post fatum dete-
standum. Ita in dies inualefcens errorum proluuius indi-
gnis auctoribus & sæpe obscurissimis, veluti diluuium
quoddam est prisce religionis, omneis ferè partes inun-
dans Christiani nominis, discriminēque paulatim obruens
pietatis atque impietatis. Qui igitur diluuii huiuscemodi
periculum metuunt, in arcam vt tandē redeant necesse est:
siquidem eius cōpages eorum opinione dissoluta, ritè re-
concinnata fuerit. Atqui ciuitatis dei & ecclesiæ, quam
Christus appellatione benigna sponsæ suæ, quasi pactæ
diuinitus, dignatus est: sic constituta mihi videtur esse so-
cietas, idēque sentiēdi necessitas: vt singuli paucique fa-
cile desipere, atque à regula aberrare salutari nō nequeāt:
vniuersi vt nō viam tenere præmōstratam à domino, at-
que in commune sapere non possint, quasque consipere.
quod tamen ita demum intelligendum dico, si illi quidē
ē. cōuentu paracletico, à gregēque dominico, superbè sub-
ducere semetipsos aut abripere obstinauerint: corū tauro-
rū nō absimiles, quos Aristoteles ἀταρκεστέρους vocat, qua-
si sui abgregatores, in ordinēque armēti sese cogere in-
dignantes. Hi autem indiētis rectè atque ordine conuenti-
bus sacrosanctis, tum charitate Christi in publicum æmu-
lante (quod quasi condimētum est eorum quæ cōcilia vo-
cantur) in vnum cōspirare, atque in numinis diuini sentē-
tiam transire parati sint. In huiusmodi autem casibus, ac
rebus propè perditis aut turbulentissimis, illustres ætates
Christianismi, solenne id remedium instituerunt, quod
iandiu ac nequicquam flagitare se illi vociferantur. Verū

(ut est Aii loquentis proteruitas) rei longè saluberrimæ, quondamque vſitatæ ſæculis melioribus: appellationem tantū inanē, quaſique reliquias quaſdam ac cineres emorui inſtituti præclariffimi, ad noſtram memoriam aſſeruatæ eſſe, plurimi nunc cauillantur. colorem enim iandiu quaſitum eſſe indiſti ſenatus ſacroſancti in ædem cōcordiæ ac paciſ euangelicæ: ſpeciēmque cōſultorum ac ludibria religionis. ſenatus vero ipſa conſulta nec ſuccum nec ſanguinē pietatiſ illiui heroicæ, nec ſpiritum habere, nec verò charitatē præ ſe ferre probam, ſtrenuam, æmulatiōne flagrantē conſtituendi Chriſtianismi, eiuiſque maiſtatiſ. Zelum ſcriptura Græca voce appellat, quo ſignificari antiquitaſ voluit ſeruorē animi commoti vice publica, ſtimulūque mentiſ in cōmunem cauſam æmulæ. Multa huiuiſcemodi aliæque non meliora, quæ cōmemoranda nō duxi, ex hominum ſermone collecta, ad inuidiam inflammandam nō parum valuerunt, fatali quadam inclinatione rerum. quam rerum nouandarū materiā, oblatam potius quàm quaſitam (niſi fallor, ut ſunt rerū humanarum cōuerſiones) naſti homineſ primū pauci cū minimē meticuloſi, tum acumine præſtantiſſimi, multa quidem illi arguta atque etiam ſcita, vendibiliter: nōnulla ſanē cōmoda illa quidem, ſed nō perinde cōmendabiliter: æterum aut ſenſim aut repente plureſ facti, incōmodē quaſdam exemplōque non probabili, in ſcenam protulerunt, multitudinē circunſuſam nouarum rerum cupida, ad licentiāmque propenſa, religione vacuam. paulatimque quorundam cōfidentiā id tentatum eſt, ut patrum decreta antiquiſſima, ſcriptorum etiam auctoritaſ & monumenta, cōſenſu tot ætatum rata & comprobata, pro nihilo ducerentur, ut iure ſubnixā tranſlatitio. Neque verò ſeſe aut quenquam liberi ſpirituſ hominē teneri iam

D E T R A N S . H E L L :

defendunt nebulunculi quidam illiterati, non modo respondens prudentū iuris diuini, secundum quæ iura primum pontificia & canonica tēperata sunt: quibus iuris dictio constat, olim ad normam & bona fide exacta. sed ne insignitis quidem atque nobilissimis, & maiorum (vt dicitur) gentium senatus consultis, iussisque eorum & interdictis, tametsi antè semper pro numinibus habitis. Ex quo euenit vt vulgus licētix effrenatæ, quasi equitium quoddam vinculis abruptis lasciuiens, legum sese metu solutum esse existimarit, legesque diuini cultus, arbitrato suo condere sibi suisque non dubitarit. Audiamus si vacat, paulisper Cyprianum, cum doctum & vetustum auctore, tum sanctitate clarum, tum pietatis vadimonio capitali ad extremum probatum & consecratū. Qui de manibus (inquit) conciliorum gubernacula extorquet, ecclesiasticæ salutis nauem in scopulos illidunt. Quid autē indignius ac fœdus in Christianis gētibus, & in ipsa ciuitate dei esse potest, quàm leges antiquas populari licentia abrogari: vnumque quęque sibi vel populum vel tribum, vel ciuem perditissimū priuilegium ferre, trinundinōque promulgare: Quod si ex euentu iudicium faciendum est, gratū; ne id deo fuerit tāta populi atque ordinum cōsternatione res nouare, lucē etiā caligini publicæ longo intervallo referre: sit quidem hoc sanè per me, quod & permultis visum est, eorum quoque qui in partes nō descenderunt. Sed & Phaethon quōdam sursum deorsum lucē circūferendo, quū in fraudem inciderit de cælo tactus. Verum ohe, iam satis est, forsan dicer aliquis: & memini quid superius testatus sim. tantum hoc addiderim, rem meā quidē sententia nō sine numine quodam prouidētix cōptam & agitatam esse, qui euentus cūque rei futurus est anticipitis, quæ omnino diuinam manum poscit. Iam autem

in articulo arcēdi incendii aut summo, aut præcipiti, aut proximè quidem eū sumus, in quo cessandi locus nullus est, ne Vcalegōtibz quidē: nisi veterno magisquā somno oppressi sumus, quod ominari nolim. Nam quis tam hebes est, vt nō videat incendii iam gliscentis, ac nisi obuiam eatur, longe latēq; populaturi, qua pios, qua impios, præpetes aues (vt est in prouerbio) & prænuncios esse, cultus diuini opiniones identidē euariantes pro libidine cuiusque etiam indoctissimi (quod inuidiam sanè inflamat inceptis facinoris) aliās futuri fortasse cōtrouersi apud homines ingenio doctrināq; præditos? Scilicet hoc illud est ore veritatis ipsius pronunciatū. Ita fert humanarum rerum cōditio, mundi que præpostera ac turbulēta ratio, reliquæ utiq; noxiæ primordialis: vita vt carere nequeat huiusmodi euentis, pericula creantibus multitudinis animis: Scandala à scriptura vocātur: negocia sæpe faceissentia hominibus quoque circūspectis, rerūque existimato ribus nō quibzlibet. Necesse est enim vt eueniant offensa, causæque offensionum. At vero id oraculum vā partícula cōsequitur è vestigio, quæ omnibus formidolosa debet esse, atque etiam horrenda. Vā (inquit dominus) illis ynde offensiones exoriūtur. Animaduertant igitur etiam etiāque ii ad quos res pertinere potest. Nam quis mortaliū hodierno tempore nosse satis videtur & agnoscere, quid sui sit muneris & officii in familia domini? Verum quod ad rem nuper designatam attinet, quis eorū qui rebus nouis cæptandis mundū circumegerūt, discrimen peruidere potuit fiduciæ atque cōfidentia? Quis cum innumeram hominum multitudinē tanta religione alligauerit, solutum habere animum potest? qui quidē certe mentem torpentem nō habeat ad religionis pulsus identidem incessentes animis, in re tā præcipiti suscipiēda, tandiūq;

DE TRANS. HELL.

perferenda? Ecquisnam verò tenebrarum lucisq̃ue confinia sic certò tenet, vt disceptator harũce rerum sedere sine pauore atque horrore queat, in iudiciòque lubrico & abrupto? Quod vtinam eorũ qui cardines tanti cœpti hactenus versauerunt, quod multi cõmoliri certatim copati sunt, nõ aliquando ea mens fuerit, vt oculis auribũsque seruirent populi ac procerũ, ad res huiuscemodi excipiẽdas paulo appositorũ. Nec verò decus ipsi quoddam optimũ sperauerint, & affectarint, existimatione primũ tenenda & obtrectanda ordinis consecrati, clauoque regendo Christianismi præfecti. deinde succedẽte supra votum (vt opinor) conatu, prosternenda etiam & affligenda tota turba taliumque prudentiæ. Tum autem eleuanda & cauillanda senatusconsultorum veterum auctoritate, pro numine quodam paracletico semper habita. cuius senatus patres cõscriptos cœlitum numerum diuorũmq; auxisse, veri est simillimũ, tum ob vitæ castimoniam, tum ob doctrinæ sanctimoniam. Omitto probrosẽ vexatos, ac per ora multitudinis traductos, coryphæos ordinis sacricolarum, scriptis cõtumeliosissimis. Mitto nomen orthodoxiæ, multorum stilis cõfossũ, & maledictis pene cõtucidatum. Hæc autem sine luculẽto atque insigni vulnere ac dedecore Christianismi, fieri nõ potuerunt, ac sine cõspicuo intertrimẽto rerum diuinarũ fidei, disciplinæque euangelicæ. Cuius rei nõ iam argumentum est, sed certissimum documẽtum, flagitiosa vita plurimorũ, eius dogmatis in summam assertorum. Cuius nominis tegmento, quasque patrociniò, licere sibi putant homines perditæ, & scelerati, quicquid collibuerit, non quicquid auctores sunt homines docti: vnde ius nihilominus impunitatis & licentiæ sumunt, hominum opinione duntaxat, qui inuidiosi dogmatis præiudicio ducũtur, quæ multo maxima

pars est . Qua in re existimanda, etsi æquis vtuntur apud nostros homines auctores ipsi architectique dogmatis, viris doctis atque grauibus non paucissimis: culpam tamen deprecari inuidiamque non possunt, ne iis quidem quæ ingeniose ab ipsis & commode disputata sunt . Fuit olim & sæculis iam multis, solenne doctæ aut ingeniosæ dicacitati, in officinam sacerdotum declamitare, vt canonice disciplinæ cauponatricem, vt vtar verbo prisco: in ordinem verò sacris dedicatum, eoque nomine sacrosanctum inuehi, tãquam in foro cupiditatis magis, quàm in atrio domini negotiantē: nundinantem vnà cum pontificatibus atque antistitiis vacationes atque immunitates sacrarum functionum, veniásque inertiae . Nam & eius ordinis mancipēs, institutoresque tonstrinæ maiorum ac minorum auspiciōrum, reprehendere videtur Apostolus in Epistola posteriore ad Corinthios, vt verbo eius vtat, τὸν λόγον τοῦ Θεοῦ καπιλέοντας . At verò præsidium castrorum Christi, exercituum domini, ex arcibus regni eius cum præfectis ipsis eiecisse, præfecturásque ipsas vno verbo abrogauisse, exempli est absurdi, à taxiarchiæque dignitate ac decoro vehementer abhorrentis & alieni: sine qua mundus in ἀκοσμία vertens, nomen suum obtinere iam non potest . Neque verò minus est illud vitæ dedecus (vt nihil de impietate dicam) quòd sacros profanosque homines eodem habent numero locoque: & rerum hominũque discrimina in lapide (quod dicitur) albo, alba amissi notant . Næ id est, vt alia omittam, non modo ad viuũ (vt est in prouerbio) scalprum: sed etiam vltra omnis pene memoriæ scammata, stylum adigere confidentiæ . Quòd si ii qui cœli luminaria stellásque cum detrahere non possent, nec extinguere, obscurauisse quo-

DE TRANS. HELL:

dam modo eadem existimati sunt, non sine luculentis indicis & argumentis: taménne euangelii lumen retulisse vitæ tanto interuallo dicentur eandem ipsam ob causam, ingenia huius ætatis? Id enim secundarum partium telæ, tertiarumque textores, memoriæ prodere non veriti sunt. Horum autem in sententiam si publica transire prudentia passim institueret, quid causæ iam esset in posterum quo minus nihil tam consultum, agitatum, disceptatum esset, nihil sic semel definitum ac constitutum, quin denuo mox & ab integro reuocari in disceptationem, ad populique disquisitionem posset, simul ut cuilibet audaciori cont. ouersum id facere visum esset: ita Christianismi card. nes, non senatusconsultis auspiciato coacti, locisque constitutis, atque augurio celesti consecratis, ut moris est antiquissimi: sed ex opinione cuiusque verterentur, rerum compositarum retractatoris, temeraria manu factiosaque conflata. Sed enim non is sum ego: non ea res est, cuius rei litem meam facere consulto & meditato instituerim: etiamsi non inuitus feci, testatum ut relinquerem, quantum vicem publicam dolerem Christiani nominis: simul hominum ipsorum sane doctorum & memorabilium alioqui, mea quidem sententia, & permultorum iudicio doctrinæque præstantium: tum autem literarum bonarum malè & incommodè, ea de re audientium. Quid verò rursus, quid (inquam) si (ut sunt consilia prouidentie tam admirabilia, quàm mortalibus occulta) hoc motu, hac rerum nouarum molitione deus optimus ac maximus parturit constitutionem Christianismi, reconcinnationemq; antiquæ disciplinæ? Quid si maiestatem euangelii, fideique verbi lætam & imminutam vltum ire statuit: extinctamque charitatem aut

perfrictione exanimatam: denique, quid si nō aliam cēsurā fata salubris inuenere viam: tātique aeterna pararit regna deus Christo? Loquar enim hic quoque per parodiā, quando mihi obuiam nō importune occurrit. magno certe & hominum & animarum numero, adhuc cōstitit hoc argumentū, stetitque nō sine plausu aliquantis per ab omni parte theatri. nunc autē admurmuratione aduersa maxima quidē ex parte, ob scelera factionū. Ad quotū autē actum eius peruenimus: quis ausit aut possit affirmare, sperandum tamen à catastrophē proxime rem abesse: quæ utinam palinodiæ plus habeat quā tragediæ. quam in partē profecto necesse est animos ut inclinēt ii qui in scenam proferre primum argumentum ipsum instituerunt, si plausoris egent aulæa mauentis, & vsque sessuri donec præco, vos plaudite, dicat. Excitandus autem publice priuatimque Iesus est, ut ventis huiusmodi tēpestates cientibus, mariq; imperitet, increpitis & cohibitis, sicque tranquillitas redeat. peruelim autem, in naui tantum ut ipse sua Christus somniculosē obdormierit: non etiam sopore vehemēti obliuionis nostri captus sit. & (quod ominari nolim) fides semianimis in vniuersum & veteruosa, expergisci sine insigni noxa nequeat. Sed cum res ferē nulla (ut credimus) tam plenum ius postliminii, tamque iustum habeat, quā venia diuina, (id enim subsidium humanitati identidem aberranti seruator ipse dedit) oranda nobis erit exposcendāque pax superū, nunquam non exorabilis suppliciter poenā imminētem deprecantibus. Quod mox fortasse futurum est, si ex vtriusque statuis homines strenuissimi, pacatisque consiliis affines, in suffragium mittantur ad dirimendas finiendāsque semel controuersias. Verum enimvero ut ad philosophiam redeamus à nobis institutam, quam ego philotheoriam

DE TRANS. HELL.

facile appellaucrim, homini qui ad id studium se compa-
rauit, omneisq; suas facultates ingenii contulit, id om-
ni ope faciendū esse censeo, quod infra dicturus sum. Nam
cum vita philotheori militia quādam sit intestina, an-
guistiis impeditis interdum, trepidisque cōsiliis obnoxia:
præsidia ipsum multa insignium oraculorū, elogiorū-
que diuinorum subsidia, simul virtutum exemplariū au-
xilia habere cōquisita oportet, memoriæque mādara. Ex
iis autem aciem quādam instruere firmam & explicatā,
quæ semper sit in procinctu & parata aduersus impetus
cupiditatis, ambitionis, & voluptatis, idēdem animo in-
cessentium, aduersus præstigias dæmonis, oculis incurres-
tes hominū: aduersus theatrū vitæ ciuilis, vrbaneque fre-
quentiæ, illecebris permultis iisdēmq; validis infestum:
tū aduersus rerū aduersarum fortunæque acerbitem: nec
minus aduersus hominum iniquitatem, malevolentiam,
atque maleficia, fodicantia sꝑ penumero patientiam, ani-
mumque vrentia, & verò nihilo secius aduersus secunda-
rum petulantiam, quæ mea quidem sententia, maiore ani-
maduersionē exigunt, atque vigilantiam. Hæc enim sunt
arma, hæc tela, hæc machinæ Stygii grassatoris in dolo ter-
gemini: quibus haud temere euenit ipsis, vt paria sint aut
philosophiæ placita, aut rationis monita, quauis con-
sulta, meditata & confirmata: aut prudentiæ humanæ
consilia, quanlibet cordata, atque exercitatione condo-
cefacta. Contra quæ tela, sanè infesta, & vulnifica, & nec
opinato ferientia, eoque altius sauciantia: oculos etiam
plærunque splendorē inani vitæque præstringētia: pri-
sca rerum diuinarū prudentia, propugnaculum positum
semper habuit, & præsidium tutum in fide & sponsione
Christianismi. Quo mirum est magis, & simul sanè dirū,
quod rerum diuinitus promissarū atate hac nostra fides,

emortuæ similis est. Quæ utinā ipsa singulis in nobis tantum sit intermortua. nam emori fides vniuersim non potest, quæ à spiritu diuino in ecclesia semel animata est. Certe præut est insana cupiditas bonorum possessionis temporariæ, aut nulla, aut exilis est euanidæque fiducia in plarisque mortalibus æternorum bonorum. alterutra enim earum alteri concedat necesse est, cum vnà omnino eodē in homine satis esse nequeat, si quidē Pithagoræ cælesti auctoritate velimus & fidē accommodare. Quocirca qui quærēdis & persequendis vtrisque bonis studere instituerūt pari animi contentione, ludere ii operam suā vtrobiq; inceptant, qui philothoriam cum philotimia copulant, qui philochristi simul esse & philochrysi meditatur: ii si qui sunt, riualia studia inter se, absurdè atque irritò labore conciliare conantur, genis rerū ipsarū repugnātib. Si duobus dominis seruire simul idem non potest, quod elogio veritatis testificanti non dubiè credendum est: quo tandem modo regno simul & tyrannidi? Quomodo autem regnū dei eodem in pectore, tyrānisque auaritiæ, ambitus, & voluptatis hærebit, cæterorumque affectuū in anima grafsantium? statuit enim Plato in nono reipublicæ, virū bonum & sapientē, intestinū intra sese regnum, malū & insipientē, tyrannidem eodē modo habere. à quo non absouū est, quod seruator ipse euangelicè prodidit & mirificè regnū dei intus in hominibus esse, quod de sanctis viris intelligendū Origenes cēsuit in tractatu de principiis. Itaque qui auream illam vitam viuere concupierint, quales sunt theoreticæ philosophiæ studiosi, ii argentæ vitæ salutem semel ut dicāt necesse est, idque fide optima. Sed deprauatus sensus hominū, magisteriōque sinistro cōmunis prudētiæ imbutus, cum cupiditati agglutinatus est atque auaritiæ, cum ambitum ut beneficium ac largitorem honorum,

DE TRANS. HELL.

vt fortunatorem hominum consecrari institit, intelligere iam inde & perspicere nequit, illā se vt rubi fascem aculeatum amplecti, strictimque retinere, hunc vt vtriculum distentum atque inanem comprehendere: in quem suæ spei summā, thesaurumque coniecit auētis supra modum animi, & cupiditate perdit. Atqui huiusmodi placita sapientiæ ius gentium prodidit: quod ciuile mox excipiēs, eadem ipsa excoluit: tum plebs populūque magno studio sciuit: senatus auctor est factus: equestris ordo pedibus, equis, velis in eam sententiā transit & incubuit. tempore autem suo ac prouidentia placito, seruator mūdi extitit, qui generi humano ea tyrannide oppresso, nuncium plaudendum & laureatum attulit, legeque euangela promulgata, & simul abrogato principi mundi ciuīque tyrannidi imperio, nouis vero tabulis edictis, & prolatis, regnum dei esse iussit & sanxit in posterū: legēsque ipsi regno consentaneas, & instituta dedit. Iam verō sacramento nouo & inaudito, omnes regni indigenas, incolas, aduenāsque adigi, atque in verba sua iurare instituit: fidem porrō certissimam sibi dare, ab eoque vicissim accipere. Ab eo igitur cum sacrarium veritatis mundo relictum esse sciamus & prædicemus: cum aditum sapientiæ antea clausum, figurarumque & ænigmatum densissima septum obscuritate, patefactum eodem tempore & illustratum esse norimus, fateamur, & dictitemus: adhuc tamen hæremus in luto antiquæ sapientiæ, pedesque lotos in fonte purifico, & expeditos, rursus cōtaminamus aquis spurcis, triciisque implicamus. Qui si è puteis scripturæ haurire aggredieremur, ipsosque puteos altius cōmentādo, altiūsque fodere, quibus quidē certē nostrū id facere promptū est, ipsa quæ nūc esse prudētia plebi, senatui, equitibusque videtur, illa (inquā) ipsa sæculi sapientiā, nō dubiè amētia & insania, nedū

stultitia iudicaretur, summarumque rerum insciētia. Nunc quotus quisque vel peritorum atque literatorum, in manibusque monumenta sacrosancta assidue habentium: ea etiam saepenumero ē suggestuē narratiū, nō suauius aquas illas turbidas & populares gustat, in cratere ciuili sapientiæ resides ac stagnantes, si modo cyathos treis ē siphunculis ambitus aut cupiditatis hauserit, quam viuam illam aquam libat, ē philotheoriæ iugis scatentem atque salicribus: Proh dii iam immortales, quid est, si hæc dementia, si amentia, si vācordia non est: præstigiæ sunt hæc certē Stygii illius fidei nostræ attentatoris: qui dolis miris, diris, cæcis, ductate suos nouit fortunæque alūnos, quos epulis illis semel perinescauit, ē medio atque etiam ē trāsenna petitis, in eorum necem intenta & cōcinnata. tum portione supradicta, mellita magis ipsa, & oblita subdolē, quam suo pte sapore natiuōque suauī, tyrānidi sensuum, sibiq; auctorauit. nisi verō suaue reuera esse potest, quod amarulētia curarum permolestarum permixtum est, angorumque perennium. Fidem igitur aut emortuam, aut exanimi proximam eorum esse oportet, qui in tam manifesto rerum discrimine, longē deteriora eligunt, in eisque studium omne suum, animique intentionem consumunt. At quotam partem nostrum eximere huic culpæ, atque etiam dirę noxiæ hallucinationis possumus: si quidem ad limatum examen & iudicium expēdere ista volumus? Hic mihi in mētē venit regis cuiusdā Aegypti, Psammetichus (vt opinor) is fuit, qui vt Athenæus quodam loco retulit, cum scrutari arenas Libyæ statuisset: iuuenes aliquot adipscia, quam vocant, exercuit, qui aridis in locis sine noxa possent carere portione, & sitim non sentire. Hunc in modum qui in solitudine philosophiæ sapientiam quærere & inuestigare statuerunt, eos nihil sitire

DE TRANSHELLE.

præter nectaream illam aquam oportet, quæ operantibus in vinea dominica plerunque funditur diuinitus: ad cætera verò omnia eisdem adipfos esse, in omnium rerum inopia, fide, spe, & charitate se tolerare. In ea autem vinea regnum illud dei esse traditum est à prudētibus, ac iuris diuini consultissimis: in quo regno nos oportet cōsopitam fidem Christianismi iacentemque excitare & erigere. Huius porro duo extant hodie monumēta & documenta, integra atque incolumia, perpetuòque extabunt, quippe cedrinis in tabulis incisa: quæ cum ipsæ cariem nullam sentiunt, tum Libani fragrantia magnopere referūt, naribus quidem ad ea non hebetibus quæ mysticè odorata sunt: & verò ad vnguentū illud imprimis æstimatum à vera philosophia, in caput olim ac pedes Christi seruatoris effusum. Illis porro in ipsis tabulis ac monumentis actorum prouidentia, certa fides, explorata spes, gestiens expectatio liberalium emeritorum, atque congiarii beatitatis à Christo pronuntiati, cæli & terræ & vniuersi potenti: iacēt illæ quidem in præsentī ob stuporem hominū, sed tamen semianimes iacent, exuscitarique faciliè & publicè & priuatim poterunt, ab illo exuscitandi exanimatorū auctore, quāuis etiam & quandiuuis emortuorū. Redeat tantum animus mūdi ad sese in vniuersum: sin minus, redeat saltem animus hominum, philosophiæ sçde bona studentium. tū rerum caducarū ille naturam rationis rectæ ponderibus expendat, nō etiam sensuum vanissimis lancibus, mendosissimòque examine. Tum demū autem id futurū est, cū deus optimus & maximus: qui sese nō pridem animaduersorem neglectæ religionis, acrem & lynceum exhibuit, minacemque nunc patruū vt videtur, ostendit: emendatorē parentemque præstare iis statuerit, quos filius eius Iesus, fratrum appellatione commissima dignatus est. At verò

nunc in eo sumus ferè, prudètia vt communis suis magis copiis fidere, acquiescerèque in rebus præsentibus, quàm diuinis promissis, futurisq; bonis cõfidere videatur. Qui diffidit autem Christo, superiorum, inferiorũ, mediorũque potenti, vnicoque domino, fidelis ille esse aut videri quĩ potest? & qui fidelis nõ est domino, quem nihil latere potest, ab eodẽ ipso miser quidnam sperare audeat? Huiusmodi igitur homini quonam tandẽ pacto cõstabit expectationis suæ summa? siquidẽ fidẽ habet ipse stabiliẽ immortalitatis animæ. Verum monumenta iam dicta cõditi Christianismi, fideique (vt ita dicam) rerum diuinarum & immortalitãtis, iactæ in terrã nouatam, disciplinãque salutarĩ cultam, duo sunt testamẽta dei, vtrunque summæ auctoritatis, & verò dubitationem omnẽ eximentis attentẽ cõmentantibus, assensusque cunctationẽ, atque histanti quã duobus adminiculis adiutus philosophicus animus, rerum interiturarũ contemptione imbutus, admirationẽque æternarum, erigere sese sublimem potest. Cælum etiã primum suspicere tertiũque, tum eò paulatim in viã ite a seruatore sectam primo vnõque, paritèrque munitam. Hanc igitur materiam obiectam habet theoriæ cõmentatio, sanè quàm copiosam & inexhaustã, dignissimũque vnũ hoc omniũ studiorum, in quo veteris hominis exuta senectute philosophus, quasi adolescere denuo incipiat, maioribũque longe pomœriis sinem & extremũ curarũ, vigiliarum, laborumque suorum circumscribere. siquidẽ oracularia scripta, intelligentia mirabili, reconditisque sensibus excaturiũt, cõmentantis animi sitim semper intendentibus, & simul suauitatem hauriendi liquidissimas imagines celestiuũ rerum & visendarũ, quæ intellectu percipi tantũ possunt. tum restibili fecunditate foeta commentatio, alios atque alios intellectus parit, omnesque ve-

DE TRANS. HELL.

races, & solidos, subliméque rapiētes. & in his quidē ipsis (vt dicam quod animo concipio) tanquā veritatis sanctariis, Themidis illius cælestis (quod diximus alibi) quoddā est oraculum, quam consiliariam Græci sua voce cognominarunt, quasi præsidē, potentēque consiliorū homini salutarium. Ad hoc igitur oraculū supplices ac venerabundi, magnāque adire cū religione debemus, atque animaduersione extatica, si studiosi sumus. Nam si hac utemur antistite salutis & consultrice, si eius responsa & cōsilia memoria cōplectemur, sinūque seruido fouebimus, haud dubiē antidota, hinc referemus aduersus illas escas, exitalibus illiciis oblitās animarum aucupis, voluptatē, ambitum, cupiditatē, rerum secundarū festiuitatem: suspectam semper ipsam viris olim prudentissimis, iurisque diuini peritissimis. Verum hominī studioso, qui quidem salutis auspiciis philosophiæ scholam incundam duxerit: Themide auctore intra luminosam porticū orthodoxiæ philosophandū, rerum illam multarum, magnarū, mirabilium capacissimam, ac supra humanæ mentis fastigiū sublimium: hancque porticū philosophiæ egredi non debet, vt quidem diutulē immoretur, is qui euthymiā, quam vocāt, indagare omnibus vestigiis, assequique cōcupierit, vt pignus summi boni, cuius ipsius vmbra tantū fallacemque imaginē, prisca philosophia summopere admirata est. Hoc qui facere efficaciter, appositē, cōstanter, ac cōsultē instituerit: nimirū ipse inter diuorum iam & mortalium condicionē, mediam quandā vitam sublimēque, quasi semideorum egerit. quippe qui ad summi boni fructum æternum spem suā erigere, ad cælum cælorū intentionem contēplationēque possit: quæ merces est emeritorū dei militum, & appetendi terminus, vt inquit Augustinus in libro de cognitione veræ vitæ. Huic porro securi-

tatem illā, tranquillitatēque philosophiæ consecranti, in Aegyptū non longius quā res poscit expatiandū, vt Gregorius inquit, cognomento theologus: nec in Assyriā curiosius peregrinandū. procul etiā inde abeundū, solitudinēque versus migrandū bidui aut tridui: si quidē priuata hominis cuiusque ratio nō grauetur hoc admittere. quippe in regionibus illis maximē, tyrannus ille tartaricæ sedis præses, excursores multos & peruigiles, animarū que sicarios habet, intentos & imminenteis ad omnem occasionem disturbandi fani dominici, atque depeculandi. Neque verò ideò labascere eorum oportet fiduciam, qui intra præsidia sanctioris philosophiæ se abdiderunt, quod intra septa quoque eiusdem sæpe cientur tumultus. Etenim sacrosanctus esse nemo potest in militia vitæ, antequam missionē adeptus est: nec petitam illam adeptus est, sed oblatam diuinitus, emeritam iuxta & causariam. & asylum nullum sanctū est aut clausum cæcis illis prædonibus & sicariis. Quādo ne Paulus quidem ille athleta lectissimus, multarūque palmarum pugil & insignium, impetrare rudem huius molestiæ potuit, sæpenumero incessentis ministerio suo fungēti: cum interim id iterum tertiumque suppliciter ipse flagitasset à Christo, indulgentissimo quidem illo domino, sed tamen quasi lanista delectorū suorum, quanquam apud herum ipsum gratia summa vt mancipium scitum & eximium, singularique flagrabat. cæterum immunitatis instar fuit homini sanctissimo, extra aleam esse præcipit, intra præsidium posito tutelæ dominicæ. adeo locus nullus inaccessus est proserpentibus illis noxis, nemōque prudens in vacatione supina debet acquiescere petitionum cæcarum dirigladiatoris, infesti semper aut imminētis mortalium securitati. Ita sua est philosophiæ quoque palæstra, obeun-

DE TRANS. HELL.

da illa quidem nec opinato sæpe, iccircoque non sine trepidatione & velut in tumultu. Sed quāti interesse censes, ex tuo ipse propugnaculo è philosophiæ castello, ex arce ante munita, hostem iam magnam partem exarmatum propulses: an in locum æquum, imo vero in arenam aduersarii descendas: tutèque pedibus vix insistens, equitem (vt aiunt) prælio laceſſas campeſtri in planicie: & vt pugiles olim campeſtres certo quodam victu atque necessario vti solebant, ad corroborandos & confirmādos laceratos: sic philosophicum victum accommodatū esse oportet ad alendam vim animi, virtutemque vegetādam: *σκληρογυρισται* Græci vocant: cuius etiā ipsius alumnæ sunt insignes virtutes & præcipuæ. Iam verò qui sublimes illas sententias troposque oraculorū, haurire cōmentando, & concoquere ad sanitatem animæ velit, ex illis firmam persuasionem concipere doctrinæ seruatorix, & fixam opinionem rerū sempiternarum: is utiq; stomacho vt seruiat sapientiæ necesse est, plurimūque indulgeat. non etiā vt scenæ, popularique plausui: non primorum ordinū secutorūque palato: non denique iudicio cōmunis prudētiæ, quibus rebus vrbana celebritas, conuentūsque atriēſis finguntur, tēperantur, reguntur. hæc enim naturarū consensum inter se nullū habent, quā sympathiam Græci vocant. Nisi verò credere possumus florida illa morum sermonisque pigmenta, quibus homines vrbانيتati studentes, disciplinæq; atriēſi, theatro (vt dicitur) & scenæ ingenium Roscianum, & comitatem venditāt, fucatam atque inanem, ad stomachū facere theoricæ philosophiæ, quæ veritate tantū gaudet, & cādida simplicitate: quippe quæ diuinū verbum pro epulis animi opiparis & suauibus deuorans, dente prius intellectus mystici cōmanducatū: ineptias illas ostentatrices despuat vt fatuas, ad imposturam

spectātes, exitiālénq; ludificatōhē, quæ duæ res cū frater
 na charitate, ciuiliq; societate & legitima dissidēt. Sceni
 ca verò ista studia atque histrionica ciuilis sunt pruden-
 tiæ ciuísque alumnorum, simul omniū quos iuuat & ipsos
 subdola mentis tectoriis, interdumque sceleratæ, fucū deo
 (vt ipsi putant) atque hominibus facere. quippe qui vr-
 banitate ac lepore ad fraudulentā simulationē attempe-
 rato gaudeant, verborumque lenocinio asseruicti: & verò
 comitate populari, obuiò cuique exposita, atque aucupe
 gratiæ, cum obsequiosa quidē illa, sed ludificatricula de-
 ditione fui. denique cis aras, trans aras, atque per aras pa-
 rasitica assensione, cū interesse sua putant: quo vno ipsi
 termino ius, bonum, æquum, honestum, definiēdum cen-
 sent. His videas in ipsis, si obseruare vacet, versicolores
 vultus & chamæleonteam pro re nata extemporalemque
 mutationem, vt inquit Aristoteles. Stomatica autē sunt
 ista scilicet adiumenta vanitatis, conciliantia gratiā vrba-
 nitatis: ori vtrique fingendo & cōcinnando, non item sto-
 macho salubriter afficiēdo, præcordiisq; morbidis sanā
 dis accōmodata. Sed enim deus (ò vanitas humana stolidi-
 tate prædita) deus (inquam) dignoscere cautus est, quid soli-
 dum crepet, & pictæ tectoria linguæ. is spectator est, is ex-
 plorator, is exiliminator mentiū, & pertētator. Verum qui
 huiusmodi nugis sensus habent perimbuto: vix est au-
 reis illi vt pronas habere postea possint, vacantesque ad
 auscultationem disserētis sapientiæ & veritatis. Talesque
 sunt ii fortasse, quos Christus, id est veritas ipsa diuina, nō
 leuiter cōpellans, à concionibus suis modo quodam sum-
 mouit, cum inter sermocinandū sæpenumero exaudibili
 voce dixit, Qui habet aures ad audiēdum, audiat. ad aures
 enim tantū acroamaticas auscultationisq; mystagogicæ,
 audientiā sibi fecit, constantēque & æternā attentionē

DE TRANS. HELL.

æternus sermo dei, qui ~~etiam~~ sapiëntia est germana & sem-
 piterna: idem salutis auctor architectusque mortaliũ. Mi-
 nimè vero ad eorum aureis hominũ suauem atque pene-
 trabilem suadæ cælestis aculeum pertinere voluit, qui in
 diem viuētes, temporarios fructus bonorũ atque honorũ
 cõsēctantur, voluptariarũque rerũ. Tametsi quibus au-
 scultare sacrosanctæ philosophiæ cõtigit, emendatæ vitæ
 innocentisque magistræ: quanti tandem æstimandum est
 ad vitam sine anxietate, sine tabifica agritudine animi
 traducendam, quod sperare illis licet, vel spe potius certa
 vsuvenit antecapere, ac sibi met ipsis repræsentare, immor-
 talitatis conditionē cumulatam veris bonis, rebũque om-
 nibus exaggeratā imprimis expetendis? Seponamus quæ-
 so nobis quotidie, seponamus (inquam) momentum tem-
 pusculi succisiui, vel semunciam tātum horæ carpamus;
 ab iis quæ maximè agimus vacuum & feriatam: tum cogi-
 tet vnusquisque quid sese futurum est, cū post peractas vi-
 ces orbium cælestiũ, eorũque temporũ, exuias suas ani-
 mæ tandem recepturæ sunt, hæ in pœnam horrēdam, illæ
 in præmium beatissimũ: vtræque tamen viuaces in perpe-
 tuum & porró. Hic cui non mirari subeat simul & mise-
 rari, mortaliũ sensus hebetes ad contemplationem æterni-
 tatis: qui quidem ea quæ moribus cõparata sunt, quæque
 in præcordiis mundi persidētia, ita inualuerũt, vt callum
 iam tot ætatũ inconsiderantiæ, in cõmuni nō modo sen-
 su, sed etiam prudētia duxerint, accuratè, perpēscē, & ex-
 actè considerarit. Nam quis nostrum, cum sibi suam rem
 ipse & præcipuam, maximè atque acerrimè agere videat-
 ur: id demum satis agit quo pertinent ac referuntur om-
 nia quæ agimus, curamus, cõtendimus, & laboramus: nisi
 non eò spectant omnia vel nobis nō animaduertentibus,
 aliàsque res (vt aiunt) agentibus, cõmodissimè vt viuētes,

desiderare rem vllā ad extremū destinamus, vel exiguam. at nos sic in patriā, sic in coloniam beatitudine exaggeratam tendimus, vbi demum desiderandi quicquam finis est: vt pueri ludibundi & erronei, qui cupidè ferè faciunt, sinuosis vt itineribus ac maxime deuiis, ad ludū literariū sese agant (vt est in sermone sæpe vulgi) potius quàm cō vt cōtendant, quò ire destinauerunt. Ab eadē ignorance veritatis, & verò à stupore mentis, illud est, quòd in rebus secūdis lætitia gestiente exultamus: quasi auspiciū salutare acceperimus, id quod plarūque obliuionē æternæ vitæ affert. Quoto enim cuique tandē in rebus admodū lætis, in extis (vt ita loquar) regalibus ac magnificis, obuersari potuit species tumultuarii mortis vadimonii, quod vltimam denūciat necessitatem, cū indeprecabilē, tum sæpe præcipitem: Enimvero Christus moriens in cruce, felle & aceto gustato, propinasse quoddam poculum nobis videri potest, partim mentis acrimoniæ, ad cauendas mundi, vitandæque fallacias: partim absinthii vitæ, non etiā mellis atq; deliciarū, si quidē adhærescere vestigiis eius cupimus, quibus in cœlū mortalibus viā affectandā esse docuit inter concionandum. Quis autē nostrū nouit quo loco ac numero homines apud deū habeantur, in albumque destinatricis prouidentię relati sint: qui hic vel summo vel infimo ipsi numero mortaliū habentur: vel splendido & obscuro? Nimirū candidis nos & atris dies hominū calculis adnotamus, ratiocinatione cæca plarūque & præpostera, vsque adeò absurde rationē rerū inire mundus nos instituit magister multitudinis: in cuius ludo sic ab incūte ætata versamur ad vltimos vsque actus vitæ, vt pœnitenda semper pigedāq; discamus, magna cū afflictatione animi. stultā hominū superficiariāque coniecturā: cum elogio summa fide prædito didicerimus, in caligine multa, al-

DE TRANS. HELL.

tissimâq; iudicia dei esse mersa. Homines certè multos beamus existimatione nostra, quasi per viâ pomparû then-sarûmque ad immortalitatem famæ & memoriæ, quadrigis (vt aiût) albis vehentes: cum interim ad sceleratam ipsi portâ recta cõtendant iter, indeque ad necè tandè rapiantur abominandâ & sempiternam. talis est enim sæpissimè catastrophe theatricæ iactationis industriæ, & ingenii, & solertiæ, in qua ciuilis aulicâque prudentia, specimen sui præbens, vestigia visenda perpetuæque relictû ire vitæ sperat, felicitatè per illustre æmulandâque trãsactæ. Quippe si lege sua agere seuerus idè & misericors dominus insti-tuerit, eorum mortaliû plurimi qui triumphali porta ingressi, per ora stupètium transucti sunt populi ac procerum, scelerata mox iidem porta, nefastôque exitu ex hac vita excedût. Sed (hei mihi) Christus nobis fidè facere hallucinationis nostræ, ob stuporè nostrû nequit, præposteriq; iudicii, qui mundo tot, tantos ipse, tam locupletes veritatis Iponsores dedit, vadèsque capitales. Verû enim uero hominû stultitiâ philosophia ridès, huiusmodi vitam docet laborû esse curarûmque cõgeriem, & cumulû angorum, pyrâmque cupiditatis atque inuidiæ exaggeratam. Inde autem nauissimus quisque atque strenuissimus iudicio cõmunis prudentiæ, quàm plurimû sibi sumit, in manticâque pertusâ ardētis avaritiæ, ac perfluentè infarcit: sicque præclare rem gerere facerèque existimatur & sua & impèritorû sententia: cû interim irritò labore (vt illa demonstrat vitæ magistra) similique Danaidû torqueatur, qui inferis quondâ destinatus est. Sed nullo thure litabis: Hæreat in stultis breuis vt semûcia recti, inquit in Satyra Persius. Humana igitur prudentia litem suam luculentè facit interdû, decretis existimandis, placitisque prouidentia, hominû etiam felicitatem fallaci rationû putatione

colligit, retū tā tū secūdarū modulis eā metiēs. Mihi enim qui fortunæ obsecūdanti vela pādere maiori cōtentione pergūt, terrenisq; rebus vehemēter adhærescere, similes esse vidētur feris circulo grādi sic alligatis aut inclusis, inde vt erūpere nequeāt. Vt enim illæ cursim recursimque circulū ambiētes, cū nīhil promoueāt, tamen sese semper exitū inuēturas aut solutionē sperāt: sic ambitiosi hominis vita & cupiditate perciti, nihil aliud est, quā orbis quidā & cōtinuatio curarū, laborum, anxietatū, seriē illi ærūnosā vitæ perpetuā cōtexētū: cū interim ad bonorū summā adipiscendā, quā cōsectari videtur, nō proficiat hilū. Quid igitur in vestigatione summi boni, quod omnes expectare nosmetipsos, in cælū identidē oculos attolentes, dicimus: opusest in AEgypti mediterranea descendere: quid vsquequa; ibidē ex patiari? Quid vērō curiosē penetralia AEgyptiorum gētis lustrare, indigna utiq; & auerfanda oculis, sanctioribus sacris purioribūsq; initiatis? Huiusmodi est ille fortasse descēsus ad inferos animarū, quē Homerus vir Græcus, poetarū omniū præstātissimus, æmulūsq; eius Virgilius noster finxerunt. quibus in locis mōstra varia esse perhibuerūt, hominūmq; cupidorū, auarorū, ambiētū supplicia cōstituerūt. quā si oculis subiicere cuiquā, & perlustrare placeat, primo cuiq; fortu natorū in illas tenebras cōiicere sese atq; insinuare, multo utiq; prōprius est, quā corūdē paucis inde, prudētibūsq; remeare, vel corū quos ardēs euexit ad sidera virtus. tenēt enim media omnia syluæ, vt inquit ille. Quibus in syluis lustra sūt & cubilia eiusmodi ferarū, cupiditatis, auaritiæ, ambitionis, insolētiæ, tū salebriæ multæ opacæ sūt, sinuosæq; in deuia abducētes, lucis etiā superioris inficiētes obliuione expatiatores homines, erroneūsq; animos. Quāquā quid dixi in AEgyptū descendere: quod interdū atq; per

DE TRANS. HELL.

oecāsiōē aut necessitatē facere, fortasse philosophia alū-
nis suis indulgeat & amātibz suis: ceterū & catē & circū-
spectē, suspēsiq; ingressibus ob pedicarū suspiciōē. Quid
verō si homines ab eiurata AEgypti seruitute, exuuiisq;
eius in sacra lauatiōe abiectis ferme cū detestatione, de-
nuo ipsi nō dico in AEgyptū descēdere sustinēt, cōmerciū
que alicuius gratia peregrinātur: sed in AEgyptū intimā
trāsuerſi & prācipites ruūt, AEgypti tyrānorū nexus vl-
trō & cupidē rursus incūt: qui insani affectus sūt, animi trā-
quillitatis perturbatores: in ergastulis etiā eorū miseri cō-
sistuntur, assidua necessitate operis faciundi, ingenuis ani-
mis pudendi & despuēdi? Hic rursus, hic non mirabimur
rationis stuporē, torporēque intellectus humani? Pro-
fecto sensus communis & vita mortalium à vero auersa
est, & veluti oculis mentis capta. Nō Christos nos esse ipsi
domini, nō vnctos oleo laticiz meminimus, diuinūq; spi-
ritus, qui theatro isto nostrap̄te sponte vngamur oleo,
anxietatis curiosq; cōtentionis, theatrōq; asseruigētis, vt
æmuli scilicet, vt discipuli spiritus cupiditatis improbi-
simæ, Christianorūmq; tantū inane nomē circūferētes. nā
instituta ciuilia atq; vrbana & planē sēcularia, vt titulo
ac primore specie Christiana sunt: ita cōsideratiōe lima-
ta atq; exacta, antichristiana reperiuntur. Age quotus est
hodie quisq;, vel ætate hac deprauata, & ad veritatis intel-
ligentiā hebetata, nec iā ferri tantū duritia, sed plūbi gra-
uitate tēperata: hominū dico nō profligatissimorū, qui si
vsuenerit, vt pro tuendis aris Christi aduersus impiam
barbariē pugnandū sit: nō libens in causam piam animā
profusus sit: quin se (inquā) coniugem & pignora deu-
uouere omnibus cū bonis paratus sit, si partes ortho-
doxiz in discriminē vocētur: vix decimus vt opinor, hominū
quoq; sui liberorūmq; paulo plus quā pīū est amantiū.
Sed fac vt non minor pars tantū hominū Christianismi

spem retinentiū, nomen ad sacramentū illud cupide datura sit. hoc nimirū vehemens indicium est fidentis & infixæ suapte vi religionis Christianæ in animis hominū hærentisque præcordiis glutino initiorū. Cur igitur aut quī fieri dicas, vt oraculis euangelicis, vt sententiis consensu nominis vniuersi Christiani sic receptis, vt auctoritatem (quod alibi sæpe dictū est) axiomaticam habeant, tamen assensionē ephecticorū more philosophorum accōmodare videamur? Contrā verò in iis rebus quæ oculatam fidē atque auritam habent, non ephecticū assensum, nō scepticum, vt olim Academici, sed dogmaticū catalepticūque largiamur? Quæ (malū) est ista peruersitas opinionū? num sensuum locupletius est aut iuratius, quàm intellectus testimonium, cui magis credatur? Nunc autem transmittam auctoritatem oraculorum, quæ omnem ipsa prorsus hæsitationem eximit hominibus sanæ mentis, nec Sirenici illecebris sensibūsq; affectis. Nego hominem esse quenquā disciplinarum peritum, quin formis mathematicis, intervallis & angulis, eorūque theorematibus, fidē habēdam certam & fixam esse ducat: ad quæ tamen cōperienda, nulli sensuum testimonium ob id denunciatur ad iudiciū philosophiæ, vt testificetur de fide demonstrationis eorum. & puncti quidem mathematici, & lineæ geometricæ sciētia, cum ne assentiēdi quidem cunctationem admittat inter artis discipulos, tamen ab intellectu longè plus, quàm à sensu mutuatur. Quanta autem sit sensuum fallacia, Academicæ placita docent, instituto Romani fori, iurisque diuisionis ciuiliis comprobata, si Ciceronis elogio credimus in vltimo Academicarum quæstionum. Quam nostram rationem (inquit) maiorum comprobatur diligentia, qui primū iurare ex animi sentētia quēq; vouerūt: dein de teneri si sciens falleret, quod inscitia multa versaretur

DE TRANS. HELL. LIB. I.

in vita. Tum qui testimonium diceret, vt arbitrari se diceret, etiam quod ipse vidisset. quæque iurati iudices cognouissent: ea non vt esse facta, sed vt videri pronunciant. Et nos Christianismi mordicus retinētes, in iis quoque capitibus amplectendis euangelicæ legis, hæsitatores aut sumus, aut esse nos ostendimus: quæ si in dubium reuocentur, summa pietatis Christianæ hæreat necesse est. Id autem ominari argumentando, nedum addubitando; vereor ne sceleris instar sit ingentis & expiandi: ita ad infantiam res ipsa nos redegit. Quapropter clausulam huius libri hic facere coacti sumus, etsi rei indignitas ampliora postulabat, dicēdāq; affatim suggerere scribēri videbatur.

DE TRANSITV

Hellenismi ad Christi-

anismum, Lib. secundus.



CHRYSTOMVS AV-
 ctor magni splendidique nomi-
 nis, in epistolâ Pauli ad Roma-
 nos, laudatione diuini eius viri
 scribens, ait se nō vereri Paulum
 ipsum mundi cor appellare, in-
 numerabilium bonorum fontē,
 principium & elementum vitæ.
 per quē deus (inquit) arcana mi-
 randa effatus est, quodque mirari possimus, maiora quā
 per semetipsum. Hæc mēs diuini viri, immo verō hic ani-
 mus vitæ, hæc mundi præcordia, dei sapientia perimbuta,
 tinctâ, atque grauida, philosophiam theoriæ studiosam
 magnopere locupletarunt, atque etiā maximopere. quip-
 pe quæ cōmentationis rerum caelestium syluam, vastam,
 densam, opacāque aperuerint: in qua sylua velut inda-
 gine cōmentationis cingere cubile veritatis ipsius, sum-
 miq; boni legere vestigia possemus, in montē olympū fe-
 rētia. Is porro dei testimonio ornatus, quasi lectissimum
 spiritus diuini, caelestisq; disciplinæ cōceptaculū, & si-
 mul spectatum assumptus adyta sapiētiae, dignissimus est
 vtique, cuius elogia & monumenta, qua de re nunc agi-
 tur, instar sint apud mortales decuriæ vnius aut alterius

DE TRANS. HELL.

magistrorum, atque etiā centuriarū, ē sinu prouidentiarū dei, ex cuiusque sapientiarū sanctario prodeuntium. Quare qui huic veritatis antistiti, legis euangelicę interpreti, seruatoris ipsius salutisquę hypophetę, auscultatorias aureis adhibere neglexerit acroamaticas, is ē schola philosophiarū cōtinuō explodendus est consensu prudentium: & verò ē conuentu ciiciendus vniuersorū sacris Christianismi operantium, quam ecclesiam quasi concionem sanctā piāque, scriptura appellitauit. Atqui talis tantusque is magister in epistola ad Ephesios, filios diffidentiarū quos vocet non video, quibus iram dei imminere idem testificatus est ipse, nisi homines Christianos nostri similes, præsertim huius temporis, quo tēpore fides vel tantulum labascens, expiabilis vtique indiget animaduersionis diuinę & supplicii: post confirmatam consensu tot ætatum persuasio nem diuini cultus, & pietatis eiusmodi quem proficitur ipse Christianismus. diffidentiarū enim filios quam *ἡρώδης* Græcè dixit, eos appellat, non qui fidem abrogant atque auctoritatē sermoni euāgelico, sed qui vel quicquam derogant ac detrahunt fidei atque auctoritati euāgelicę. In geometria cū elemēta cōcesseris, necesse est vt theoremata quoque ex ipsis coagmētata itidē fatearis: & cū primū theorema, secundū, tertium, & deinceps, vt demonstrata dederis & cōcesseris, disciplinę placita poscūt, vt reliqua etiam cōcedas, vt ordine posteriora, sic necessario cōsequētia: alioqui tute improbus videbere, aut stare non poterit constitutio geometrię, sciētiarū compertissimę. In theorię porro disciplina & sacrosanctę philosophię, quę non lineas imaginarias, nō formas quadātenus opinabiles vt geometria, speculatur: sed diuinā ipsam maiestatem pro obiecto & subiecto cōmētationis habet, naturarū omnium certissimo, atque co amplius res alias abstractas & cælestes ab ipso

& in ipso sempiternas futuras. In ipsa igitur disciplina, tantarum rerum contemplatrice, enunciata veritatis suapte auctoritate rata, ponimus utique omnium suffragio, ea quæ deus idemque dei filius, inter homines agens, sub corporis integumento ore suo pronunciauit, ac de patris voluntate spiritusque diuini aspiratione sanxit & promulgauit. Ita quicquid cum euangelicis præceptis aut interditiis discrepat, noxiæ diræ tandem fore inficiando nolumus. Atqui ipse ad quadrantem rationem reposciturum sese & exacturum conceptis verbis palamque pronunciauit, scriptumque & cõsignatum ita reliquit, vt ne causari ignoracione huiusce iuris & sanctionis, aut obliuionẽ excusare quouis modo possimus. Quid me igitur, quid te lector, quid vno quoque futurum est nostrum, è moribus & institutis sensus communis, vitæ suæ tenorem comparantiũ, quæ manifestè pugnare cū monumētis sapiētix celestis, legēque euangelia intelligimus, cū sanctionis terribilis & capitalis clausula promulgata: & in tā dissoluta supinæque animaduersione, & incuria tum pollicitationum, tum minarũ domini, serui insigni nequitia præditi, audeamus nobis promittere adeundæ hæreditatis copiosissimæ facultatem, adoptiuis dei promissam? Si scripturæ credimus, dei filius & sermo, interpret prius fuit inter deum & Abrahamum, quasi stipulatorẽ quendam delectæ vniuersitatis hominum, qui veritati & sapiētix vt parenti, dicto audientes futuri erāt, fidẽmque habituri. Iterum idem dei filius interuẽtor fuit inter deũ patrẽ omniũ & genus ipsũ humanũ, cõmerciũque celestis & æterni pactor atq; transactor. Hoc porro pactũ fœdusq; admirabile, nõ minus admirabili pignore sanctũ est & cõfirmatũ. Siquidẽ Abrahamo quẽ diuinitas ipsa in deliciis habuit, ineffabile deus pollicitus hæreditatem, quo fiducia ipsi, eiusq; germanæ

E.iiii.

DE TRANS. HELL.

posteritati plenissimā faceret, sanctissimē adiuravit. Quid inquires, per Stygos paludem, dii cuius iurare timet & fallere numē? Minime. Quid ergo? terrā, mare, sidera? Ne id quidem. iurat per semetipsum deus, ratū id pactum æternūque futurum, quando ne deus quidē ipse, tametsi omnipotens, maius iurisiurandi pignus sanctiūsque dare potuit: id enim Paulus ipse testatur & admiratur. Tametsi iusiurandum illud deus non patriarchæ gratia pollicitationi suæ addidit: quippe cuius strenuam fidē nouerat & cunctatione vacuā, non præscientia modo diuina, sed etiā clarissimo recentique exēplo. Cæterum nostrā aliorūque mortalium ignauissimam fidē prouidens, corneæque viscera Adamidarū, alumnorum pertinaciæ atque cōtumaciæ: contra quā testimoniū perhibet insignis ipsius patriarchæ fides, graue, clarū, & irrefutabile. Hic si quis me roget, cū receptissima sit merito auctoritas scripturæ, cū interdū sensuum sublimium miracula inter cōmentandū in ipsa emicantia, fidem rerum diuinarū manifestam faciant: sic ex ænigmatibus illis diuini sermonis raptim coruscantia, quasi fulgetra quædam rapida, è nubibus altissimis erūpentia. denique cū exempla tot prodita sint certissimæ fidei à viris sanctissimis, quorū nos memoriā colimus vt venerandā & consecratā. hic igitur si quis quærat, cur adhuc affines esse pergimus apithiæ gentilitiæ, Nihil aliud habeo potius quod respondeā, nihil quod causi fieri, quā hebetem sensum cōmunem & euanidum, quo nos magistro passim vtimur, rerūque diuinarū humanarūque æstimatore. Nos enim tū dei, tum eius sapientiæ odorem quendā, vel succisuiis horis cōmentando captamus, vel tantisper dū operam damus sacris auscultationibus: interimque dum odor rerum diuinarū quasi vnguēti suauissimi fragrat, admiratione earum & suauitate duci-

mur. Simulac autem res alias agere institimus (quod nunquam nō ferme facimus) sensibusque vacare, de rebus vanissimis, aut certe ab illis diuersissimis, ad principatū animi referentibus, quasque ad senatū ciuilis prudētiæ: odor tunc ille natura fugax, protinus euanidus abit, & memoria eius interit. Nec verò ex eorū numero sumus, qui dicere cū Paulo potuerūt, Gratiam deo habemus, qui odorem cognitionis Christi in omni loco manifestum per nos fecit. Etenim qui hoc dicebat, quocunque locorū ipse gentiumque se conferebat, vnā quoque odorē cognitionis dei Christi que disciplinæ circumserebat: videlicet illa est tyrannis principis mūdi abrogata tantū à Christo inter filios dei, qui in regno eius agunt. Quē principem idē apostolus ad Ephesios scribēs, imperatore huius sæculi, & potentatus aeris nuncupauit: ideo (vt censet Chrysostomus) quod ipsi natura humana sese, partē quidem longē maxīmā, in nexum vltro dedit & mancipiū: idque fit hodie ab ipsa, iudicio tā præpostero, ac de salute propria dirum in modū merito, vt Christo dei filio nemo penē attentionē accomodet, etsi tanta nobis taliaque pollicēti, eadēque perpetua: principi autē ipsi mundi, cōfertim mortales sese agminatimque, tanquam duci proprio agglomerēt, assecclāsque sese præbeant, præsentia quidē illis festiuāq; sed tēporaria promittēti fallaciāque. Cuiusmodi auctoramēto mortales obligati tyranno teterrimo, sacramēti immemores, quo in verba seruatoris adacti sumus, salutarē militiam regni dei beatāque detrectamus, atque è numero delectorū Christi, aut certē euocatorum, in numeros protinus viui (vt dicitur) videntēsque trāscribimur, noxæ Stygiæ destinatorū. Miserum ac perditū, dirūque cōsiliū. hancine vim cupiditatis, hanc ambitus, hanc voluptatis, cuiusmodiq; annonæ militiæ infernalis, vt iis stipēdiis

DE TRANS. HELL:

allecti homines, nec cælestes postea numeros copiasq; beatas recordentur, eorumque emerita stipendia, sempiterna futura: Hæ sunt scilicet præstigiæ & fallaciæ Caci illius Stygii, auerſisveſtigiis cæcisq; mortales in illud orci specu, vastum horrendumque rapiētis. Iaceſcit enim in nobis acer ille inſtinctor, æmulationē, cupiditatem, laſciuiam, libidinē, aliōsque igniculos cognatos inferorū, inſitos naturæ deprauatæ, atque iis cōſternatæ & velut fanaticæ mentis celſtris, cæcisque furiarū aculeis, aut præcipientes agit homines, aut trāſuerſos eos rapit in exitium æternū. Quem caſum præcipiitūque tartareū, ſi vitare ipſi prouiſum, & auerſari cupimus: oculos protinus retorquere ad ſeruatore oportet: qui in crucē mirificē ſublatus, atque vndiq; cōſpicuus, ex paſſis etiam vlnis ſinum in ſuū nos ac præſidiū euocat aſſidue: ac tergeminus quidē in perſona atque in numine deus, vnus in natura & ſubſtātia, à primordiali ſtatim noxia, ocluſos ſapiētix theſauros habuerat, mirēque inuolutos & obſignatos in oraculis ſuis. Ieſus autem ipſe Chriſtus, nunquam ſine præſatione ſeruatoris hominū à nobis appellandus: idem dei filius, & verbū, & ſapiētia eiūſdē, in officina paracletica corpus humanū factus, clauem illā antea inauditam mūdo attulit gazophylaciū cæleſtis, ſcriniāque reſerauit inexhauſtæ ſapiētix atque beatiffimæ. A cruce autem eius, tanquā à perenni fonte ſalutis, à capiteque manātis per orbē fluminis veræ & æternæ ſapiētix, ducenda eſt ratio prima & vltima philoſophix, cōmentationiſque ſumma pertinētis ad theoriam; quæ dubio procul ipſa cōtētionē animi probi atque ſublimis, attentionēque eiūſdē perpetua digniſſima eſt. Pandito nunc ocluſa deus, aureiſque noſtras iciunas myſticæ diſciplinæ, verbo ſuo mirifico ac ſpiritu impleat: eiūſque vi aculeata ſuauiſſime, & flexanima ſtupentia præcordia

cieat. Plus est enim infinitis partibus aspirās paracleti numen in oraculari studio, quàm actio asseruens & pronūciatio, quamlibet animata in oratione humana: vt mirari definamus nō perinde constare omnibus eius studii rationem, euentūque eodē cedere. Refert enim nō quatenus quisque se ingurgitet aquis ex illo flumine exundātibz, sed quo spiritu afflatus, & quàm sitiēs immortalis sapientiz: tū homines quidā crudi, cōcoquere nō possunt aquas, haustas quidē sæpe auditis curiosæ cōgio magis, quàm fidei bonæ cyathio & charitatis dei. nisi verò putare debemus bono stomacho eos esse, qui esculentam carnē Christi veram, & potulētum sanguinē, auribus admittere sine symbolo nequeunt, nedum scripturæ elogio, tōrque animarum sanctarū priscarūque auctoritati credere: quosque Christus ipse augustissimi sacramenti conditor, cum iis valere iussit, qui ipsum olim de hoc sermocinantē ferre nō potuerūt: vt est apud diuum illū Ioannem scriptū, à manu eius seruū fidū atque dilectissimū. Age dum igitur, agamus nos (inquā) quod agitur in vita præcipue: siquidē rationalis animans, à ratione recta, nō item ab obliqua & peruersa, finitionē suam accepit. Lignum ligno normaliter incubās, caduceum pacificatoris esse, non dicamus modo, sed ducamus etiā, ac mente permemori teneamus, quē inter diuinam humanāque naturā interuenisse, & diuinis elogiis, & traditæ per manus auspicatō iniurias, auctoritati nō dubiē credimus. sic enim maiorum gētium senatus ille censuit, ætatūque heroicarū, germana, docta, inspirata, incorruptaque prudētia. sic centuriæ primæ classis, diuinis ornamentis ac dignitate præditæ, ob idque non dubiē prærogatiuæ, sciuerunt ac iusserunt. sic capitali pignore cauerūt, sic fide sua ingenti & admiranda esse iusserūt, agmina illa numerosa testū, vel innume-

DE TRANS. HELI:

ra potius, qui vades pro Christo semetipfos offerre sæuissimis tyrannis ac truculentissimis minimè detrectarunt. Sic denique rei euidencia fateri nos cogit, quæ in oculos quidem illa incurrit: sed hebetatos rationis rectæ cõnuentia, nebula insuper offusos à Caco exhalata ex antro illo tetro, tartaridarum domicilio, draconisque faucibus. Age igitur rursus, hoc insigne salutis, hoc symbolū pacis superum impetratæ, hanc notam, hoc monumentū adoptionis diuinæ, iusque cernendæ hæreditatis optimæ atque beatissimæ, pro amuleto circumferamus alexicaco, in sinu id gestemus, apprimamus id præcordiis, videamúsque magnopere ne discinctis aut malè cinctis excidat. totosenim nosmetipfos contactu eius atque osculo, lustratos esse meritò confidimus: quippe qui illa veluti cælestis Herculis claua, tria Cerberi tetra capita, cõcisa atque elisa, ternas fauces contractas esse norimus, voluptatē, cupiditatē, fastum, quarum primæ voracissimæ, secundæ hiantissimæ, tertiæ sunt tumentissimæ. Orci quoque repagula antea intacta & immota, illo veluti sacro vecti cõuulsa citò scimus, custodiâque vetustas vindice seruatore extractas, quæ clausæ in caligine, desiderio lucis supernæ iandiu tenebantur: nam tulit hinc illis aliquândo oprantibus ætas auxiliū aduentumque dei: Alcidesque magnus ouans victoria venit, clauator diuinæ maiestatis: opima subinde spolia illaturus in ærarium cæleste, visendū, splēdidum, & copiosum. Tum primum manes Cacum videre trementē, turbatumque animo: hanc denique tesseram esse gloriari iure possumus, iniri & contracti hospitii perpetui inter cælum & terrā, deum inter mortalesque, incolas huius orbis. Commercii cuius ergo, præana sæpenumero nostrū canimus in obsecrationibus & precationibus, quæ fiunt in tēplis sanctissimis, interim dū pacem dei superumque exposcimus,

Scimus & in hoc ligno, lustralique adeò expiabilissimòque signo, duas inesse normas: ad quas omnè lapidem exploratū oportet, qui quidem quadraturus sit in structura fani mystici. Hoc idem porro lignum inuertere tute si in stiteris, trutinam statim exactam in eo inueneris, quæ tãquam in æquilibrio iustitiæ constituta, neutrà in partem vergit. nam in libra iugum ita porrectū vt stet ad exactū æquilibriū, vtrinque rectum vnū efficit, vt Aristoteles inquit in Mechanicis. ad eundémque modū brachia expansa in porrecto ligno, corpore in sublica ad perpendiculū extenso, singulos rectos vtrinque figurant, & tanquā deliniant. In hoc lecto pœnarū Christus iacens, emptor ipse familiæ (vt verbo vetustissimo iuris vtar) hæres in asse relictus æterni patrimonii, testamentum suum condidit, vel conditū potius confirmauit. in quo quidē testamento ab octo beatorū gradibus eos ipse reliquit exhæredes, quos ciuilis prudentia felices, ac frugi homines esse iudicat: cum interim fidissimis suis amicis, quibus pacem suā dederat vt legatum vberimū & imprimis expetendū, doloris atque ærumnæ absinthium propinauerit in calice philotesio. Verum id genus supplicii (mirū id dictū stupendūque meditatu) seruile apud priscos & detestandū, à Christi seruatoris morte cultūque venerandū, sacrosanctum, augustum esse cœpit, atque etiam laureatū, idque meritissimò. Siquidem Iesus Christus, è cruce velut ex ara quadā insigni, edita & conspicua, quasi è loco superiore, principem illū mundi cū copiis suis fudit, fugauit: ex arce etiā oraculari, in qua sibi numen ille diuinumque cultū vsurpauerat, luculètè deiecit, præcipitèmq; deturbauit. Opima præterea spolia eiusdem è regia retulit, vasa automata atque animantia, argētea aureaque, è medio atque è penetralibus Aegypti repetita, asportatāque, ad ornamentū

latitudo, quid longitudo, quid altitudo, nosseque cognitionis Christi charitatem præstantissimā, quo impleamini & absoluamini ad totū vsque dei complementū. Quibus ille verbis, vir diuinarū rerum consultissimus, seruato riæ vim œconomix effectūmq; immēsum exprimere mirè voluit, & significatissimè, vt O Ecumenius Græcus auctor, ex sentētia Phorii hominis acutissimi scripsit. œconomia autem à Græcis theologis dicta est, verbi dei vita, in corpore mortali existentis, cū theurgia mirifica totaque illa salutis hominū peragenda diuina prouincia, quā ipse libens seruaturā appellauerim, ab eo administrata secundū mandata præscriptaque dei patris, à diuinis quondam varibus mūdo prænūciata. Longitudo significat ab omni æuo & ante tempora, cognitionē eius quod dictum est, apud homines, atque administrationē, à deo præfinitā fuisse. Latitudo ex eo intelligitur, quod in omnē gentem vis eius & potestas, extensa est & propagata. ad eos enim qui ante legem, ad eos qui sub lege, ad eos qui post legem fuerunt, humanitatis Christi, & rerum ab ipso, deo simul atque homine gestarum, beneficiū & fructus efficacique spectauit. Altitudinis extrema eò pertinent, vt intelligamus, eundem Christum ad inferos descendisse, ad cælūmq; ascendisse, & simul primitias humanitatis beatissimæ super omneis gradus angelicos eundē sustulisse. Ad summā, in Christo cruci affixo, nō modo fundamenta fidei iacta sunt, sed & substructio ipsa, & exadificatio Christianismi, columnen & fastigium religionis, eo firmamento nititur: id enim pro axioma tenere nos oportet. Quod nisi fecerimus, aqua disputationis nostræ, ratiōque adeo tota prorsus hærebit sanctioris philosophiæ ac theoricæ. nam & sanguinis Christi expiabile numen inde pōdet, quo fœdus vnitatis mortaliū cū superis atque immortalibus, san-

DE TRANS. HELL.

tum est. Postremo hoc habet philosophia tanquã diuinæ cornu copiar, vnde nō alimēta modo theoriæ, sed etiã delicias suppetit cōtemplationi æditæ & recōditæ: vnde diuitias summas animi studiosi promat, fidē, spem, charitatē: vnde in rebus acerbissimis, æquum animum, in secūdis, vitæ contēptum. Est apud Platonem in apologia Socrates Delphico se oraculo differēs sapiētissimum hominum pronunciatū esse, nō aliam magis ob causam, quàm quod nihil se scire opinaretur, nisi vnū id ipsum, nihil se scire ipsum. Vas illud lectissimum summi ac cælestis Promethei, Paulus iam sæpe dictus: ad vnguē figuli ipsius absolutus, nihil se scire gloriatur, nisi Iesum Christum seruatore, cūque cruci suffixum. Vtrum igitur horum doctiorem, sapientiorē, rerum cōmodarum homini prudentiorem, arbitrari debemus: hunc claro elogio nouimus in cælum sublimē esse raptum, haustaque doctrina ex adytis sapientiæ, nobis oracula fudisse, diuināque cōsilia enarrauisse, ea demū quæ in vulgus promulgare ac prodere, quatenusq; licuit. à quo viro præcipuē, secundum quidē deum simul hominēque Christum, factū est, vt studium sapientiæ in cælum è terra sublatum sit. Quod contrā Socrates è cælo in terram deuocauerat, ad mores hominum cōponendos, quorum immortaleis esse animos ipse quoque censebat, si Platoni credimus. Profecto harum rerum cōmentatio congruēs est homini philosopho, primāque & summa digna philosophia. cuius vnus & studii & cōtemplationis altitudinē, magnitudinē, amplitudinē, non dico exhaurire nequirent omnes philosophorum sectæ, numerosæque familiæ atque ingeniosissimæ: sed satis admirari, si nunc reuiuiscerent, rectāque religionis opinionem quæ orthodoxia dicta est à Græcis, tuendā aggredierentur certatim & explicandam. Dei filius idem ratio & sermo

& sapientia patris, cælitus delapsus è solio diuinæ maiestatis, cum humani generis gratia hominem iustum plenumque suscepisset: in eo homine ipso cætera nobis simili, ortus tantum priuilegio, & culpæ vacatione eximio atque immuni, agi in crucem, in crucem (inquam) agi, figi, extinguique sustinuit. Hoc cum longè maius sit beneficium erga mortales, atque luculentius, & verò admirabilius, quàm mundum condidisse, in eoque vitam ficto homini luteoque inspirasse: quotus quisque nunc hominum id recordari videtur animo satis grato atque rē perpendiculari, ut quidem par erat agnoscere gratiæ magnitudinem? Nam cum magnopere inculcatum sit, & penè auribus infixum populi & primorum, hoc consilio providentiæ, beneficentissimè, honorificentissimè, summæque indulgentia cum homine diuinitus actum esse: iccircoque Christum id facere cum patre & spiritu cælesti statuisse, naturam ut humanam secum sublatam in crucem, ibique restitutam immortalitatis primæque natalibus, in cælum deinde ordines adoptaret & transcriberet: nos tamen certatim id agimus (ô diram amentiam) certè quidem plerique qui in medio & publico viuimus, longissimè ut à cruce dominica liceat nobis esse, vitamque traducere. At hoc quidnam est aliud (conferre enim hic pedem cum veritate tandem oportet) quàm seruaturæ Christi acta aut abrogare, aut irrita facere? quàm præcuntem nobis deum viam salutis, destituere, in diuersumque iter contendere quàm quisque potest maxime? O vitam hominum præposterè, ô exitialiter, ô perditè comparatam. tu cum Christi nomen, numen, doctrinam adores: cū expiabile esse censeas & fateare: ita tamē vitæ studiūq; vitæ instituas (de me autem cum primis loquor) ab eius ut præce-

DE TRANS. HELL.

ptis, institutis, exemplis abhorreere videare: Videamus per deum ipsum immortalem Christum, immortalitatísque parentem, ne id ludificatoris sit asseclæ, aut parum sanæ mentis. Nos stipendia facere auspiciis seruatoris omnes videri, existimari, perhiberi volumus, vtpote sacramento mirabili in verba eius adacti. Quis enim hoc non magnopere præ se ferre contendit: tesseram etiam eiusdem militiæ, insignéque gestamen venerari gaudemus adorabundé. Cæterum ærumnulas, muniâque militiæ, quorû illa sunt indicia & monumēta, obire reuera abominamur, vt mala, vt incommoda (ô rem cum professione Christiā, nismi discrepantem) vt homini omni ope opibûsque depellenda & procuranda. Heu incertum & stolidum vitæ nostræ propositum, ac nihil omnino præferens quod spectet ad finem bonorum consecrandum, malorum auersandum. Nisi verò non rebus affluentibus & lætis exultamus, gaudióque perfundimur, vt salubribus & expetēdis: tristibus & aduersis vultus ducimus & contrahimur, vt noxiis & longè reiectancis. Adde quòd diuum Paulum ipsius hypodidascalum sapientiæ, qui in cruci affixo merito ponit omnia, & beatum ipsum, & æternarum rerum prudentem & consciū, tum fuisse dicimus maximè & credimus, cum de Christo philosopharetur, crucisque supplicio: & porrò inspectore supernæ sapientiæ, arcanorūque eius mirabilium & viscendorum. Age iam, cum diuorum reliquias miremur vt heroum, earumque loculos auro & gemmis ornare moribus receptum sit: qui velut calones seruatoris, susceptam eius clauam ad extremum pertulerunt, partim non frigore, non æstu, non inedia fatiscētes: partim ne acerbissimis quidem pœnis cedentes, maioribûsque humana patientia. Sed cum

cam ob rem memoria eorum publicè consecrata sit, cum priuatim beata, augusta, votis etiam imploranda ferè existimetur: quì fieri potest duntaxat fide bona, omnia vt è diametro opposita, omnibus vngulis (vt dicitur) captemus & aucupemur? Nimirum, quòd prudentia ista, quæ in publico mediòque versatur (de Nestorea loquor, & senatuū principe) cum in perspicendis vanitatibus Argo oculatior, in rebustèporariis Corculo illo ciue Romano cordatior sit, in diuinis tamen rebus æternisq; existimandis, hebes, secors, excors esse, atque adeo vacors, manifestò deprehenditur. Age rursus, paulisper fateri verum sustineamus: vt sit, cum fidiculis sordidatæ consciētiz subacti, sacerdoti expiatori indicare nos contaminatæ mentis, & male sibi consciæ, visum est. Quotus igitur iam quisque nostrum, de spe æternorum bonorum interdum percunctantibus, cuiusmodi, quantàmque habeamus eorum expectationem atque desiderium, ex adyto cordis sui responsa dare iudicandus est? & non è limine potius inuāque tantum eius templi, in quo templo verbum dei veritatisque diuersari sustinet: & nos adoptionis liberi (ii enim esse verissime gloriāmur) hospitem admittere veritatem non veremur, non grauamur, non perhorrescimus, in diuersorium vanitatis, & simulationis, & perfidiæ? Nisi verò non est perfidia, fidem fallere, ab eoque reuera desciscere, in cuius verba solēni sacramēto diximus. Enimvero illi duo falsi testes & vanissimi, sceleratiquè mentis humanæ interpretes, vultus & lingua, mundum impleuerunt vanitate, præstigiis, & circumscriptionibus, quæ ludibria sunt aperta Christianismi, apud deum quidē illa, criminosa atque capitalia: cæterum apud homines, lauta atque vèdibilia: si quidē ad verū loqui, nō ad veritatis simulachra volumus. at id si aliàs vnquā, nūc omnino no-

DE TRANS. HELL.

bis faciendum est, tanquam in exhedra quadam sanctioris philosophiæ differentibus: atque id cum paucis tantū, iisdemque initiatis (vt aiunt) maioribus initiis, & profanis procul arbitris: sic enim existimari volo. Nam quid dissimules? quæ te ad maiora referues? Num locus alius, non tempus, nō argumētum appositius aliud esse potest? Iam verò Ioannes ille baptismi proditor primus, ab eoque nomen adeptus, quem vnum euangelus, cœli aduena, pro cognitore dandum censuit mortalibus, vt idoneum & locupletem (ab hominibus enim Christus nondum agnoscebatur) quanquam cognitore nō opus erat ei, qui tesseram circumferret indicem sui generis ac natalium, edendis tot talibusque theurgicæ mirificæ facinoribus. Et erat missus è cælo ad res humanas inspiciendas, potestate cum summa, summoque cum imperio. Verum ille anteambulo veritatis & prænuncius, quodnam tandē initium adueniens dedit disciplinæ philosophicæ: Resipiscite (inquit, ad populum iuxta atque primores loquens) quandoquidem regnum cælorum appropinquauit. Resipiscitiam autem nemo nescius est (opinor) mœstam, & veluti squallentem recordationem esse, ob errorem admissum in vita instituēda, atque in ratione comparanda ad functiones animæ cōmodas, naturæque rationali consentaneas & congruentes. At verò cui resipiscere contigerit resipiscitiam euangelicam, id est pœnitēdam esse admodū pigendamque Adamidarū vitam persentiscere, qui cū salutis appetētis præcursore philosophari, qui cū ipso denique Iesu Christo diuinitatis emissario & interprete, rationē vitæ beatæ inire instituerit: huic in primis expiandus ille Adamides vetustus est, qui in dei comitatu obsolescit, cū aliàs, tū vero pœnis ob secus vel admissa vel cōsulta & instituta, ab sese expectēdis. Et qui è cælestis iā vitæ præceptis, quæ inter mortales

inclaruit per Iesum Christum, & prodita est : redituium hominem suum formare concupierit : is suauem vt nexum disciplinæ euāgelicæ, atque interpolatricis hominū, ineat necesse est. nanque hac vna ratione vitæ, tetro ex illo cæcōq; ergastulo Stygii plagarii exire, in libertatēque poterit asseri arbitrii, dignam animo immortalī, & præsertim philosophiæ cupidissimo. Liberum autem arbitrium cuiusmodi intelligam hic testandum habeo, ne conflictari mihi contingat cum iis qui status controuersiam duriusculam nobis faciunt, aut cum illis qui decretis vel nouis, vel rediuiuis potius, in necessitatis compedes imegisse dicuntur: quos Christus vindex cœlestis, liberali manu (vt antiquo verbo loquar) asseruerat, è carastāque Aegyptiæ impotentia & Hellenismi, ad pileum Hebraismi prius, deinde Euangelismi, euocauerat. Mihi quidem τὸ ἐν ἀντιθέσει, καὶ ἐφ' ἡμῖν, καὶ πάλιν τὸ ὑπὲρ τῆς προνοίας προσωρισμὸν καὶ καθυσκόος, aliternis posita, eiusmodi disceptationem excitare videntur, quam propter intellectus humanus Pythiū illud γινώσκει σκευτὸν recordari debeat: de quæ ipsa cōtrouersia, cuius Paulus disceptator esse arbitetque veritus est, aut prorsus nihil, aut amplius atque amplius pronunciare in perpetuum. Quid enim iudicio mortali cum iis quæ deus ignota nobis esse voluit? Hoc autem nuper vir doctissimus, ac de literis eximiè meritis, quem nominare in præsentia supersedeo: recte censuisse mihi visus est, in locum illum insignem scribens epistolæ diui Pauli ad Romanos, contrā quā plerique arbitrabamur eum sentire, ob quædam quæ exierant ab eo præproperè, aut exciderant illi fortasse expressa studio amicorum. Ego verò existimo (vt alibi dictum est) eas contentiones, quæ hac dere, quibusdāque de aliis exarserunt non ita pridem, studii plus habuisse (vt fert concitatae mentis impetus) si-

D E T R A N S. H E L L.

multatísque philosophicæ, non vnis forsitan in partibus: quàm æquitatis innocèter æmulæ, ac candoris animi, euāgelico spirítu indoléque imbuti. quod pace dictum velim omniū ad quos id pertinere potest. Satis enim omnes nouimus quàm ægre sibi temperare soleat strenua vincendi cupiditas: præsertim cū Marte suo splendētique freta est, & Palladis instinctu percita, geminis armis instructa. Haud equidem nescius sum, ita nos esse liberæ voluntatis, vt & motus animi nihiloscuius, & temperatio habentæque positi ac consilii, apud hominem illa quidem, cæterum penes deum sint, animorum vtique potentem, & creatorem. Siquidem prouidentię fascibus & auspiciis, arbitrii ductus, tenórque voluntatis, consensu omnium cedit non insipientium: vtpote in quo viuamus, moueamur, & simus, quod idem Paulus ait. Nec ideo tamen quisquam est sanæ mentis, quin in perperam consultis, in temere susceptis, in secus admissis, simul vt respicit, destitutum illico à deo sese culpa sua aut scelere fateatur, perurgente conscientia. Quin pœnam eo nomine, à numine, ab homine deprecari vereatur, quasi non volens ipse, insónsque peccauerit, etiamsi imprudenter quasque imprudens egerit. Quocirca putidum admodum est auribus lectorum & auditorum ac fastidii plenum: quod quidam scriptores huius temporis, homines pereruditi in disciplinis elegantibus, libentius nihil faciunt, quàm vt libero arbitrio, eiusque assertoribus proterue cōuiciantur, alternasque commentariorū paginas eodem argumento impleant, sese in hoc venditantes factioni, vernili pene dixerim loquacitate: vt non decātior fuerit Orestes olim in fabulis scenicis, quàm arbitrii & iustitiæ humanæ per ludibriū mētio in libris theologicis. Neque verò sunt hæc acroamata tam scita, vt decies repetita placeant & centies. Neque fides &

dilectio numeris omnibus absoluta, mellita sane vocabula, suauiorque digna, atris illis salibus discordiæ, satyricisque apte cōmendantur, aut cōueniunt. Atqui hæc ipsa nomina, honoris tantū causa Christiānismi cōmendāda nominatim atq; euāgelii, sordere tam cōperūt, atque obsolescere v'surpatione nimia. Ecquē enim iam pudet, nō dico scriptorē memorabilē, sed vaniloquētix nunc celebris institorē illiteratum & officinarium, iustificam istam fidē, nulla non virtute vacuam, supinam & inertē, & verò sempiternæ vitæ securam, obuiō cuique venditare, libello è sinu prompto: & homines non animam sed spiritum ducentes, & charitatis alumnos (vt quidem credi volūt) amarulentix sarcasticæ sententiis non pudet, aut piget: rerum diuinarum cōmentarios fœde cōtaminare: nimirum multa acrius & nauius oppugnarētur, celerius & certius expugnarentur, in hac quidem certe specie, composita acie argumentorum, ac genere scribendi didascalico: quā petulantia maledictorum agmine, & vicissitudine rescribendi acerba, & argumento dissona. Etenim moratas disputationes, qua de re nunc agitur (mea quidem sententia) non morosas esse conuenit, si numine afflatas esse volunt existimari: quod necesse est omnino iis qui persuadere cupiūt. Verum enimvero philosophia nostra Christianismi alumna, admodum diuersa est, abhorrensque ab stoica & arroganti: quæ nihil nō tribuit & largitur humanæ sapientiæ, cum hæc nostra oraculari autoritate condocta, homini quanuis eximia ac felici natura prædito, quanlibet docto & sapienti, nihil opis & præsidii in cohorte sensuum, nihil in facultatibus animi esse censeat, quātumuis tranquillī, cōpositi, atque considerati, duntaxat ad summā bonorū adipiscendā: si quidem fiducia sui subnixus, vel vir, vel homo, pomœria egressus sit diuini

D E T R A N S . H E L L .

præsidii: aut si tessera vigiliarū oblitus, securitatis culcitæ indormiscere cœperit, tanquā sub tutela tutus sapiētiæ philosophicæ. Offensatrix est enim castitrixq; adeo humana sapiētia, adinivulq; indigens supernè profecti-
tū: nō aliter atque inter velificandū nauta, tametsi nō cessans & sollicitus, flatus tamē indiget obsecundāris, qui votis exoratur vt dei indulgentia. Et nobis res est in vita cū angue peruigili, reptili, calcibus imminēte, stolido primū sensui quasique muliebri, obrepente: dein rationi quoque sensim masculæ ac meditatæ, sæpe etiā à calce sursum ver-
sus arrepende, eorūque tandē ceruicibus sese centuplicato circūplicante: qui hilares, nitidi, prætextati, cōchylia-
ti, tum sacris & profanis fascibus cōspicui, turbam sum-
mouent longissime populariū. Sator est idem messōrque scelerū, ex improviso fere imminens, omnes articulos cal-
lens, omneis aditus tenēs circumueniēdi hominum quāuis circumspectorū. Caterum eo exitiabilior hostis, atq; ini-
micus capitalior, quòd minus iis infestus est, vnde propius abest: id quod iam olim de vulpe in prouerbiū venit. Nā quos in ære suo esse nouit, eos partim in tranquillitate quadam acquiescere atque securitate, partim altum som-
num edormiscere prosperitatis sinit: nimirū feriarum vi-
tæ vsuram, & laxamenti deliciarum, in nexu sempiterno durissime exacturus. In vniuersum porrò generis humani noxiæ antiquissimæ & decantatissimæ, parens & auctor: quæque diuinitus tātum expiabilis erat. qui ob superbix immanissimæ facinus, cælestiū ordine motus iudicio dei primo, amplissimoq; gradu dignitatis deiectus proseleno præcipitio (vt Græco verbo dicam) malorum omnium vi-
tiorūque sementē, per orbem terrarum vbique iecit ob inuidiam: ex qua messem perennem animarū iam inde à primordiis rerum facere instituit, atque in dies magis ac

magis pergit, multiplicem, & variam, & exaggeratissimā: In messe autē, quā seruator sibi facere suōq; in agro insti-
tuerat: quē suo nomini nuncupauerat & consecrarat, an-
nulo etiam suo spōsalitio obli gnauerat, stragem semper
edidit & populationē, sēculis multis calamitosissimam:
& verò nunc maxime pergit edere luculētiorē indies, qua
plebis, qua procerū. Id quod cōmunis sensus animaduer-
tere, partim alias res agitans, partim ad res stupens perpe-
tuas & immortales, nō potest. Prōh supreme conditor, ex
tanta massa tuā figlinā quotam partē delegisti, quam in
cohortem illam beatam secerneres amicorū? Quis ratio-
nem inire hāc auspicetur sine horrore animi ac stupore?
Verum ille improbus, mortis immortalis conditor, a pri-
mordiis protinus, & à vitā intellectūque tyrocinio, men-
tem humanam ad imaginē dei factam, de statu deturbauit
securā ac beatā innocentia. in vno autē aut in altero ho-
mine liuoris sica feriēdo, posteritatē totam in æuum sau-
ciauit, lethali quidem illo, nec tamē inexpiabili vulnere.
Etenim dei filius, decreto æterno destinatus humanitati
suscipiendā, immortalitatique morte sua mortalibus re-
stituendā, in crucem actus ab hominibus, (quod identidem
inculcandū est auribus) naturam ipsam humanam, quam
diuinā sociabilem aduentu natalitio fecerat, in gradū il-
le quidem, sed tamen sic reposuit, vt caducam ipsa condi-
cionem retinuerit, cū voluntate vt suprā dictum, vtroque
versus quodam modo libera, tamen si obnoxia.

Hic locus est parteis vbi se via findit in ambas.

Et animaduertēdum nobis est hoc in loco etiam etiāmq;
quo nobis hęc libertas arbitrii, qualis est illa cunque, da-
ta sit: quanto cum discrimine ad finē properemus, & sum-
mam bonorum aut malorū: quā decliui denique loco,
quā lubrico, quā abrupto situm sit diuortium illud

-78-

DE TRANS. HELL.

viarum, sursum semel, deorsumque ferentiū : quandoquidē inde reditus nullus est (horrendū dictū) spirandus aut timēdus in sempiternum, adeo metus nullus illuc, spes huc omnino nulla comes est. At vasculum nullum horoscopus mortis inuenire hominū solertia potuit, duntaxat nō vanissimum, etsi summa industria cælestium motus corporum, statasque vices eorū cōuersionum, scrupulari obseruatione cōperit & prædixit, atque eo amplius momentaria. Philosophia autē euangelica non alio vel solario vtitur, vel nocturno horoscopo, quā tessera vigiliarū à domino nobis data, qui excubias & matutinas, & vespertinas, antelucanasque edixit. Omnium enim horarū advena est mortis nuncius. idem viator supremi tribunalis, interdumque vadator hominū, præceps atque tumultuosus. Pròh diui nunc immortales, quodnam argumentū cōuenientius esse potest, aut cōmodius cōmentationi philosophiæ? Certe sub armis eius, intraque præsidii philotheoriæ expeditos, à morte deprehēdi satius est, quā sub fortunæ sarcinis, in cāpo ambitionis, in statuis cupiditatis, in diuerforiis amœnis opprimi voluptatis. Verū enim uero mentes ad diuina æternaque contēplanda conuersas, furia veteratrices, & improuisæ, atque vbique locorū grassatrices & maleficæ, variis auocamentis ac ludificationibus abducunt, opinionem vel fixam æternarum rerū labefactant: quippe quæ res gestas à seruatore, actorumque seruaturæ auctoritatē, omnem etiam, ut suprā dictum est, æconomiam tametsi testatissimā, in opinione, in sensu, in fide tot ætatum, tanquā in æs incisam, monumentis marmoreis & cedrinis, æuoque nullo cessuris, insculptam, inculcatam etiam tot gentibus, & cordi (ut ita dicam) terrarum orbis inustam, tum fide, morte, cruore tot agminū deuotorum sanctam, fixam & affirmatam, tamē labefactare idētidem

aggrediantur, machinisque conuellere multifariam. Nam et si fundamēta Christianismi Herculis columnis firmiora sunt in vniuersum, in singulis tamen mortalibus labātis animi tentationes identidē repetunt, molestāque negotia, permultāque exhibent, nisi numen adsit præsentissimum. Tanta enim fuit magnitudo beneficii diuini erga homines, vt illi cedat prorsus humanæ mentis captus, in nullo non nostrum interdum eo repetente vitio, quā apithiam vocant. Quapropter (vt inquit Chrysostomus in Epistolā pauli ad Ephesios) longe admirabilius est Christum viuētibus legem euangelā persuasisse, quā mortuos exuscitasse: id quod validis ille argumētis ostendit. O Economix autē ab ipso Christo administratæ, exactus intellectus eiusmodi est, vt de eo id dici possit, quod de dæmone A Egyptio Lucanus poeta scripsit, Nunquāmq̃ue satis quæsitus Osiris. Tum de fide harum rerū certa, id Ouidianum nō minus dicetur apposite, Semper enim perdūt, semper & inueniunt. Hæsitatio enim nostra, rei toties etiam a nobis iudicatæ quæstionē refert subinde renascentē. nec verò nostra fide quicquam eius rei promittere possumus, nisi Christus æternitatis spōsor, & ecclesiæ sponsus, id sua quoque fide esse, fiduciāq; sui iusserit. Et mēs quidē humana atque ratiocinatio, vt mus in pice (quod prouerbialiter dicitur) in æternitatis contemplatione, in illisq; conflatur, quæ de Christo domino nostro, deo eodē atque pariter homine dicuntur: quæ delibero arbitrio, de sempiternis actis prouidentix, quos *περοεσµιδε* Theologia vocat, vt inquit magnus Dionysius: a quibus ipsis vtique genealogiam illi duram necessitatis ducunt, qui liberi arbitrii appellationē nimio opere oderunt. Iure ciuili liber est homo non minus, & ingenuus, qui omniū legum nexu tenetur. Arbitrium igitur esto etiam liberū, licet ob noxam

DE TRANS. HELL.

illam primordialē obnoxia sit condicione. Equidem hominē sic meritis suis, fidei fundamento nixis, saluum fieri puto, vt seruus suis nummis redemptus, liber olim fiebat. at seruus suos habere nummos nequaquā proprie dici potest, cū nihil mancipio sibi quærat & possideat: ne homo quidē liber arbitriū habere vllius rei potest, quod non magis dei sit, propriū, quā eius qui habet, suum. Proinde vt iure summo coniuñcte, seruus nummis ē demensi sui reliquis, confectis, ad libertatē: sic homo arbitrii sui adminiculo ad salutem æternam aspirare nō prohibetur, indulgēte providentia. Verū in iis aliisque eiusmodi mens humana curiosius commentans, in asystata, quæ dicuntur argumenta, incurrit, quorū exitū inuenire, explicationēque nemo potest. Quare in ea caligine speculationis deprehensis, quasi in æstu alternantis hæsitantiæ, opinatio- nisque euariētis, ad sacram illā (vt iam dictū est) nobilēque anchoram γνώσις θεοῦ respiciendum, in eaque sub-
dii certi fiducia secundū deum collocanda est, vbi nullus temeritati atque errori locus est. Id quod mihi Paulus sæpe dictus, Theosophorum Platonis, admonuisse videtur in epistola nobili quam ad Romanos scripsit: cū in dei iustitiam atque providētiam inquirere nos vetuit, selectarūque animarum, & reiectancarū iura, causāsque disceptare. Neque enim analogia intercedit inter præscientiā dei cōsiliaque, & intellectum coniecturāque hominis, & oracularis elogii ponderibus, non humani sensus præiudicio, argumentationisq; philosophicæ, rerū æternarum auctoritas & fides expendenda est. Mihi verò non modo curiosum, sed etiam fraudi ingenti videtur obnoxiiū, quod paulo ante dictū est, in ea inquirere, quæ deus clam nobis esse voluit. Etenim multos olim mortales doctos alioqui viros & eximios, transuersos abripuit contentionum æstus,

ruendis pertinaciter dogmatibus inconsulte susceptis, huiusmodique non ita pridem æstus, nescio quo primū numine, an turbine excitatus, tantōque interuallo: vnitatem Christianismi repente secuit & luculēte: isque admiratio ne primū ingenti, mox etiam stupore, deinde studio non minore à multis exceptus est. Habuit enim nouitas frontem primam festiuā ac speciosam, antequā augefcens pernicacia duriorem in modū eam perfricare institit. Id ego cum honoris literarū causa, tum alias ob causas nollē factum: deinde isto exemplo factū, si factum oportuit, itaq; in fatis fuit prouidētia; tum quorundam cū inuidia perfectum, & quoquo peruagatū gentium. quorū vicem mediussidius vehementer dolere cogor, cōsiliūque reprehēdere virorū ingenio doctrināque præstantiū. Quid ni autem id facerem? qui ab eorū auctoritate videam imperitum vulgus licētiam mutuari: improbe quidē illam inscitēque & immaniter, sed tamen vtcunque adumbratam: tū ea fiducia ludibria religionis cōminisci ausum alia super alia, delendis placitis antiquis sanctissimorū Christianismi Eumolpidarū. Quid enim? ad sūmūne indignitatis non ventū est (id quod à me taceri sine scelesta præuaricatione nō potest) cū hominū cōiurata cateruā palām decuriantur ad discrimen tollendū bonorum & malorum, atrorum & candidorū, quod decus est decorque conuersationis hominū, pignūque regnorū & ciuitatū? Est enim (vt opinor) vita iam in præcipiti sita, si pietas, si religio, ac dei contemptio eodē loco habentur: cuius rei exempla quotidie non obscure prodūtur. Hanc morū stragē, hanc Christianismi cladem, literarū bonarum ignominia, virtutum internicionē, cum in dies crescere, quasi que ædium sacrarum incendiū gliscere conspiciamus, vnāque Palladium fidei conflagrare, pignūque æternæ beatitatis, quid

DE TRANS. HELL:

animi iā habere, quid spei, quid expectationis bonæ possumus? Quid verò hominum sumus duntaxat Christianorum, si his portentis, si diris omnibus, si tot prodigiis, talibusque nō permouemur, atque perhorrescimus? Atqui nec victimis cæsis procurare, nec holocaustis quærit, quas publica piæque persuasio expiabiles nequicquā esse censuit, adeo ferū vlcus est Christianismi, carcinomāque indomitū orthodoxiæ, quod nec scalpello, nec cauteri, nec remediis ullis cedit hominum, & Præoniā modo manum poscit & manet. Miseram & exitialem huius ætatis sortem, tametsi literarum clāritatis mire instauratricis, quæ per paucorum crimine, permultorum scelere, religione se obstrinxerit dira & inexpiabili. Nempe quasi terrioris doctrinæ splendor iam nimius, in caliginē atram illico stygiāque verterit, aut rerum diuinarū prudentiæ nebulam offuderit, exortā ex Auerno, excitatāque à spiritu impotentis, præcipitis & erraticæ. Imis enim summa, inferis supera, optimis deterrima, ea occasione permixta esse, omniāque cōfusa, quotus quisque non speciosè dicturus est, istorū quidem certè qui literis restitutis male cupiunt? si quidem quā maxime hoc tempore earum studia nomenque inclaruerunt: tam maxime densis in tenebris nauigiū domini sese egit, & nocte intēpesta. Quin & lacerata nūc opprobriis naui oneraria, alioquique iam pridē veluti solutis, pronāque ad naufragiū, omnium oculis exposita est, inuidiosēque traducta. Interim autē nos vectores, qui ab illis ἀπηνειόχαις dirempti, pontificia familia cōtumeliose quasque gregales vocamur, stationē nullā satis hospitalē cernimus puræ & innocētī fidei atque religioni, neque appulsum certū circumspectamus oculis peruigilibus, atque in cōmune excubantibus. vela publice libentes pandimus cūctationi & incuriæ, priuatim sinus totos hæ-

fitationis implemus atque diffidentia, auras captantes inter-
 rim desidia, supina atque prolatrix. Quæ quo placidiores
 sunt, atque etiam placetiores singulis & vniuersis, eo pellacio-
 res sunt utique, impendioque magis noxia & improuisa: & verò pluriū mentes in syrtes, in scopulos, in
 vada rapientes addubitatrix philosophiæ & deliberatrix.
 Ita est autem nata celebris nunc cōtrouersia latèque
 patentis disceptatio, inter principes antesignanosq; partiū,
 ut hic illicque signa auspiciæque cōspiciantur ortho-
 doxiæ: tessera etiā insigniæque ducum, Christianismi tutelā
 sibi vendicantiū: cū interim vtrique vtrosque theologos
 quidē esse, nō etiā theosophos dicunt. Illud verò nō
 ita valde decorū, parūmq; adeo videtur esse rei disceptandæ
 congruū, quod inde iā ab instituto certamine, rerū diuinarū
 cælestiumq; argumētū, satyricis magis actibus verbisq;
 altera quidē ex parte præcipuè tractatū est, motūq; petulanti,
 quā philosophica grauitate, theosophiāque decenti. Rursus
 id illis eorūmq; auctoribus magnopere reprehendendū
 videtur, quod hinc animaduersionū (vt ipsi dicunt) atrocitate
 res geritur sub legū auctoritate: nec perinde charitate
 Christi, & æqui bonique fiducia, vt quidē ipsi perhibent.
 Mihi verò & multis id placere nō potest, quod cū copiis
 imparibus, dissonoque clamore, signa partiu collata
 sint, in speciē æmulæ, prisca, germanæq; pietatis, vtrique
 etiā auspicia sua esse defendāt tuendæ orthodoxyæ,
 momica tamen phalange atque etiā mimica impressiones
 fiunt, agmineque irritō pugnatur cōuiciorum vehementius,
 quā acie instructa cōpositaque argumentationū. Id genus
 cōtentionis, vel dissensionis potius ter capitalis, in ciuitate
 dei exortū, è re esse Christiani nominis, nobis probari nequit,
 omnibusque (vt ipse reor) æstimationibus secutam inde
 atrocitatē digladiationū, extremāque

DE TRANS. HELL.

exempla petulantiæ facinorosiſſimæ, huius tamē indigni-
 tatis ſolatiū vnum habemus, ne vndique vita pudenda ſit
 & deteſtanda. Negari enim non poteſt, niſi ab imperitiſſi-
 mis, iisdemq; literis verioribus iniquiſſimis, exoletæ iam
 & ſordentis ruſticitatis ſitū (quæ ſupercilio ſemper ma-
 gis quàm ſanctitate cenſa eſt) planè deterſum eſſe hoc eo-
 dem tēpore, qui ſcripturæ cōſecratæ obductus, per ætates
 permultas exortes literarū cognitionis linguarūque, lu-
 minibus nō parū officiebat ſcholarū huius philoſophiæ.
 Ingentem verò rursus iactū ab illis virtutis & honeſtatis,
 è naui domini factū eſſe, ſtragem calamitoſam innocētiæ
 atque religionis, indidem enatā eſſe, quæ mens cunq; ho-
 minū, quod propoſitū cunq; fuerit ipſius nouitatis de-
 ſignatorū, cū nemo inficiando eſſe poſſit, qui quidem nō
 iniquus arberit ſit prodentis ſe veritatis: nō video in rerū
 nouatione quicquā tanti fuiſſe, quā obrē gratulari ſibi vi-
 ta, nedū Chriſtianismi ſumma debeat. niſi verò in vſum
 vitæ, in exiſtimationē Chriſtianismi, in dignitatē religio-
 nis eſſe poteſt, & mundo conducibile, virtutū omniū cho-
 rum, quod decus eſt immortalitatis, doctrinæ philoſophi-
 cæ ſummā, tot ſeculis cōparatæ, ſapiētiae moratæ opinio-
 nem, nulla nō memoria auguſtari, è conuentu, è cōcione
 ſeruatoris exegisse, exploſiſſe, cōuicioſe exhibaſſe. Ad iu-
 ſtificæ autē fidei adumbramentū, tanquā benefactorū om-
 nium inſtar, & maleficatorū ſolum expiamentū, omnia re-
 degiſſe ſalutis ſubſidia, excellentiſſimas denique virtutes,
 inſtituta vitæ præſtantiſſima pro nihilo ducere, vt ſordē-
 teis & obſoletas in cōſpectu domini. Proh ſuperi immor-
 tales, eſtne id animos hominū epulis accipere euangelicis
 & celeſtibus, ſiliquas fallaces fidei & charitatis obuiz &
 compitalitiæ, ieiunis obiicere: ſicque lactatos homines im-
 peritos, immunitate iuſta & vacatione donare? Nā quo-

tusquisque huius philosophiæ studiosorum, præconium istud fidei iustificæ, sane speciosum auditu ac magnificentum, non tanquam congiariū quoddam opimū pronunciatum, excipit, vacationis operū, & licentiæ omnibus numeris solutæ timoris solliciti: eamq; incuriæ inertis perditæ securitatis, somniculosæ cessationis largitionem, ita acceptam refert doctrinæ recens editæ, ut iam vitæ disciplinam, morū seueritatē ridiculā esse putet, archaismūque deliri ac Saturnii redolētē? At ii huius liberalitatis auctores sunt, operisq; faciundi vacationū largitores, qui donatiuis venialibus, tesseriisq; vānalibus abolitionū pontificiarū, cum assensu multorū, plausūque primū refragati sunt: eo tamen blādiore (ut verū fateamur) nouarū tabularū promulgatores, quod & gratis & vberius gratiā admetiuntur, & porrò cū corollario in futurū quoque securitatis. Equis est autē sanæ mētis, qui causæ quicquā dicere ausit aut velit, quo minus vim illā saluificā, hominūmq; seruatricē, & deificā, mortalitas cōscia suæ cōdicionis, acceptā referre debeat diuinæ indulgētiæ, nō benefactis suis aut aliorū? Equis est porrò quin diuinæ naturæ fidē fixam, Christi que theurgiæ, fundamentū & fastigiū esse cōseat spiritualis ædificiū, quæ sedes est regni dei? Sed tamen hæc ipsa fides, virtutū omniū sane princeps, illarūmq; præsultrix & chorodidascalos, serie earū ipfarū & recte gaudet ut comitatū sibi cōsentaneo & cōgruēti. Quin & chorū illū suū, gestamine crucis insignē & venerādū ab inertia & segnitie vindicās, munificē esse docet, ad functionēque vitæ obeūdas instituit ad modos hieropsaltæ: qui nō intus sibiq; tantū ipse, sed extra etiam atque omnibus cecinit. Hæc insignia, hæc decora, hos ritus religionis, si è ciuitate dei persuasio gentium sustulerit, si mores antiquauerint, quid erit tum postea ecclesia domini? Nimirum officina

DE TRANS. HELL.

quædam amplissima perditæ licentiæ, effrenis voluntatis
 asylum, vel libidinis potius, taberna voluptatis plena le-
 nociniorum, cõtubernium, collegiũ & sodalitas omnium
 vitiorum: quem ad finem haud dubie huius philosophiæ
 studia spectat & manifeste vergũt, etsi aliũ ipse fuisse sco-
 pum eorũ non dubito, qui primũ hanc nobis telam ordi-
 ri institerunt. Quocirca hæc & alia his affinia acerba cõ-
 mentatione scribens, cum populo me agere testor imbu-
 to perperam hac doctrina, cum eiũsque proteruis absur-
 disque defensoribus: non item fortasse cũ auctoribus ipsis
 & nouarum rerum molitoribus. Quos mediussidius ipsos
 in maleficiarũ inde quotidie nascetium reatu magis esse
 & inuidia, quàm in causa culpæ; scelerata, per me licet
 vt omnes existiment, eorum sententiã, magis quàm verba
 attendentes. Idque expugnari forsã posset, aut defendi, dũ-
 taxat quadã ex parte rerũ, ad subsellia, aut in senatu pru-
 dentia, neutram in partẽ procliuioris. tamen si vtinã ipsis
 in mentem non venisset: aut certe cautius fecissent & mo-
 destius, vt ex atrio domini sacrosancto, taxiarchiã tolle-
 rent, decus rerum & dignitatem, sacrarum æquẽ ac profa-
 narum. Quid enim oculis vel orchestræ, vel ordinum, vel
 caueæ deniq; sobriæ & paulo honestioris, approbare sese
 potest, in quo non sua cõstet ordinũ ipsorum graduũmq;
 descriptio ex qua maiestas orta est? Qua cum ipsa (vt in-
 quit Ouidius) consedere simul pudor & metus: omne vi-
 deres Numen, ad hanc vultus cõposuisse suos. Hic enim-
 uero reclamatuos scio quosdam, atque hoc, illud, aliudq;
 speciose excusatuos, & verò vltrò fortasse accusatuos:
 quasi meam hanc litem faciam priuatãque, hac ætate,
 contrãque meum institutum, & præsertim eiusmodi litẽ,
 cuius nec disceptatõr esse iure meo, ne disputator quidem
 possim. Sed tamen quid agerẽ, nihil minus mihi meditan-

ei euenit, alióque iter contendenti, vt ad ruinam veritatis, ad incendium sacrorum, ad naufragiũ religionis disciplinæque salutaris, occurrendum mihi esset, opellámque cõferendum qualẽcunque. An autem facinus istud auspican-
tibus vel fiduciæ vel audaciæ, caelestis auis, sancta ac sanctifica addixerit (vt augurali sermone loquar) deus optimus maximus, iam iam ostensurus est, vt libens conicio: cuius numinis est vnus, auspicia rata irritãve facere omnium inceptorum. cuiusque admirabilis prouidentia beneficio, res malo exemplo cõcepta, exordioque non probabili, vt quidem est iudicium, mortalium, bene interdum ac feliciter eueniunt cum stupore ipsorum. Exierunt nuper libri quidam bonis (vt speramus) auibus: mihi quidem certè lætis, qui pene neutro propensius antea auspicari institueram, cum de calo seruarem pro meo instituto, attentè satis ac sollicitè. Hi cum in manus meas hæc prodentis incidissent, forte quadam oblata, non quæsitæ & rogata (neque enim controuersia inter doctos agitata, cognitor esse accuratus cogitabam, & succisiui temporis tantum lector iandudum esse cõperam, non modo commentator) Verum eos libros percurrere mihi cum contigisset, primùm ea de re homines non leuiter amare cõpi, alterum præsertim à quo nũquam animo alienus fueram ob ingenium hominis doctrinamque eximiam, cõsi à studio partium illarum nõnihil dissidebam: deinde nobis literisq; gratulatus sum, quòd res controuersas spectare ad concordia quadatenus existimaui: siue illa futura est multo æquior condicio dissensionũ, & expiabilior. sedatioribus tantũ animis opus esse mihi visum est: stomachisq; nõ ita crudis vtrinq;. Hactenus impetu & clamore, & præcipiti impressione res gesta sit, quandò ita res nata est: placidioribus iam modis argumẽti tanto interuallo

DE TRANS. HELL.

reducti, agenda est tragœdia, si quidē est peragēda. Est autē eius generis argumētū, quod utroque versus fœcūde tractari, & facunde etiā possit magna quidē ex parte: sed utinam tranquille quoq; ac cōposite. id quod tum demum futurū est, cū modos ipsi actoribus fecerit æmulatio digna Christianismo. In causam utrinq; insignes ac numerosæ aduocationes subscripserūt, illinc tamē plures studio præcipiti aut incōsulto. In illam etiā partē nostrorū hominū trāsitiones, meticulosē quidē illæ atque mussitabundē, sed tamē crebro factæ sunt, & tanquā palabūdē. Usque adeo quædā sunt, sic à cōmuni persuasione auersa, ut tamē ea controuersa fecerit festiua nouitatis facies, quæ aut erroribus animis, aut volueribus mirē lenocinatur. cū eo quoq; quòd illinc copiæ ex euocatis ac volonibus cōflatae sunt, quæ ad pileū insolitæ libertatis & inauditæ cupidē cōuolauerūt. Mihi verò cū non paucis id permolestū fuit, & simul periniquū esse visum est: quòd literarum bonarum opinio nostrarū iuxta atque peregrinarum, in inuidiam vnā quoque cū inuisis dogmatibus, in discriminē vocatæ sunt eam ob rem, perinde ut in crimen. si quidē quàm maximē hic visa est feruere cōtentio, atque illa ex parte per occasiones passim eualescere (aut casus enim temerarius interdū, aut hominum culpa victoriæ impotētiū, hic quoque quodā modo *visu irregularia* fecit) tā maxima flagrauit inuidia ad populū primorēsque, literarū splendor restitutus ac rediuius. O quàm inique iudicium sensus cōmunis vel natura, vel moribus cōparatū est. Verū huiusmodi studiorū erat nostrorū cōdicio, iniqua quidē illa, ac tantū nō pœnitēda, sed tamē ut sperare meliora liceret ac latiora. Ecce autē (pròh Christe splēdor diuinitatis, decus humanitatis) facinus, scelus, nefas, literis ipsi ex æquo penē indignū & importunū, nō vernaculū quidē ipsum,

neque nostræ fœturæ: sed importatū audacia proiecta, vt mihi cōpertū est: cæterum ætatis nostræ probriū olim futurū, nisi diuina benignitate verterit in clausulam malorū: id quod sperare ipsi nō de nihilo cœpimus. Nobis igitur hæc scribētibus, hydra quædā cæcæ ac vesanæ peruicaciæ, quæ in tenebris alebatur, in hac vrbe repente, aliisque multis nobilibus in oppidis extitit ac prodiit: factionisq; inuisæ ac lucifugæ, plaræq; literarū ignaræ, corda, sensus, ora, sic insanè, sic dirè peruagata est, vnus vt & alter Hercules, claua, ferro, flāmaque re gerētes, satis esse nō possent, si superstitēs essent, tetro ac multiplici monstro, plurimorumque capitū, conficiēdo & extinguēdo. Etenim cōiuræ impietatis dirisq; deuoræ homines, scelus ausi cōfidētius, quàm illi quondā Athenis Hermarū occisores & demutillatores, eadē nocte cōdicta cō pluribus in oppidis, iisque disiunctissimis, ex cōposito, & veluti eodē furoris signo sublato, proscribere sustinuerūt, edictisque maledicis cōfigere, decus & columē, pignusque Christianismi. Et ferialis quidē ille genius, cui ne Christus quidē ipse seruatura hic fungēs, omniq; imperio præditus, ira fuit sacrosanctus, quin eius innocētiā tētatet numeris omnibus absolutam, nuper ad sacrosancti charisterii maiestātē, nō modo imminuēdā, sed etiā obterēdā accinctus & proculcādā, inuenire potuit qui mānus cōscelerare tanto piaculo nō vererētur. nempe tēporis condicionē nactus propemodū fide cassi, mūdo nihil minus agēte, quàm ea quæ antiquissimæ fuere curæ sæculis melioribus. ac post Triumviratū quidē illū morte è medio sublātū, qui ad errorē antiquū denuo afferendū, ab ipso designatus fuerat, supparis audaciæ cōplureis alios substituit, qui prouinciæ succederent flagitiosæ eadē peruicacia. Gliscēte deinde scelerū profectu vt natura fert malorū, Aium quidē illū loquentē, sed

DE TRANS. HELL.

stygiū allegauit, è sinu suo productū, appositissimū emissarium ad enecādā fidē Christianismi, in ea prouincia in qua maxime valere adhuc orthodoxia vigerēque videbatur. Vt breuibus absoluā, post sollicitationes multas, variāsque hominum nostratium, quasique iam labantibus animis complurium, repente Aium locutū è faucibus Orci excitum, diris ipsis sororibus diriozem, in ora populi inhalauit gentilis Christianismi, recta & sincera religione imbuti in vniuersum, vt qui maxime. diceres crapulā quādā Ditis patris esse, Mephitim eructātis prodigio sæ ac piacularis impietatis. In præsentiaque solitudinis publicæ summa, in eo erat præcipue occupata, vt gens sanæ persuasionis alumna, extinguenda catharmatū multitudine, atque à medio omni ope summouēda, quasi manu quadā Orci emissaria, gratiā à Christo seruatore ineat exhibilē, cuius maiestas, paucis hebdomadibus læsa fuerat scelestissimē. infaustā hospitalitatē impietatis trāslatitiæ, quæ eā contagionē attulit. O quānā satis terra discedere, quod chasma dehiscere illis Triumuiris potuit, ne nominatu quidē dignis: eorūmq; mox hypodidascalis poterit, nisi cito resipuerint: quod equidē nō despero. Itane verò Herculis ærūnarū instar fore sibi putauere æquales nostri mortales, sollicitasse inferos ad dogmatis eius monstrū, in lucē denuo reducendū? Quæ (malum) tanta illis esse potuit philosophādi cōmentādiue insania? Siccine huius ætatis philosophiā feriatā esse infeliciter, & vitæ exitiabiliter, vt in ritus recte atq; ordine cōditos, augustarūmq; ætatū cōsultis cōprobatos, inquirere ausi sint perpauci terræ filii? Siccine ~~ἐπεὶ οὐδὲν ἄλλο~~ (vtar enim verbo Aristophanis) omnia rimari iuuuit, vt sese humo tollerēt homines pumilio nes, vt Hercules & Liberi, nostræ memoriæ æqualiū, terminos superasse famāmque viderētur? Ex eorum autē alio-

rúmque curiositate nimia & audaci, errorum odyssea primum Christianismo, deinde scelerum ilias & piaculorum enata: quæ cælum terræ miscuit, & chaos pœnè reduxit. Exiitit haud ita pridem ingenii mediocris homo, qui cupidine gloriæ accensus, cæca & præcipiti, ne ad musarum conuiuium venisse ^{ἀπομυθολογ} diceretur, symbolum attulit commentitium, quod à magistris suis acceptum hominibus absurdissimis, longo vsu suū fecit: longe futurus utique felicior, si umbra tantum esse, atque ad epulas venire philosophiæ, a symbolos maluisset & inglorius. O mores huius ætatis. Hancine amentiam? Huncine prudentiæ communis ac publicæ contemptum? Itane verò homines vegrandes, cum sese in tragicam proceritatem cothurno sustulerint arrogantia, in cælum arietare verticibus audebunt insaniissimis? sanctissimarum ætatum prudentiam atque doctissimarum, compellare ut deliram scriptis suis non verebuntur? Atqui præclara illa scripta, pigmentis inanibus iudicium hominum fallētia, quæ Saturno consecrassse se putauerunt, Vulcano quotidie magno plausu dedicantur cū eorum professoribus. Quin & vno edicto omnibus in prouinciis, primo quoque tēpore animaduersionis diuinæ, aut sensim fortasse, conflagraturi sunt per resipiscentiam publicam. quæ aut futura est utique ipsa propediem, aut ad extremum actum fabulæ rerum humanarum ventum est. Id quod significare videtur conniuens in hisce facinoribus, vel conniuenti similis potius, ludorum ipsa seriorumque inspectrix & præses prouidentia, locorum etiam personarumque designatrix: & verò omnium ut potens & moderatrix, ita recte ac secus actorū ac consultorum arbitra peruigil, & æstimator. Quisnam igitur furiatarū concionum: quis perditarum coitionum nefas præstaturus est? quis porro pessun-

DE TRANS. HELL.

data & cōiiciis conculcata mysterii mysteriorū reuerentia: hoc est enim quod magnus Dionysius τῶν μυστηρίων τῶν θεῶν appellauit, quasi piāmētū piāmētorum, sacramētū sacramētorū: & Synesius ἀποφύκτορ τῶν μυστηρίων, id est sanctiorē expiationē & reconditiōrē. Egregii verò philosophi, atque de literis sacris æque ac profanis meriti, qui ne nomenclatori quidem (vt aiunt) in patria antè notī, etiam in clarescere huiusmodi docendis tragœdiis, vbique gentiū, concupiuerunt & sperauerūt, etiā mne cū scenam in diuersum vertissent theologicā sapientiā: etiā cum offensione tercapitali ad superos mortalesque offensuros se viderent: O dirā vācordiam. en rerū humanarū diuinarūque magistram philosophiam: en disciplinā, fidei & charitatis dei, tertio quoque verbo cōmendatricem: numine (credo) grauidā paracletico, quæ nobis pepererit dogmata huiuscemodi. Et cum nefastæ illius doctrinæ promulgatio repagula fregit reuerentiæ dei: tum cōmentarii licentiosi, alii super alios certatim elucubratī, ad vltima impietatis exēpla, diuinarūq; rerū contēptionis, quā plurimos perduxerunt. Ius & fas vnā cū dei metu deiecta sunt passim ē vitæ priuatæ gubernaculis, ex quo licētioris religionis patrociniū, viri docti suscepisse visi sunt. Priuatæ vitæ dico: quid si etiam multis in locis publicæ? Cedente enim ex ecclesia Christi rituum priscorū disciplina, ceremoniarūque receptarū opinione ab istis exhibitata, cōcessit vnā quoque fides, nō ē foro tantū vānālium, & ē nundinis: sed etiā ē præcordiis hominū: nempe quasi decoëtrix pollicitationū domini. Est autē hic ordo rerū atque processus, vt licentiā istam, solutam legum canonicarū vinculis, & cultus immunem religionis, euestigio sequatur cauillatio prouidentia, cum incuria salutis: quod luculenta docuerunt experimenta. At verò in primis id rancidum est auditu ac putidū: quod

tacere non quivi prorsus cum maximè cuperem. Nam fides & dilectio euāgelica, augustæ quidē illæ virtutes, omniumque virtutū longe principes: cæterum hac ætate, his moribus, his hominibus, nō nisi de nomine cognita, benefactorū omnium, institutorūque egregiorū splendorem, umbra quadam nomenclaturæ, vt ampla in speciem ipsa & vendibili: sic euanida reapse & futili, obscurauerūt. his enim vocabulis sanè plausibilibus ac sonantibus, cōmentarii facti sunt aliquorū, ad fastidiū vsque aurium, offensionemque lectorum, cū eleuatione improba & propemodum scurrili humanæ virtutis & iustitiæ. Ita vitiorū omnium colluuiōi, scriptorū verborūque impudentiæ, & graecolentiæ dogmatū, quæ nullū non paulo sagaciorē offendit, Minerua (si diis placet) peplum suū obtendere nō grauabitur? In quo pēplo virtutes illæ primiores solæ iam attextæ sunt, vel verius prætextæ, magna cū inuidia literarū elegantia, cum nostræ, tū peregrinæ. Nam (prōh dei hominumque fidē) quis fauere iam lingua, quis temperate stilo possit in tanta indignitate sacrorū pollutorum? Indignitatē dico? Quid si autē ad vltimū ventum est discriminum? quippe cū de aris, de focis sanctioribus, de tēplis deo sacratis dimicandū sit? de pignore denique immortalitatis beatissimæ & tanquā de palladio Christiani nominis periclitandū? sidera quis mudūque velit spectare cadentē, Expers ipse metus? quis cū ruat arduus æther? Terra labet mixto cocuntis pondere mundi Compressas tenuisse manus? Vel quōd Theodidactorū appellatio ætate deterrima nata est, ac nullo metallo digna, mundo in nequitiam, in perfidiam, in diuinæ sponsonis diffidentiam, in nihil non erroris denique vergente & præcipiti, in nulum non nefas intrepidē ruenti: eccui hoc tandem stomachum non moueat, qui quidē ipse fibras corneas non ha-

DE TRANS. HELL.

beat? Nostriſne moribus credemus euangelæ legis myſte-
ria, benignius eſſe quàm antiquorū liberaliūſque creditæ
familiarius & ſimplicius aperta: at verò priſcæ ſanctita-
ti, tanquā ruſticipiori, quālibet rerū mirificarū designatri-
ci, operæ illa fuiſſe, aut ab oculis auerſa? Cur igitur Chri-
ſtus ſui ac veritatis testimoniū capitale, eorū ſæculorum
animis denūciauit, ſi de arcanis altioribus celatos illos vo-
luit? Mirum verò niſi per paucis hominibus nuper credi-
mus, ſanctiſſimis (credo) antiſtibus theſophiæ, datum eſſe
diuinitus, vt figuras, vt tropos oraculares intelligerent pe-
nitur, vt diuini iuris nodos ſoli, vt legum ænigmata ſol-
uerent, vt ratarū irritarūque legum diſcrimen certū te-
nerent. denique vt ceremoniarū ritus, eccleſiæ domini ef-
ſata præirent ſolēnia, quæ maiores illos olim maximōſ-
que præterierūt. ætas igitur noſtra θεοδιδακτους ſapiētes edi-
dit: ſuperiores omnes ætates homines εὐνοδιδακτους, eoſdē-
que λαοδιδακτους. vitā credo, deus ὁψιμαδι eſſe voluit, quæ ſe-
ro demum tēporis nouiſſimi ac præcipitis, theſophiam
cognouerit. Scilicet is ſuperis labor eſt: aut fuit heri pri-
mum aut nudiuſtertius. Theologi ſenatus conſcriptos
ſpiritus dei paracletus germanā paulo antè docuit rationē
colendi ſui, ac promerendæ gratiæ cæleſtis & viuificæ. ad
eam autem maiorū olim gentiū patres, quālibet vitæ ſan-
ctimonia memorabiles, aſpirare non potuerunt. Vel hoc
quis non credat, qui huius temporis inſtituta, qui vitam,
qui zelum æſtimarit hominū inclareſcere quoquo modo
cupientiū, ne dicam cacoſeliām? At enim non magiſtro-
rū hic crimen, ſed diſcipulorū coarguimus: operam ſuam
iſpis odioſe vēditiū, & verò inuitis atque reſpuētibus,
hieronicarū præmia, olimpiæque vincentiū, cū improbe-
rū verò inuidioſe decernētium. Eſto ſanè hoc crimen ſit
turbæ inepte aſſentatricis, & tanquā operarū quarundā

vilium suffragia sua nummo sestertio addicentiū. id enim mihi libens doctrinæ hominū merito persuadeo. verū eo saltē nomine in culpa sunt ipsi non leuissima, quod futurū rei euentū prouisum habere perspectūque debuerūt. Atq̃dī vel id fuit recordādū, quod cū carceribus sese effundere quadrigæ, Addūt in spatia, & frustra retinacula tendens, Fertur equis auriga, nec audit vulgus habenas. Nam quis iam naucem retro inhibeat, quæ fertur in scopulos, cū remiges obsurduerunt? cū vectorū plurimi seruari non cupiunt? Tum illud extēplo occurrit hæc cernētibus, neque extēplo tantū & cōfestim, sed etiā ex ecclesia cōferctim, καὶ τὸ νόταρον καὶ ὁ ἄνθρωπος, quod prisco sermone celebratū est, in discipulos huiuscemodi. Turbæ igitur ingenī, æstimatū oportuit, quæ cursim in eam sententiā ire pergit, cæcāque & præcipiti ferri cupiditate: quā satis constat non tam secundū libertatem pronunciatā esse, quā secundū licentiā vindicias dedisse legū metu solutam, humanarū iuxta diuinarūque: aduersus quod censuit prudentia memoriæ consecratæ, & venerationi semper habitæ. At eius vnus auctoritatis fiducia, magna hominum multitudo, benigna & liberalis interpret eorum quæ scripta sunt de iure immunitatis Christianismi: τὸ ἴδιον ἔσθαι ἐπιτιμώσαν ἐπὶ τὰ ἑσθαι αἰμύνα, vt est in prouerbio. Pròh superi, rem præcipientem (identidem enim rapior in stuporem) rem nouitatis inaudita, & fortasse omni ope procurandæ, quāque propter lustrari ædes domini ciuitasque sanctissima debeat. Nimirum aut finis rerum adest, aut censura ista vel noua vel rediuiua quadā ex parte, tam multiplex, tot capitū, tanto interuallo denuo nata, breui interierit, aut stili sui modū valde temperauerit. Vnāne litura deleuerit, circumscripserit, obliterarit leges, ritus, mores, vsus, in communi sensu vitæ, in prudētia tot ætatum inustos: veterimæ sa-

DE TRANS. HELL:

pientia subscriptione elogiôque cōprobatos? Per me quidem esto, vt quardā circūscripserit vt superuacanea, quardam vt obreptitia præterierit, nonnulla vt spuria notaritur, siue coniuuentibus illa, siue somniculosis obrepsent religioni tēperandæ præfectis, ne quid durius dicam. Sensum etiam ipsum cōmunem circumspectiorem in modū, acriorēmq; cōformauerit. superstitione porrò futilium ceremoniarū, aut emortuorū quorundam rituum homines non imperitos soluerit: quæ hætenus obstrictam passim tenebant cōmunem etiam prudentiā nexu opinabili, atque inueterato. Hæc atque alia quardam huiusmodi per me licet, & per multos, vt nō modo festiue ac plausibiliter fecerit, sed etiam commode ac cōmendabiliter. Quod autē blandiente incepti plausu, ad viuū altius sensim atque altius stilum suum sic impressit, aut impressisse certe videtur, Christianismi vt disciplinam, nō tam ad disquisitionē senatus consultiorū hominum doctiorūque vocarit, quàm momjci eam conuentus tabellis subiecerit: id verò intolerandæ est cōfidentia: atque iniquitatis, si qui tueri velint: capitalisque adeò erroris, si qui auscultare illis obstinauerint. Nisi verò deū ingenia tot ætatum, nisi annorū sexcentorum sapientiam, & verò altero tanto maiore tarditatis damnaſſe credendū est: sic excordis & stupida, cōprehendere cuncti vt nequiuertim vim verbi euāgelici: vnum autē & alterum tantū nostros æquales, intelligentia puræ restituisse suam cōtrā sententiam, qua sententia cætera multitudo cultrix Christianismi, eiusdemque alumna, tam grauiter ad hoc xui multata est. aut nisi seculi deterrimi philosophia: prouidentia, veram, meram, & (vt aiunt) ipsissimam sapiētiam, familiariter & indulgenter ostendit, vt æmula fortasse supra alias fidei apostolicæ, aq̃lſque (vt ita dicam) inambulantis, & priscæ sancti-

tati, insignibûsque capitibus Christianismi, inuolutam ipsam edidit, vel imaginariam potius exhibuit spectandâ & ludificatriculâ. Acta (credo) hominû mirifica, vitâque exëplaris, fidem multitudini facit eorundë doctrinæ numine præsentissimo sanctæ & consignatæ. Felix profecto seculû, si ita est: illique ipsi homines deliciæ sunt domini: neque ii quidë modo apud deum gratiosi, sed eorû pleriq; multo magis discipuli: quippe qui omnibus penë numeris immunitatis donati sint diuinitus vt quidë audimus, & interdum vidimus plerosque interpretari: quanquã ætate ferrea terrigenarûmque nati: macti quidë illi cælestis priuilegii promulgatores, iuris diuini interpretes, blandi & populares. beata verò vasa domini, sic à prouidentia electa: queis haurire solis liquidâ illam aquam datum sit, è puteis consecratæ sapientiæ, quæque post annos plus mille ac ducentos, capere prima potuerint sensum, vsum & fructû manantis inde doctrinæ. Et anchoram, si diuis placeat, Christianismi, cû ecclesiæ Christi iactatæ & fluctuâtum fidei labefactæ & charitati dei iam cõclamatæ, nouæ istius philosophiæ axiomata iecerunt? Quod eorum quidam sentire, scribere, dictitaréque vidëtur apertissime. At hæc tamen disciplina, quâlibet sanctæ familiæ mater atque religiosæ, thiasum tamë vnâ quoq; peperit, in theatroque edidit, Satyrorû Eleusinia veneranda irridëtium, audacia sanè, impia & detestâda optimæ partis mortaliû opinione. O male, ô absurdè, ô intolerantissimè factum, quod paucorû causa doleo, hominû doctissimorû eorundemque dignissimorum, qui ingeniorû suorum specimina cômëdabilius ederët, publicèque fructuosius: quod fortasse facturi sunt, cû deo visum fuerit, Vertunum illû abditum circumagere prouidëtia. Pulchrè exorsam esse tellam noui operis, in sermone erat hominum, atque etiam

DE TRANS. HELL:

opinionē, cornicum statim oculos cōfixisse doctrinæ nouæ acumen ferebatur: at mox blandiente prætextatorum quoque ac purpuratorū plausu, modum tenere ardor animorum oblitus est, vt est mortalium ferè natura cōparata, cū quidem marte suo potius instincta est ipsa quàm diuinitus. sermonis autem impotētia plurimū quidem illa offensionis habuit: sed eorū præcipue culpa, actorum sane ineptorum, qui Mimo subterseruiētes, partem quidem non contēndā iucundo, aliquādiu multis, & plausibili, dum coryphæis suis succinunt, summa proteruitate vocum, sententiarūque vsi sunt, & exquisitissima. Id enim nō modo magnū frigus attulit dramati noui operis: quod pulchre steterat re calenti: sed etiā puncta multa, eadēq; classica, in summam causæ detraxit. Accedit quòd factionis vulgus, occultarū concionum æstro vel coitionum potius extimulatū, vehementius flāmam aluit inuidiæ, facies alias super alias suggerēs patrandis eo nomine facinoribus. quæ flāma cum apud nos casu magis nescio quo cōfedissee, quàm inopia materiæ putaretur: (quippe factionis studio non obscure inualecente, minúsque in dies ac minus criminose) inuidia suppressa aliquādiu, nocte vna erupit magnū in incendium, nihil minus expectantibus: quo euenit vt plures in securitate acquiescentes, partim deprehensi sint, partim semisomni euaserint, ac nō nihil ambugi, ex incēdio tumultuosissimo. Ianque nobis hæc pro dentibus, multitudo non contēnenda Vcalegontum, non tātū eo casu flagrare inuidia, sed etiā flammis cōflagrare, quod dolumus, cœperat. plures enim sceleris cōuicti fuerunt, nec tamen nisi ad extremū confessi, quàm pro opinionē hominum ac fama quæ præcesserat. vt nisi præsentissimo numine, atque præter expectationē hominum detecta esset cōiuratio, & patefacta in ipso tēporis articulo,

res non ad diffensionem tantū ciuium de re summa Christianismi, sed ad direptionem & eadem mox spectare videretur. Maledicorū autem partim, malefici quoque esse ita affectauerant, vt proscribēdā passim orthodoxiā, cōfigēdiq; verbis, & maledicentia libellari atque programmatica, sanctissimi crusti & consecrati, partes sibi depoposcerint: non contenti tacita atque ignaua sceleris conscientia, nisi tragico facinore piaculariq; admissio, pariter quoque cū animis manus arsuras conscleraret: sicque multitudinem eundē in furorem traherent, partim etiam eorum viam in cælum inferū affectauerāt Herculis Aetæi Calanorūmq; exēplo. Cæterū utrosque pœnituit, puduitque ad extremum, elatæ funere religionis probæ quantum in ipsis fuerat: id quod ipsi testari certissime possumus, quos vehementer misertum est hominū pœnis exagitatorum temerata, & compellatā capitaliter, p̄rque cōpita traductā, victima, dei verbo consecrata. Illud vix dixeris indignūne sit magis, an ridiculū: quòd homūculi permulti non plane trientales, in partes descendere feroculē instituerāt, vel ascendere potius, atque in digitos erecti, sic causam totam cōplecti, vt hoc vno ingenii sui documento, sibimetipsis viri magni: stultis etiam hominibus aliqui esse viderentur. Iamdudūque vel pridem hæc ratio cœperat esse inter alias celebris ingeniū & industriam proferendi, in mediūque prodeundi, hominibus præsertim literarū nesciis. quos rhapsodos paucis mensibus, an diebus fieri moris erat locorū scripturæ cōmunium, in libellis decātorū in dies aliis super alios exeūtibz, hōsq; pensiles circūferre cū pugione solenne erat nebulonibus, aut in oculis tunicarū conditos, sicunde metus erat. horum autē ilias nobis orta est paucis annis, atque huiusmodi inscriptionū, quas propter vadimonia deserui pos-

DE TRANS. HEIL:

sent, quod olim Plinius dixit. Equidē doctorū causa aucto-
rūque nollem factū, chalcotyporū vt officinā vacassent
libris vernacula lingua scriptis, passim editis ac publica-
tis. id quod eorum refert maxime, qui meriti sunt impri-
mis, vt tanquā insignia familiarū enumerētur huius phi-
losophiz, qualis est illa cunque. Nam veluti tractata no-
tam labemque remittunt Atramēta, serē lectores crimine
fædo Splēdida scripta linunt, aut si malunt ipsi, cādida.
quanquā & latius multa leguntur, quæ criticam manum
poscere doctorū ac prudētiorum existimātur: notāque
spuriorum manere indignorūq; germana familia. Ad-
uersariarū quidam partiū, quanquā non admodū ille qui
dem atrox causæ inimicus in summā, vt præ se ferre vide-
batur: sed ridiculis gaudēs, cauillando aiebat, ē semine no-
uarum rerū iacto nationem quandam Thaumantidarum
extitisse protinus. sic enim appellabat, qui stultorū admī-
ratione magis, quā suapte vī creuissent. in quorū disci-
plina, fluxa tantū esset & euanida veritatis species, religio-
nisque probæ scita magis & vendibilis, quā rata & pro-
babilis adumbratio. simul fidei & charitatis simulachra
monogrāma, ideis haudquaquā solidiora, non aliter atque
in ea cælesti specie, quæ Thaumantis ob id dicta est, ocu-
lorū ludibria pro veris rebus cedunt, apud homines quidē
naturæ rerū inscios. Hæc hominis forsan cauillatoris ver-
ba videri possunt, vel causæ magis inuidiosæ iniqui, quā
animi ē sententia loquentis, quod quidē ad aliqua perti-
net, ad aliquosque eorū. & fateri tamen oportet, vel defen-
sores ipsos patronosque nouitatis, vnius & alterius mor-
talis fiducia (siue illa fuit confidētia, vt plurimi cēsuerūt)
prōdito audaciæ exemplo, mentē, linguam, stilum, temerī-
tatēque factiosæ multitudinis, soluta passim fuisse, libe-
ratāque prorsus dei reuerentia atque religionē: ynaque ef-

frenatam esse proteruitatem morum, petulantiam & lasciuiam. Quare in sæcula nō ituram auctorem tantæ nequitiae philosophiam, omnino credibile est. sæcularem enim patientiam huiusmodi rebus prouidentia non solet accommodare. At enim, hæc ego nunquam mandauī, dices olim, nec talia suasi. Credo equidem cordi tibi hæc nunquam fuisse, quisquis es literarum sacrarum studium candide profecutus: plurimōsque doctorum ita opinari arbitror. nemo tamen non illud statim excusanti intorserit ipsi auctori, si quidem secum agi placide patiatur. Mentis causa malæ tamen est, & origo penes te: quippe qui elementa prima condideris, vnde fanaticum vulgus axiomata prima mutuatum est disciplinæ impiæ & detestandæ, quæ discēdo quoque in dies dirior fit, & putidior. Iam verò quòd viris bonis, doctrina & facundia claris, lautique musarum suppellectilē copiosis & ornatis, in concionibus inuidiose, in cōsiliis pene criminose obiicitur: quòd homines his ornamentis nobiles, ad labefactanda orthodoxiæ placita accincti sint: quòd sobrii ac meditati, subductaque (vt aiunt) ratione, pessundare religionem priscam, ritūsque antiquissimos tentarint, atque probatissimos: succincti & freti linguarum cognitione: id tandē nō viderint ipsi quò pertineat? quò gentiū, quò errorū, malorūmq; euasurū sit, nisi obuiam mox itum sit consensu literis incumbentium? si quidem togata multitudo, prætextatorum ordo, atque senatorius, holosericatorum denique natio, & cohors torquatorum, despungere literarum elegantiam perrexerint, vt contaminatam errore translatitio? Quorsum tandem iniquient. Nempe vt iubere actutum atque vbique necesse sit, literas ipsas valere cum peregrina eruditione, errorum importatrice

DE TRANS. HELL.

multitudinis opinione, atque etiam paucorum ac procerum. Quotus enim quisque in iis iā studiis acquiescere in animum inducet, quæ populi præiudicio, optimatum assensu, decretis criticorum damnata esse viderit, atque in exitum actæ? At verò hoc consilio quid abruptius? quid nobis deploratius? quid ingeniis præstātoribus calamitosius? quid vitæ denique damnosius esse potest, & exitiālius? Proinde si semen à fruge, si sementis à messe cognoscitur, si ab euentis rerum cōsilia huiuscemodi æstimanda sunt, quàm auspicato susceptam esse rerum nouarum molitionem, quibus ominibus exorsam esse istam istam, ac detexam dicemus, quæ plus atrocis contentionis attulit ecclesiæ, stragisq̃ religionis, quàm illud olim malum discordiæ Illo ac Troianis importasse, Graciæque dicitur. Et sic quoque natum heri ac nudiūstertius euangelium aut in medium primum allatū, nos credere oportet, quod ille triumuir scripsit, multiq̃ subscripserunt? Scilicet Lucina nascētis denuo veritatis ac sapiētiae fuit, doctrina enata stygiis ex oraculis. Nam quem putemus alium quàm tenebrarum antistitem, choragum eius fuisse fabulæ, quæ Titanica magis impietate, quàm tragœdiæ interpolatæ mangonio, nobilitata, à cuneis paucis assensum, à plurimis abominationem retulit? At is tanquam philosophiæ salem sese cum suis illis nobilibus collegis attulisse gloriabatur, vt quidem colligi ex eius verborum arrogancia potest: deiq̃ & hominum fidem identidem implorabat, quòd philosophiæ studiosi respuerent cum salem vt noxium & venenatum, quem ipse & candidum, & theosophiæ priscæ probatum videri contenderet: & verò è seruatoris mensa epulòque petitum. En animam & mētem cum qua dii nocte loquuntur. En condimentum, quo natalem euangelii recens nati, celebrare philosophia

debeat. O insanam & capitalem philosophiam, iugulati
iandiu dogmatis exuscitatricem: quæ non modo res an-
cipites & olim controuersas, academici moris venia dis-
putare, sed res etiam præcipites & nefarias, constituere &
decernere ausa sit. huiusmodi est igitur hominum sapi-
entia, qui ecclesia antiqua disturbata, nouam ædificii spi-
ritualis rationem nobis informauerunt: quam ad nor-
mam ex legis licentiæ, ad regulam Lesbiam, & pro cuiusque
libidine temperandam, vel deprauandam potius, ad perpendicu-
lum denique exegerunt ventis omnibus agitatam, euaria-
tium dogmatum ad arbitrium cuiusque legislatoris, le-
gis & prophetarum interpretis perditissimi. Est autem ope-
ræprecium cõmentum attendere Stygii machinatoris: &
simul exordium & omnes actus fabulæ, quæ à focci facie
prima & comica (vt ita dicam) fronte, ad cothurni non dico
grauitatem, sed atrocitatem diram erupit. homines enim
nouandarum rerum cupidi, paulatim id fecerunt, vt spon-
sam domini primum, parentem vnicam Christianismi,
cuiusque clientelæ in fide Christi posita, veluti iam anum
ac senio delirantem, iugulare instituerent suo sibi gladio;
vt solenne est ferè impiarum factionum conditoribus: id
est verbo diuino, sursum deorsumque versato, ecclesiæ au-
thoritatem placitamque abrogare. deinde matrem sibi aliam
vt adoptarent moribus suis appositioem, quam veram do-
mini pactam esse dilectamque contententes, ex ea domi-
num ipsum Christum non liberos suscepisse statuerunt,
sed obnoxie mentis seruos, nexæque vinculis duræ neces-
sitatis. cæterum eosdem immunitate præditos operis fa-
ciundi acquiescere in cubili iusserunt fidentis deo securi-
tatis: in dilectionisque cõplexu inanis & euanidæ. Ex hac
prole, ἡν̄ θεομαρτυρίῳ alia rursus enata ἡν̄ φιλοσοφίας τε-
rior natio, ex iisque mox ἡ ἡν̄ μισοχριστιανισμοῦ prognata, tāquā

DE TRANS. HELL.

ex aspide vipera. Porro autē si perrexero, vereor ^ἢ nationē ominari: ^{καὶ} ^{τῶν} μετρησώματικῶν, qui & μετρησώματικοὶ dicti sunt. O fidē perditā. Videāt obsecro, videant (inquā) etiā etiāque, qui prāmiū sperauerūt tyrannicidii, ne in inuidiam eis spes euadat odiūque parricidii. Nisi non est parricidium, diuorum ipsam matrem, de calo detraxisse, vt est latine loquendi consuetudo: de gradu (inquā) dignitatis, existimationis, & maiestatis, ecclesiam dei patetam deturbare voluisse. Vide quid promouerit non paulo curiosior in ritus inueteratos inquisitio. nam dum in sponsæ domini mores à crepundiis eius inquirunt: dū gemino (quod dicitur) ab ouo exādificationem ecclesiæ dei repetunt, paulo ^{ἐναυτικώτερον} vtique philosophando, religionem Christianismi ad chaos reducerūt academix. & dum operis expolitionem detergent homines (vt videri volunt) anthypocritæ: velut ornamentum ascititium ac religionis lenocinium: operis ipsius compagem symmetriāque dissoluerunt. ita fit; vt qui se solos cum familiis sua, in filios dei adoptauere, quod ex eorum scriptis apparet, dæmonidæ ipsi permultis Titanūque gētiles magis esse videantur. Hi sunt autem qui vnitatem spōsalium cælestium scindentes, Christum ipsum digammum quodammodo faciunt, cum sit pseudogamia verius eorum ecclesia. Egōne vt credam eam esse filiorum dei matrē, quæ monstra tot ediderit? cuius vtinam puerperæ loci iam essent eiecitii. quos etiam mortales non puduit, tabulis obsignatis agere ætatum heroicarum cum prudentia, & verò cum paraclerico numine disceptare, cōciliorum præsides. Itane verò antistites ipsi soli diuinitus designati sunt, intelligētix verbi dei, nunc primum cælo delapsæ: pròh superi: impotentiam animorum incredibilem. Religio prisca, & mille ac ducētorum amplius anno-

rum canicie venerabilis : cum prudentia eiusdem temporis, per prouincias nuper in triumphum ducta est ab istis, & contumeliose traducta, ouante licentia nostri sæculi. ob victoriâque audaciæ intolerantissimæ, ornamenta triumphalia iis decreta sunt qui peristyliorum vestitum abiecerant. quorum vtinam ipsorum argêteis linguis aurea quoque corda responderent congruenter : quod credi ipsi volunt. verbi dei mentio subinde in ore est, & in stilo, summa cum admiratione ipsius : quæ res oculorum a-
 ciem vulgi suo splendore sic perstringit, vt quod agitur hac præstigia, cernere non valeat. Quotus autem quisque hominum φιλοφρονέων, philologia quoque illa præditus est, quam in sermone præfert ista rhapsodorum natio? Quasi vero verborum inanis venditatrix, atque institoria verbi commendatio, amatoribus veris ipsius conueniat & cultoribus. certe quidem quosdam vidimus: quosdam etiâ legimus in verbo verba dantes apertissime. Nemo nostrum inficias it, victoriam verbi dei ad extremum futuram: omniâque humana instituta, manus ei dare debere summa cum æquitate animi, atque reuerentia. Sed ita demum verbum domini sui sponso agnoscere didicit, cū numine conditū est interpretationis paracleticæ. id quod dominus nos docere videtur, capite sexto Ioannis euangelii. Idque homines certi nuper non ignorantes, vnum & alterum & paucissimos, antistites tanti oraculi, tamque patentis prouinciæ inspectores, designandos curaue-
 re, libera quidem illos cum potestate, sed suffragio confuso populi, liberalitate lactati immunitatis operum indictorum constitutionibus antiquissimis conciliorum, atque pontificiis. quibus conciliis atque pontificibus illi statim designati imperium abrogauerunt in præteritum, in instans, & in futurum, vt pote vitio creatis igno-

DE TRANS. HELL.

rantiz verbi. quæ legum abrogatarum promulgatio, licet apud nos translaticia, paulatim tamen repens, couſq; euauit, vt quæ haud ita pridem & ſemper *παράδοξα* nobis erāt, nunc vt *πυλόχρηστα* à multis noſtrorū hominū excepta ſint. Ex pigmentis autem illis imaginariæ veritatis, ex elementis doctrinæ ſcitè adulteratæ ab hominibus doctis, ira iuſta, an iniuſta percitis, deterrimi ſubantiſtites & imperitiſſimi, cinnum attemperarunt, vel verius miſcuerūt peruerſarum opinionum, errorisq; varii ac multiplicis, atque in multis etiam abſurdi & ridiculi, is autem nihilo minus vnus hætenus nomen tenuit, vt conditoris : magnam partē fortallè dogma nō agnoſcentis, atque etiam diſſentientis . Et quemadmodum Epeus ille opifex æqui fatalis, Homeri carmine nobilitatus omen tulit & inuidiam euerſæ Troiæ à proceribus Græciæ, qui in equo ligneo delituerant : ſic ille quamlibet, doctus alioquin atque memorabilis, inuidia perpetua ſlagraturus eſt alienorum quoque ſclerum ac ſcriptorum, ſiquid ei acciderit antequam illud reſtinxerit incendiū, quo incendio nunc ardet luculenta pars finium Chriſtianiſmi . Neque verò viris bonis ac prudentibus, qui quidem cataſtrophæ conſiderarint licētioris huius dramatis, hoc perſuadere quifquā poterit, quod *τόνδε τὸν ἱερωποὺ ἐπὶ τὸς ἐκείνουσι οὐκ ἔδωκεν*. quippe facinoris huius quale eſt illud cunque exitus, index eſt certiffimus iudicii diuini : ex quo præcipue ratio atque indicatio conſtat, operæque præcium humanorum huiusmodi conſiliorum, ſi quidem conſtatura eſt . Nam pròh ſuperū atque hominum fidem, quodnam ſperare præmium . Sed enim porrò iam vltra clepſydrā elatus ſum : quam mihi ſupra admeſus eram, indignitate vtique ſclerum tranſuerſum me agente, quæ in præſenti nata, inſiſtere me coegerunt , cum recta contendere

iter instituissem. Quare ad institutum cursum ab excessu redeundū est: quē mihi non cupiēti prorsus iniunxit persona ipsius Aii Locutii, quā equidē haecenus induere grauatū eram, cunctatūque fueram: quādiu quod excusarē habebam. Nūcque ea quæ scripsi, ē plano dixisse vtique videbor ipse, vt mihi persuadeo: non quasi ē suggestu, aut tāquā ē subsellio quodā superiore. Neque enim corū sum, qui in album asseribi affectauerim scriptorū suo iurē disceptantium tantarum rerum controuersiam. Quapropter necessitate me soluam in alteram quoque partē non nihil declamitandi, vel cum patronis eius potius legitimis atque ordinariis, expostulandi, quod paulo minus æqui sint in suum cuique tribuendo: ne hic quoque imprudens stilum, quasi specillum adigam, altius quā pro data mihi dandāve concessu lectorum auditorūque venia, qui fines nō ignorāt modūque meæ cognitionis. Sunt autē nō pauci qui in nostris exterisq; veluti criticis ac cēsoribus orthodoxiæ, magnopere desiderēt æquitatis aures comitatisque philosophicæ. quippe qui auscultationem accommodare plærunque grauentur iis de rebus animi causa, atque etiam animæ disputātibus, aut etiam tantum percunctātibus, quæ inter peritissimos non nihil controuersæ sunt, quædam etiam iam olim controuersiosissimæ. Ferre autē nō queūt homines quidā eruditione nō qualibet præditi, se non vi argumentorum, non auctoritatum consecratarum pondere premi (vt quidem ipsi vociferantur) ceterū præscriptione trifæculari iniquè summueri, aliquātōque ampliōre, à causâ dictione. Enimvero indignū esse, nec vltra tolerandū, quod obsoletis fascibus nullorūque iam auspiciorū, quæ sit auctoritatis nomenclatura tatū gradationis, cōcedere haecenus oportuit maiestātē aut dignitatē instructioris philosophiæ, ac

DE TRANS. HELL.

multo ornatoris. Quem tandem inueniet (inquiunt) tam longa potentia finem? Ecquando sese abdicaturi sunt illi æquo animo, dictatura ista Pithagorea, atque omniū artium cunctarū disciplinarū, scientiarūque celsura: omnium dictorū, scriptorum, ac professionum pro potestate arbitra: non ex boni æquique sententia, nō ex antiquissimæ memoriæ doctissimæque responsis, sed ex placitis illius iudicia pronūciāte exhedra argutatrice: in qua plus supercilii semper fuit, caperatæque frontis, quàm dignitatis Arcopagiticæ, probæque seueritatis. Atqui insolentis magisterii fastu atque imperio sese exuāt ipsi necesse est, si viri boni videri volunt & credi, vt cōgruit corū philosophiæ, dictaq; vt præcipuè, nō dicentes iudicent antiquo præiudicio inuisæ nouitatis. Neque enim viroꝝ esse bonorum vti præscriptione quantilibet tēporis, si minus est in causa bonæ fidei, quàm iuris summi, iniuriæq; permixti. Hæc est fere summa corū quæ Aius ille loquēs logodædalia magis improba, quàm faciūdia iusta præditus, vltro citroq; altercatione circulari aut cubicularia dictitat: nō etiam triuiali & circūforanea. qua de controuersia nuper cum cōmunis prudentia in consiliū hominū sermone familiari mitteretur, populique sensus communis in suffragiū: longe quidē superior erat ea causa, honestatis morū patrociniū, quæ ab antiquitate stabat: inueteratq; forma religionis & pietatis. Alterius autē partis numerosa aduocatio, duobus validis adminiculis, causam iure tum scripto, tum moribus recepto, luculenter infirmiorē, sustentabat, studio ingenti libertatis legibus solutæ cōciliariis, pontificūque sanctionibus: quanquā nec ciuile in modum ac legitimū informatæ reipublicæ congruentis, nec optimatum vitæ. deinde tabularū nouarum nomine, tanquā vitæ beatæ certissimo omine: dulci quidē illo & sane

festiuo primore statim specie, cæterū mox plausibili tantum ac iucundo legis diuinæ decoctoribus. Hos autem fidem bonam agnoscere, & vnā quoque eam cū ciuili charitate cōplecti, ægre persuaderi potest optimæ parti mortaliū. Erant etiam nonnulli in vtrorunq; fauorē ambigui, & Ephecticorū similes: quidam etiam nō Scepticorū dispares & deliberantiū. Quibus addubitationē ex templo dempsit atrox illa coniuratio, sane oppressa mirificè, illa verò & numine deprehēsa manifesto atque memorabili. Et quando tamē iuris dicendi ratio, de sententia cōmunis sensus, & fortasse prudentiæ pronūcians, ita cōparata est, vt causa cū suapte ipsa specie, tum verò cardine cōtrouer siæ firmamentoque superior: tamen quadā in parte labet, atque inferiori cedat (in vtriusque enim partis argumentationibus, interdū aqua illa quidē ratiocinationis hæret: sed illius pes in luto dogmatis fidit lōge altius & fœdius) sed quādo tamen in his præliis ancipitē Mars acrior interdū victoriam facit: licet bello quidē vinci orthodoxia ab æmula sua nō possit, quam nōnulli loxodoxiam nuncupant: peruelim equidē, & optarim votis etiam conceptis, literarū saltem honoris causa (vt nihil hic aliud dicam) hominūque illorū gratia, egregiè doctorū, in diē vt trisæcularē lis hæc comperendinaretur: quæ aut tēporum iniquitate, aut aliam ob causam dirimi coactis omnibus decuriis iudiciū legitimorum nequit. Id tamen interim recepero bona vtrorunq; venia, interim vt vindiciæ dentur secūdum eam partem, quæ & rebus auspiciato iudicatis à maioribus, & iure luculentiore nixa est: tū autem quæ spōsores vindiciarū promptius dare potest, quæ prædes longè plures exploratæ fidei & locupletes. Interim forsan viderint homines singuli & vniuersi ad quos res cōtrouerfa pertinet, quid sui sit officii, quæ partes de-

DE TRANS. HELL.

cidedæ rei sint, quæ vnis adjudicari tota atque integra nõ potest consensu altetorum, in hoc fortasse nõ prorsus iniquorum. siquidem scriptitandi rescriptitandique vicissitudine iurgiosa & gladiatoria, Chriitianismus lacerari, cuiusque existimatio potest: reconcinnari & constitui orthodoxia non potest. Quod igitur faustum, felix, fortunatũ his atque illis sit, viritim & vniuersim, hoc Homeri carmine eludendam hanc digressionẽ esse duxi. hocque erit exodium inserti operi actioamatis, cuiusmodi à Græcis vocantur ἐπισόμιαι.

ὦς ἔρις ἐκτι θυῶν, ἔκτ' ἀθεώπων ἀπέλοιτο,
 κῆρ' ὅλος ὅς τ' ἐφάμεν πολὺν φρονιάων χαλεπύναν.
 ὅς τ' ἐπὶ πολὺ γλυκύναι μέλιτος καταβρομύοιο

ἀνδρῶν ὃν σθένειν ἡέξεται οὐκ ἄκατος. Verum vt iã satis ac nimium forsitan expatiari, ad institutam viam reuertamur. Multis & aliis modis tetetrimus idem ac vafetrimus criminalis Orci, negocium cecessere mortalibus solitus est. Nunc enim titillat corpulētum hominem atque aspectabilem, instinctu voluptatio atque proteruitatis. sicque intestinũ hominem interpellat atque intus conditum, ad philosophiam theoricam incubiturũ. Interdum cæca cupiditate transfertum agit vtrunque, nõnunquam cestro vindictæ extimulatũ, vel æmulationis improbæ, præcipitem rapit cum iam impotentẽ sui. Est quando placide ac leniter insinuans, & quasi per obreptionẽ penitus admissus, circum præcordia ludit, nõ sine grãdi noxa, vtpote lasciuiã grassans, appulsu minimẽ atroci in speciem, & parum tumultuoso, ob idque minus suspecto. Est rursus cum occasione nactus, eas intus intemperias cieat, vt vel rationis frænos admittere affectus impotentes sui respuant, ac si quoquo modo insertos illos nõ respuerint, genuino tamẽ eos (vt aiunt) eorũque echinos lupatãque cõmordeant. tum

verò præcipientes deinde vāsanīq; ferantur, vt effreni & furiosa mente. Quid quod eiusmodi est ille captator astutia præditus & solertia perdita, vt vnde minime ab eo tibi metuendū censeas : inde maxime formidolosus sit pugilibus experiētissimis. denique instigator ille fraudulētus & versipellis, nulla nō arte instructus est cæca, furda, & Vulcania, ad hominū captione. Quo impēsiore cura nobis si sapiētiā audite institerimus, excubisq; acrioribus, appulsus eius obseruabitur. Certè quidē homini philosopho, vtcūque fines Aegypti cōfiniāq; egresso, ac iā in arce philothœoriæ cōmentanti, omniumq; horarū excubitori, licet edita illa è specula intueri huiusmodi grassatorem: in truiis vitæ : in atriis principū: in cupiditatis, in ambitus, in voluptatis diuersoriis: in erroris cōciliabulis peruolitantem. corū verò verticibus plærunque oberrantē, qui apicibus honorū sic inter animanteis bipedes insignes sunt, & eminentes, vt vpupæ insignitæ sunt inter alias volucres. Ad exercitationē autē hominibus datus est, marcetiūmq; animorum & iacentiū extimulationē: animarum iste cōtrectator proteruissimus. mentium vel bonarū ac castarū interdum cōscelerator ac cōstuprator: tranquillitatis animi peruigil sollicitator, intestinæ pacis turbator infestissimus: licitor exterioris, carnifex interioris hominis: oppugnator patientiæ: constantiæ labefactor: fidei attētor: temerator innocētiæ: cū bellua tam importuna, cum volucre tam obscœna, cū mania, cum intemperia tam fœda, tam terribili, tam immani, nec tamē aspectabili, aut aliās incurrente sensui, singulare certamen & passim & identidem vniciuique nostrum prædictū est diuinitus, indiētūque, valenti iuxta ægrotōque, noctu & interdiu, in celebritate vitæ & in secessu, deniq; per omnes vitæ actus ab incurrente ætatula tyrociniōque rationis. Et cū multa quidem

DE TRANS. HELL:

cuius tela sint, omniâque capitalia, iugulû etiam ferè conditi intus hominis, vitaliâque petentia: exitiâlius tamen quosdam voluptate euertit, quosdâ cupiditate, quosdam vecordi iracundia. Atque alius quidè alio telo citius aut nocentius, alius tardius aut leuius sauciatur: cæterum malum subinde rebellans & indomitum, nec remediis ita cedens, vt dormire sapiens in vtranque (vt dicitur) sine crimine arrogantia possit, vel capitalis negligentiæ: ne si succinctus quidè sit copiis omnibus philosophiæ. nulli enim non metuendû ab illa cæca assiduâque furia trium gladiatura, quarû exacuti mucrones, venenôque illiti, in aureis, in oculos, in os, in omnes partes blâdè & iucundè incurrêtes, ad viscera tandè fidunt & vitalia. interimq; homo securus, velut è ludicro quodâ innoxio digressus, ilia subter cæcum vulnus habet: cum intactum sese esse atque integrû putet: vsque adeò Stygius ille Proteus, omnia trãformat sese in miracula rerum. Multifariam igitur plagis cæcis mortales expositi, quonâ modo iocis, ludis, cauillis indulgere, quando genium suû curare molliter & delicate sine culpa socordia, tanquâ in alta securitate, possunt? At nos inter sacrû saxumque cõstituti (quod fuit quodâ in prouerbio) tamè nihil minus quàm hoc agere solemus: ridere verò, cachinari, nugari sustinemus. Atqui nisi caute, prudèter, circûspecte, & tanquâ è castello philosophiæ huiusmodi impetuse excipiâtur, nisi assiduæ petitiones cauètur cæcæ gladiaturæ: ad vitalia fortasse impetu primo penetrauerint, vel sensim perfederint: si quidè in re præsentia à nobis floccipèdantur. Et earum quidè petitionû aliæ (vt res natæ fuerint) aliis nocentiores erûnt: vt verbi causa, libido prima aut voluptatis, aut cuiusuis alius incessentis cupiditatis, strictim hominè pepulit: hoc tãquam peccati elementû est. altera est autem vel libido tantû vel cupido

inchoata:& velut per summa titillans, aut leuiter appulsa: hauddum tamen admissa penitus in præcordia, quod iam primordiū est culpæ. At verò tertia est flagitiosa eo amplius, atque scelestæ, animo iam incessans plena cū assensione, quæ dein patretur ipsa necne, nō magnopere refert, quod quidē ad animam pertinet sauciam iā & cōprehensam. Hoc genus vt capitale victo, sic victori apud deū homini palmariū: etiā si id esse diuini beneficii, partē quidem longe maximā, potissimāque, nouimus. siquidē liberi arbitrii facultates, in peculio quidē illas (vt sic dicā) habemus: cæterū eas esse nouimus domini in mācipio: vt-pote qui in seruitute natos nos esse meminerimus, obnoxiaque cōditione. & vt in quenque incubare numini paraceto visum est: is demū fidei, charitatis, ac bonæ voluntatis plenus est. cæteris porrò culpæ notis vacare, supra hominis est fastigiū: à quibus intactum hominē euadere aut incolumem, cœlestis est prorsus vacationis, mortali que fastigio sublimioris. Nec verò in procliui situm est, ne in philosophiæ quidē contubernio, vitiorū igniculos, vitæ ob noxā datæ insitos & cognatos, extinguere, naturæ ipsius petulantia compescere, vel cōprimere potius. denique primordia tollere viciorū, & (vt scripturæ verbis loquar) delere primigenia A Egyptiorū. Id quod si ægre paucisq; conceditur, alumnis philosophiæ, qui ad curandū animū ipsi vehemēter incubuerūt, corpusque perdomādū, quid futurum est illis tandē, qui carni indulgere, in corpus proficere & crescere, nō item in animū cupiūt & contendūt? Cum autē animarū ille captator, plagas suas & pedicas tēdere & explicare omnibus in viis, semitis, diuerticulisque, solitus sit: tū verò in triuiis vitæ plurimū, in cōpitisque id facit, quæ ciuiles sunt celebritates, conuētusque insignes tū splendore personarū, tum concursu hominū. In

DE TRANS. HELL:

iis enim multitudinē habet obuiam ad prædam & expōsitā, & verò sese ipsi dedētem vltro prædoni ad captiōē ac fraudē. quippe incautam & immemorē cōditionis suæ, insidiāsque non suspiciātē. Quo fit vt in basilicis, in atriis, in locis frequētibus, & in regiis, & apertius tendat animarum ille auceps, & simpliciū: cæterū plagis maioribus & perplexioribus, in quas sæpenumero scientes prudentēsque homines, ceruices primū erectas & cōspicuas inserūt, deinde penitus ipsi toti insinuant, & irremediabiliter: atque ita (ô cæca mens hominū) vt visendi illi sibi metipsis & admirandi, & nō potius miserandi ob id esse videātur: illi verò vt plausus quoque captent inde spectātis stupidæ multitudinis. Neque enim in theatris huiusmodi metus est ipsis vllus ferē à bellua reptili, nec obseruare vacat animæ periculum, iis qui in scenis amplioribus, oculis seruiunt plausitantiū. Quin & eorū magna pars, qui in foro honorario quæstoriōque negociātur, suis ipsi aucupiis amulorū tendiculisque intenti sunt, nihil minus pensi habētes, quàm ea quæ de superis inferisq; audiūt. Miseram verò & cōturbatā, perditam & profligatissimā hominū rationē: quos prudentes, quos cōsideratos, quos amulandos, quos denique (vt vno verbo cuncta cōplectar) frugi esse homines vrbanus sensus iudicat: atriensis eo amplius, numine quodam benigno, benefico, ac fortunatorio præditos. Age verò, vt iam in vniuersum loquar, vita ipsa ciuilibis & quæstoria, in qua nauissimus quisque ac maxime induttrius, ingenii specimen præbet, fatique sui conditionē experiri contendit: quidnam aliud est ipsa, partem quidē longe maximam (si quidē limatam ad veritatē loqui placet) quàm hominū studium, varium quidē illud & multiplex: sed eodē tamen spectans, patrimoniis augēdis & propagandis, facultatibus cumulādis, ac sine modo exaggerā-

dis, acerrimè intentum: quàm legitima, quàm frugi (si diuis placet) circūscriptio: ac legum ipsa morumque auctoritate freta: quàm inflāmata hominū cupiditas plus habēdi, audendi, ac pollēdi, in captionē, in necem, in spolia & exuias imminēs: Quorum tandē: ciuiū & municipū, populariū, tribuliū atque curialiū: gentiliū præterea & cognatorū. Ad summā (vt plane & verē dicā) quàm quædā Christi legis antitomia: quæ lex cultū ac studiū charitatis dioscureæ inter adopriuos dei sanxit: Quid autē illa pa negyrica vita hominū personatorū, quos sp̄ pseudopropos vocāt: qui theatri ac scenæ cuiusq; imperii & monarchiæ incolæ sūt aut accolæ: qui nō legibus, nō plebiscitis, nō senatuscōsultis, nō prudētū respōlis, nō sacris sanctionibus & canonicis, sed curiata lege solū euangelæ obrogata, atque in diē viuunt: duntaxat quod ad animū attinet: nōnne corū conuersatio si in vniuersum attenderis, cōciliabulum esse arbitrabere & iudicabis, erroris hallucinationisq;, demētis & deuii, tū autem æternarū rerum obliuionis & incuriæ: vbi nulla est vnquam canities cupiditatis: vbi perpetua adolescentia hiantis avaritiæ: vbi nulla emerita sunt vnquā stipendia impudētiæ & ironiæ: postremo vbi ambitus Eurystheo imperiosior, nullam nō xru-nam iniungit gloriæ candidatis & cōpetitoribus. At hoc est studiū legitimū ciuilis sapientiæ, hoc gymnasiū hominum, ingenio industriæque præstantiū. Hæc & huiusmodi alia Christianismi auocamenta perspicierēs quondam homines multi, rerū diuinarū prudentes, iurisq; salutaris consulti, excedere è celebritate vitæ, atque è medio, instituerūt, & tanquā foro cedere erroris, mercatūsque exitialis: vtpote in quo cernerēt lictores Orci lorariosq; vſ-quequaque peruolitare. Eorū autē partim ad vitā abstrusam se contulerūt & soliuagam: partim societate coierūt

DE TRANS. HELL.

sodalitiâ, in cōmune cōmentantes, atque in sociabili philosophia acquiescentes. Quod hominū consiliū ad tranquillā vitā & salubrē agendā captū, ab aliquibus improbatū est: nimis fortasse animantibus, ac de hominis interioris integumento humaniorē in modū merentibus. sensoriis enim corporis, quæ fenestrarū vicē obtinent, clatri abdita philosophiæ admoti sunt ad sensuū cōpescendam temeritatē & cohibendā, falsa sæpe & vana pro veris rentiū ad principatū animi. Sed non ē qualibet vitæ condicione & instituto consiliū id capi potest: neque cuius naturæ cōmodū est & opportunū ē medio sic discedere, intrāque peristylia sacra philosophiā amplecti. quanquā rursus philosophia non facile semetipsa trui potest, si ei quotidie in forum atque in basilicas prodeūndū est, nedū si in publicū: quāto minus autē ipsa philotheoria medulla philosophiæ? Et quēadmodū ii qui ad literarū studia animū applicandū duxerunt, nō qua vrbes habitantur frequentissime, habere sua solent domicilia: ne aut strepitu viciniæ, aut vsus mutui necessitate, aut officiorū ciuiliū obeundorū, interpelletur eorū contentio: sic qui sartum- tectū asseruare animū, à malēque suada noxa quā minime libatū, cupiūt: iis id præcipuē faciendū est quoad eius fieri potest nō incōmodissime: rerum vt æternarū studio, quā plurimū: caduearū vt curæ, quā minimū tribuāt. Perpetuā tamen esse rerū illarū antipathiā vsque adeo nō puto, quin & rogatæ aliquando esse huic philosophiæ, & prætextatæ liceat, interdūq; sericatæ, cū ita vsuenerit, personam vt sustinere equestre ipsi opportunū ac decorū sit, quod sine captione quidē fiat, imminutionēq; eius integritatis, & vbiq; fide optima. Cæterum rara auis in terris, nigroque simillima cygno. Et quibus hoc semel certū est, quid illis iam cū foro iucundū & suaue esse potest &

qui ad Mariam bona fide constituit, quò iam cum Martha consuescere potest, negociùmq; habere? Nimirũ non-nihil periculi est, ne incestus hic quidam sit, in philosophiæ sanctitatem admissus, aut certe in eius dignitatem. Nam quid germanæ & iustæ philosophiæ, solitudinis alumna cum vrbica, cum atriensi turba, cum strepitu celebritatis? denique quid cum stoliditate mundi, cumq; sensus communis temeritate, non tam agentis vitam, quàm semper satagentis, si res ad verum existimetur? immo verò satin salue in illa viciorũ errorũque colluione, animus iam sui iuris existens, diu versari potest atque peregrinari, citra imminutionem quidem atque intertrimentum simplicitatis suæ? Siquidem sensus temerarii, atque obturbatores tumultuosi principatus animi, adire solent ad eũ assidue, vt iudicem corũ atq; disceptatorẽ quæ referũtur ab ipsis. ac sæpe quidẽ illi officiosẽ adire, ac pro potestate, pro munere à natura ipsis iniuncto: sed sæpius sic obturbare, sic adstreperererũ causas, qualitates, quãtitates, pondera æstimanti & expendẽti, vix vt satis apud sese animus queat esse, vt munere suo ac magistratu summo possit rectẽ atque ordine fungi. Quare nisi interdictis continentiæ atque abstinentiæ, tanquam præturam gerentis in administratione eius status quam theocratia vocant, sensuum licentia coerceatur, atque obnunciatio assidua quasi salutaris auspicii diremptrix, inhibeatur: principatus quidem ipse nec liberum, nec rectum rerũ ipsarum quæ in senatu suo agitantur & disceptantur, iudicium habere potest. Atqui hoc apertis interioris curiæ foribus, & verò hi antibus, & res alias atq; alias appulsas, intrò cupidẽ cõferẽtimque admittentibus, fieri nequit commodissimẽ. adde quòd obnunciatore illi, plarũque præcipientes: sæpe etiam

DE TRANS. HELL.

vt dictum est, tumultuosi, falsum modum renunciare rerum solent: vanas magnitudines fingere, ac pondera commentitia. Vnde fit vt animus trepidis nunciis vanisque consternatus: extra cancellos sui tribunalis exeat, aliasque res actitet, nihil ad id pertinenteis qua de re cum primis agendum est. Apud se verò esse quo tandem modo potest animus ipse, peregre semper agens, multiuagus, erro, vulgiuagus, expatiator, palabundus, excursor? Quomodo autem inspector? quo curiosus? quo denique perlustrator? emissarius? circumspectator? Circumspectum verò & consideratum esse cupidum Christianismi, cultoremque eius institutorum oportet: auribus ad rumores vanitatesque torpentibus: non circumspectatorem, non oculis proteruis, non temerè emissitiis, non rebus visis cupide incumbentibus: non auscultatorem blateronum, non captatorem rumorum, non auditorem audium Aii locutii, auctoris vanissimi. non ludi denique philosophiæ desertorem, non emanforem, nec verò atriorum accolam, nec conuenarum ciuitatis incolam, ne finitimum quidem. Id quod homines quidam, quasi diuaricati per oppidanæ vitæ confinium atriensisque, faciunt: vt alterum illic pedem (quod prouerbialiter aiunt) alterum hic habeant: eorum animalium similes, quæ ancipitem vitam agunt, ob idque amphibia dicta sunt. Siquidem huiusmodi homines, quo vehementius augendis fortunis suis ac ornandis intenti sunt, eo inconsideratiores esse solent rerum in spe positarum, quarum pignus nullum expectationis, sua sententia locuples & idoneum, oculis obuersatur ipforum. Nam inter planos huius vitæ, hic quem mundum veritas ipsa vocauit: mirificus est hominum circumscriptor, atque à rationis suasionibus abductor: quanuis meditati sint ipsi, quanlibet animo confir-

mato . tum autem operam plurimam nauat idem qua-
 si necessitudine coniunctus : satori illi scelerum & mel-
 fori, primigeniæque noxæ auctori & suætori . qui passim
 terram versans humanam in eaque sementem noxiam ac
 pestiferam facitans, semine sublecto euangelico , propter
 vias tamen regias & curules , vt sementes ipse facit gran-
 dioreis, sic messes inde aufert longevberioreis . non perin-
 de verò id euenit secūdum viam sacram, asperam quidem
 illam, nec itidem patentem, atque equestribus copiis im-
 pedimentisque permeabilem , sed longè magis reductam
 ab orchestra chori Stygii & Eumenidum . eam verò circa
 ipsam, plæraque nunc vasta, inculta, desertisque similli-
 ma cernimus . mores enim in militarem viam atque vehi-
 cularem vehementer incubuerunt . quasi verò sub sarcinis
 commodius, cūmque impedimentis, iter expeditius con-
 tendatur ad immortalitatem . Quocirca vt nunc sunt mo-
 res comparati , & studia vitæ ciuilis atque in medio po-
 sitæ : ecquis est qui dubitet aut neget , animarum longam
 seriem & consertam , quandam veluti restim ductantium
 errabundæ saltationis atque deuiz, noctu & interdiu, fau-
 ces in illas Ditis hiantissimas, furiis dirum carmen modu-
 lantibus , obtortis collis rapi? Simulachrū fortasse Chri-
 stianismi publica frons retinet, germana verò religio at-
 que pietas indies exolefcunt, & conspicuè fugiunt . San-
 ctitatis tantum & fidei nomina insigniæque retinemus, &
 tāquam illarum exuuias in cælum reuersarum . & sic quo-
 que eò viam affectare vnusquisque nostrum præ se fert?
 antiquissimamque eam curam habere perfrecta fronte di-
 ctitat? Itāne verò pietatis imagine adumbrata placari
 deum credimus & speramus? Stat contrā ratio (inquit
 ille) & secretam gannit in aurem . Heu fœdam erroris
 tetramque caliginem , quæ finibus quoque & visceri .

DE TRANS. HELL.

bus Christiani nominis, è faucibus Herebi inhalata est. adeò in cœlū attollere mentis oculos & figere nequimus, quò inter primos: aspirare, & quæque demū forsan, elogia testificantur euangelica, qui & ~~et~~ ^{ardum}, & ea quæ mundi sunt, aspernanda duxerunt. Anaxagoras celebris nominis philosophus, omnia tenebris circumfusa esse dicebat. Empedocles angustas sensuum esse semitas conquerebatur, ut inquit Lactantius. Democritus veritatem in puteo quodam alto obrutam esse aiebat. Socrates philosophiæ prope parēs, inscitiam pro doctrina mirè profitebatur. Quid igitur aduentus diuinæ sapientiæ mundo, quid cœlestis de scensus veritatis vitæ profuit, si ignorationis nostræ tenebris non illuxit: si veritatem philosophicam è puteo caligante non in lucem semel extraxit: scientiam in æuum mortales non docuit? Restat id demum, ut contenebrasse denuo causando perhibeamus. at id fateri haud scio an impium sit: atque etiam ineptum & absurdum: cum lux eius non minus nubilo quàm sereno, non secus in tenebris Cimmeriis, atque in Oriëte luceat. Equidem diem ultimū advesperasse potius censuerim, mundūque iam præcipitè, & verò decrepitum ac delirum, indicare, ominari, significare occasum suum appetentem, interitūque. Certe quidem mente captum mundum esse inficiando non sumus, qui sapientiam & veritatem, beatissimæ vitæ partē, è manibus, è moribus, è medio abiecerit, pro iisq; errorem dirū & stultitiam cupidè susceperit, ne dicam insaniam. Proh Christe, proh superi, proh dii iā beati & immortales, quid est, si hæc amentia non est, iustāque dementia: nos fauces Orci libenter accolentes, transitum tandem in illum Abrahamæ sinū sperare sustinemus velut Abrahamidæ? Aliquando igitur Christianismi constituendi ratio nobis inuēda est, dum in spatio sumus, dum prima aut recta se-

nectus: dum superest Lachesi quod torqueat. Occasio nō modo volucris, & rapida, sed fera quodammodo etiā natura est: vt volucres quādā quā quāuis domesticæ sint, euolandi tamen & reuolandi consuetudinem certam non habent. quare primo cuique arripienti cedunt occupationis iure, vt tradūt iurisperiti. Dies nos, noctes, & horas fati circumstat inexorabile vadimonium, spiritum exacturi quem naturæ debemus. at in tumultuaria mortis ac trepida denunciatione, anima vti non potest præsentis animi consilio. Accingendum igitur ad commentationem finis primo quoque tempore, & quæ Dædala Circe incantamentis suis ac maleficiis immutauit, ea philosophiæ sacra excantamentis in integrum restituenda sunt, aut certe in meliorem statum reuocanda atque salubriorem, quodam quasi postliminio ad sese atque ad principatum redeuntis animi. (Circen autem nunc appello, errorem vulgiuagum, & prudentiam communem, opinione falsa beatæ vitæ imbutam, rerumque expetendarum, qui mundus (vt opinor) à scriptura dicitur). Sic enim omni ope contendendum est: si quidem cōstare nobis fructum cupimus ærūnosæ huius vitæ, ac re ipsa calamitosæ. Nisi verò nescimus ipsi, vel verius non recordamur, Christianismum vitam esse lustralem, sordidatam, sollicitā, & peruiilem: atque expiaticem vetusti illius hominis supini & veterinosi. Ac mihi quidē huius vitæ rationem pro capitu æstimanti, vnusquisque nostrum sui quidē certe non nesciorum, non immemorum, peregrinantis videtur animū speciēque præ se ferre, melioris in sedes amœnioresque tendentis ac festinantis. Has autē dicere ipsas sedes possis, illarū penē similes, quas olim dixerūt insulas beatorū: si tamē umbræ rerū, rebus ipsis cōparanda sunt. Verū cū mare inter nos & illas interiectū sit, varium, scopolosum, vndiq;

DE TRANS. HELL.

agitatū multifariā & æstuosum, navis nobis disciplinæ socialis, ac civilis: à servatore relicta est ecclesiæ conditore, quæ nautico ministerio, instrumento, gubernaculisque instructa fuit ab ipso, aut eius auspiciis: & simul formulis atque temperata ritibusque sanctis hortamentorum. tum vectorum multitudini loca partim per ordines descripta: partim promiscuè attributa, infra, supra, & in medio. Flatum etiam à puppi pollicitus est, ad exoptatūque locum vectores perlaturum, si clauum rectum tenere, sinūsque spiritui afflaturo pādere, ecclesia perrexisset. Quod cum in exercitoribus navis & magistris ferè positum esset, fluctibus ut secundis flatibusque procederet navigatio: in eo tamen ordine multa deformata fuisse iam pridem fama vulgavit: tum magistrorum avaritia: tum vectorū primæ classis studiis & incuria. qui fortunæ candidatis antiquissima quæque munera puppis & proræ, fructa permittere soliti sunt, cupiditatisque hominum dilargiri, potius & condonare, quam reapse commendare fungēda rectè atque ordine. ex quo factum ut canonū canicies vel earies potius, nulli iam usus sit: sed velut anus delira è foro explosa sit, & ad serinia bibliothecarum reiecta. de ponte enim iandiu comitiorum paraclēti deiecta est disciplina canonica: ut annis sexaginta maior atque etiam sexcētis. ut non sit magno pere mirandum quod quidam subridicule dixit in re parum festiua, lamentisque digna, potius quàm ridicula. aciebat autem minus esse deformitatis propemodum & licentiæ in agricolarum ordine, quàm in sacricolarum. Utinā autem reliquias saltem & cineres funere propè elatz iam fidei teneremus, à qua fide fideles suos dominus dispensatores quosdam vocavit. qui enthei animi, qui æmulationis piæ: qui spiritus: qui dei pleni, ecclesiæ quondam columnen, decus & ornamentum erant. nunc vix atque etiam

iandiu, tectorium inane ecclesia, colorem & simulachrum retinet conditæ & demonstratæ à Christo religionis: si quidem vniuersitatis iudicium è parte multo maxima facimus. Et quidem quorundam (aiebat ille) beatorum interdum miserescere me subit: qui recordari nequeunt, cum vnũ & alterum ambiunt, honorum consecratorum, sese procos esse Hippodamiæ: & verò præcipitis magis ambitus atque proiectioris semel se atque iterum aleam experiri, quam illi olim proci, quorum cupiditati cum fortunæ (vt assollet) improbitas subscripsit, reclamante ob rerũ indignitate, & quasi quiritante bonorũ grauiũq; natione, obdor miuisse interim videtur prouidentia, vt est stultitia multitudinis. Sic autem ferè videmus summæ rerũ humanarũ gubernacula, orbisq; actus vniuersi cõuersione, nõ ad coniecturam hominum, nõ ad bonorum æquorũq; votum; non ad prudentum & consultorum iudicium, respondentia: nec ideo suas leges tamen ac certas non habentia, causasque nobis abditas euentorum. quippe in numine & maiestate sitas ipsius prouidentia, concordis in vniuerso discordia temperatricis: sine qua nihil factum esse in naturis productis nouimus, dicimus, & credimus. tametsi fors & fortuna, cum in vniuersum probitatis & æquitatis carnifex: dignitatisq; & ordinis humanis in rebus abrogatrix atque deletrix: tum verò rationum philosophia conturbatrix, quãtũuis subductarum, interdumq; disiectrix: prouidentia conuiuentiam exprobrare solet ad vulgus, incuria similem, sæpe cum conuicio. Illa verò & temporum sæpe cõdicionẽ adiuta, principũq; hominũ volũtate parũ cordata: vel verius animi secura libidine, periculũ magnũ creat mortaliũ innumeræ multitudini, ac fraudem capionemq; nonnunquã capitalẽ. habenas enim rerũ stulti & imperiti, quæ maxima pars est hominũ, cœlitus mādatas

esse Romæ legimus, ob indignitatē Flauii scribæ, qui ædilis curulis factus est, præteritis consulariū filiis. nostro autem tempore cum & magistratus primarii, atque insignes honores ordinis amplissimi sacricolarum, viris imperitis nonnunquam (ne dicam non optimis) aut sæpe conferantur, neque id quidem modo, sed etiam cumulatè congerantur: ingentique cum indignatione nemeseos & adrastræ: nunquid causæ est quin homines literis & existimatione cæsi, libros abiciant, calamos frangant: forulos cōburant, philosophiæ salutē, nec minus moratæ, dicant, quàm literatæ, si succensere ipsi iniquitati tēporis, si irasci iuris distributiui negligentibus in animum inducāt principibus viris atque pontificibus? At ita deo visum est, ob idque mustitadum magna cum æquitate animi, si quidem sciremus. quis enim nouit, cum vtris commodius & præstantius, his an illis agatur, diuinitus? Quapropter ad consilia dei: ad acta prouidentiæ, quæ ponderibus suis cælestibus, & nobis incognitis, causarum momenta examinat, hominumque tum merita nouit, tum illis, commoda & incommoda: humani intellectus aciem conuiuere multò consultius est: quàm audacius ex aduerso homines obtuenteis, mulctari cæcitate. Quam in fraudem sæpe incidunt, qui trans cælum quasi vitreum & perlucidum, vim intelligentiæ suæ perspicere posse confidunt. Proinde qui ad cæci numinis aram & versatilis, vota magna cum religione faciunt, ii parum idonei sunt ad numerum eius augendum sodalitatis philosophicæ, qua de nunc sermo nobis est. Cum eo quoque, quòd Christus sapientiæ magister, censuram nouam & inauditam inter mortales gerens, dictaturamque veram ac nobis commemorandam, rerum ad beatam vitam pertinentiū, fortunatos homines & copiosos, omnibus è gradibus deiecit beatorum nomenclaturæ. hoc

DE TRANS. HELL:

certè omnibus in confesso est: quod qui philosophari fide bona institerunt, quo minore pomærio constituendæ vitæ summam, tuendæque œconomix circumscripserunt, (intra quod tamen egestatis gurgustium tegetemque non cludo) non modo securius, asyloque propius tranquillitatis agunt: sed etiam expeditius ærumnosi curriculum certaminis permetiuntur. At nullus finitor, humanæ cupiditatis tam commodè ad salutem, tam congruenter ad philosophiam, statuere modum potest: quàm dei providètia, si tamen hanc ei curam permittere nobis persuaserimus: aliasque res interim ipsi curæ antiquioris agamus. An obliuisci tandem theosophix cupidus homo potest, quo ex loco seruator salutem nobis æternâ pepererit? qua ex formula tum mortis, tum vitæ, aditum nobis in cœlum, ostiumque beatæ & immortalis securitatis patefecerit: id est exaggeratæ numeris omnibus felicitatis? Iam verò æquitas animi, si in rem futura est cuiusquam, nimirum e re maximè futura est existimationeque hominis philosophi. atqui in ea plus inuenies subsidii tãdem, quàm in impotenti affectu, præsidiique longè plus, quàm in ciëdis animi intemperis impatientixque tragœdiis. Nam cum nulla sit actio prodita mortalibus ob iniuriam fortunæ, nimirum non cum deo expostulanda est ob rerum indignitatem, providètiæ vt conniuentis patientia, sed à deo postulanda potius in aduersis æquanimitas, ne vulnus fortunæ scalpendo inconsideratius, exulceremus acerbè atque dilaceremus. vnguis est enim in vlcere, impotentia sermonis in iniuria fortunæ. Postremò mortalium vita certamen est quoddã vmbatile stygio cum sicario, & cum fortuna carnifice philosophix: hostibus cum infestis, tum cæcis, tum improuisis: qui prælio in vitæ sæpenumero, bello non ante mortem vincuntur. Sua est autem vnicuique

palma victori in æuum destinata. suum interim vnicuique stipendio tanquam æs attributū consolationis diuinæ. At verò bello finito, & peregrè redeuntibus, certum & fixum domicilium constitutum est, ad fructum pacis atque securitatis, æternæ iam atque beatissimæ. Destinatus igitur cū imperitis atque æquanimis nesciis, stomachosè in fortunam inuehi, vel verius subamarè compellare prouidentia quasi pseudopronæam, sub appellationis fortunæ integumento. Quod enim nunc grauamur & querimur, nulla non memoria fuit, humanis vt in rebus in vniuersum, & verò summis vt in rerum actibus, temeritas casuum, forsque illa fortuna nūcupata, magnopere pollerēt. Quin & in æde domini nonnullos, quos videmus reuerentiæ supremæ titulo insignitos, satis vrbane quidam pro concione, esse tanquam vasa dicebat aurea, ad ornatū in altari domini, non ad vsum exposita: sicut in ædibus priuatis vasa à Græcis *ἀναθηματικά* dicta: quæ in ornamento tantummodo sunt abaci, & vt est apud Homerum, *ἀναθηματα δ' αἰτός*, non in ordinē etiam redacta instrumenti conuiualis: spectandaque magis ipsa domi, quàm vtilia. Huius deformitatis causam attulit primū supremorū domini dispensatorum incuria (aut siquid aliud fuit, vel culpæ vel criminis) quibus summa nauis anchora (vt aiunt) ab ipso credita esse existimatur. Siquidem ex quo primum legendorum administratorum facultatem, à comiciis paracleticis abductā, muneris illi sui tantum fecerunt & arbitrii: ima summis (quod aiunt) quodammodo permixta sunt. sponso enim ecclesia prouinciatim ex eo tempore habere cœpit, magna ex parte homines non delectos, sed quoslibet: peculiatos quidem illos atque numularios, cæterum nullo ære memorabili censos duntaxat euangelico. dotis etiam magis sponfalitiæ atque eius obuentionum, quàm sponzarum ipsarū

quàm emēdati ritus & cōpositi. Alia igitur (vt mihi quidem videtur) ineunda erat ratio rem lapsam constituēdi, æmulationisq̃uē piæ ac probabilis redolentior. Quod nō dubiè futurum erat, si quantum studia apud singulos, & quiduis inceptandi impetus valent: tantum Christi charitas in publicum valeret prouinciatim. vni quippe vacat studiis odiisq̃ue carenti humanum lugere genus: quod de Catone à Lucano dictum est. Cuius iandiu viri germanū genus interiit: & pseudocatonū pro eo passim enata gens est mundo, degenerante iam pridem Christi charitatis indole, sic publicam vicem dolentis, vt priuatæ ac propriæ rationem præ illa, propè nullā habeat. Proinde ad suprà dictam rerum deformitatem, aliàsque complureis, cum vaforum vasculorūque omnium Prometheus, patientiam tandiu accommodet: quid causæ est tandē, quin vasa ipsa etiam vtilissima, acquiescere in suo ministerio debeāt, potius quàm rumpi stomachando? Verū enim uero vt ad nauigationis mentionem longo satis interuallo redeā, quam & iacturæ animarum, & naufragii causæ, & rursus salutis atque incolumitatis, in cura & industria, & rursus in torpore atque inertia exercitorum navis sitæ sunt cuiusque prouinciæ, corūque qui ab ipsis, magistri in nauibus designati sunt: prospicere sibi tamen vnūquēq̃ oportet. Quis enim alienæ fidei salutem suam ita creditam credat, vt in securitate sui acquiescere debeat, qui quidē ipse vehi nauis se meminerit, quæ vasti ponti fluctibus scopulisque exposita sit? Quasi verò si videre mihi contingat eos qui ad clauum sedent, eūque ipsum fortasse, cui primarum & secundarum partium inspectio mandata est, alto somno sopitos, aut per foros tabulatæque animi causa inambulātes: securos sui suorumque periculi, cœlitus denunciati, ipse quoque suppari sopori & inertix indulgere?

DE TRANS. HELL.

debeam: salutisq; meæ rationem quanlibet habere atque translatitiam. Quid si contrà eò acrius tibi consulere debeas, quòd auspiciis ductorum defici te tuosq; gregales sentias? Ita fert autem religionis ratio à Christo constituta seruatore mortalium: cura vt sui singulis antiquissima esse debeat: deinde coniunctorum necessitudine religionis, & communitate initiorum. Ac tametsi parentum & liberorum beneuolentiam: hominum etiam cognatione & beneficetia, & simul officiorum vicissitudine deuinctorum, gradationem, atque ordinem amicitia, lex Christi seruatoris non sustulit: propinquitatis tamen atque germanitatis charitatem, arctam, exquisitam, & (vt alibi dictū est) dioscoream, intercedere inter homines alienos quoque vel genere, vel municipii iure, ignotosq; statuit: & porrò lege sanxit. Sublatā insuper & præcisam illam exceptionē voluit iuris gentium & Hellenismi, extra quam si is quicum mihi negotium est, capitali me odio persecutus fuerit: aut capitali me fraude quoquo pacto implicuerit. Quod ius Christianismi, nulla ex memoria, nullis è moribus gentium, aut institutis philosophiæ, translatitium esse constat, sed nouum & inauditum. neque verò è terra: sed è cælo oriūdum est, vt tute hominem quemuis, iisdem tantum, sacris tecum initiatum: cætera alienum & inco-
gnitum, & porrò malè tibi cupientem, non modo tibi iustum amicum, sed alterū te esse ducas. & cum sis Pylades, Orestem cum esse censeas. nec minus illi alteri, quàm tibi-
met ipsi cupias, faueas, cōmodites. adeò Christianismi ex-
ortus veluti nata fidelibus hora, diuidit in geminos con-
cordia fata duorum. neque duorum tātum: sed multorum
quoque & plurimorum, quasi germanorum geminorum-
que. Hic, hic superi, hic (inquam) quis est qui culpa vacare
possit? Quis inter nos Aristides euangelicus? quis porrò ad

normam euāgeli vir exactus: quis ad ædificationem ædis dei quadratus: quis ad examen domini vir est æquus & bonus: quis verò ad perpendiculum crucis Christi rectus esse: quis porro suffragiū meritis ipsius filii dei, vt atramento mentis, vt liuoris loligine vacuus, quod illi Israelitæ contigit, quem ipse Iesus Christus suo suffragio ornauit: ecquis huiuscemodi nunc extat in vrbana cōuersatione, in oppidana, in comopolitana, in vico, in rusculo, in guttustio, in peristyllo denique monastico: equidem vix est opinor in timoneo. Nam in atriensibus conuenticulis lex charitatis nunquam fortasse trinundino iusto promulgata est: cum ibi rara & exilia eius vestigia compareant: nisi subdola & intus atræ, ironiæque adulteratæ. Certè nunquam illic rata satis fuit ea lex, si quidem è memoria nostra, atque ex auorum, coniecturam in præteritum facere institerimus. id quod vt ipse faciam, non ægrè qui volet mihi persuaferit, qui genium aulicum non vnus tantum generis, nec vnus ætatis, aut lustrarim oculis, aut satis meminerim. Hactenus enim illic beneuolètia valet, atq; semper valuit, porro etiam valebit, ita ferente genio conuenticuli, quatenus & quandiu inter æmulos, inter mutuo semel offensos, inter perditè sæpe exosos, fucatæ amicitia suum operæ habent pretium, olimque habuerunt. Neque verò in simulationis æde veritas coli piè potest: neq; charitas contubernalis esse cupiditatis auidæ atque æmulatrici. Quæ cum è cratere ipsa redundante sæpe hauriat, opulentia inexhausta, è siphone tamè bibere, aut è gutto sugere ipsa sibi videtur, quasi malignè fundere fortuna, aut largitionis genio. In eo conuentu & similibus, quas officinas esse videmus tabernaculaque humanæ prudentiæ: cum pudorem impudentia, sermoniscandorem versutiloquentia, veritatem vaniloquentia, bonum & æquum iniquitas

DE TRANS. HELL.

& improbitas, loco moueant: omni que gradu, ordine, statu, auctoritate, & ponte denique deiciant: ibi negociū habere studia philosophiæ qui possunt, nisi molestissimū Ibidē ergo maneant qui nigra in candida uertere, atq; imas summis miscere didicerūt. in Calypsūs (inquā) maneat diuersorio, in quo mortales ingeniosi, candida simplicitatis infantis & ingenuæ, deponētes, qua in genitali lauatione amicti sunt, versicolore ipsi pro ea habitum, cum sexculyxea calliditate sumunt. deinde sophismatis & antiphismatis atriisibus & palatinis: strophis atque antistrophis instructi, ibidem solennibus & ediscendis, fortunam sibi finxisse scitē ac strenuē dicantur. Non ignoro virtutis speciem interdum ibi cōspici illustrem & vendibilem. hoc dico, virtutes ibi plærunque personatas esse: ad vsumque exemptiles, & Roscianas. Qui ppe vbi tam friget veriloquium atque etiam offendit, quam plausu excipitur scita assentatio. Proinde, procul inde, per inquam procul abscedant necesse est phileuangelī & planiloqui: qui veritatis cultores sunt atque simplicitatis: vbi philirones & flexiloqui, primarum & secundarum actores, & tertiarū esse plausibiliter cernūtur. In vniuersum Dionysiaci (vt Græci dicunt) artifices, ē schola ludiorum, vbi ciuium incommodis & necibus sua commoda augere, non modo solenne est, sed etiam plaudendum & palmarium. Lex autē beneuolentiæ supradictæ, hoc habet magnopere memorabile, imprimisque accurādū, (vtpote in tabula summa scriptum, secūdum & proxime diuini cultus præceptū, quā maximē fieri potest dedititii atq; deuotitii, in quo præcepto Christianismi imum est fundamentum & fastigium) hanc inquam, habet lex Christi tanquam appendicē primi capituli, vt qui in ciuitate professi sunt quæ theocratia regitur: sic animo comparati sint, ciuicam vt coronā ab

omnibus & singulis mereri cupiant & gaudeant, ubi res nata cunque tulerit ut id possint facere: à propinquis iuxta alienisq; ab amicis itidē & inimicis. Charitas enim Christi amulsis est alba in lapide albo, ut est in proverbio. quippe quæ necessitudinem Pyladei, ut vinculum ecclesiæ, unitatisque retinaculum, sanctissime instituerit, quod quidem ad beneficentiam attinet & benivolentiam. Christi porro nomen: insigniaque crucifixi. Christi, in delitiis habet tantum: & velut vnicos amores suos ardentissime exosculari gaudet, atque etiam suauari. in eo summi boni pignus habere se certissimum summa cum fiducia credit, in eoque falli non potest. Age iam, hanc cum esse summam religionis & pietatis orthodoxia constituerit: cum id è loco superiore docentes religionis interpretes audiamus: cum è loco inferiore, secunda nos admurmuratione hoc dicentibus assentiamur: cum publico consensu, cum legibus & regum & pontificum id capite sanctum sit, dirisque insuper imprecationibus, siquis eius dogmatis quicquam labefactare ausus sit. Iam verò cū morituris nobis hoc maxime in mentem venire: & persuasissimum esse, cum in Christi cruci affixi amplexu animam agere summopere exoptemus. Postremo cum eos quibus id diuina benignitate euenit, rectè, commodè, & feliciter vita functos esse perhibeamus: nobisquemetipsis soleamus & charissimis id ominari, liberis ac propinquis. Nec verò manes funere elatorum rectè conditos esse censeamus, nisi super humatorum tumulum cippumque monumenti, crux pro ornamento amuletoque dirarum erecta sit. Hic iam quid dicam? vndenam ista tandem mentium, opinionumque peruersitas? vnde sensus communis & prudentiæ civilis tam deuia, tam cæca contentio, ut aliud in vita expectandum, & equis verò velisq;

DE TRANS. HELL.

consectandum, aliud in morte, pro summi boni pignore existimemus? Summa certè hæc dementia est, hominique verè philosophanti incurrens oculis, & miseranda: vt non mirum sit nobis, veluti mente captis, bonis interdictum esse, quæ quidem sanè vera germanaque bona sint: nec in fortunæ infidæ ac perfidæ mancipio posita. eorúmque tantū nobis vsus & potestas permilla, quæ longè officium plus animo quàm proficiunt, & simul quæ animæ corpori forè lenocinanti, sæpissimè negocium exhibent, anxietate plenum. Nam quotus quisque nostrum sacris initiatorum, æternitatem promittentibus & immortalitatem, vsque adeò de se liberis que sollicitus est, vtrum suum illorúmque nomina, in albo cœlesti perscripta sint designatorum Christi: atque idem ipse de eo angitur, vt inter alumnos fortunæ, beneficiariosque fati, adoptatum sibi esse ipsisque eueniat? Age nunc in diuersum: ecquis est mediocri cognitione imbutus, aut etiam leui opinione rerum sempiternarum, quin probè intelligat, atque ex animi sententia si vrgeas fateatur, multo deterius & miserabilius cum illis actum esse, qui inter reiectaneos prouidentia relati sunt, quàm cum calamitosissimis hominum in vita, qui spem habent beatitatis? Itaque tum demum resipiscere incipimus, cum atropos apparitrix rigidissima, migrandum esse innuit, serò, an adhuc tempestiue, nescio: certè difficillimo tempore, & sæpe grauissimo. Hoc igitur teneamus vt elementum philosophiæ primæ: naturam humanam, luere olim non potuisse fidem suam nec nunc posse, stygio foeneratori oppigneratā & nexam, nisi fidei crucifixi interuentu, qui constitutum chirographi alioquin indelebilis, è loco superiore pro singulis ac vniuersis fecit. Cæterum per euariantium affectuum iactationem, quasi per mare (vt diximus) va-

dosum, scopulosum & procellosum: per pontum quoque & per curipum, per breuia & per alta, vela nobis facienda sunt. Remigio etiam nauigandum, ad quod ipsum strenuè & nauiter nobis incumbendum est, flatibus quoque secundis non minus quàm aduersis. Nec ideò tamen à naufragio nimio opere metuendum est, quod quidem attinet ad summam rei nauticæ: quippe nauigio non fragili, nò solutili, cæterum è materia crucis dominicæ coelesti manu ædificato, tabulis nouis cedrinisque coagmentato, clauis insuper illis compactili & confirmato, qui in seruatoris sanguine temperati sunt. His autè ipsis fides Christianismi sic valide, sic firmiter fixa est, vt còuelli nulla vi possit in perpetuum, non inferna, non superna, ne si tartarca quidem ergastula soluantur, si Titanica stemmata, si nomenclaturæ Hesiodicæ monstra in populos emittantur. Quo minus nobis metuendum est hodie à rerum nouarum molitionibus, animos sollicitantibus sanctiorum ætatum senatusconsultis acquiescentes: quas indies alias atque alias videmus exoriri, exorturæque fama adhuc perhibet, & tēporis licentia præ se fert, ad vsque vltima indignitatis exempla, nisi publicæ curæ vigilēs viderint, ne quid ipsa res Christiana sibi permissa, detrimenti capiat. Etenim auspicis Christi exercetur nauigatio, qui cum vbique habeat imperium dictatorium, nec minus id obtineat in hostico & infesto, quàm in pacato & composito: nauem tandem ipsam cum delectis vectoribus incolumem appulsum iri pollicitus est, vel si Palinuri somniculose, & etiam veteranose obdormierint ingenti cum sua fraude. Singulis tantum id videndum est, ne iactum earum rerum faciant, si ne quibus ad portū hospitalē atque amœnū nemo admitti potest. Retinenda enim (vt dictum est) mordicus capita duo prima Christianismi: qui sic decem ipse tabulis legis

DE TRANS. HELL.

constat, cariem nunquam sensuris: nusquam remissionem
seueritatis iam æternæ, atque in omnes æquæ pollentis: vt
in prima secundaque tabula, totius legis summa, ab euang-
gelo legislatore posita sit, & constituta. Summopere igitur
homini philosopho cauendum est, ne in tempestate,
ne in turbine, ne in æstuosa iactatione (cuiusmodi iandiu
populum ordinēsque exercent) iactum inexpiabile sum-
mæ Christianismi faciat: ne in vadis hæsitantiæ quasi ex-
pes & deprehensus hæreat. Quod etsi non minus sereno &
tranquillo, quàm nubilo cœlo impendentiq; procella cuc-
nit incautè & supinè nauigantibus: nunc tamen vigilan-
tius obseruandum est; ex quo opinionum quarundam (vt
dictum est) peruersarum nebulæ, nullo sæpe auctore sparsæ,
certum cœli conspectum passim iis ademerunt, qui ad
oculum tantum & astrolabum cœlestia perpendunt. Nec
verò diebus (vt dicitur) haleyonis, in vtrunque aurem dor-
miendum est. nam eo tempore maximè marina monstra
suspecta sunt sapientibus, atque formidolosa. His adde,
quod & bono & firmo stomacho esse oportet, animique
æquitate prædito, vim aduersus & iniurias tum hominū,
tum fortunæ, nec nausea (vt ita dicam) indignationis atq;
stomachatione rumpi. Vt enim grauatè plærunq; hæc de-
uorentur, velut res amarulentæ: admotis tamen quasi fo-
mentis, sanctioris philosophiæ præceptis ac documentis,
commode concoquuntur. Hoc porro etiā in loco ab Ho-
merica philosophia mutuari quippiam nostra nō grau-
bitur orthodoxia. apud quem poetā Vlyxes aduersus Si-
renum capitalis illecebras, consilium Circes, quam ipse
deam vocat, secutum se esse commemorat, eoque consilio &
ipsum & socios perniciem certissimā effugisse. Inter mon-
stra enim maris huius sæculi, curriculique vitæ actuosæ &
fluctuantis, quod nobis vel breui vel lōgo traictu, vel me-

diocri transmittendum est pro cuiusque vitæ fuso: Sirenes plenissimæ sunt periculi, vitatûque difficillimæ. Auscultet igitur Vlyxes, philosophiæ non prisca terreutæque discipulus: sed theoricæ potius, de cælóque seruantis quam Græci vocant *θεωρητικόν*. Vir prudens vtique rerum salutarium, ac diuini iuris consultus, de sua salute propinquo-rumque & sociorum anxius: tum appulsus in patriâ sua-uissimi cupidissimus. Siquidem sacrosancta philosophia, quæ velut in mari hortator hortari solet, salubria hortamenta dare nobis nō definit *πρὸς μελέτην τῶν σόν*, eaque inculcare assiduo magisterio. Sirenes autem sunt hoc tempore mea quidem sententia, vt etiam olim fuerunt, iucunditates & illecebræ vrbanæ conuictus atque prætoriani: cuiuscunque etiam hominum celebrioris conuentus, in quo ciuilis prudentia venditare se, iactareque solita est, suis cum multis variisque facultatibus ingenii, animiq; expolitio-nibus. In his enim nominis claritas ambitiosè quæsitæ, oculos præstringit sensus & prudentiæ quæ communis dic-itur: splendore quodam, in re præsentī quidem illo sanè micanti & æmulando: sed veluti vitreo & sensim euanido si sustinere pergas. Et Sirenes quidem, quanquam olim di-ctæ sunt aurium voluptates, vt Gorgones, oculorum (qua-rum nulla ad sese hominem rapit violentius, quàm lau-datio cuiusque suis auribus deſorata, vt inquit apud Xe-nophontem Socrates) Sirenas nihilominus nunc esse duc-o aut certè dici posse, vrbanæ vitæ illicia & attriensis, & cuiuscunque conuentus ac conuictus celebris, ad popula-ritatis aucupium plaususque, institutæ & comparatæ. In his sunt autē, morū ad rationē tēporis locorumq; & fortu-næ, concinnatio atque compositio, affectionum corporis, eiûsque habitus & cultus elegantia & lautitia. lepos, faciū-dia & venustas in fermocinatione, studiosa & aucupatrix

DE TRANS. HELL.

fauoris & gratiæ. ambitus strenuus & sibi semper instans, popularis auzæ petitor, & famæ candidatus. deniq; omnia vitæ lautioris ac nitidæ munia, functiones, officia, obsequia, ad venditionem sui theatriçam exquisita, concinnata, & perpolita. At hæc reuera formulæ sunt fuci, senatui, populo, equestriq; ordini, vitæque (vt dicitur) & mûdo facitandi. hæc artificia probitatis adulterandæ & charitatis, atque ementiendæ suauitatis morum. beneuolentiæ euangelicæ ludibria inaniâque simulachra, quæ alienis iuxta familiaribûsque obuia est (vt alibi diximus) & morigerâ. Quarum ex rerû mixtura cinnus ille conficitur morum, quam vrbانيتatem appellamus aulicam, vendibiliter quidem ille, & mirè ad speciem, sed inaniter reuera & in modum futilem attemperatus, nihil prorsus aut æqui boni referens, aut charitatis Christi. Multra autem huiuscemodi vendibiliter inter homines fiunt: ac secundo rumore plausûque excipiuntur: quæ auersa tamen aui inauspicatâque fieri, sapientiæ non dubium est, quæ de cælo seruare instituit, sursumq; suspicere. vsque adeo regnum Christi, ab institutis humanæ prudentiæ dissidet. Et hæc est ferè formula eius Sirenis, quam aulicâ faciendiam dicimus: non magis locum significare volentes, id est eius incunabula, quam ludificationis artificium, quod latissimè patet. hæc autem in iudicio philosophiæ nec faciendia est reuera, nec morum elegancia: sed aretalogia potius hominum circumscriptrix: auribus putida & molesta simplicitatis amantissimis, cuiusmodi sunt aures præceptoris euangelii auscultatorum, audiendæ veritati, non item vanitati, pronæ & defæctæ. huic siue fallendi artificio, siue actui scenico è schola disciplinæ salutaris protinus explodendo, conuenit amiculum anceps atque geminum simulatione subdola dissimulantiâque contextum, cin-

etumque succo supparasitantis præpotētibus impudētiz:
 quā vt fert vsus induunt fallendi artifices in hanc aut illā
 superficiē. ad desultorios enim mores ea vita maxime cō-
 parata est. In vniuersum autē nugarum institores, fumo-
 sâ charitatis ac tepidâ venditatores dūtaxat apud homi-
 nes in atriensibus conuēticulis adhuc hospites ac peregrī-
 nos. quibus nullū est negociū ipsis, nulla necessitudo cum
 veritate germana, cum simplicitate Christiana, deniq; cū
 fide bona, & cum candore hominis interioris. Nihilose-
 cius tamē ars est moribus iandiu receptissima in omni pe-
 nē ordine, sacro iuxta (si diis placet) profanōque sui ac cer-
 ti generis lenocinio tēperata, capitalique mangonio. Hac
 liberaliorem paulo genium habet, imposturâque non ita
 maleficâ, blandiloquentula tantum comitas, & prensatrix
 hominum: ludibundis oculis, & mimo scitē seruientibus.
 quæ salutationū largitrix prolixarum & sesquipedalium:
 amplexus etiam arctos ingeminare solet, nec verò grauā-
 tē sese dedere, vt in quenque incurrit qui quidem aliquo
 sit in numero. Cæterum captandâ magis (vt fit) gratiâ,
 quā doli mali, fuci que in necem hominum captionēm-
 que factitādī, cupida & artifex. Vtraq; tamen si ad verum
 æstimare res volumus: amicitia iustâ & benevolentia ne-
 scia atque neglectrix: & meditata tantum vanâque verita-
 tis assimulatrix. Sed quæ inter artis aulicæ tamen ediscē-
 da sit progymnasmata, iis quidē qui officinæ ambitionis
 formandū atq; perpoliēdū genium suū dederunt. Quibus
 etiam vt appēdix accedit ea quā Græciglossocharitiâ vo-
 cant, sermonis quidē illâ largitione, sed veritatis atq; ope-
 ræ parsimonia morigeratē. Ad huiusmodi verò morū mē-
 dosam rationē, corporis animiq; degeneres affectiones, ad
 personatâ vitâ ductū, nihilq; sui proferētis, nō naturâ pro-
 cliuiitate: nō igniculis illis innatis: non instinctu spōtaneo

DE TRANS. HELL.

suóq; mores ciētur hominū: sed praua amulatione, sed prudentiæ communis magisterio, & sensu insititio. cacozelia Græcè dicitur, viciū in verbis, in sentētia, in pronūciatione: in toto denique homine ipso, qui in Christi sacramento nunciū vanitati remisit. Natura enim duce ad veras & simplices actiones ferimur, vt in pueris patet, in illis-que hominibus: quos Græci ^{ἰδιῶτες} vocant: non ad imagines veritatis, ementitæque inaniter rerum officiorūq; simulachra. inde illud oraculum Christi apud Matth. Nisi efficiamini (inquit) sicut puer iste, non intrabitis in regnum cælorum. quibus verbis, vt Ambrosius adnotauit in quadam Homilia, infantia morum dominus significauit, affectuūque maleficorum animi vacuitatem. Quapropter ab Hellenismo errorum præceptore, simulachrorum cultore, nugarum opifice, ad veritatis cultum atque simplicitatis, philosophia nos reuocare clara voce videtur, vtpote quæ theosophiæ germana sit & socia. At nunc vt mores in assimulationem verterunt, planèque inualuerunt, non amicorum, non ciuium, non virorum bonorum officium, ciuiles vsus actionesque: nec verò (quod præcipuū est) vnguentum Christianismi initiorum redolent: quo & caput & pectus, anticaque pars hominis Christiani, posticaq; delibuta sunt. Amicorū dico mores & priuatorum: quid si ne magistratuum quidem, honorésque gerentium: quid si nec sacerdotum? heu pietas, heu prisca fides, etiam autem ne sacerdotum quidem? etiam inquam. Nisi verò non videmus passim, è suggestu, è loco superiore, pro concione, instituta Christianismi, exempla continentia, sententias euangelicas mirifice commendari atque deprædicari. tum in studia avaritiæ, in honorum gerendorum, in cupiditatem rerum caducarum magno sudore, ingenti latetrum contētionē, Stentorea voce inuehi. & plarosq; ta-

men corū mox flagrare audimus infamia cupiditatis perditæ atque ambitionis, simul vt occasio quædam festiua candidam hominibus pridie squallentibus aut pullatis induit. Porro equidem progredi in religionē traxissem, nisi cōspiciuam rei indignitatem hoc ita clamitare cernerem, vt silentio prætermittere sine præuaricatione nequirem. Scenicorum, histriionum, ludionū actiones, pro veris functionibus legitimisq; habere nos homines anthyporitæ clamitant. idque mores iam recepti non obscurè præ se ferunt, in profanis, in sacris, in apertis, in opertis. Age verò, quando eousque euectus sum trahente rerum serie, vt vel momi personam, vel Aii loquentis assumendam aliquantisper habuerim, licet mihi illæ nec humeris aptè, nec stomacho nō agrè sedere possint, hanc aut illam vt sustineā, hoc quoque in loco necesse est, ac si quando alibi fortasse scribendi ratio instituta id tulerit. Homines quidam primum pauci, egregiis illi quidem ingeniis ac literis, sed liberioribus præditi, & tanquam ex alylo apertè, acerbè, atque vocalissime conuiciātes, mores & ritus hypocriticos, (vtar enim eorum verbo) momicæ asperitatis salibus perfricantes, nihil nec sibi propemodum, nec pōsteris fecerūt ad imminuendam opinionem sacrarum functionum, lædendāq; maiestatem ordinis consecrati atque consecratoris. A quibus audaciam mutuati alii deinceps atque alii ex turba hominum miscellanea, conuicium facere apertè non desinunt primariæ hominum nationi, populūq; imbuere eorum contemptione. eoque iam res euasit indignitatis & licentiæ, vt non tam pontifices nos habere partem quidem longè maximam, quàm propontifices dicāt, aut significant. (neque enim quæ atrociora sunt, proferenda esse duxi) non tam præfules, quàm præfulares viros. non pontificatibus, non antistitiis, non primatibus in cœno-

DE TRANS. HELL.

biis: non assiduis iustisque functionibus munera obeuntes, ut collegas & sodales. non sacris denique magistratibus, non flaminibus, non archiflaminibus fungentes, in sua sorte singulos atque ordine. Quanquam non pontifices tantum singulos mortales (quod olim receptum est, ex quo assiduitatum venia, munerumque in æde domini fungendorum vacationes, in commercio hominum esse cœpere) sed etiam propontificibus habemus, quasi Ianos quosdam geminos & tergeminos, aut quasi reliquias quasdam generis illius *ἐναγχοίτες*. Hæc verò ab hominibus ita dicuntur, ad licentiam ut fortasse exagitandum, non etiam ut ad præcordia pertinere videantur opinione imbuenda colenda sanctius religionis. Sed sint speciose dicta, nec abhorrenter prorsus à veritate, (licebit autem persona quoque Aii loquentis iam exuta, quippiam huiusmodi rerum fateri in sinu philosophia). Spectamus enim & ipsi permultos eiusmodi sacerdotes, (vel in oculos illi incurrunt nostros potius) nihil aliud penè, quàm titulorum honorumque potientes, opumque fructuum: eoque nomine palam & cum ordinis invidia libimetipsis gratulantes, cætera nebulonibus similes, vertice tantum summo nouacula perstricto, aut forfice libato in speciem capillo atque defunctorie. Ut igitur hæc esse vera quadam ex parte fateamur, tamen non tam culpe hominum, quàm conditioni temporum tribuenda sunt apud æquissimos iudices. Nam quis mortaliū ordo in vita, sic officiose ac decenter constitutus est, ut huic ordini licentiam exprobrare infamiamque videatur? Quin & prisca innocentia multum debuit disciplinæ primum adolescenti, & deinde iam adultæ. Nihil autem minus ferenda est ætati, quàm disciplina morum rectè atque ordine constituta, etiam si semel iterumque recocta sit. Eodem ferè pertinet, quod pro monachis, & monachorum primis, & co-

ryphæis, fartiles ali dicuntur homines, quasi in macaron insulis, fruentes illarum redditibus opimis. qui legum canonumque sanctionibus, tanquam præfidiis sacrosanctis, diligentius adhuc & certius asseruati sunt, quàm illa olim mala hesperidum cātatissima. Felix hominum genus, quibus vt feriatis epulonibus, omnium maximè mortalium, *ἄσπαρτα καὶ ἀνέροτα πάντοι φέρονται*, quod est apud Homerum. En quò philosophia Christianismi delapsa est: id est vt ipsi interpretantur, ab heroicis virtutibus ad ironicas ceremonias: exoletis iam & propemodum deletis veritatis rerum sanctitatisque vestigiis: si quidem ad normam priscae seueritatis explorare res volumus. Monumenta tātum ad hoc æui asseruata sunt, clara quidem illa & memorabilia: cæterum rari vsus aut etiam nullius: visendæque potius & admiranda, quàm æmulationem sui concitantia. mirum vt ad modum non sit fortasse, operum humanorum indicaturam vsque adeò euiluisse, eorum iudicio, qui omnia fidei vni tribuūt. quippe quæ tectorio scenicæ hypocriseos inducta, intus sint inania spiritûque vacua. Ab ecclesia autem Christi, si fidem, si charitatem veram tollas: quid iam aliud erit, quàm nauis in mari æstuoso & scopuloso, pro-
 ra & puppi cassæ. Verum vt ad rem redeamus: eiuscemodi sermonis in vita ciuili: actionum subdolarū, ministeriorumque artificia: tum ad veritatem adulterandam, tum ad officiorum vicissitudinem dolo malo inficiendam, inuenta & comparata: quàm è diametro opposita sint, nō modo cādori euangelico, sed etiam innocentiae moratae, quis nostrum non clarissimè perspicit? cui quidem fraudē cōtendere cum æquitate vacauerit. Siquidem Christi seruatoris doctrina eiusque discipulorum, doli mali inter homines & vaniloquentiæ, quoddam fuit euerriculū, vt Ciceronis verbo loquar. At nunc æquo & bono imbuti mo-

DE TRANS. HELL.

res, & simplicitate tincti: pro nihilo ducuntur, atq; etiam
 ridentur, vt exoleti, & obsolescentes in perito rerū homine:
 prudentiāque ciuilis & atriorum incola, summam mo-
 rum sanitatem: viciū effecenset, vitāque incommodare.
 Lege autem veritatis promulgata, & charitatis, rerum mi-
 rificarum opificis: aqua & igni interdictū erat viciis con-
 trariis simplicitati morum atque integritati, societatis ci-
 uilis iura abrogantibus. Et veritas quidē ac sapientia dei,
 tum plebem olim sibi circumfusam, tum discipulos suos
 alloquens: placida serē & leni oratione vtebatur. ad sceni-
 cos autem homines fictōsq; ad versutiloquos & captato-
 res, pugnacem illum sermonem, & altercatricem fundebat
 orationem, minacem insuper cum maledictō. Certē qui-
 dem seruatur nullum crimen frequentius cōtumeliosius-
 que obiecit, sermocinando cum primoribus sacerdotum,
 quā assimulationē sanctitatis & probitatis. nec sibi in-
 ter hominū mores quicquā magis cordi esse, quā aper-
 tam simplicitatem declarauit, cum æquabilitate in ordi-
 nem se cogente: duntaxat non vacuam cælestium rerū sa-
 pientia. At nos omnia exquirimus & cōsectamur figura-
 ta subdolē, litāq; tectorio vultuosæ versutiz & prastigia-
 tricis. Quid autem in vita ciuili atque aulica primarum,
 secundarum, tertiarumque partium homines, aliud quā
 fabulas agunt, prætexitatas, rogatas: tabernarias & plani-
 pedes: choragorum vice fungentibus sensu cōmuni & pru-
 dentia, designatrice fortuna: nam quora pars actuum ciui-
 lium & prætorianorum, quora officiorum priuatorū, pu-
 ra est & vacans simulationis fuco, & vanitatis lenocinio;
 Neque verò veritatem in hoc libro, vtrāque in partem tes-
 timonio nostro fraudare prauaricāter sustinuimus: cum
 personā Aii supradicti induisse nos meminissemus. O vi-
 ta, ὅτι σὺ δαίμωνος εἶσα κακῇ, morūmq; facies adulterina, get-

manās virtutes è medio sustulit: Magister ille populi procerūque mundus, mendosis actionibus inuicem circūscribere docet homines. at verat id spiritus doctor, ad Ephesios scribens. Religio & pietas, eorūque diuersoriū aut certè domicilium, prosopopœiarum theatricarū simulachris pro insignibus vasis plerūque exornata sunt, quod homines permulti palām vociferantur. quæ simulachra colere nos oportet nihilominus & venerari, siquid mei iudicii est: vt exuuis augusta & sacrosancta primordialis germanæque religionis. tamen si ii ex eorum numero sunt, aut ex eorum natione potius, quibus Christus semetipsum non credebat, quondā inter homines verba faciens, ideo vt Ioannes testatus est cōsiliorū eius conscius, quod eos non minus intus aut non aliter in corde, atq; in cute nosset, vtpote cui nihil prorsus occultum esset. Verū his atq; huiuscemodi multitudinis imperitæ ludificamentis, homines quidam prætexta fascibusq; spectabiles: quidam lituis, infulis, trabeisque insignes & venerādi, cum & scitè vtuntur, aut apposite rationibus suis ad animi obsequium, nō ad officii functionem subductis: fucum sese facere mortalitati putant, imperiorum maiestate adductæ, aut religione obstrictæ: cum reuera ludibria pietatis Christo seruatori pendant, pro cultu & obsequiis, munerūmq; sacerdotii functionibus seriis, & spiritu non vacantibus. Has veritatis imagines & sanctitatis, vtinam idomastiges homines censura sua tantū notassent: non etiam seruatoris diuæque eius parentis simulachra ex æde domini deiecissent, cōtra morē maiorū. Sed enim vereor lege vt agere euāgela iam liceat ad subsellia ciuilis iudicii, nō tantū cōmunis & rogati, sed etiam prætextati & insulati. præcipuè verò ad confessum prudentiæ, quæ maioribus auspiciis subnixa est & stabilita. quæ et si iuri multum tribuit

DE TRANS. HELL.

honorario, æquitatem tamen eius iuris affinem, aut sustulit, aut magna ex parte deleuit & antiquauit. Age verò, naturæ instinctu, an æmula procliuitate euenit, in mores recepta iure gentium, vt in suo quisque ordine cupiat, conetur, & gestiat primam classem ducere: vt primas ferre partes honoris & compendii: & cum id ex animi sententia cuipiam contigerit, ille vt in proximum protinus ordinem sursum versus adoptari, & deinceps in aliū aliūque auceat, scansili serie ambitus & perpetua: nec verò ante auere & discupere desinat, quoad in præcipitem tædem altitudinem ardor cupiditatis euadat? Atqui horum hominum sitim ardentem extinguere difficilius est fortunæ, omnia in spem cadentia iis largiendo, quàm gliscentis incendii vim sistere guttuli stillicidio. Quanam igitur parte hominis, circuncisam vitam esse Christianā dicemus? Vbi autē illa cordis circūcisio, cuius cōmendator est idem Paulus in epistola ad Romanos entheo spiritu imprimis scripta: vbi porrò pura voluntas? vbi facta rectaque mens hominis à spiritu cupiditatis improba? An corde tandem circuncisi sunt, qui sibi finem querendi possidendiq; quī fastigium attollendi modum præsti tuere nequeunt? Non ignoro hæc & huiusmodi acroamata, aurium non esse ciuiliū, nedum prætorianarum, atque haud scio an nūquā fuerint, nūquāque. Quare mihi met ipse hæc cano, vel philosophiæ iam sæpe dictæ potius, cuius vix tamen ipse limē summo pede attigi. Inde autē est illa Siren enata, omnium pellacissima, auctoritas & imperium in summo actu rerū tum sacro, tum ciuili. quæ homines non perlicit solum ad sese & pertrahit: vnde nomen inditum Sirenibus: sed transuersos agit etiam, porroque in charybdis rapit plærunque, sitis bonorū atque honorum inextinguibilis. Quem sanè ad gurgitem cupiditatis qui penitus

rapti sunt, introque merfi: rarissimū est postea existere vt
 denuo possint, indeque emergere, vt legum iurisque memi-
 nisse velint, aut diuini aut humani, ne mortalitatis qui-
 dem illi in rebus rationem inceptandis & exequendis ha-
 bere, nedum immortalitatis. Hæc fors vitæ idola aurea &
 argentea colit, ex iisque numina sibi aliena à Christo ser-
 uatore facit atque abhorrētia, vt manifestum est animad-
 uertentibus. Neque id quidem modo, sed etiam assensione
 obnoxia atque clientelari, atque eo amplius, assentatione
 quasi parasitica, ordinis hominum prætextati & insulati,
 diuinos honores propè dixerim adepta est, vt ἱεροδιδας, homi-
 nūque fortunatrix. in quorum ordinum sententiā to-
 gata multitudo & militaris, pedibus non dubiè transeun-
 tes: illos in catalogum si non semideorum, certè τῶν ἡμιθεῶν
 ὁμολογῶν referre non dubitarunt cultu atque supplicationi-
 bus. Quapropter hæc Siren quanlibet penatiū censuūque
 amplificatrix: quanuis hominum ornatrix atq; bea-
 tifica, velis tamen & remis sapienti fugienda est, æterno-
 rum tantum bonorū admiratori & verè idolomastigi hu-
 iuscemodi simulachrorum, quæ ἱεροδιδας coli sine scelere ne-
 queunt. Et quidam talis actus vitæ, quo florentior appa-
 ret oculis theatricis, eo minus fructus habet iudicio philo-
 sophiæ, prophanæ quoque, rerūque diuinarum nesciæ.
 Siquidem qui rerum potiuntur, qui fata regunt cuiusque
 provinciæ, & cupere ipsi solent & satagere magis deinceps
 atque magis: augescētēque indies captura, auiditate, vehē-
 mentius affici. id quod si in ordine equestri apud deū ca-
 pitale, in senatorio sceleratum est ob idolorum cultum
 quæ in corde circumferuntur: id in natione sacrosancta,
 à curaque rerū externarum euangelicis institutis summo-
 ta, quo nomine appellabimus? Scio me paradoxa scribe-
 re, atque etiam antidoxa vitæ in medio posita, ad quam

D E T R A N S. H E L L.

ratio mea cōparata est. Sed actus quoquomodo peragendus est, quoad personam posuero, quam mihi ad scribenda hæc induit amor atque admiratio germanæ philosophiæ, etsi perleuiter mihi exiliterque cognitæ. hoc dico quod fando audire aliquando memini. si quorundam hominum ex eo ordine insolētia, fastus & cupiditas à regno dei abhorrentia, tantum apud superos nemeseos, apud inferos plausus excitauere, quāta apud mortales inuidia flagrare memoria nostra superioreque cœpere, causam nullam videri, cur tam beati putentur esse & æmulandi à nobis, quā titulosē & obseruāter salutātur à multis. Christus æquabilitatis vindex atq; ciuilis isonomiæ: diuitias & fastum in ordinem redegit, tum extorres regno suo & ciuitate domoq; esse iussit: & verò in penates suos illos æter nos patriosque, vix admissum iri palam eos cōtestatus est qui copiis affluerent. Quocirca res supra modum secūdæ, quæ oculorum nostræ mentis aciem splendore suo præstringunt, nullo penè loco numeroque rerum expetendarum, iudicio hominum iuris diuini consultissimorū, habitæ sunt omni ætate. Verum vt est peruersitas sensus humani, multa & centumuiralibus iudiciis, & senatusconsultis, atque etiam Arcopagitarum sententiis, inter prima & præcipua censa sunt, quæ philosophia diuinitus instituta, ad quintam classē reiecit. Sequitur & alia Siren, sæpenumero comes aut socia superioris, vel verius secundaria. rationem enim suam habet ab illius sciunctam, sed tamen secundum illam illecebrossissima, exaggerata titulorum nomenclatura, supra ordines erigens quorundam fastigium, cum æquationis ipsa (vt superior) nescia, tum verò æquē in obliuionem mortales, atque ignorationem sui aliorumque adducens: quos carminibus suis affecit. Constat eius hypostasos nitore & lautitia vitæ: exstructis prin-

cipem in modum mensis, opimo victu, Syracusanoque & adipali, cœnarum adicialium abaco, instrumēto Luculli conuiuatoris, splendido & redundante. Huius fastus appendices sunt, tum hærentis vestigiis clientelæ manus ancillans, ad omnesque nutus supparasitans: tum comitatus multiplex atque miscellaneus, regem suum pastoremque stiparium gnathonicorum philosophorum. In huius comitatu & familia, quosdam quasi seruos ab oblectamentis videas, quosdam à ridiculis, à fabulamētis, à cauillationibus, nonnullos etiā fortasse ab obrectationibus, aut scōmmatibus ridiculosis, sed aculeum ignominia relinquentibus. Mitto qui à variis esse solent tacendisque voluptatibus regi parasitico: nullum vt sit tempus, quo tēpore non scitè, & tanquam frugaliter conteratur ocium, quod habet pro negocio beati illi homines & copiosissimi. vtpote quibus ad procurandum genium, propositi sui summā, vitæq; instituti, applicare vacarit & cōtigerit. nulla etiam vt sit (signifiantius enim loquar) corū fruendorū interca pedo, quæ prudētiæ mundi bona & expetenda vidētur: cōtrā sapiētia cœlesti, mala & auersanda. Heu perditas vitæ rationes (iterū enim & sæpius paradoxologia indulgebo animo meo obsequēs) heu pessime meritos mortales de potiore parte sui. Felicemne hanc vitam, an flagitiosam esse censemus? Heu prudētiæ nostræ dictata exitiosa, atque anteangelismo planè cōgruentia. nisi verò hominis est euāgelii exosculātis & amplexātis (vt Græci dicūt) πάλιν τὸν βίον διανοεῖσθαι. Iussusne oprare vir verè prudēs, à deo quicquid vellet, hanc fortē vitæ peteret? cæcū vitæ ciuilis atq; in celebritate positæ, consilium & propositum. Quid enim mētisne compotes sunt rerum diuinarum æternarūque cōscia, qui huiusmodi vitæ æmulatione ducūtur? At beata nobis & æmulāda videtur vita opibus circumfluens. Nam

DE TRANS. HELL.

quotus quisque hominum paulo nauiorum vacat eo crimine, eorum quidem certè qui in eo peccare potuerunt? Cum interim improbissimus quisque huius petitor cōditionis, perditèque ambiens, tamen vt Cæsaris candidatus simulet se petere. Quotus autem quisque nostrum meditatatur, aut meminit in vita instituenda, decantata illa paradoxa, oraculâq; certissima cœlestis sapiētīæ, Beati pauperes spiritu: & quæ sequuntur. Immo verò quis non pro paralogis habet, non modo pro paradoxis? Quis porrò illud non modo philosophicum, sed etiam philostauricū attēdit, eodem ore veritatis pronunciatū, Beati qui persecutionem patiūtur? At hæc sunt verba Christi, vnigeni filii dei: patrimonii sui opimi atque beatissimi auctiōnem facientis præconio exaudibili, atque etiam olim exaudito per vniuersum orbem. Quid igitur tam discrepat ab suo opposito, quàm professio nostra dissidet à vitæ proposito? Nam cum nos omnes Christigenarum professione gaudeamus, cum adoptionis cœlestis iura habere nos gloriemur, ab altero natali manantia: paucissimi tamen nostrū, ea licenda tantū ducunt, quæ æstimari humana mente nequeunt, ac sub admirationem tantū cadunt, quanti ea esse putant, quæ cum suapte natura spernenda sunt, tum precario solum iure obnoxioq; possidentur. Nimirum Sirenū stygiarum carminibus aures hominum obfessæ ac delinitæ, monita veritatis, hortamentâque cœlestia, vt iis cōtraria respuunt. illūdque est scilicet præscitum prædictūq; propheticū, ab illo euāgelistarū vertice quodam loco citatū, Domine quis credidit auditui nostro, & brachiū domini cui reuelatū est? Quo brachio vis ac virtus sermonis euāgelici significatur. Quare fides, tæctsi in omniū sermone est, ac per ora populi, senatus, atq; equitū volitat, vt festiua & amplectenda: iustā tamen hospitalitatem, atq; etiā

iusta longè inferiorem, in corde perpaucorum inuenit è multitudi-
 ne delectorum. iisq; demum Iesus sese indicat
 vt discipulis suis, manifestoque ostendit, vt est apud eun-
 dem cap. quartodecimo, non etiam mundo, id est poten-
 tibus, copiosis, & illustribus, à regno dei abhorrētibus: qui
 mundi sunt ipsius decus & ornamentum. Siquidem pro-
 cerum motus hæc cuncta sequuntur: humanum paucis vi-
 uit genus, vt apud Lucanum Cæsar inquit. Agè quid ha-
 bent iam mores simile condicioni hominum & habitui,
 ob noxam admissam intus ægrecētium? Quid vel tantu-
 lum habet vita moribus hominum instituta, mœstæ lu-
 stralisque pœnitentiæ, quæ nobis indicta est, edictoque per-
 petuo iniuncta? nam sternotypicam istam, quasique hi-
 strionicam, qua in speciem vtimur more quodam solen-
 ni, nihil moratur deus. planctus est enim pharisaismi, at-
 que etiam Hellenismi verius, quàm expiabilis resipiscen-
 tia Christianismi, atq; præcordialis. Potestne igitur quic-
 quam è diametro cuiquam magis esse, quàm hilaria perē-
 nia, ærumnosa vitæ opposita sunt, & velut cruci affixæ.
 Atqui hanc Christus ipse seruator & dominus, christis
 suis denunciauit, id est nobis omnibus genitali spiritu re-
 diuuiis: Idque imperandi verbis, atq; in formulam iniun-
 ctæ necessitatis conceptis. quippe qui crucem suam tol-
 lere vnumquenq; iusserit, qui quidem iisdem vestigiis aut
 eorū æmulis, viam in cælū post ipsum affectarit. Hic aqua
 illa purifica, vetustique hominis expiatrix, hæreat necesse
 est: nisi crimen hoc esse capitale fateamur, cuius crimi-
 nis comperti lōgè plurimi mortaliū, & manifesti sumus.
 Ita si pœnam deprecamur æternam, ad aram nobis mise-
 ricordia recta confugiendum, omnibus quidem illam
 nunquàmque non patentem, sed resipiscētibus. At ve-
 rò qui resipiscunt, stultè sese de semetipsis consuluisse.

DE TRANS. HELL.

perperamque agnoscunt. id quod imprimis necesse est vt faciant, qui Sirenibus mundi sese pertrectandos dederunt, atque deliniendos. Meminerint autem (quæso) semper lectores, huiuscemodi disputationes ad vulgus non valere, putentque intra porticum philosophiæ, à qua tamè procul absum, hæc à me dicta esse, non in atrio honoris, non in officina ciuilis cupiditatis, non in campo honestæ ambitionis, non in conuenticulis alumnorum sensus cõmunis, cuius alumni sumus: quod ineptire planè esset, nō com modè & appositè tantis de rebus disserere. Proinde qui Christianismi dogma sociare cum Hellenismi atque gentilitio sperat, id est cum Aristippee, circumcisionisq; pæcordialis nescio & exorti, is (vt opinor) non diffidet, se cauum à conuexo dirimere etiam posse, aut vtrobique operam ludere non grauabitur. tamen si illa non difficiliora sunt fortasse, quàm à Christi cruce difficile est ærũnarum agmen, rerumque aduersarum molestiam dissociare. At verò sine cruce Christi ad beatam vitam subuolare, eos demum credendum est, quibus æterna diuinitas gratiam adrastræ legis fecerit, qua lege pater ipse coelestis, filium suum teneri dilectum & vnigenum ante omneis voluit. Quo apparere potest quanto in errore vita versetur, & promissorum Christi in quãta diffidentia: qua nulla maior esse infania, nulla capitalior culpa potest. Me miserum cum hæc dico, & vt dico, sentire etiam cogor, ita enim viuus vidensque (quod dicitur). sed reliqua ominari vereor. Verum dux iam dictæ sortis vitæ, earumque Sirenes, rerum fluxarum temporariam possessionem, perpetuam faciunt destinatione mentis, contra quàm hominũ natura, rerumque ipsarum cõstitutum est. Vsum etiam & fructum peculiarem & precarium, vt suum, vt liberum, vt proprium, atque optimo iure possidēt: cum nihil

non profectitium, nihil non temeritati obnoxium casui-
que, habere nos sciamus. exitialis tamen est eorum secu-
ritas qui dubias cœnas ructantes, redditus consecratos & si
dutiarios, iure vel potiore, vt sanctos: vt domini notaque
insignibus impressos, vt profanis manibus intactos, quàm
auita patrimonia possidere se ducunt. nempe quasi in re-
ferendis rationibus eadem condicione futuri sint homi-
nes pecuniosi atque peculiati. Hic hic atrociore, hic exi-
stunt, ordinis illi dedicati obtrectatores. *Quid* enim (aiunt
illi) futurum est tandem, si ii qui sese christos Christi esse
præcipuos, ac penè solos perhibent, & tanquam è cohor-
te seruatoris prætoria, aut principe ac signifera, geniali-
bus sacris initiati magis esse quàm Christianis, videri non
verentur? Quod si redundantes copix nusquam non ferè,
nunquamque non incommodæ, hanc deformitatē faciunt
in atrio sacrosancto, quod hactenus sartum ac tectum ab
omni iniuria, Christi reuerentia præstitit: quem tandem
non subeat impetus, si non in eorum sententiã transeun-
di, qui licentius quàm par est censorium stilum adigunt,
vel momicum potius, in eximium ordinem: tamen secus
de illis existimandi? Quem etiã nonnihil censendi de cor-
nu illo copix tandem exhauriendo, quod plenius fit in-
dies & tumentius, decedente innocentia? Audiant igitur ii
ad quos ea res pertinet, audiant (inquam) fremitum Aii lo-
cutii, ne forte ad secessionem spectet haud aspernendã ad
nationisque sacrosanctæ exuendam fœdè reuerentiã. aiunt
enim (vt est huius temporis confidentia) vel vociferantur
potius: non antè redituram religionis constitutæ faciẽ spi-
ritumque fortasse (si quando rediturus est, iusque habiturus
postliminii,) quàm fastus & cupiditatis portæ, vix scias su-
perfluentes magis an perfluentes, ad sportulas redierint ci-
uiles aut canonicas. tum demum enim fore inquirunt,

DE TRANS. HELL.

vt quod nunc paucis satis esse non potest, plurimis sufficiat isonomiæ beneficio, proportionem quidem geometricam attemperatæ. Verum hæc & alia eodem spectatâ, mox forsitan viderint ii quorum est inspectio summa pecuniarum domini, atque etiam vineæ, rectè atque ordine repastinandæ & excolendæ. At etiam ne qua indignatio desit (quod si palàm dicere religio est: hic tamen infodiam) ex istorum natione præcipue esse dicuntur, qui nulla exempla beati pauperis esse putant, iuuenēsque hortantur vt illam ire viam pergant. Quos tamen (ne stomachetur æqui animi) aut eorum permultos, ita mortem obeūteis videas: tantis vt ex copiis, egentibus exiguam stipem, propinquis atq; necessariis, legata præcipua æris alieni relinquāt. Agè porro, quis nunc natalibus vel obscuris ac plebeis ortus, si maiore quodam fato præditus, sericū sese filum aut purpureum vnum, sortitum esse in colu trium sororum experiri cœperit, vel augurio liberalioris spei atque festiuioris, in animum induxerit: non statim titulos gradibus scandere in cœlum gloriæ theatri ntitur, in ordinemque semetipsum beatorum omni ope adoptare, & mox in collegium semidecorum? Quis hominum fortunatorum non prandere videri vult vt Crassus: (quod aiebant) & cœnare: non vt Lucullus ædificare? Quis superuacaneos census, annuósque prouentus, in statuis quæsitos cupiditatis: quis emerita ambitionis stipendia, eiusque germanæ sororis & vterinæ, quam *ἐνθροπολατρίαν* vocant, non in delicias, in voluptatem: non in saginam denique vertit inertium amorum: in farturamque conterit desidia, quam Sirenem improbam vocauit Horatius? Hæc equitem, hæc populum, hæc sacrum forma senatum, excepto sapiente tenet. Quis verò rursus non intelligit, non videt, non perspicit, Colossecos quosdam homines, sti-

patos clientelis agminibꝫque succinctos, quo vulgo putantur beatiore, quo religiosius adeuntur à multis & coluntur, eò inuisos magis esse vulgo, suisque interdum cultoribus, turbæque circumfusæ, ob tædium obseruantia, eorũq; fastidium? Eò verò propius sæpe abesse à furiali illo cõuentu, vbi Tartarus ipse bis patet in præceps tantũ, & quæ sequuntur: quo magis in cœlo esse (vt est latine loquendi consuetudo) iudicio populi ordinũque existimantur? Multa certè moribus hominum, rumore secũdo, plaúsque excipiuntur, in theatro vitæ vrbanae & atriorum: quæ in regno Christi quo de regno nunc loquimur, aduersante numine fieri nemo negare potest. Quare animaduertere lectores oportet, non præcepta me vitæ, non hortamenta his commemorandis scribere, quorum impri mis egens ipse sum atque insciẽs: sed in rebus huiuscemodi potius cum lectore non quolibet, animi causa, animæque commentandis, æstimare, quàm è diuerso vitæ, atque etiam è regione comparata sit, ab ea ratione disciplinæ, in quam disciplinam iureiurãdo adacti sumus ipsi iustitico sacramento. Potestne tandem homo nouus: in officina diuini spiritus reconcinnatus: sine scelere hæc expetere: ea omni ope consecrari, quæ spiritus illi stygii, cupiditatis, ambitus, elationis magistri, vt regni sui ac tyrannidis firmamenta, in mundum introduxerunt? Atque eorum quidem hominum natione sunt lotophagorũ proceres: qui in imum maris sidunt, asinaria mola premente ceruices istas quanuis arduas, superbas & inflexas. ad quorum fortasse sortem Christus humilitatis decus, euangelico tropo allusit: tanquam in mari merfi curarum terrenarum & inanium, cœlum iam ipsi suspicere, æternitatemque nequeant. Idne autem satis animaduertere posse videntur aut meminisse, parit̃ qui honores sibi

DE TRANS. HELL.

ciuiles, donatos fortunæ beneficētia, non creditos esse censent cœlesti prouidentia, partim qui pontificatus, antistitia, aliâque sacerdotia, (sic enim nunc redditus annui, non munera officiosa ministeriâque vocantur) non fideicommissa antiquæ pietatis esse interpretantur, sed legata quædam ludicra iucunditatis, ad vtendum fruendum, liguricundum relicta: ad curandûmque aliàs molliter oblectandûmque geniû. Hi sunt qui in altissima securitate æterni xui quærun, & tanquam optimis ab auctoribus & locupletissimis accipiunt, ea bona, quæ in nullius hominis mancipio sunt, etiam si esse cœperûnt iandiu in cômertio. Cum interim ii quos ipsi auctores laudât suos ac largitores tot tantorûmque titulorum, in pari acquiescant maiorēque supinitate, nempe tanquam prædibus ac prædiis (vt dicitur) & seruatori ipsi, & populo plebique animarum, cautû sit huiusmodi liberalitatibus. Scilicet ius & fas nomina monosyllaba, honori haberi non magnopere solita sunt ab ordine grandium mortalium, insignitèque extantium super æquabilitatem ciuilem. Et verò classes etiam ipsas, & populum (vt verum fateamur) in ordinem magis cogit, atque ad æqui bonique reuerentiam redigit, tenuitas fortunarum atque mediocritas, quàm domini timor, Christianismiq; pietas. Iure enim ciuili gētiumq; quo iure nominis quoque Christiani, vt quondam, fines adhuc reguntur: mortales ferme omnes tollunt animos submittuntque, pro modo & captu fortunæ fortunarûmq;. Qui in & ex euentibus rerum splendidis aut obscuris, æqui plarûque homines atque iniqui fiunt: ne gratuitam putemus fortis fortunatricis benignitatem: vt mirum non sit, tam arduum esse diuitibus & copiosis in regnû dei ingressum, quod dominus olim testatus est. Aliud est etiâ & prorsus diuersum ipsius fortunæ hominûmque cōsiliû & insti-

tutum. Siquidem apud eos quos bonos æquosque credimus, bona nostra deponere solemus & gaudemus. Illa vero aleatrix cæca, surda, volubilis, & præceps consilii, libentius sua commendat malis atque nequitia præditis. quippe quæ iniquos homines (ut dictum est) facere, atque improbos, ex æquis bonisque consueverit. Aristoteles quodam in problemate ludibundus, quamnam ob causam (inquit) paupertas frequentius ad bonos diuertit, quam ad malos? Nempe quod cum omnibus inuisam se norit esse: bonos tamen melius sese & commodius vsuros intelligit: ut qui mala vertere in meliora nouerint. id quod philosophia quoque carminibus suis facit in moribus hominum, qui quidem eam audire sibi persuaferint. Verum monstra iam dicta illecebrarum iisdem parentibus orta sunt, cum anxio corporis curandi studio, & incuria mentis. ex eoque fonte error ille manauit, qui per orbem effusus, veras ac germanas virtutes adobruit Christianismi, ritus antiquos oblitterauit, æqualeis actionum mirificarum. quibus tamē virtutibus fidem magna ex parte abrogauerunt ætates deterima, morésque degeneres Christi adoptiuorū. Hic enim uero præterire Sirenes reliquas statueram: sed earum una præstō sese sistens, in oculosque incurfans in auresque, præuaricationem obijcere mihi visa est, aut crimen obliuionis. præsertim quod hoc tempore magnū ac numerosum post se trahat comitatum, nitoreque conspicuum, & luxu elegantia. est autem illa, summa venustate ac lautitia prædita, germana Cupidinis: cum omni ipsa genere lenocinii ad animos perlectandos instructa: tum Veneris cestro succincta, carminibus Homeri nobilitato ποικίλῃ. ἔνθα δὲ διδρακτῆρια πάντα τέτυκται. ἐνθ' ἐνὶ μὲν φρεσίν, ὅν δ' ἡμεροί, ὅν δ' ὁ αἶμας, πάρεσσιν, ἢ τ' ἐκλεψὶ νόον πύκα περ φρονέοντων. Huius Sirenis carminibus, sexus uterque hominis afficitur non ægettime. Hæc

DE TRANS. HELL.

omnes Veneris fermocinationes, gestus, appellationes, tactus, affectiones, nutus, petitiones, lusus, proteruitates nouit. eiusdem disciplina ludibundos aspectus, oculorū coniectus, nictationum prolusiones, Veneris laceffendæ præludia complectitur. omnes denique amoris licendi emerendique fermunculos, verborum velitatiūculas, vrbانيتates, lepores, discipulos suos docet, qui ad ludum eius vētitant. ad summam, hæc cupidinem ipsum eiconicū (vt dicitur) ethicūque effingit, & exprimit. Huiusmodi porrò lenociniis actuum, vultuum ac verborum, totiūque corporis affectuum, vernaculis & nostratibus, satis quidē illis acribus atque proteruis, suauiterque aculeatis & vrticosis, accessit haud ita pridem rhythmorum italismi genius, tanquam ars quædā venustæ dialecticæ, & cupidinis eloquentiæ, lepos orationis amatoricæ, pithō hypocritica, omnium philtrorū vim superans: depereunteis amatores simulans, animosque despondēteis ecstatici amoris insania. Huiuscemodi cinctu virgines & mulieres complusculæ ornata, atque ad certamen iucundissimum accinctæ, eoque sibi ornatu amantibusque placentes, venditatione sui gaudēt iuuenum æmulorum, esse se in magistræ, inheræ, in dominæ mancipio (sic enim est hominum oratio) certatim profitentium. tum dedititios sese deuotosque clientulos adiurantium: non tam sancto forsitan, serioque quàm proteruo, venustoque iurciurando. Seruili enim auctoramento certant æmuli aut prioreis aut primas herilis amoris promereri: sicque macti esse gratia, quæ summa est votorum amantium. Huius & illius obseruantia indulgere, atque ei addictum esse vocant, qua cum negotium habere oeci instituerint, amorisque commercium: & verò (si seruatori placet) seruitutem seruire conditionis dedititix, nexūque cupidinis, Hoc autem (quæso) homini sacrorum ini-

tialium memori, vtrum est vitam inter Christigenas spiritu vernantes agere, an inter Adamidas veteris hominis delitiis indulgere: exuias abiectas contra fidē sacramenti resumere: perennes verò serias vanitatis proteruissimā instaurare post resipiscētiā? Quotus porrò quisque, quātāque hac Sirene non caperetur, quam Iuno Homērica, et si candidis vlnis amabilis & eximia, tamen à Venere quondam vtendam sibi esse rogandam existimauit: cum Iouem suum amore præsenteo ac rīque inflammandum haberet? Nō sum nescius ista vrbauitatis causa sēpius, exercendæque animi causa facundiæ, atque proteruitatis honestæ: quā ad Veneris patrandæ spēs fieri, idēoque in mores recepta esse hominum, pro negotio iusto ocium quouis modo deliciarum conterentium. & quidem sine intertrimento integritatis puellarum ac matronarum, plerumque id factitari videmus. Sed tamē eiusmodi vaniloquentia, auribus circuncisis atque, euangelicis tam putida est, (quarum est hæc auscultatio) vt inter ludicrum certamen seriūque, non ita multum interesse videatur. Nam vrticam feram qui tractant incautius, vredinem tandem sentiunt. Vtrobique etiam ludicri designator, commissor, applausorque, nefastus est genius, ex amantibus interdum amentes efficiens: atque in occasionem semper imminēs catastrophæ atrocioris: quā vt eō pertinere posse & euadere institutus actus placidē, lususque videatur. Quod si oculi quorundam hominum fascino afficiunt eos in quos incu buerint: limos illos aspectus & proteruulos, subassentientesque respectus, nec hebetes esse nec inertes sanē credibile est. si tamē illos aspectus appellare debemus, qui oculi sunt verius emissitii: secum deferentes partem animi, vicissimque assensus non nihil referentes. Adde quod aliis quoque modis vrbauitate plurifariam lenocinante, cuiusque insti-

DE TRANS. HELL.

tutis, virginum mentes & matronarum aliàs incorruptæ, nonnunquā afficiuntur, vt parcissimè loquar. Certè aphrodisiorum ceremoniis quamlibet in mores hominum receptis delitiis studentium: dissidentes sunt admodum ritus initiales Christianismi. In vniuersum verò vrbauitatis affectationem in sermone nimiam, quod iuuetutis lauta & elegantis præcipuum est studium: Apostolus ad Ephesios scribens, *σαρκὸς λόγος* appellat, quasi putrem sermonem & marcidum. est autem putre quod iam vsum nullum præbere potest, vt inquit Chrysostomus in epistolam eiusdem ad Timotheum. Putris est igitur & quasi vermiculosa in Christianismi disciplina, in homine spiritu imbuto & numine, huiusmodi lepos, aut proterus, aut aliàs improbæ ac maleficæ vrbauitatis & comitatis: vt deniq; vetusti hominis exuuiæ, abiiciendæ procul, non modo deponendæ. Tales sunt igitur permultæ animarum plagulæ, tum apertæ, tum cæcæ, ideòque magis cauendæ, ab illo quidem animarum aucupe & captatore in mundo dispositæ: minimè autem nobis suspectæ atque formidolosæ. Quibus tamen captandis atque irretiendis oculus ille adiecit toruum ac

• **Titanicum:** si quidem aspectabilis esset oculis mortalibus. sed ciuilis hic sensus, vulgiuagæque prudentia, plausus captans theatricos, captionis horrendæ securitate gaudent; totâque aut plurima est mens humana in cura rerum nihil ad animorum condicionem pertinentium: quæ vtranque in partē ipsa, futura est sempiterna. Certè si planè & ad verum loqui licet (vt iam dictum est) in aure philosophiæ, pudor, pudicitia, modus, modestia, candor morum & germanitas, officiorum puritas, de gradu deiecta sunt existimationis prisce, propemodumque prostrata: ius & fas obtrita sunt, atque etiam hypocrisis cōscelerata, si quidem ad amussim mores exploraretur euangelicam. Hæsitantia

fidem, contemptus religionem, licentia perdita dei timorem excepit. Vnde autē abest offendendi religio, vnde dei reuerentia, ecquis ibi dubitat examen insidere crabronum stygiorum, homini intestino mordicus, perditęque inharrentium? Mundus igitur (quod mirari philosophia sapientius dicta, & miserari possit) frequētissimē habitatur ab Titho no illo, homine veterrimo, Hellenismi alumno: in veritatē disciplina Christianismi que dormitatore & veterinoso, etiam intra pomeria sanctissimę ciuitatis. Rarissimē autem idem mundus incolitur ab homine rediuiuo, manūque cœlesti recocto atque reëconcinnato, quem spiritualem scripta sacra à spiritu genituali nomināt. Atque eiusmodi sunt beati illi designati, ab æuo in album relati destinatricis prouidentię, veręque Christigenę, qui sensui communi assensionem semel renunciarunt, atque optima fide, pro illisq; demum dei filius, apud patrem deprecator esse voluit, eosq; in fidem suam à delectu, è mundo facto, in patrociniūq; suscepit: vt non mirum sit, tametsi valde durum, paucos esse electos, qui aures habeant ipsi veritati & sapientię efficaciter exaudiendę. Proinde mundus est, à quo Iesus ipse Christus, deus idem & homo, existens alienus, alienatos quoque suos voluit, (quod eius ille seruus à manu, testatus est) quanquā in mediterraneo orbis terrarum natus esset. Hic idem est ille mundus, cuius sapientiam meram esse stultitiam apud superos, cœlestium ille rerum ac diuinarum Paulus, non tātum auctor maximus, atq; interpres consultissimus, sed arbiter eo amplius & spectator quondam factus, testis est grauissimus, ac summa fide præditus. Deniq; mundus hic est, cuius sapiētię genius, Argus est in rebus temporariis & opinabilibus: Tiresias & Phineus in æternis, ac certis certioribus. quippe qui spiritus sapientiam, quę cœlitus delapsa est, ineptiam esse pu-

DE TRANS. HELL.

tet, & vertat in vicium existimatione sensus communis & lucifugi: quod idem auctor ad Corinthios scripsit. Quapropter & germanæ virtutes, & solida solum bona, meritiſſimòque expetenda: & verò velis, remis, equis (vt aiunt) persequenda iis qui sanæ mentis sunt: à vita tamen ciuili atque vrba veluti repudiata, è medio summota sunt: idque comitiis (vt ita dicam) curiatis, tributis, centuriatis, equitum populique assensu: nec verò sine senatus, sine ordinis amplissimi luculenta auctoritate, cum profani, tum verò sacrosancti: succidantur; pro illis recepta sunt, imaginaria bona, falsa, & adumbrata. Ita ad prudentiæ humanæ scita atque dictata iam reuoluti sumus, quæ à Christo seruatore confixa palam, atque traducta, omninoque abrogata inter suos fuerant, vt è faucibus Orci enata: vt oraculis refragantia cœlestis sapientiæ. Atqui stultitiam ipsa summam humanæ redarguit sapientiæ, & porrò amētiā illi exprobat & vācordiam. Ita in eiusdem fide atque auctoritate, nisi in huius maris traiectu, consilia vitæ sita, rationumque nostrarum summam subductam habuerimus; constanterque collocatam, (id quod themisiam dicta, auctor est ad oraculum eius religiosè adeuntibus) ad portum aspirare quā tandem poterimus Coloniam beatissimā, aspiraturusque sperare nosmetipsos ad extremum? Cum autem ita ferat & ciuilis vitæ tenor, & in celebritate versantis vel vrbica vel aulica, ratio, ac mundi iam sæpe dictum magisterium, vt solertiſſimus quisque hominum & acerrimus: à pueritia protinus, aut certe ea ab ineunte ætate quæ in medium proferre sese potest, specimēque indolis suæ dare, ad speculum vt semetipsum affingat communis sensus & prudentiæ: mores etiam suos comparet, corporisque affectus, vt æmulos eius & simioloſ: meritò inde euenit eiusdem vt nutritii alumni, nutritiſque eiusdem vberibus la-

etati, eodem quoque lacte erroris imbuantur . Est autem hæc disciplina sic moribus propemodum constituta, atque si præfultrice stultitia & chorū instituente, iuuentus magno studio rectim perpetuam neceret, singuli que certatim ad eam se adiungerent, tum eundem orbem voluerent erroneæ disciplinæ, à sapientiæque deuiaz. Quam vitæ stultitiam Democritus olim risisse: alter ille è contrario defleuisse dicuntur. Cæterum Threnodus vates Hebræus eandem lamentatus est miserabili carmine, non iam vt inepriam & stultitiam, sed diram planè vt amentiam & væcordiam. Quod vtinā satis animaduertemus, vt rei tantæ par erat animum incūbere, curæ haud dubiè antiquissimæ, omnibûsque præuertendæ. Nam quid aliud penè omnes agimus, vitam ciuilem ambitiosamque agendo, nisi post lotionem lustralem, certatim & studiosè ad illuuiem redimus? Verum philosophicæ exhedræ atque abstrusioris huiusmodi est commentatio, non disputationis symposiacæ atque exterioris: quod sæpe nobis contestandum est. & quidē, dixeris hæc inter varicosos centuriones, Continuo Crassum ridet Vulpeius ingēs. Quamquam quid dico inter cēturiones? immo verò primores inter ordinum, inter vertices populi, inter decora reipublicæ, hæc & similia astruere si cœperis, confestim tollent equites peditisque cachinnum. at hoc quid est aliud quàm comicus risus in tragœdia atrocissima? An deum diuôsque renidere censemus, nobis que arridere, cum in vineam domini semina transferri videntes, aut ex cāpo ambitus, aut ex hortis voluptatis, aut è seminario hominum, sacerdotalis innocentie famam agnoscere verecundantium, in eo nos cauillandi argumenta libentes arripimus, ridiculisque gaudemus? Homines in amore Christi riuales, vt inter se amātissimè affecti sunt, ita Christi æmulatione præditi, vicēque pu-

DE TRANS. HELL:

blicam dolentes: minimè ista risu, sed gemitu potius prosequuntur, malisque ominibus. Hic etsi vereri subit, ne mihi in hoc opere vicio vertatur philhomeria (cuius tamen crimè diuus Ambrosius in explanatione scripturæ, in sermone de cruce minimè veritus est) versuram nihilominus iterum faciemus ab eodem ipso poeta, nec importunā (ut reor) nec vsura dispendiosa. Vlyxi igitur iam dicto, nō polytheiæ quidem ipsi, sed orthodoxiæ alumno, cui nōnulli arbitrati sunt ad significationem providentis hominis nomen esse inditum: ego verò ab etymo nominis cōiecturam faciens, viatoris nomen esse philosophi censeo, de salute sua bene in via, sociorumque merentis. Verū illi Vlyxi hoc magnopere vidēdū, ab ipsis ne Sirenibus in transitu ita retineatur, salutē ut suam posthabēdam esse amoris digressionibus viæ compendiosæ & salutaris, cum vulgo mortalium omnis generis atque ordinis, sentire videatur. Et quando tamen homini literarum non vulgarium amantissimo (ad id enim genus tantum hominum habere me nūc sermonem ipse memini, testatūque volui) in vastissimo pelago oberrandum est, eodēque pleno Sirenicis perlectamentis: exemplum ab illo ingeniorum principe, & simul auctore summo philosophiæ vetustissimæ, rogandum est nobis utendum: vel sumēdum potius occupationis iure: si quidem tenere nos formulam vsurpandi iuris huius potuerimus. Et olim quidem illa tanta, tam ampla copia, tam variè locuples, in medium exposita est: & tamen adhuc libata potius ipsa videri potest, quàm imminuta. Cæterum non cuiusvis, nec nostrum est fortasse, Corinthum illam adire, ut est in proverbio. Quemadmodum igitur Vlyxes olim Ithacensis, vsus cōsilio magæ Circes, Sirenium cantus suaves quidem illos vehementer & iucundos, sed non minus exitiales & vitandos, quasi per trans-

ennam audiuisse dictus est ab Homero : eundem ipsum in modum hominem suscepti sacramenti tanti memorem, principatum animi sui ad malum naui alligare, vinculis legis euangelicæ, eiúsque seueritatis oportet. Sine eo autem malo fidei certæ ac opificis & iustificæ, in crucē domini fixæ & confirmatæ, officia cuncta nautica, ministeria omnia quamlibet culta in speciem: armamenta insuper, gubernaculæque ipsa, tum vniuersi instrumenti pietatis descriptio theatrica & distinctio, nihil ad rem pertinent qua de re maximè & imprimis agitur, nihil (inquam) vectoribus ad finem propositum illis, aut certè proponendum conferunt. Quòd malus autem in naui est : hoc est crux in ecclesia, vt inquit Ambrosius. Vlyxem porrò Homerus socios suos incolumes, auribus obstructis transmississe cecinit, vt efferatos à Circe (quæ mihi prudentia communis est) Cyceonis potu, & tanquam veneficio quodam magico : hoc dicere nunc possis cinnum vrbauitatis aulicæ, atque eius affinis æmulæque, tametsi oppidanæ. Quo cinno leuiter inebriata iuuentus, elegantis vanitatis studiosa, plausus captare solet leporis morum & facundia: in eoque studio ingenium animúmque exercere omni contentione. Verum hausto errore sensus communis, vario & multiplici, capaces iam non erant Sirenium musicarum auditionis, Vlyxis Homericæ socii : nam & vera se scire, & ficta gloriabantur. Cæterum pro veris fallentia, quod Hesiodus etiam commemorauit in poemate theogoniæ, sub nomine musarum. Eundem igitur in modum, philosophum sanctioris sapientiæ cupidum & discipulum, animi principatum, suúmque adeò hominem intestinum, ita comparatum habere oportet, sensus vt il-

DE TRANS. HELL.

le suos omneis in potestate habeat: vel obstructos vel apertos ad præscriptum rationis, tanquam comites & administratos ipsius. nimirum ut exurdatis auribus, ut oculis hebetatis, cæteris etiam ut sensibus aut enectis aut torpescitis, qui à mundi contagione deprauati, quasque ab oculo Megæræ fascinati sunt, inuidiæ stygiæ (adde etiam & fortasse à diuturniore contubernio musarum profanarum) spiritui tandem illi genitali cupidè sinus pandat, in patriam propellenti per portum euthanasiæ. Quem ad finem ipsum vnum summumque, sanctioris philosophiæ studium à prudentibus non dubiè institutum est. Et philosophus quidem prouectus, qui iam habitum virtutis consecutus est: quanquam tangitur voluptate oblectationis amœnitatem, non nihil etiam sæpe titillatur ob imagines rerum quæ commentanti occurrunt intellectu: sensus tamen petulantiam plerumque dicto habet audientem sapientiæ, atque obtemperantem, utpote domitam iam & infractam. Vnde fit, ut subiectum primum secundo præualeat, & materia formæ concedat, id quod hominis fert ratio, naturæ suæ conscii ac memoris. Imperiti verò nulla lege rationis rectæ vincti, ita demum pericula maris citra noxam euadunt memorabilem, si sensu vacent illecebrarum, ad perniciem certam viatores pertrahentium. Nam Sirenes supradictæ, velut aureolis quibusdam catellis delinimentorum suorum, aures auditorum permultas, sensusque deuinciunt: sicque de statu mentis impotentes iam sui mortales deiiciunt. At ex eo demum statu, tanquam ex edito quodam loco, recta potest esse iustaque veritatis atque sapientiæ cœlestis contemplatio & intelligentia. Quid autem inde sequatur nemo ferè non vi-

det. Iam verò medicamēta Circes esculenta & poculenta, apud eundem Homerum mortales immutasse legimus, in animantēſque brutas vertiſſe diuerſorum generum. Hæc ego nunc veneficia referenda eſſe cœſeo ad cupiditatis immodicæ quæſtum, ſtipendiâque ambitus, tum ad fortunæ ingentiores cæcâſque largitiones. Quarum rerū pharmacopolium, in conuentibus eſſe præcipuè regiarum, luculentum & copioſum, nemo eſt quin neſciat. Eorum porrò venenorum mentis atque animi, tantam vim eſſe virūſque eodem ex ipſo poeta intelligimus, eorum vt antidotum vnum tantum atque antipharmacum, à præſcis repertum ſit ac proditum: quod ipſe moly vocat. Idque non hominum inuentioni, non fortuito caſui: ſed diuinæ potius benignitati acceptum eſſe referendum, auctor ipſe cenſuerit. Cuius fabulæ allegoria, cum vocabuli molyos etymologia, ad reconditoris diſciplinæ traditionem relata eſt, quæ per Mercurium adminiſtrata eſſe dicitur, rectæ rationis illum interpretem & magiſtrum. Cum igitur natura humana quoquo verſus admodū verſatilis ſit, cæque de cauſa & Proteum & Vertumnum aliqui eam appellatam eſſe putarint, ſi commentationi philoſophicæ moly illud cœleſte, diuinæ iudulgentiæ allapſu acceſſerit: etiam vt Circes pocula doctrinæ ſacroſanctæ anteuertērint, poſtliminio tamen rationis rectæ, genitalem in formam quodam modo reſtituemur interpolis humanitatis, tametſi interpolandorum mortalium officina ſpiritualis, non iterum patet homini. Sub nomine autem molyos herbæ Homerus philoſophiæ doctrinam ſignificaffe ſymbolicè creditur à doctiſſimis. Cuius vim eam eſſe (vt volunt) arbitratus eſt ille vir mortalium ingenioliſſimus: eamque facultatem, mores vt hominum degeneres & efferatos aut veterinarios factos, atque pecuarios, ſibi

DE TRANS. HELL.

tandem illa, naturæque humanæ restitueret. Id quod si de Hellenica philosophia dictum est, quæ mortalium reuera inuentum fuit, quanto nos congruentius id tribuere diuinæ disciplinæ potuimus? Inter moly enim nostrum atque illud Homericum, cum plurimum, tum hoc refert, quòd illud è puteis sapientiæ cœlestis: hoc è terra effoditur, humanisq; inuentis. Quare plus est oxymoriz in vita, & moribus Hellenismi philosophiæ, quàm veræ solidæque sapientiæ. Ad hominem verò philosophum perficiendum, qui ad regulam euangelicam, ad normam, vt sic dicam, atque perpendiculum crucis dominicæ eiusdémque seruatoriæ, respondeat, quales illi fuerunt heroes apostolici, primæ classis ac sensus spiritalis ciues in ciuitate cœlesti: eorúmque fortasse cuestigio sequaces conscripti in centurias primæ proximæ: non satis est opus esse Promethei, hominem fictum quoquo modo, & planè lutum & corpus: cuiusmodi maxima pars est mortalium Christiani dogmatis retinentium. Ne animantem quidem esse satis est, vel animale potius, nimiumque animæ tribuentem: sunt enim quamplurimi, qui longè plus animæ, quàm animi ac spiritus habeant. Necesse est autem eo amplius, spiramento insignitum esse, & velut absolutum vltima manu sapientiæ: id quod fit, cum Minerva cœlestis, Prometheo naturæ, spiritus diuini opificium atque expolitionem addit. At talis philosophus vel verius theosophus, nihil aliud curæ habet, nihil animo complectitur nisi deum: nihil amat nisi Christum, vt quem propter & mensam numulariam, vt olim vnus è duodecim, & publicani sensa pro derelicto habere semel constituerit. Aliud est autem ad effigiem dei factum esse, quod omnibus mortalibus contigit, qui rationi præditi sunt: aliud ad similitudinem dei informari, quod

significat ad amussim euangelicam vitam suam exigere, vt inquit Basiliius homilia decima in hexaemeron. & hæc est disciplina (vt ipse inquit) Christianismi, *ὅτι ὁμοίως κατὰ τὸ ἐνδύχόμενον ἀσθενοῦσι φύσει*. Quæ oculos in capite habere philotheorum docet, celsâque contemplari & cœlestia, non terrena caducâque meditari, vt idem homilia sequenti dixit, ἐς ἐντέτεια Ἐκκλησιαστᾶ. *τὸ σοφὸν γὰρ οὐ ὁφθαλμοὶ ἢ τῇ κεφαλῇ ἀντὶ*. Verum enimvero cū sit omnis nauigatio in mari periculosa, ideoque à quibusdam sapientum magnopere damnata: tamen cum hæc qua de paulo ante agebamus, omnibus nobis sit proposita: nisi si quis in vitæ tyrocinio, atque in ipsa statim crepidine continentis, fato suo fungitur: tutissimum est (opinor) tractum maris confectari quàm minime æstuosum, tempestatibûsque obnoxium: quoad fieri potest, procul à Sirenibus illis vehementioribus: quique cordatis hominibus & consideratioribus minus sit metuendus. Nam magnâ parti hominum ingenio & industria pollentium, atque etiam multo maximâ, scio id probari vix vnquam posse. quippe qui vela consiliorum suorum & studiorum, cupiditati, quæstui, ambitioni pandere, ac fatorum fauori, sicque pelago medio vel impendente procella se credere, gnauiissimi hominis esse censent, atque etiam consultissimi. Mea verò sententia, & multorum, quibus id hominibus, mediocri, aut modica potius, Parcarum benignitate contigit, vt non tam latè sparsis fufisque facultatibus, quàm digestis explicatisque, & composito magis quàm copioso vitæ degendæ instrumento, hoc mare vt transmitterent: ii & comodus viaticati, & felicius instructi ad eam expeditio-nem sunt, quæ per tot monstra vitæ, tot æstus, tot scopulos nobis exâclâda est. Subductis enim (vt videtur) & expeditis rationibus peregrè cūtibûs opus est, ne ad itinerū la-

DE TRANS. HELL.

borem, vasorum quoque redundantium custodia accedat, curaque impedimentorum. Quicquid autem opulentia, quantumque secum trahat, quamlibet amplos fines census sui metetur: viatorium est nihilominus instrumentum vitæ, atque diuersorium, non stationarium atque domicilii. Christus inter alia multa quæ noua instituit, censurâ mundi exerceans: ius stirpium atque gentilitatum in populo re diuino sustulit, & adoptionis induxit. Quare etsi principum & magistratum imperium, atque auctoritatē prærogatiuam, doctrina sua sanxit, ne rerum humanarum ordo antiquaretur: voluntatum tamē ciuiliū æquationem sensumque suasit, in ordinem se cogentium, fraternaque charitate inuicem sese non grauare deditum. Proinde in huiusmodi ciuilitate, quæ theocratia fundamentis nixa est, & charitate Christi coagmentata, si quidem rationem clementorum suorum tenet: quid ciuem super ciues capite atque humeris extare, & veluti populares suos & adoptiuos fratres, calcibus obterere tantopere iuuat? Quid luxu, quid fastu, quid lare familiari prælato ac splendido opus est? Quid instrumento vitæ cumulado supra fastigium ciuile, atque ultra modum exaggerato præsertim cum dominus auaritiā hominum compescere volens, apud Lucam scriptorem euangelicum dicat, vitæ nostræ præsidium & fiduciam, nequaquam in eo sita esse quod circumfluit, & abundat. Certē quidem vtcunque & quantifcunque finibus, hominū cupiditas querendi consilia possidendique metetur, certus est tamen modus vnicuique instituto vitæ, ratione ciuili frugalitatēque præstitutus: non communi quidem ille sensu ac vulgiuago attemperandus, sed sanctiore potius atque philosophico nedum philostaurico. Nam quæ prudentia communi commoda sunt atque utensilia, eadem rationi philosophiæ

reiectione sunt atque impedimenta . Ita putandæ rationes nostræ falce philosophica: rescindendæ quæ luxuriant: effundenda erogatoriis beneficentiæ piæ modulis quæ redundant : siquidem præputati & circumcisi desiderii hominem Christianum esse oportet , quod dominus præcepit, non modo studiosum philosophiæ. Quo detestabilior est atque deploratio eorū vitæ ratio , qui in summa colligenda facultatum suarum, ne aliena quidem subducunt & malè parta. Quasi verò non is demum inter dei adoptiuos locuples sit, qui auro probo, puro, suo, vt fuit olim in prouerbio, diues est, indèque munificentiæ misericordis sacrificiū deo facere solitus est. Et hætenus ita loquor, quasi theórica philosophia, modulos suos & decempedam, à ciuili prudētia, aut à Peripaterica disciplina, mutuari debeat ad constituendos possessionum suarum fines, ad censūque ac pignorum temperandam mensuram: non quasi Diogenis animo calcare rerum caducarum mancipia eam deceat, Socratisque stomacho inopiam & pauperiem ferre, in pignoribus suis factam, in alijsque facultatibus. Nisi verò iuris prædicatorii studium, nexorūque ciuiliū atque mancipiorum, hæreditatum & caducorum sciētiā, cum studio iuris cœlestis , quærendæque & cernendæ hæreditatis, à Christo suis ac legitimis desponsæ, consociari posse sine collisione credimus, mutuāq; offensione. Quod si nunc iuris huius auctoritas fortè & seueritas, in controuersiam (vt est licentia huius ætatis) aut in dubium, à cōmuni prudētia quouis modo reuocetur: ecqua lex tandē (quæso) ecqua sanctio, aut rata magis aut seuera esse potest, ob idque reuerenda , quàm ea quæ verbo dei promulgata est? quàm quæ in cruce seruatoris fixa? quæ sanguine Christi sancta? nisi si nobis persuadere institerimus, longissimi temporis incuria, ac trifaculāri hominum, alteroque

DE TRANS. HELL.

tanto, ſeſqualterôq; fortâſſe, diuturniore ſecordia, aut reſigi legem illam potuiſſe, aut vſu contrario tandem obſoleuiſſe. Sed ſcilicet liberum cum libera, philoſophum cû theoria, commetari hæc & huiuſcemodi oportet, quæ rem habere non poſſunt commodiſſimè cum obnoxia conditione ciuiliũ ſtudiorum, nedum atriensiu: id quod nos experimenta quotidiana docent. Etenim diſciplina euangelica, cuius alumnus eſſe debet quaſiq; verna diſcipulus, homo philotheorus, quoddam eſt amplum euerriculũ cupiditatis, ambitionis, auaritiæ, voluptatis, omniſque ſtultitiæ, vanitatis & ineptiæ, quæ materia obiecta eſt & propoſita ciuili prudentiæ, diſcipuliſque Circes illius variarum animantium opificis, quæ Dædala eam ob cauſam à Virgilio appellata eſt. Quippe dominus noſter Ieſus Chriſtus, cum ad diſſoluendam principis mundi tyrannidem, ſupernè miſſus eſſet, non ſeruatoris tantum munere, legiſque latoris functus eſt, ſed etiam dictaturæ honore & imperio, & præterea cenſuræ (vt dictum eſt) memorabili ſeueritate. Et tribu quidem ipſe Iſraelitica mouit cupiditatẽ, ambitum, hiantem auaritiã, eiùſque ſtudioſos cultoreſque, vt circũciſionis cordis expertes. In album etiam centuriarum cœleſtium, claſſiuque beatarum, referri eoſ uertuit, qui ad Honoriſ ædẽ, ad aram fortiſ Fortunæ, frequentius ſupplicatum irent, ac religioſius, quàm ad Themidiſ ſupradictæ oracula conſulenda, impetrandaque reſponſa ex adyto ſupernæ prouidentię. Tum qui vanitatis æra merere mallent ſub imperatore ambitu, principis mundi legato, quàm in ſtatuſ rectæ philoſophiæ, vallo cruciſ muſnitiſ & circũdatiſ, ſtipendia facere, ærumnoſæ quidem ad tempuſ militiæ, ſed tamen contemplatriciſ, præmiãq; expectantiſ viſenda & ampliſſima: eoſ quidẽ ille dirutoſ eſſe iuſſit atque pronunciauit, ære illo cœleſti legionum bea-

tarum, ad emeritâque sempiterna militia missarum. Nam quid aliud est tandem vita Christi, disciplinâque euangelica, quàm censure seuerissima prudentiâ ciuilis, quàm acris refutatio humanæ sapiëntiæ? quàm hypocritici fastus, quàm ironiæ sacerdotalis, acerba castigatio & traditio? Dominus noster ipse, Christus, virtutis præmōstrator nobis fuit, & simul prægustator, & propinator omniū amaritudinum vitæ, atque acerbis. Omnes iniuriarū, contumeliarum, pœnarum indignitates, oculis, auribus, ore, capite, corpore, manibus, pedibus hausit: & nos omnibus sensibus voluptates exquirimus? Vtrum est hoc tandem parentare Christo, pro nobis in crucem acto? Quid verò humana sapientia, tanta corporis vexatione, assidua animi contentione proficit, nisi chirographū nexu æterni rursus in palimpsesto interiore scribit? Quid igitur profuit ex Aegypto ire, ac mare per medium uasire, si iterum in nexū Aegypti, in ergastula tyrānidis remigramus: si ibidem addicti iterum nexiq; acquiescimus? Anima cum ad lustralem immersionem accedit, nuncium ipsa protinus Aegypto sponso remittit: suas res etiam ipsum sibi habere, conceptis ea de causa verbis, ac solēnibus, iubet: vt in cœlestis manum spōsi mancipiūque veniat, vt olim loquebantur, hoc faciens salutem multam mundo eiūsq; fastui dicere se testatur. Ad Aegyptiū igitur illum cum ita reuertitur, vt eius sodalitate, contubernio, comitatu gaudeat & delectetur, nōne infidam sese Christo, vel perfidā potius ostendit esse: si quidem ipsi desponsa erat omnibus cū suis facultatibus. At prudentiâ ciuilis discipuli, sic hiantis cupiditatis ingluuiē, diurnis & nocturnis laboribus, contubernalibus curis, parasitis & concubinis anxietatibus, explere nequicquam contendunt & satiari, vt crateres implere vastos Erebi tyrānus ille stygius. Quā fieri potest

DE TRANS. HELL:

igitur, nobis ut constet ratio Christianismi, si nobiscum iustitia diuina, lege agere summa, suaque velit? nisi verò deū toto ex corde, toto ex animo, omnibus numeris amoris amat, qui vix eius cultui atque meditationi tertias partes intentionis tribuit, nedum contentionis. Nos flendo, ridendo, latando, tristando, sperando atque timendo, & dies & annos ducimus, per inanes, futiles, irritos motus animæ atque affectus, nihil quicquam (ut plurimum) ad summam rei pertinentes, quæ imprimis in vita accuranda est. Qui tamen utinam ipsi ad rem tantum non facerent, non etiam plerumque officerent vehementer. Quo fit ut qui cordati, corculi, cati, circūspecti sunt fluxis in rebus & mox interituris: iidem hebetes ipsi, bardi, inconsiderantes, & verò morionum similes sint, (quod mirum an dictum sit ipsum magis nescio) in rebus æstumandis primæ notæ atque auctoritatis, inter homines quidem certè cœlestium rerū cōsultos, veritatisque prudentissimos. Nonne videmus operosissimam esse communem prudentiam & accuratissimam, circumfluentibus in rebus & superuacaneis: contrā verò somniculosam eandem & oscitantem, in cōducibilibus maxime atque necessariis? Laborat enim industria mortalium & solertia, ut hic redundet vita: non ut commodè quoque & expeditè ad vsum fructumque bonorum sit instructa. minimè verò ut olim atque in sempiternū, omnibus numeris beatitudinis cumulata se gaudeat. diram, & capitalem mortalium incitiam rerum summo opere expectandarum. Nos bonorum possessionem vnde liberi, & liberi quidē dei patris, charissimi atque beatissimi, nō agnoscimus, aut agnitam certè petimus, ut Cæsaris (quod dicitur) in comitiis olim candidati, petebant. At verò bonorū possessionē vnde serui & obnoxii, & ex hæredes patris, magno ambitu petimus, omnique animi contentione. Hoc

quid est autem? Hoc (inquam) quidnam est, si summa imprudentia, si incirtia perdita non est & profligata? Sacrosancta philosophia res diuinas & prius inauditas, non docuit tantummodo homines: sed dedocuit etiam quæ terrena sapiëntia stygio errore imbuta docuerat. At mūdus iam immemor, ad priscam ignorationem æternitatis reuolutus est, ad luteamque adeo quandam sciëntiam, pinguem & corpulentam. Quid igitur Hellenismi profani transcriptio, ad Christianismi circuncisionem profecit, si ambitum, si cupiditatem, si elationem mentis, si amorem, si fitim ardentissimam rerum placitis diuinis damnatarū atque abrogatarum, æquē ut antē incircūcisa habemus? Philosophiæ veteris auctoritas, et si verba Græciæ reapse, eiūsque discipulis dedit, componere tamen mores permultorum, superuacuāque desideria amputare potuit: sapientiæ cœlestis gladius non poterit, tametsi acutissimus: Heu pietas, heu prisca fides, quò tandem gentium illæ, à quòque amandæ sunt? Christus dei filius, quasi harmostes quidam diuinus (ut Græca voce dicam) cum summa mirificaque potestate in mundum missus, ad rempublicam humani generis constituendam, quæ diuinam iam manum non obscure poscebat ac flagitabat: cū leges & instituta vitæ ad normam exegisset, ad regulam atque perpendiculū diuinæ sapientiæ, duodecim viros sibi legauit, vnūque præterea insignem, è prouincia sua decedens. Cum autem eorum vestigiis impressæ omnes mundi regiones fuissent, veritatisque sensu tinctæ earum nationes: hominum subinde incuria, dæmonūque solertia, memoriam eius monumentaque deleuit in parte mūdi longè maxima. Cætera verò in parte, quam incolūt Christiani, vestigiorū eius exiles notæ magis ad hunc diem, quàm vestigia ipsa clara & luculenta manserunt. quippe quæ in obsoleta iam via tan-

DE TRANS. HELL:

tum agnosci certò possint, & vel solitudine, vel hominum infrequentia desita. Certè quidem nunc procul remota, & abscedente à via prætoria, consulari & populari, quæ incurrunt in vrbes aliâque hominum conuenticula, tanquã in compita quadam mundi. Iis autem nunc in ipsis viis, si quis acrius obseruauerit, non expressam imaginem germanæ illius & puræ religionis ac pietatis, non iustæ persuasionis rerum à Christo dei verbo proditarum, effigiem informatam, sed veluti simulachrum eius videbit, prima manu deformatum, vel carie verius vetustatis exesum, nec liniametâ asseruans. Nam obductus iam situs libris ritualibus, monumentisq; primordiorum Christianismi, atque eius architecturæ, quadã quasi vetustatis præscriptione summoet ac longè depellit eos, qui sanctitatem, & vitæ innocentiam, & sacerdotii denique maiestatem, ab exemplis illis mirificis ac prædicandis repetunt. Et cum memoria quidem nostra sibi indulgere in vniuersum haud ita pridem institit, in iis quæ ad cultum atque obseruantiam priscæ pietatis pertinet, & porrò ad obseruationem rituum atque ceremoniarum, spiritus longè plus quàm fastus præferentium, tum verò mores receptissimi principibus adblandiuntur sacri perinde ordinis atque profani: si tamè profani homines dici propriè possunt, qui oleo initiali delibuti sunt. Simul interpretes legis assentatores, moribus præpotentium adstipulantur responforū indulgentia. nimirum tanquam deus cui persona nulla eximia est, si diuo Paulo credimus, non æquè rigide pensum à primis ordinibus, vt ab aliis exacturus sit: ne dicā etiam rigidius. Quòd si ad veritatem loqui placet limatam euāgelicè, an non omnes hoc tempore mortales numularii facti sunt, in mundi conciliabulis, in Aegypti mercatu, in Babylo-nis foro negociantes: non Christo collybum ipsi, sed dæ-

moni factitantes? ii etiam (si diuis placet) cui talenta sua Christus ipse commisit, in rem suam suorumque, non in hostiū vertenda? Ita chronocrator huius ætatis (vt Gene-
thliologi loquuntur) Mercurius est ille stygius, non cadu-
ceator, sed loculatus. At is fidem tantum Græcam (vt Co-
micus Plautus inquit) sequitur, repræsentatūmq; precium:
nec spei quicquā ille aut expectationi credit: ne miremur
cōcussam his sæculis & collabefactam oraculorum fidem.
Hi mores, hi sensus, non illorum sunt temporū, quæ mor-
talis tot insignes, maiorēsq; humano fastigio, mirificen-
tissimis facinoribus diuinisq; ediderunt. non earū etiam
sunt animarum, quas ē sinu suo prouidentia ad Christia-
nismi illustrationem emisit. nō earum Christi ouium de
quibus ipse dixit, *Mæ sunt illæ, nemōq; rapiet eas de ma-
nu mea.* non eorum hominum, quibus idem ipse testimo-
nium suū ad tribunal sæuitiæ, ad carnificinas crudelitatis
impiæ, ad phalarismum denique tyranni, cum denuncia-
uit, qui in solem (vt dicitur) & puluerem prodeuntes, cru-
cē tādem præmia, eadēque beatissima promeriti sunt:
non eorum etiam sunt ii mores philosophorū, qui in pa-
læstra virtutis, atque in vmbraculis innocētiæ, Christo se
deuouerunt, à mundo emancipati. Postremò non Christi
pedissequorum, non eorū quos ipse staurophoros esse ius-
sit, vt sui similiores essent, cum eam viam ingrederentur:
quam ipse præmonstratē præirēque institerat ad superos
iter, affectantibus, vtpote qui per manus & pedes ipsius Ie-
su Christi, cruci quoque suffixi, fuisse viderentur ipsi.
Proh supreme seruator (inquit Aius ille loquax) vbi iam
fides apostolica, vnderum inambulatrix? Quonam mores
æquales eiusec fidei abierunt? non signare quidem aut par-
tiri limite campum fas erat: in medium quærebāt omnia.
Nūc autē & iam pridē tā friget in sinu Christianismi

DE TRANS. HELL.

charitas, quàm feruet in eius tutoribus & nutriciis ambitus & cupiditas. Qui vni & alteri magistratui, honori, muneri desponsi sunt, in alium statim aut alium, atque etiam ad alios aliâque nullo sine animo adiiciunt. & quasi anteriores sponfas funere extulerint, denuo proci fiunt, simul etiam complurium: cum interim, si diuis placet, homines polygami, cœlibes esse moribus ac legibus existimentur. & huiuscemodi (inquit) mortales taragine rerum secundarum obesos, inter alumnos paracleti ad cœlum euolatuos, credere nos cum ipsis ac confidere debemus? Anne est hoc tandem militantis domino populi tabernaculâ rectè atque ordine metari, principiis omnia tribuere, præsertim inertibus magna quidem ex parte atque supinis? Nam cum res hodie dominica ad triarios apertè redierit, si in summâ iudicium facimus, principes tamen institerunt laxissimè cum antesignanis tendere in castris Christianismi, atque etiam statuorum decora & insignia sum mouere improbissimè. Ordines enim alios, ordinumque singulos munifices, videmus promiscuè, nullâque lege prisca compositos, ad ordeum (multitudinem quidem longè maximam) redactos esse, cum istorum singuli (si diis placet) integrarum legionum frumentum vt euocati Christi, annonâque accipiant, quo genium suum farciant. Quibus vtinam ipsis tanti esset in officio esse, quàm in officiis esse cupiunt. Quomodo autem ingredi per portam illam angustam sic suffarcinati, sic titulosi, vsque adeo peculiatii contendunt (quod dominus ipse præcepit) homines quidem illi officiosissimi, sed ab officiando rei summæ potius, quàm ab efficiendo dicti? Hæc certè & alia huiusmodi, conuiualium sermonum argumenta, & sæpe concionum: nec passim, nec apertè, qualisque recepto iurè fierent quâ sacro, quâ profano,

nisi genius ille hominum effascinator, quem mūdum appellare scripturæ auctoritate solemus: visu suo venefico, conditi intus hominis vires sensusque inficeret & enecaret. In cuius celebritate & frequentia, sic petulanter vitam, sic inerter degimus, vt serui nequam & verberones: qui herilis metus ac seueritatis obliti, tantisper, dum dominus peregrè rediturus est, in diémque à nobis incertum expectatur, non liberalia modo ipsi (quod dicitur) agimus, sed propemodum bacchanalia. Proinde quibus contigit per expeditam vitæ condicionem, minora & pauciora in hoc traiectu maris pericula adire, quibus placido genere vitæ quasi tranquillis vndis prouchi, quibus offensionum ciuiliū scopulos, contentionum & simultatum tempestates, in foro, in atrio, in toga, in prætexa, in insulis vitare: nec verò in vadis hædere studii cuiuspiam iucundi, morantis viatorem in mansione diuersoria, cum iis mihi certè prouidentia egisse videtur non incommodissimè. Quippe in qua viuendi sorte, in negotio quoque vacet, consilia vitæ agendæ dirigere ad scopum philosophiæ commentatricis mortis, immortalitatis vtique beatissimæ studiosæ & candidatæ. Nihil enim refert, modo fieri possit, in Basilicæ, in aula, in æde sacra, in porticu: domi denique tuæ philosophere, an in secessu aut exhedra peristylī. In cuiusmodi secessum, vt præcipiti forsitan consilio non pauci, aut aliàs inconsulti, quod exitus sæpe docet: sic plures inita diu subductæque ratione se suæque conferunt, tanquam ad resipiscientium asyllum: & velut ad portum tranquillitatis se recipiunt, grauati & exosi iactationem huius maris, æstuumque molestiam. Tum stagnante sinu, gaudent ibi vertice raso, Garrula securi narrare pericula nautæ. Ceterum inuidia iādiu flagrat ea natio, quasi Calypso quan-

DE TRANS. HELL. LIB. I I.

dam atram, ironiæ vel germanam vel affinem, pro numine colendam alexicaco imperitiæ multitudini præbeant. Quod aliquorum forsan crimen, infonti tamen impingitur multitudini. Equidem, ut à caluo ad caluum (quod dicitur) iniqui est iudicis & præcipitis, eodem iure censere: ita à raso ad rasum damnare, vel nota mulctare ignominia tum atratos, tum albatos, præcipitis utrique famæ præiudicium sequentes, non satis æquorum esse arbitror hominum, sed censuram subiratam offensamque exercentium, de re tot sæculorum taliumq; consensu comprobata.

97

DE TRANSITV

Hellenismi ad Christi- anismum, Lib. tertius.



QUANTUM QVOD
superiore libro dicere institueramus, philosophia multiplicem personam induere possit, & verò pro re nata interdum aut theatri gradibus, aut orchestra contentaneam. natura tamen amica est ipsa, & consuetudine gaudens abstrusa vita, è mediòque sum-
motæ Aegypti & Babylonis. ac tæcti imprimis palmarium est, in tepestate, in trepidatione, in fluctuatione vehementi & iactatione, gubernacula minimè manu mētis mīsisse rationisq; quibus tamē oram legere placidā proclive est, nec alto secōmittere, interimq; nihilo intēpestiuius ad destinatū portum venire: iis vtiq; cōdicio rei nauticæ felicior est, trāquilliorq; multo & cōsultior. Huiusmodi autē vita est eorū, qui cū possent in hominū frequentia, & conuentibus celeberrimis, & velut in triuiis vitæ specimen sui edere, suarūq; facultatū: id tamen meditata ratione, constantiq; animo repudiarūt, nec multitudini mortaliū innotescere gerēdorū honorū industria & solertia, aut aliàs cōcupiuerūt. Quam ob causam contēplatrix vita, & mortis obcundæ cōmentatrix, rerum sempiternarū studiosa & admiratrix, non ab re vt peregrinātis animi via, immunis in primis & libera, à sapiētissimis mortaliū vehemēter cō-
N. i.

DE TRANS. HELL.

cupita est: quibúsq; eā suscipere cōtigit, aliquandíq; gustare, ab iis est serè ipsa ad extremū retēta. Nā quibus sic vi tam degere licet & cordi est: præterquā quod cōpēdiū maguū curarū, angorū, cōflictationū, ægritudinū multarū & acerbārū faciūt: in mūdo quoq; ipsi, atq; in mari ita versantur inūdantis vrbes multitudinis & æstuātis, vt tamē in statione & secessu se cōtineāt, ab externis tecti securíq; tēpestatibus, vndarūmq; iactatione. Quod tamē & ipsum rursus nō vsquequāque perpetuū est, ne hoc genus vitæ vt vnū & eximiū, vindicare velle videamur ab omni vel noxa, vel offensione memorabili. impingitur enim nō nunquā, & inter orā legēdū, atq; etiā proxime portū. adeò nihil nec semper nec cuius, nec vndiq; tutū est, noxæq; stygiæ sacrosanctū, quæ nusquā nō insinuat. Verūtāmē in secessu, à cōflictantibusq; turbæ ac sese collidentis recessu, animus hominis studiosi, sapius, placidius, & plenius feriatu est cōmentationi philosophiæ. & hæc est disciplina vnica, quæ ad vitā nos viāmq; theoricā repetendā cōdocefacit & instituit: è qua via quondā decessit misera mortalitas, per hallucinationē & insipiētiā. Ac cōplures quidē homines ingeniosi in vmbaculo speculatricis & piæ vitæ, cū ad eā meditationē cōstanter incubuissent, interim apud mortales obscuri & inglorii, victo demū illo dirarū tenebrarū principe, mūdōq; eius præstigiatore, cælū ipsi ouates ingressi sunt ad extremum, ingenti cū plausu theatri supernatis, visendi & sempiterni. Tātum autem vitiū fuit humanæ rationi oblatū in primordiis rerū, ab illo importuno, obscœno, atq; inauspicato animarū viciatore, vt quāuis abluta noxia in purifica immersione & animorū smectica, tamē inusta multa caducæ condicionis, animæ semper hæreat, stigma (vt ita dicā) diuinæ iustitiæ. Ita quod supplicio seruatoris factum est, animæ vt humanæ cōdicio, quæ ab illo primordiali casu, tot ætatibus iacuit vt prostrata, per fidē ipsa sacratissi-

māq; initia Christianismi, quæ suppliciū illud Christi mi-
 rificū peperit: in gradum salutis atq; immortalitatis bea-
 tissimæ, reposita sit, ab Orclq; mancipio, & nexu diræ no-
 xæ, vindicata in arbitriū sui: id securitatē homini supinā
 minimē præstare debet, sed dei timorē addere summū po-
 tius, atq; vigilantia. & porro tantæ rei diuinitus admini-
 stratæ animaduersionē intendere, assiduā, perennem, & sol-
 licitam. Neq; enim humana ratio, vt spiritus sacrosancti
 beneficio in sinegmate initali, tyrannidi supradictæ exē-
 pta est: ita suis quoq; protinus legibus reddita est: neq; vul-
 nere perpurcato, ad integritatē etiā mortalitas redire ob-
 ducta cicatrice potuit. Nec verò eadē cōdicionē vt quon-
 dā ante noxiā admissā primordialē, nec optimo (vt tūc)
 iure trāquillitatis, animū suum possidet, quia immunitas
 vnā quoq; nō redhibita ab inexpiabili bello fuit, vel exter-
 no vel intestino. Proinde meminisse etiā etiāque oportet,
 ita nos in libertatē à domino nostro, eodēque vindic-
 cæ, assertos esse, vt libertini tamen generis adhuc simus, nō
 ingenui: quippe quorū olim maiores ob noxam dati fue-
 rint. peccadi verò condicione, casitandique, & porro præ-
 cipitē in locū ruēdi, sic imbutos permāsisse, pedetentim vt
 ingredi per viā eodē ab ipso domino ducēq; præmōstratā,
 magnāque cū religione debeamus, & cautione. Ita & phi-
 lotheorix studium, & vita ipsa hominū qui philotheori
 sunt, potius quàm philosophi, nihil est aliud quàm resipi-
 scētia iā dicta, cū admiratione ac speculatione theurgix, sa-
 nē Dædalæ & mirificæ: partim ante Christi aduētū editæ,
 partim ab eo iā ipso, deo pariter & homine nato, admini-
 stratæ, ad humanū genus tādē immortalitate, beatitate, at-
 que diuinitate donādū. Superi immortales, quodnā studiū
 hoc dignius: quod amplius esse potest: quæ verò cōmētatio
 angustior excogitari, in quā incūbere toto pectore morta-
 N.ii.

DE TRANS. HELL.

les ingeniosissimi, tota mēte, omniū animi facultatū intē-
tione, neruorū deniq; cunctorū intellectus cōtentione, aut
debeāt aut possint? Deniq; in qua Homericā vim ingenii,
ac verborū amplitudinē, poetæ heroici: cothurnū altissi-
mum, tragici: magnitudinē sententiarū, maiestatem differen-
di, expatiantē amplissimāmq; faciendā philosophi Acade-
mici, si ita visum esset prouidētia, debuerint & potuerint
exhauriendā ducere? Quid autē si nec amœnior vlla, nec su-
auior inuenitur experiundo, nec verò salubrior? Et sapiē-
tis quidem vitā, cōmētationem esse mortis priscorū pro-
batissimi philosophorū, ratione nescio qua suspicari sint,
nisi quòd sic natura cōstitutū est: is est veritatis & sapien-
tiæ genius, vt apud eos quoq; plærunq; sese probet, olīmq;
probauerit, quibus eadē ipsa vel veritas vel sapiētia, cog-
nita nunquā fuit. Philosophiam autē euangelicā, axiomati-
cam ego appellare institui, propter cōditoris ipsius aucto-
ritatē, qui parens est veritatis primæ atq; sapientiæ. Quem
etiam appellandū posthac cēleo ipsum, id est *ἀντὶς*, nō trās-
latitio ab antiquitate nomine, sed suo vnus & proprio: ita
vt ipsum id est *ἀντὶς*, vnum & absolutū subiectū intelliga-
mus, eximia natura ac dignitate notū. Qui non vnus mo-
do ipse, id est deus dominūsque absolute vocari, vt infrā,
supra, nusquāmq; non imperitans suo iure, sed etiam Pi-
thagoras debet, vtpote cuius sermo mirabilis, Pithūs acie
mucronēque exacutus sit: qui cordis, qui cotis, qui deni-
que lapidis ac silicis duritiam penetret, cum in aures insi-
nuauit diuinitus perpuratas atq; perterebratas. Nā quòd
huius ætatis corda ipso gladio sic acuto penetrari, eorū-
que cupiditates circuncidi non possunt, in causa est vti-
que ira dei culpa nostra concitata: non acies verbi eius he-
betata, quæ semper eadem est. Deus autem non paulo of-
fensior est & iratior flagranti & vāsanæ cupiditati no-

stræ, cuius ingluuiem auentem nihil implere potest: simul ætatis nostræ iniquitas, quæ ad summū penè euasit, multifariam varia, efficit, vaginā vt tantū verbi dei tractare as-
 suēscamus: non vt latente intus gladium animaduertere & admirari. Nam historiā tantum euangelicam, & theurgicæ Christi contextū recitantes aut audiētes, illicet acquiesci-
 mus: nec quid iis significetur, quid nobis denūcietur, quo pertineant quæ lecta sunt & decantata, recordari curamus & cōtendimus. Quare verbū ipsum tametsi suapte vi ani-
 matum, animāsq; vehemēter inter mortuos homines, tamen velut inanime atq; hebes auribus deuoramus stupidis ac torpentibus: nullūmq; aculeū persuasionis fixæ, nullos feruentis charitatis igniculos, aut certè exiles illos semiq; sopitos retinētibus, nec ad præcordia porrò eosdē trāsmittentibus. Verum philosophiæ euāgelicæ, quæ ab elemētis ad summa theoremata, serie cōserta est axiomatū (quan-
 quam eorū multa fermè sunt paradoxa, vt dictū est, & an-
 tidoxa cōmuni hominū prudentiæ) quantus sit vsus studio-
 sissimis salubris sciētix, hinc intelligi potest. prudētis-
 simi enim atq; sapientissimi iudicio mortaliū existimati, si ad normam illā diuinam æstimentur, id est si ad verita-
 tis summæ libram eorū sapiētia pēdatur, Anticyræ anno-
 na egere protinus videbūtur. Et prudētia quidē ista huma-
 na, cū nascitur (vt ita dicam) sanctæ philosophiæ ac san-
 ctificæ, cūque contēplationis epulis animum suum ale-
 re vegetarēque deberet in via discriminū plenissima: man-
 dragora interim & papauere vescitur in rerum æternarū disciplina cōsecranda. Vnde fit, vt Mercurius ille stygius,
 lethæis escis mortales inescatos, errorum etiam exitialium cinno inebriatos, insuper virga aurea argenteaque conso-
 piat, in cubili luxus supinos, salutisq; incuriæ, ac spei vi-
 tæ longæ. Inde verò vt sæpissimè in lacum illum neque-

DE TRANS. HELL.

quam nobis decantatum detrahat, diuitum, inopum, senum, iuuenum, infantium, stultorum ac prudentiū, imperitorū iuxta doctorūmq; colluione plenū, nec vnquā redundantem. Nam (proh suprema prouidentia) quid dē iis sperandū est (quā multo maxima pars est hominū) qui nō antē ad deū apostrophen faciunt, eāque cōsternabilem: quā ad extremā catastrophē vitæ vērū est, vel fabulæ potius & imaginis vitæ? Cūmq; in theatro vitæ ordines sint distincti, togati & prætectati, insulati & paludati, apicibus honorū quidam homines, insignibūsq; magistratū cōspicui. quidam diadematico gestamine eximii, quidam tiara augusti: quidā purpura sacrosancti: alii sub aliis velamentis honori & venerationi habiti, & simul loca cuiq; ordini atq; homini attributa iure gentiū & ciuili atq; pōtificio: illic tamen omnes eodē iure sunt, eadē condicione. nec vt vectorū nūc discrimina sunt in vniuersa ecclesiarum naui, sic miserorū delectus erit tūc in lacu, custodiarū Orci. Ad id igitur, quō omnia vitæ humanæ cōsilia referri debēt adipiscendū, quod finē & extremū p̄isca vocauit philosophia, non magnopere refert, quali quantāve nauicula, quāmq; splendide, aut ieiunē instructa, vnusquisque animus humanus vectus sit. Id demum autem refert, quā opportunē, quā hospitali tempore, quā gratiosē ad portum peruenierit finēmq; nauigandi: ē quo portu finēque, ad finem illum optandū expetendūque peruenitur. Quantum est autem hominem studiosum, in theoria contubernio, alioquin etiam suauī & amœno, cogitatione antecapere certa, stabili, fixa, denique in rem propē præsensentem animum ipsum listente, qui status hominis post mortem futurus sit, si in Iesum ipsum Christum, eiusque pollicitationes, si in sinum. Abrahæ, omneis suas spes contulerit & direxerit: si vniuersum animi cen-

sum facultatēque, suo cum omni thesauro, cum vniuersis opibus, in gremium charitatis Christi coniecerit & confuderit: Nullum enim castellum, nullum cōditorium, nulla arx munita, nullum præsidium tam firmum, tam fidele horum custodiæ esse potest, quàm sanum fidei Christianismi, excubiis septum atque peruigiliis philosophiæ, omnium dierum atque horarum. Mors est enim homini, sic extrema (vt dictum est) æternæque bona fide commutato, eruptio è carcere, exilii terminus, ærumnosæ peregrinitatis clausula, ad portum exoptatū appulsus. postremò premētis oneris prægrauisq; excussio, fictilis & putris corporis abiectio. Tum demum autem eques securus, ex equo descendit natura consternabili, interdumq; lymphato, interdum furiis iracundiæ, cæstro sæpenumero Veneris incitato. Tunc miles fidelis, paucis licet stipendiis (vt sæpe cecinit) confectis: tamen vt emeritus militia dura mittitur. tunc etiam seruituti corporis naturæ lege addictus, cuiusque obsequiis quasi ob noxam datus animus, morte veluti vindice, nexu permolesto, vrentēque mortales bonæ spei, soluitur, quasi que matumittitur. Ibi iam discriminū finis, immunitas fortunæ temeritatis. Ibi curarum anxietatūque depositio in sempiternum. iam ægrotationum, dolorum, timorum, ægritudinū, æterna vacuitas. Ibidem caliginis & tenebrarum exitus: in patriam verò atq; in lucem progressus atque aditus. Inde demum natura humana veram & iustam vitam beatāque auspicatur. tunc primum semetipsum animus nosse incipit, esseque quod nunquā desiturus est. Is deniq; sperandi finis, quando spem atq; expectationem gestientis, rata, fixa, æternæque adeptio summi boni excipit. tūque demum pro vsu & fructu, propria possessio & hæreditas beatissima cedit. pro incolatu ciuitas. pro opinione ac fide comprehensio & scientia. pro

DE TRANS. HELL.

Iudibriis sensuum, rerum visendarū conspectus, perceptio & fructus. veritas expressa & eminēs pro adumbrata. tranquillitas pro tempestate. quies pro inquiete vita. post sensuum vicissitudinem, post affectuum varietatem, perpetua mentis æquabilisq; constantia, & fiducia, compertaq; possessio veritatis atque sapientiæ, quæ epulæ sunt animi suauissimæ. Iam verò post vniuersi solutionē, post interitum spatiorum atque intercapedinum temporis, rediuiua corporis animiq; societas: pro tempore perpetuitas, pro instanti, prætereunti, venturòque, non alia iam atque alia præsentis & futuri excipiens instantia. Cæterum præsentis ac proprii summi boni perpetuus tenor, simul præteriti desiderio vacans, simul expectatione futuri non suspensa, in corporis (quod miremur) animiq; consensu plenissimo. Postremo pro amphitheatro, infinitū diuinitate plenum, pro spectaculo scæna Mosis aperta, visenda & spectabilis. Simul ipsa iā vera lucidāq; theoria, umbratilem hanc nostram sequitur, & imaginariam. denique (vt omnia vno verbo complectar) mortem & miseriam excipit beatitudinis & immortalitatis summa, *ἡ εὐτυχία καὶ ἀθάνατος*, quæ latinum nomen non habent, pro ea quæ in terra *ἡ ζωὴ αἰώνου* falsò dicitur, quæque tanquam finis & extremum bonorum est communi prudentiæ, sed fluxum & euanidum. Hæc, tot, tantæque in expectatione posita sunt emeritorū stipendiorum Christianismi, quæ cælo delapsus euangelus antea inaudita, pro testimonio palam, pro cōcione sæpe, pro imperio, pro potestate, pro numine, pro æde, pro templo summi dei pronūciauit: Idque conceptis verbis in asseuerationem, oraculi fide multum augustiorem. Obaudientibus autem (me miserum qui hæc scribo) aliudque (vt dicitur) agentibus, omnia prædixit atque interminatus est contraria, ac per diametrum (vt aiunt) opposita. Vt enim

illi lætitiis lætabuntur omnibus, iisdemq; sempiternis: sic hi viceversa mœstitiis mœrebunt, numeris omnibus æternitatis & miseriæ coagmentatis. At nos vtraque (ò perditas cæcæ vitæ, ò deploratas rationes) sùsque deq; facimus: vt quidem inferbuerunt studia ciuilia, ad bona ista fluxa, temeraria, caducâ que consecrâda. In fide quidem ipsa fortunæ fallacis ac circumscriptricis hominû: non in Christi seruatoris posita, pronunciatoris tum veracissimi, tum locupletissimi. Hic quid agat recta philosophia, germanaq; ratione instituta, quid (inquam) agat theosophia cum sensu communi, cum prudentia vrba & ciuili? Quid cû aliarum incola sapientiæ: illa, summi boni spem, æternitatis expectatione, Critolai libra, hæ Aristippipendunt trutina. Illa ad infinitum bonum cõsiliorum suorum summam actionûmq; refert: hæ mortalium domicilio omnia circumscribunt, vt quidem præ se ferunt apertissimè. denique his anima cum palato, illi spiritus tantum sapit, cætera stupentibus longe propiora sunt. Illa eadem vitâ specularem, tanquam lustrale quoddâ munus necessitatis esse censet, corpori sequentis ad animæ tuendum diuersorium, cito emigraturâ. Hæ vsum vitæ, habitationemque precariam, æternitatis instar habent, peregrinitatisque viatico, quasi summo bono incubât, & perpetuo. illa interim Ambrosia & nectare alumnos suos alit. Hæ fœno & stipulis, & inanibus quisquiliis animos pascunt hominû vt iumentorum, siti semper aridos. Verum quod dicere instituerâ, sapientis vitam antiqui philosophi, admirâdam summopere, æmulandâmq; iccirco cœsuerû, quod in ea demum virtutum omnium summam vsumque, esse posse dicerent & contenderent. Sapientem enim vnum per prudentiam mundum hunc, & omnia quæ mundi sunt, præ rerum diuinarum scientia atque speculatione, despicienda ducere

DE TRANS. HELL.

& aspernanda : quibus in rebus ipsi animi contentionem ingeniique, omnem & vniuersam, figēdam esse censebant. Illum etiam per temperantiam rebus omnibus abstinere, quibus corporis curandi ratio vacare potest non incommode. per fortitudinem non terri metu mortis, non doloris, non rerum aduersarum, vt qui mētem habeat abstractam à commercio sensuum, in editoque sitam. Atqui iisdem ex rebus iustitia cōflatur, omneis ipsa numeros complexa innocentia. Huiusmodi autem fuit (vt quidem ipse reor) eorū virtus, quos scriptura, summa auctoritate prae-dita, iustos esse viros elogio suo testata est, quasi ad libellam æquos, & ad perpendiculū rectos. Hos porro treis philosophia quasi cardines, sequitur ipsa tanquā agmen colligens virtutū, sapientia, cuius gentilis est ille sapiens, quo de nunc antiquorum ē sententia loquimur: in veritatis illa perspicientia contemplationēq; summi boni vehementer occupata. Hic enimvero felicitis & beatæ sortis mortaliū, parum mihi prudentes cōsultiq; homines quidam visi sunt, qui vel ē statione vitæ composita, ē mediōque reducta, vel ipso ē portu senectutis iam emerita, rursus in æstum munerum ciuiliū, vel in ambitus iactationē aut vrbici aut atriorū, scientes prudentesque referuntur. Nam quibus id inuitis & gementibus euenit (quod solenne est & fuit semper plurimis eorum, causari vel impudētissimē, quibusdam etiam adiurare sanctissimē) sed quibus id contingit minimē affectantibus, iis equidem censeo magnopere esse condolendum. & verò tanquam pro ærumno-sis, calamitosoque quodam casu oppressis, preces frequentandas esse, obsecrationēsq; supplices. Quē enim eorum non misereat, qui quidem inire cupiat gratiā ab ipso legislatore, qui legem tulit ac sanxit germanæ charitatis & misericordiæ? Verum enimvero nequaquam ego tantum

theoricæ philosophiæ, ac verè propriæque sapientiæ studio, tribuendum censuerim, quâquam doctrinarû principî, ne heroicæ quidem (propè dixerim) vitæ discipulorû eius, quantum prisca mendosâque philosophia suo sapienti tribuisse dicitur, omnes vt sensuum motus sapiens in potestate habere existimetur: sibi mer vt ipse omnium instar esse, secum vno incundam rationem habere ad beatitudinem adipiscendam. denique omnia vt semetipso longè inferiora ducere non dubitet. Vaniloquêtiz certè sunt ista placita, à porticu nomē habētis, indignæ sanè vel nomine ipso philosophiæ, quod sibi vni quondam ipsa vindicasse dicitur. Hæc illa est autem magistra, quæ sui sapientis alumnique ideam commētitiā in cælum celebrando sustulit: in numerûmque formarum beatarum prope modum adoptauit, vt humano maiorem fastigio. At philosophia hæc sacra, axiomatica fide cœlestiq; elogio subnixa, non ab hominum illa quidē inuentis, non à demonstrationum lineamētis: cæterum à numine cœlesti ius atque auctoritatem habens, cuique theurgia mirifica pro argumento apodeictico diuinitatis fuit: vnum sapiētem suo iure nouit ipsum (vt Pithagoristæ quondam loquēbātur) vnum iustum, vnum absolutum bonum, vnum (inquam) ipsum nouit, qui ipse omnes virtutis numeros suo pte ingenio, suapte natura complectitur. quiq; statim ipsius appellatione, vt propria, vt peculiari, vt absoluta, vt omnes numeros significationis complexa, notus est. Vnicum exemplar ipsum virtutis, veritatis, atque sapientiæ, ad quod formas ipsas virtutum primarias & exēplares effingi atq; exprimi oporteret, si quidem exprimi possent. Sub ipsius enim nomine fulta à semetipsa auctoritas, augusta maiestas, sacrosancta veri fides, ipsa suo numine nixa, fixa, firmissima, omne externum respuens indicium & argumen-

DE TRANS. HELL:

tum, intelligitur, significatur, & exprimitur. Quamquam si argumētorum & demonstrationis res esset, typorū cum cētypis compositio, indiscretāque similitudo signorū cū significatis, symbolorum cum rebus repræsentatis, prædictionū cum euentis, conuenientissima comparatio, ad vnguēmq; exacta commissio respondens, omnem inficiationis ansam præcidens: haud dubiam vim haberent grāmicarum apodeixeon, vt mathematici vocant. Mihi autem fides certa & cōsignata summæ Christianismi, sic in scriptura cōdita videtur esse, tum diuinitus edita, tum per manus ipsas dei, eiusque legatorū tradita & hypodidascalorum, vt ignis à natura in silice inclusus est, aut in alio quouis igniario. Vt enim corpora igniaria mortalibus data sunt ab initio, nō vt ignauissimo cuique atque inertissimo, ignis vsus, rei maxime ad vitam necessariz, in promptu & ad manum, nullo labore, & sine inquisitione esset, sed vt varias vsus meditando extunderet artes: sic rerum æternarum, & veritatis ab ipso proditæ dei filio, auctoritatis, æstimatio, firmitas, demonstratio: summi denique boni, omnibūsq; numeris cumulati maiestas, atque eiusdē indicatio, si liceri institerimus iusta contentione, in monumentis historiæ theurgicæ nobis proposita sunt, ab orbe statim conditō res gestas prouidentiz commemorantis. Atqui huiusmodi sapientiz doctrina, in scriptura, quasi in lapide, in silice, in re dura, interdūmq; menti refractaria, cœlitus hominum generi iccirco prodita est, vt silicis venis abstrusum excuderet ignem. atterere enim intellectum scripturæ, & affricare validè & assiduè opus est, fomitēmq; bonæ mentis, atq; orthodoxiæ hæretis, promptum & paratum habere, ad scintillas luminis excipendas accurate, & intente atque religiosè. Verum id plærunque ita segniter & oscitanter facimus, inde emicantes vt

igniculi, in fomite sensim emoriantur, vt futili & inutili. Profecto id mirum est, certumque adeo stuporis hominū indicium: quod cum sapientiæ sacrarium in medio situm sit, omnibusque sic expositū, vt cuique bona fide pulsanti aperiatur: homines tamen permulti cum literarum studiosi, tum verò philosophiæ nominis studiisque cupidissimi, cognoscere germanam veritatē non magnopere contendunt, quæ intus non dubiè clausa est: cum eaque cognita familiarius indies consuescere negligunt, tractare etiam & osculari, cōsertisque digitis retinere & amplexari. Nisi verò siquid pulchrius sapiētia cœlesti, si iucundius, si suauius quicquam animis esse potest, si benignius morigerū, ac sese liberalius indulgens amantibus, secundo quidē numine salutis, philosophiæ studium capeissentibus. Quantum porrò numen, quam inuifecum genium veritatis habuisse, Christianismi promulgationē olim existimare debemus, quæ polytheiam vetustissimā abrogare per orbem terrarum potuerit: quæ omnia fana oraculāque deorū exaugurare: quæ iura gentium, quæ cognationum, quæ gentilitatum delere: quæ naturæ commendationis vim, quæ mortem iuxta vitāque pro nihilo esse ducendas, persuadere: Sed scilicet vt Christus è cœlo euangelus, sapientiæ promulgator fuerat: ita Orci emissarius, ex Erebo obnunciator, atque ipsi germanæ sapiētiæ & veritati oppositus anteuangelus, auspicia diremit sensim & obturbauit inualescentis philosophiæ, contemplatricis æternitatis, de cœloque seruantis. cuius solertia factum est, dira atque animabus exitiali, vt mūdus qui tanquā ludus esse debebat scholasticus, animātium ratione præditorum, diuersoriūque mortalium ad dei cognitionem conditorum: conciliabulum factum sit errorum & vanitatum, è cœlo in terrā studium hominum detrahentium. Verum (vt eò reuertamur)

DE TRANSHEL:

philosophia prisca, alumnâque Hellenismi, insolentissimè verba mortalibus dederat, inane ac ridiculum simulachrū commenta isothei cuiusdam sapientis, vt Homericū verbum vsurpem. qui vir iudicio eius sapiens, numerosque omnes exquisitæ rationis assecutus, vitæ suæ tenorem inoffensa serie catorthomatum cōtexeret, rectorūque officiorum: sicque nunquam peccator, nunquam non inculpatus, vitam ageret. id quod vni tantum cōtigit ipsi, quem sapientiæ auctorem, virtutum consumatarum parētem ac conditorem esse nouimus, viciorūque deletorem. Quod si quibus ab eodem ipso datum est singulari indulgentia, vt sensuum petulātiā, vt motus animi præcipientes & abruptos, aut dementes & inconsultos, in potestate, quasi-que vinculis vinctos haberent domini deique reuerentiæ, non minoris id donum, vtique æstimandum est, quàm illud cōmentitium A Eoli regis deique poetici, qui ventorū sic potens esse dictus est, omneis vt eos in virem quasi in carcerem cōpactos, Vlyxi nauigaturo dederit, vt est apud eundem Homerum: vnumque tantum ventū à puppi flantem vinculis illis exemerit, in patriam ferentem, cuius incredibili tenebatur Vlyxes desiderio. Immunitas est hæc singularis omnino & eximia, rarissimique exempli. quod olim prouidentia in diua eiusdem ipsius parēte dei atque hominis: non modo à partu salutis integra atque intacta, sed etiam à natiuitatis condicione immuni, vt credimus: atque in vna fortasse præterea, aut in altera anima, aliquando vsurpauit. Certè Paulo suo dominus, cum mācipio nouitio & gratissimo: tū verò fictili lectissimo, iterum id & tertiū pernegauit, poscenti & flagitanti angentis molestiæ vacationem. Idque post rerum cœlestium inspectionē negauit, ne intellectui quidem humano, nedum oculis, cedentium. gratiāque tantum tutelarem ei dedit,

muneris pernegati succidaneam, digitum trāsuersum (vt aiunt) ab eo non discedētem. Ita fert autem humanæ condicio infirmitatis, & ratiocinatio hallucinatrix, trāquillo vt interdum, interdum etiā in portu vt impingamus. quippe cum nusquam non, nunquāque non, tempestatem intus A Eolus ciat, non Hippotades ille Homericus, sed tartarides. Huic enim A Eoli nomen à mobilitate mirabili, & versutia sanè quā versatili, conuenit. Tamet si tum maximè Vlyxi stoliditas sociorum suorum, animoque sensuum proteruitas, esse debet formidolosa, subdola cum rider placidi pellacia ponti, vt inquit Lucretius. Improuiso enim nonnunquam tempestas scēda ac procellosa cietur, eoque nocentior est, quo minus erat suspecta. Nā quæ tempestas, quis præster, quis turbo ignitus in aere, torrentior est aut atrocior, quā bilis in homine, cum repēte efferbuit? At verò ægritudo animi ori obducit tetra nubila tristitiæ, vultuosos homines efficiens. excandescētia cælum & terras, rationem & appetitum brutum miscens, toruē intuetur & minaciter, ex oculisque eiacularur fulgetra terribilia atque coruscantia, toto cum ardentis ab ore scintillæ absistunt, oculis micat acribus ignis. Qui etiam si ipse in felle amarulento, quasi in nube procellosa collectus, ad vindictæ præcipitis fulmina exarserrit, impetu iam inde cæco amentique furens, per omnes fas, nefas, ius, iniuriāque fertur, calcata atque obtrita iuris humani diuinique reuerētia. Ecce tibi opposita ē parte lætitia gestiens, quæ aliquem ob successum, immodicam sæpe affert oris, intempestiuāque serenitatem. Si quidem & frontem indecore diffundit & exporrigit, intusque liquefacit animum fluxa ac dissoluta affectione. Iam verò spes non dubia, iam deplorata expectatio, in eodem pectore alternantes, faciē hominis ad lætitiā

DE TRANS. HELL.

ambiguam ac tristitiam, quasi habitum cœli incerti reddunt & ancipitis. Hæc cū naturæ sponte in minore mundo fiunt, innatisque in homine viciorum fomitibus, perinde vt in mundo maiore cœlôque crassiore existit sæpe intemperies: tum furia illa inferna, temerariis è causis nocendi materiam nacta, in mente composita nōnunquam, nihilque tale suspicâte, varios cient turbines, ab iisque periculum capitale creât animæ: nisi ad sacra philosophiæ præsidia, tanquam ad Asylū certissimū, is qui tumultu cæco oppressus est, perfugium sibi comparauerit. Verum vt aliptæ exercēdis corporibus vtilis sunt & appositi: sic animis exercendis sollicitationes illæ mentium compositarum, sæpe sunt non incommodissimæ. Nam absque infectis earum crebrisq; incessionibus esset, multi supina quiete somniculosâque gaudentes: necopinatò opprimerētur tumultu, ab illo vigilum cimmericorum præfecto, qui ab eo Græcum nomē inuenit, quòd delationes rerum capitalium apud deum facit. Is cū optimo cuique atque cordatissimo negocium exhibere cæcum, intestinū & perpetuum gaudeat: excordibus tamen ferè eiusmodi molestiæ foeneratur immunitatē. in qua immunitate incauti mortales securique, acquiscentes, rerum repente capitalium rei ab eo facti, apud deum clementem simul ac seuerum iudicem, damnatique, subinde permittuntur lorariis imminētibus, in horrendam illam sedem pœnarum miseri, furiarumque deportandi, semel atque in sempiternum. Hoc cū ab ipso, cuius nullum verbum nō ratum est futurum, cum à deo, cum ab ipsa veritate denique prædictum sit, palàm etiam atque pro concione, pro sententia, pro potestate dictatoria semel pronunciatum: trino insuper nundino (vt ita dicam) promulgatum. Verum cum hoc nihil testatus, nihil consignatus esse possit: & verò cum in actis adhuc

Seruatoris perscriptum, in tabulis perpetuis proscriptum sit & expositum: ecquid causæ est tandem, quin mundus ab eodem ipso sæpe contumeliosè dictus, qui & sensus & prudentia communis à nobis appellatur: tametsi animans permultorum sit capitum, nec aureis tamen ipse habere; nec oculos videatur: ne sensum quidem vllum non stupidum, non torpentem, non emortuum, ad res dignoscendas animæ commodissimas, eidemque nocentissimas? Ecquid (inquam) causæ est, quin nostrum vnusquisque qui communi sensu regimur, nec secum ipse religiosè, nec cū propinquis, necessitudineque initiali coniunctis, candidè, nec cum ipsa sapientia: cum deoque non impiè, non irreuerenter agere manifestò compertus sit: nec tamen ob id atrox præconium cœlestè perhorrescere? Hactenus certè iustitia valet hodierno tempore, vt quæ sunt Cæsaris Cæsari, non item quæ dei sunt, deo reddat. Huiusmodi sunt præstigiæ emissariorum mundi principis: sic mortales fallunt Sirenium blandimenta, quas multi fugitantes, vt iam diximus, dederunt se solitariae philosophiæ. Ardua est enim & impeditissima umbratilis illa palæstra, cū civilis vitæ theatro coniuncta est aut finitima. Ex AEgypto igitur excedendum, è Babylone erumpendum: & vt rem diuinam tranquillius domino attentiusque faciamus, vnus diei saltem iter abeūdum est, atque etiam plusculum, si interesse animæ salutisq; visum fuerit. Id quod ægrè, & respectantes identidem, auersisq; propemodum vestigiis faciunt, qui arctiorum necessitudinum nodis, aut commerciorum nexis, cum ipsa AEgypto coniuncti sunt. Nam honoris compedes, & vincula ambitus atque cupiditatis, tum siqua sunt alia argentea atque aurea retinacula, nec abrumpere iam valet, nec soluere philosophia. Aurea verò huic similis (si credimus) &

DE TRANS. HELL.

argentea erat scilicet illa vita, quæ à poetis decantata est, admirationique habita: aureusq; hanc vitam in terris Saturnus agebat. Mihi autem qui totos se in ambitus ærumnas dedunt, quasi Empedoclidæ quidam videntur esse, qui aut gloriæ inanis aut pecuniæ quærendæ desiderio, in craterem Aetnæ similem se coniciunt, ut ad mortem usque ardeant. nam ut inde in phlegetontem ipsum sidant, ominari verëor. Certè quidem qui è compositis & explicatis vitæ rationibus, ad gestientem illam cupiditatem omnes animi facultates effundunt, qui omni contètionem incurrunt ad patrimonium suum aliorumque nonnunquam coaceruandum, aut qui ad fastigium attollendum laris sui familiaris: non absimiles ipsi sunt eorum quondam curiosorum hominum, qui ad oraculū Trophonii, antrumque teterrimū, descendere sustinebant nulla digna de causa. Placentulas enim crustulæque mellita secum ferentes, iisque sperantes reptilia mulsam ire, quæ introeuntibus occurrebant obuiam: capitalem in fraudem sese conicere non providebant animo, in antrum intrò se dantes sinuosum & cauernosum: quo ex antro eodem exitu adiutūque uti, homini cōtigit antè nemini, ut auctor est Philostratus. Atqui hos præposteram vitæ rationem sequi, atque etiam peruersam nemo non intelligit, qui quidem peritus sit, pauloque accuratius eorum subducere rationē instruxerit. Etenim nec nauatæ industriæ rebus illis, nec impensi temporis, nec cōtritæ ætatis, nec ærumnarum interim exhaustarum rationem ipsis constare faciliè deprehēderit. Fortuna enim ut choragus imperitus, temerè induit unicuique in prosœnium prodeunti, personam nec habilem ipsi sæpiissimè nec utilem. & ut fictrix sit hominum ipsa, ut Prometheus fuisse dicitur, non tamen formatrix est etiam eorum, ut est philosophiæ genius. Ad-

de quòd interim Christianismi stipendia non procedunt, iis qui castris Hellenismi, qui præputio (vt sic dicam) cupiditatis, nimio opere auctorati sunt. Sed enim legis euangelæ duo prima capita & præcipua, moribus propè antiquata sunt ordinum primariorum. Multumque in vniuersum per(inquam multum) sæcula iam decoxerunt Christianismo, tum fidei bonæ, tum spei, tum charitatis. Proh diui immortales, iudicium nostrum hebetissimum, immo verò prudentiæ iudicium, non iam communis, sed prætextatæ, sed purpuratæ ac trabeatæ, principibusque personis insignitæ & conspicuæ. Nanq; si caliginem humani iudicii tanti ista bona licentis, tute dempseris aliquantisper: quod philosophia facit in æuū: fortunata vtique ista condicio vitæ, & amplissima, quæ splendore suo oculos nostros præstringit, vt futilis & aspernanda continuo iacebit. Ad eundemque fermè modum fulgor ille fortunatæ vitæ conciderit. vt adamas fuligine sublita micans, carbunculûsq; in funda flagrans bratteola substrata, gemmeo decore & fulgetro exuuntur, ab illo si atrum, ab hoc si purpureum substramen exemeris, sicque demum fucum factum oculis miraberis. Quin & colossicos illos homines, capite (vt sic dicam) minutos inuenies, si quidem ad viuum vsque specillum philosophiæ demiseris, ad explorandum fortunatæ vitæ, fascibus istis succinctæ, viciū & miseriam. Quippe vt cognationis iura gentilitatisque retineant, & ciuitatē tamē & libertatem amittunt, qui sisyphium saxum magno cū sudore subuoluunt, interdumque horrore. assiduos enim eos & peruigiles antistites esse fortis fortunatricis necesse est: si vicissim ipsi assiduos comites habere flamines suos cupiunt, qui suo stipatu spectandos homines, æmulandōsque faciunt. His adde quòd

O.ii.

DE TRANS. HELL.

duabus illi rebus mulctati sunt, quas Democritus sola esse, aut summa bona putabat, *ἐνδομία & ἐλευθερία*. quo apparere potest quanto cum dispendio ocium honestum & compositum, negotio permutetur interdum, lauto quidem illo in speciem & splendido: sed tamen reuera futili & vitreo. Testor hic, vt alibi sæpe feci, hoc acroama theatricum non esse, sed academix potius aut peripati abstrusi. Verum si degenerem istam rationem, qua vita in medio posita, ciuilis, vrbana, aulicæque reguntur, philosophia semel è mente hominis absterferit, rectæque rationi & quasi natalitix hominem ipsum restituerit, ilicet prudentia communis verterit in stultitiam. Alioquin autem vt mores iam ad rationem peruersam incubuerunt, nullo thure litabis, hæreat in stultis breuis vt semuncia recti. Iam verò animaduertere nos oportet, quòd vt tentationes sunt permulxæ ægrotationum in corpore: sic tentationes furiarum in homine interiore, plurimæ illæ quidem & perennes, sed cæcæ & abditæ, nec ab arteriæ micatu æstimabiles. quales sunt voluptatis incessentis ac titillantis affectiones, avaritiæ atq; cupiditatis stimuli, & cuiuscunque permotionis procacis & perulantis. Incessit igitur mortalibus aut voluptaria, aut alia æquè improba proteruæque cupiditas: meminerint philosophiæ alumni specimèn sui dandum esse oculis dei spectatoris atque superum, sub præsidioque domini tantum: norint se, ac sibi persuadeat dimicatuos citra noxam memorabile. & quidem quauis aliquādiu athleta dominicus certamen experiatur durū atq; acerbū, lætabitur tamen deinde, sibiq; gratulabitur, quòd ea ærumna exercitator factus sit. Cū autem alia aliis grauiora sunt certamina, tū verò rerū vehemēter aduersarū colluctatio cū æquitate animi, dolorisq;

vrentis commissio cum pertolerantia, sœdum sæpe spectaculum edit cœlitum ordinibus, etiam si sœdius interdum quàm exitiabilis. Labat enim plærunque in atroci conflictatione virtus, quæ nòdum planè tyrocinium posuit, ad dolorisq; impetum quatitur & vibrat constantia fidei, etiam meditata, etià in alieno antea certamine ad palmam cohortatrix, strenua & assidua. nulla porrò pars virtutis minùs ad experimenta responderet. In nulla ferè vitæ parte sapius vanitatis profana philosophia, luculentiusq; manifesta semper fuit. Adde quòd intelligentiæ humanæ modus, ad providentiæ diuinæ consilia perspicienda incumbens, sæ penumero cedit obscuritati. tum elogiorum sacrorum liberalitas, consolationisq; supernæ fomenta, eos nonnunquam destituunt, qui fiduciam plenam non habent, sed pro modo tantum coniecturæ suæ sapiunt, communisq; prudentiæ. vtpote quæ iudicia rerum faciat ex euentorum varietate magis, quàm ex oraculorum auctoritate. Vnde sit vt vel ad fortunæ sæuientis impetum, vel ad noxæ pertentantis appulsus, vel ad mœstitiæ vehementis aculeum, mens humana torpeat, quasi stupore percussa atque hæsitantia. Mihi certè hoc velut carcinoma hominis interioris aliquādo visum est, quod nec lenimento æquanimittatis, nec scalpello fortitudinis, nec cautere philosophiæ: ita vel mitigari, vel tolli, vel domari tandem possit, vt subinde non rebellet, sæpe etiam increseat, & magis ferù redeat. id quod à doctis ac meditatissimis, ab experiētibus & in eo exercitatis lōgè melius intelligitur. somētis igitur magis ac lenimētis philosophiæ, quàm imperio coercetur rationis atq; seueritate. Lectio autem scripturæ oracularis, assiduâq; cōmentatio, valida depultrix est hæsitantiæ: fidei verò & fiduciæ blāda cōciliatrix eum securitate perfusæ; tum codè in ipso acquiescētis quæ

DE TRANS. HELL.

sæpe iam diximus, vt auctore certissimo sperata æternitas. adde etiam spei bonæ ratæque suppeditatrix. At fortis fortunæ genius, felicitatis temporariæ rerumque secundarum largitor, vel creditor durus potius & scenerator, idem quoque importator est æternæ calamitatis ac detestandæ sortis. Hic rursus in mentem venit commentanti, hominum secordiæ dicam an væcordiæ: qui in existimatione & arbitrato rerum ad vitam beatissimam spectantium & ferentium, tanta inertia, inscitia, torpore præditi sunt, animique marcore, quarum inspectionem deus cum naturæ excellētia, menti humanæ dedit. Qui si paulum cordatiores essemus, nequaquam præposterum amorem coleremus, malæque pro bonis tantoperè expeteremus. Quis autem nostrum nescit, quis non sæpe fateri cogitur vrgente conscientia, delicias vitæ, rerumque secundarum blandimenta, nec bona esse nec commoda, sed bonorum imagines verius, & ludibria sensuum, illicitiæque cordis perniciosissima: Quis verò non dicere seriò solet, res aduersas, vitæque molestias, flagra esse domini, pistrinæque salutis, quibus familiam sibi charam, desponsam & adoptatam, in officio continet. Seuerum enim esse parentem eundem ac dominum accepimus, & familiæ amantissimum. ab eoque seruos eodem frugi atque liberos, vapulare sæpius, quam nequam & abdicandos. Non sumus porro nescii ærumnosam esse viam virtutis, elogio quoque prisce sapientiæ, ob idque penè à via vehiculari prætoria, & militari, diuersam atque auersam, quæ à multitudine mortaliū stolidæ & satagète trita sunt. Videlicet plumbei sumus homines, non aurei, non argentei, qui in fornace aduersarum rerum liqueſcamus, non purgemur & exploremur. Atqui compertum habemus seruatorem ipsum nostrum, cuius demum auspiciis vtentibus & fretis, sperare fas est aditum cœli, hac eadem via ve-

stigia fecisse perpetua, cum hic studium sapientiæ disciplinæque institueret, quam resipiscētiā appetentis salutis prænuncius, quasiq; speculator mūdi præmissus, appellauerat primus. Nec verò pedissequos domini ipsius seruos & circūpedes, à manu quoque & à secretis, deniq; fodalitiam manum, cohortem insuper amicorum & comitum, quos honoratissimo loco semper numeròq; habuit, fratresque salutauit: & porrò eos ipsos è quibus centurias ipse primas conscripsit, cohortesque firmissimas aduersus tot gentium tantarumque, efferratam multitudinem, non omneis (inquam) illas nationis beatissimæ primitias, eadē disciplina in cælum affectasse viam atque adeptas esse, inficias ire aut possumus aut volumus. Hæc & alia codē pertinentia, cum probè sciamus ipsi, & vt nobis cōperta identidem commemoremus: cum eo demum nomine memoriam illorum vt cōsecratam colamus & veneremur: quid causæ effedicemus, quamobrem nullus nostrum, quāquam Christianismi discipulorum, dieculam vel vnā, pistrinum resipiscentiæ euangelicæ, poenāsque pendētis domino conscientia, versare, eorum æmulatione sustineat, animi cū æquitate? At diuos ipsos iā immortalis, ipsos etiā vades Christi in re capitali, in quæstione acerbissima factos, atque atrocissima, ad eam molam versandam libentes se & hilares dedisse credimus, in eaque ærumna, quasi que in eo pietatis munere perfungendo, ad extremum usque spiritum tolerauisse. alios inopiam rerum omnium qua vita carere potest, consertis (vt dicitur) pectinatim manibus, totius corporis animique contentione, pro pignore summi boni amplexos esse, & tanquam pro tessera fortis beatissimæ. Quarum rerum omina si abnuenda nobis, si votis conceptis & nuncupatis procuranda existimamus & depellēda, vt malarum & noxiarum, id quod palam at-

DE TRANS. HELL.

que ex audibili voce facimus, ad hostes atque ad inimicos ea reiicientes: cur sanctarum animarum exuias eas ob res cōsecratas, osculo dignas religioso ducimus: idque iure ac meritò facimus? Cur crucis Christi assulas, ramenta, scobem, sicubi nos esse nactos cōfidimus, pro amuleto gestamus depulso: Atqui hæc ærumnosæ vitæ, cōslicitæ, ac vexatæ, indicia sunt & monumēta. Specillum hoc profectò præcordiale, nullo fortasse minus certum & acre, inter alia permulta nobis admouit deus, ad explorandam vel refellendam porius & demonstrandam fiduciæ nostræ conditam intus infirmitatem atque futilitatem. Quæ (malū) est ista sensus civilis prauitā sine dicam, an peruersitas? Nos fidem ipsi dedimus, sacramento enim adacti sumus in tinctura lauationeque mystica, ab eo instituta: vicissimque fidem ab ipso accepimus, testatam, scriptam, & obsignatā. Quotus autem quisque nostrum fœdere stat & pacto, inito die suo lustrico? Nimirum sceleris instar est perfidiosi, & capitalis, accepto dextræ diuinæ pignore, in eo minimè acquiescere. Amētia est nefaria in optiōe bonorū, & vitæ conditionis, fidem sequi (vt ita dicam) Mercurialem potius, & oculatam, ac circumforaneam, quàm in spe propinqua positam, quam spem ille ipse absolutè dictus, fide sua esse iussit. nec verò fide sua vnus (quanquam erat abunde) sed fide tot testium, pignoribus & capite oppositis, reprobmittere non grauatorum quæ ille pollicitus est. Tametsi ipsius cum sponsionem dico: omnes numeros certæ & exploratæ, & compertæ fiduciæ significo, qua nulla maior esse aut excogitari potest. Siquidem vnus ipse est, qui fidei conditor est, qui veritatis genius, & ratio substantiæ eius est: qui nullius non promissi potentissimus. At nos ab eodem ipso auctore, summi dei filio & institore, bonorum æternorum spem Græca mercamur fide (vt Plauti verbo

loquar) non Christiana, & pietatis cultoribus conueniente. Quid autem in causa est diræ huius mutationis ac degeneris? Circumstat nos demonstrationum theurgicarum fides, grammicis illis certiorum, atque mathematicis: quæ confessionem nobis exprimit hærentibus, non item assensionem. An expectamus illud tempus ad confirmandam opinionem, cum iam non veritatis argumenta validiora, sed horror nos mortis vadantis adiudicium, circumstabit? cum iudex ipse omnium, pro imperio summo, pro potestate dictatoria, seueritate fortasse cæcatoria & Cassiana, vim illam licitorum Herebi, corporis animique carnificum futurorū, lege agere iubebit Adrastia? Credamus igitur obsecro, per ipsum, per superos, per illos iā diuos & immortales: credamus (inquam) quæ de superna infernaque æternitate, prædicta sunt prodictaque diuinitus. nec assensione supersedendum putemus, donec in rem præsentem abducamur cum illa multitudine innumerabili ephecticorum; horret enim animus dicere, dū obtorta gula trahamur, rapiamur, & auferamur. Atqui vbi iam theca animæ, vel exanguis senio vel infracta, vel præmaturè rupta non moratur animam, vereor vt integrum sit resipiscere. In leges, in instituta, in fidē Christianismi semel iurati sumus, sacramento domini & monarchæ solius, & rerū potentis humanarum cœlestiumque: conceptis verbis diximus: videamus quæso etiam etiamque, ne de rebus testatissimis addubitando, à susceptaq; persuasionē paracleti spiritus interuentu, quouis modo desciscēdo, in expiabili religione, criminēque nos obligemus. Scelus est enim, scelus (inquam) & nefas est, tantam rem comperendinare, cum de causa liquere illico nobis debeat. Quos verò sic obligatos perdellis ille perpetuus nactus est, eos agere transuersos ac præcipites ferre solet, per sceleratam viam, per deuia, per auia:

DE TRANS' HELL.

procúlque à vestigiis Christi, indéque ad Charoniũ, quod vocant, antrum detrudere ad extremum, vt lotophagos in vita, & immemores patriæ. appellat autem ambigētes primum mortales, in Christianismoque labantes, de reuerentia diuini numinis exuēda, de timore ac religione calcandis. Nempe quasi dei prouidētia immortalis, aliud curans, nec mortalium rebus inspiciendis vacet, nec votis eorum exaudiendis feriata sit, ipsa suis pollens opibus, nihil indiga nostri, quod dixit poeta Epicureus auctor apud quosdam grauiſſimus (vt rumor est incredibilis) animorũ mortalitatis. deinde glaucoma cupiditatis, omniuagique erroris nebulam ob oculos Cacus ille obiiciēs, excæcatos tandem deducit in abrupta vœcordis licentiæ, quæ instar est Atheiæ. Cor autem humanũ, bonarum & malarum cogitationum cõsiliorũque receptaculum, prout his aut illis aditum ac liberam sedem dederit, ita de anima optimè vel deterrimè cõsultat. id quod ita demum in potestate est hominis philosophi, si id non de suo sibi ipse spondere, sed de domini beneficentia meminit, quem cordis cuiusque nostrum claustra in manu habere præpotenti certum est. Quin & scopulis eiusdẽ domini iis opus est, qui domicilium suæ mentis bene versum & mundum seruare concupierint. Scopulæ autem virgæ sunt colligatæ, quibus quisquiliæ recremētāque rerum vtilium, id est redundantia, circunuertuntur, quibũsque sordes excutiuntur è conclauibus, quæ ad honoratos conuiuas hospitẽsq; lautè accipiendos, sternuntur & exornantur. Quoniam igitur modo verbum dei accipere commodè atq; efficaciter possunt, idque in rem suam, atque animæ vertere, qui diccūla vnā feriari, ne dici quidem vnciam, animo quisquilioso soliti sunt, à cogitationibus, curis, desiderijsque flagrantissimis rerum dissidētium cum theoria, acriterque pugnan-

tium? Ita, inter cœlipetas profiteri hæc hominum natio, cenſerique iure nequit, quæ viam veritatis & vitæ ingredi vehementer detrectat, quam ærumnoſam diximus, in cœlûmque ferentem per mœrentem pœnitentiam. Atqui diuinitus ipſa nobis primum, ore antæbulonis verbi dei indiſta eſt: deinde ab ipſo verbo palàm ac pro imperio iniuncta. Sed quotus iam quiſque noſtrum tanti reſipiſcere & pœnitere vult emere, vel tâtulo potius, quod venit olim in prouerbium? Vſque ad eò damnoſi negociatores atque inſcii ſumus, qui foro vti rerum ſempiternarum non didicimus, non cupimus, non diſcere laboramus. ad eò cœleſtis ille Orpheus, qui lenire tigres, qui cicures reddere leones, qui ſaxa mouere ſono teſtudinis potuit muſarû æternarum, ſlectere mentes humanas deſiit ſilice duriores. vſq; ad eò Sirenium auocamentis, & blandimentis vitæ, auerſas aureis habemus ab auſcultatione magiſtræ ſapientiæ. vſq; cò denique eloquentia ipſius Pithagoræ, ſuadæ parentis & conditoris, diuinæque orationis facultas: quæ torrente ſpîritus admirabili totum per orbem ex æſtuante, brutas animanteis efferâſque verius quàm homines, ad concionem ſuam ſacram celebrandam rapuit: flex anima iam non eſt, ſaxi fragûmque illud verbum dei, carunculas præcordiales penetrare nunc exanimis & emortuas nequit: tantum intereſt inter delectitias copias prouidentię, & multitudinē reiectaneam, apud quam Pithò oracularis (quod Comicus Græcus inquit) *ἡ πῆλη, ἡ δὲ ἰπὺ πῆλη*. Heu pietas, heu priſca fides, quo tandem abierunt gentium? in cœlûmne remigrarûte paulatim igitur ad ſuperos Aſtræa receſſit hac comite fide ſcilicet priſca, heroicarûmque ætatum, atque duæ pariter fugère ſorores. Verû enimvero qui virgas diuinas atq; emēdatrices experti ſunt, in rebûſque aduerſis callum duxerunt patientię: iis caſus calamitoſi, damnaque faculta-

DE TRANS³ HELL.

tes atterentia, omne etiam genus conflictationis & molestiæ, quædam velut tributa sunt, quæ mancipia frugis, dominoque fidelia, è peculio suo sanctiore pendere iure eugelico debent, arbitrato domini, vnâq; accessionem æquitatis animi. Etenim dominus ipse vsura luculenta testatus est versuram se facturû à familia sua, quæ in rebus quidem huiuscemodi scenerari nō grauaretur hilarem patientiam. Quo liquere satis potest, quantum compendium in futurum ii faciant, qui in rebus acerbis atque etiam vrentibus, domino se dedentes ad pœnā, insuper ab officio seruili non discedunt, non modo flagra dei non exposcunt vt iniuriam fortunæ, aut iniquitatē queruntur sortis natalitiæ. Atqui intelligimus, si animaduertere vacat, esse omnino optabilius, bonorum istorum iacturam æquo animo, quasi in tempestate leuandæ nauis causa, & salutis ergo facere, quàm in naue exaggerata & prægrauata, vita periclitari: & verò vita illa, beata immortalisq; futura. Nam bonorum aut corporis, aut externorum, aut vtrorunque dispēdium, æquo animo acceptû, quidnā aliud est ipsum, quàm quod in diem fati ab omnibus dependēdum est (qui dies iam indeà vitæ rudimentis cedere omnibus horis cœpit lege mortalitatis) ante diem paulum repræsentare nō nolle, idq; domino scenerari sesquicentesimo scenore, longēque ampliore? Qui autem quærendarum possessionum, dominatum, & prædiorum, augendarumque facultatum, & gerendorum honorum cupiditati, nuncium remittentes, fortunamque suas sibi res habere iubētes, ad bonorum æternorum cupidinem, & ad philosophiæ christipetæ studium incumbere institerunt: ii mihi videntur creditorem illi quidem, sed optima atque plaudenda vertere cōditione. Siquidem rationum suarum diaria atque calēdaria, ab Orci ipsi mensa, dirisq; institoribus eius atque numula-

riis, ad eius mensam creditoris transferunt, qui condonare omnia solet benignissimè iis qui soluèdo nō sunt (quæ multo maxima pars est hominum, ne quid amplius dicā). nisi meditetur debitores ipsi ac decoctores, etiam inficiatores esse. Quanto igitur consultius est & commodius, nomina à Christo parente facere æqui animi atque patientiæ, nexum etiam fide bona inire abstinentiæ legisque reuerentiæ, quàm versuram repræsentatæ felicitatis facere ab hiantibus illis faucibus Orci, animarum voracissimis? Sed enim ut est apud auctorem priscū, his populus ridet, multumque torosa iuuetus, ingeminat tremulos naso crispante cachinnos. vulgòque gladium verbi dei, qui Caucasias rupes olim secuit, qui iura gentium naturæque rescindit, *ἔντα ἡσέοντα* facimus urbanitate scelestissima. Malim equidem hoc loco Heraclitus ille videri, quàm Democritus, qui risu irrisūque prosequebatur ciuilem prudentiam. Nam in rebus hisce ridentes, eorum videntur esse mihi similes, quos aliquando in gladiatorum spectaculis aiunt, traectis gladio præcordiis, moriendo risisse. Sit autem hæc disputationis nostræ summa, rerum secundarum tenorem, plarumque in Orci fauces insinuare ac definnere, vnde pedem sursum retulisse præter vnum ipsum, adhuc nemo compertus est: quod quidem proditum sit diuina auctoritate. aduersarum verò rerum atque patientiæ tyrocinium, in senectutem differre velle, summæ esse omnino imprudentiæ, quod clogiis claris testatum est cœlestis sapientiæ. At cui plurimis velut emeritis stipendiis rerum aduersarum tolerantia, nihilominus ad extremum fides constitit, felix verò ille planè ob infelicitatem. Cuius utinam sententiæ memoria efficax & strenua, quàm cordatissimo cuique mortalium vordi est, tam in corde nobis inusta esset, cautere diuinæ prouidentia. Sed nihil æquè con-

DE TRANS. HELL.

trouersum est fortasse inter philosophiam christigenam, ac prudentiam communem. Homines enim à consuetudine vitæ inusta, à cogitatione secundarū rerum blanda atque iucunda, abducere non minus penè est difficile, quàm qualitates à materia dirimere commentando, aut mentem ab anima: & hominem minime aspectabilem à corpulento & tractabili. quæ notha quadam intelligentia fieri, philosophia censet humana, parūmq; nobis familiari. Quare in rebus diuinis commentandis, non tam anima quàm animo ac spiritu opus est. Vt autem ad id redeam quod dicere coeperam, non magnopere mirum est, ipsum mūdi naufragicon seruatore, rerum aduersarum tolerantiam infontem à nobis exigere, qui cum sua sodalitate nō mitius egerit, vt superius dictum est, quàm sodalitatem à patre sibi datam & cōmendatam, salibus illis amicitiz quotidianis dignatus est, qui sunt apud Græcos in prouerbio: iis etiam ipsis è mensa cœlestis sapientiz translatis. Quippe qua cum sodalitate, fraternitatis & beneuolentiz summa necessitudinem tacitam pepigerat, protinus à primore congressu: qui etiam homines obscuros, tyrānorum atque impietatis verberones, cognitores suos, veritatēsq; antistites mundo dederit: ipsis etiam cruentum testimonium & capitale, ad furentis scœuitiz concilia denunciarit. Qui ipse crucifer esse, ac furcifer traduci per ora multitudinis, post contumelias verborum, post iniurias verberum, post lorarios acerbissimos, sustuariūque sustinuerit. Denique qui omnia exempla pœnarum pertulerit ante supplicium illud, longè omnium facinorum tum vi atque efficientia amplissimum, tum multifariam illustrissimū, superis item & inferis, cœlo & elemētis, stupore naturæ luctūque testatissimum. Quæ omnia æterno senatusconsulto prouidentiz, idcirco decreta fuerant, simul vt mortalibus statuere-

tur exemplum diuinæ & cœlestis sapiētiae, mortali & fluxa ē regione obuersa, simul, lex vt sanciretur apud homines æquanimis patiētiae in rebus acerbissimis. Qua vtrique parte theurgiae, exemplarique domini patientia, tyrannus ille mūdi clarissimè triumphatus est, vnà cum suis illis copiis cimmeriis ac teterrimis, cum omni cliētela crudelitatis, scruitiae, impietatis impurissimæ. Pandito nunc Helicon deus. Num tibi si linguæ centū sint, oraque centum, ferrea vox: possis ipse pro rei indignitate exclamare, in mores, in torporem, in veternum, in marcorem, in perfidiam diram foedifragæ vitæ, communisq; prudētiae? Incipe Calliope, si tamē nobis adesse potes. Ecquisnam igitur datæ dextræ tanto talique mundi vindici & assertori, ab eoque acceptæ fidei, videtur nunc meminisse: num cui in mentem venire inter curas ciuiles, præmiorum poenarūque potest haud dubiè nos manentium: nōne omnes fermè lethæa potione inebriati, à sensu communi propinata, somnū obdormiuimus amnestiæ stygiæ, in lecto incuriæ perditæ, in culcitra supinæ conclamataque desidiæ? Id adeo ē vita cognoscere quiuis potest, in medio posita. Mortales pusilli, ter & quater & centies ausi capitalia, & rei non dico comperendinati, sed in diem, in horas ampliati, etiā genio indulgere, symphonicos poscere, ædes, prætoria, penates architectari æmulos regiarum sustinent: nec euentum iudicii formidant appetentis, supplicisque sempiterni. Qui resipiscentiam mœrentem & lugubrem ordine & professione præferentes, sordidatis & squallētibus similes esse debebant, in auro, in purpura, in pompa, in theatra transuersione sublimes ac stipati: eaque specie conspicui esse cupiunt: habitu etiam propemodum & cultu triumphali, omnium oculis designari. Ita toga pura innocentiae priscæ, candidaque sacerdotum demissa simplici-

DE TRANS. HELL.

tatis, ad togam pictam, propemodumque palmatâ, ad prætextam superbam factium profanorum euaserunt, mundo degenerâte. O mores olim iam degeneres, ac discrepantes ab ordine Christigenarum, nedum sacricolarum. tametsi in nullo non ordine initiorum amnestia Christianismi disciplinam obruit, fidelque eius mirificam efficaciam. Quid enim? Sed cōsultius (vt opinor) fecerimus, si quæ exprimere nunc oratione nec opportunè, nec festiuè possumus: Timanthi illius pictoris exemplo, contegamus silentii velamento. Iure igitur & merito Hercules ille noster, ipsèque deo genitus, cœli & mundi decus: cœlo etiam delapsus ad iuuâdos mortales, vel ad seruâdos potius, animos immortales, ad internicionem generis sui iandiu pereuntes, idem ærumnarum mirabilium atque inauditarum confector, ad imumque exhaustor: Iolaos quoque suos & commites, ærumuosos esse iussit, vestigiâque sua per pauperiè, per ignominiam, per mundi contempnionè legere eos docuit, ad beatam vitam, rectâ non dubiè ferentia. Nam ipse in cruce æs alienum obarata inferis mortalitatis dissoluerat: eiûsque chirographum è loco superiore & conspicuo inenarrabili beneficio expunxerat, nulla præscriptione temporis, nulla exceptione alioqui refutabile. Neque autè qui eorum quos diximus, omniumque adeò domini assecclarum successores se profitentur esse, hæreditatem tantum honorum bonorumque creuere, vt eorum non paucissimi persuasisse sibi præ se ferunt: quorum è numero illi sunt, qui credunt ingens pauperiem viciû, vt inquit Horatius, neq; non iisdem ipsi legibus in eorum locum vicèsq; suffecti sunt, quanuis iam desitas moribus & obsoletas, qui in procuratione animarum rationeque dominica strenuè & pugnaciter olim testificati, aut inculpatè & innocèter pietatem colentes, eadem in ipsa demortui sunt. Siquidem

instituta euangelica, non in personas, nō in tempora, non in homines tantum æquales heroicarum ætatum, vt quidam iuris eius prudentes censere nunc videntur, sed in res ipsas potius, quas de rebus nunc agitur: & verò in omnem posteritatem, perpetuòque scripta sunt. nimirum vt frugalitas antiqua & censoria, vt charitas vice publica flagrans, vt curæ, vt angores, vt mores sanctissimi, perpetui sint comites atq; asseclæ fascium sacrosanctorum, id quod diplomata hodie quoque præstantur pontificia, sollicitæ sanctitatis priscam formulā asseruantia. Verum id recordari atque animaduvertere ii non queunt, qui sibi magis quàm Christo rem gerere statuerūt. Quare quid illis tandem futurum esse censemus, quorum fides collabefacta vibrantique simillima, versuram tandem soluendam minime ipsos cogitare demonstrat: cūq; non suis tantū ipsorum, sed omnium etiam nominibus quibus pericula creantur capitalia eorum vel exemplo vel inertia. scelerato etiam nunc atque vsura incuriæ grauissima, officiorum neglectorū reliquamenta trahi. Scilicet eò iam mortales euasisse incuriæ manifestum est, temporum nequitia, nihil vt magnopere referre nūc putetur disciplinæ Christi constitutio: dummodo vsu & fructu opimarum obuentio quum potiantur primæ & secundæ classis homines, magna pars Christianismi procures, supina futuri xui securitate somniculosæque præditi, atque eo nomine sapenumero nobiles & celebrati. At verò eā ipsi charitatē Christo debent imprimis, quæ nec arare ipsa sibi, nec ferere, nec metere didicit: nec tamen vnquam cessare. Vni quippe vacat, studiis odiisque carenti, humanum lugere genus cæca cupiditate actum. Hæc est autem vna virtus secundum fidem rectam, & fixam, quæ sinum Abrahæ expandere, Orci fauces occludere mortalitati possit. Quod

DE TRANS. HELL.

si scelus est Christum & veritatem in testificatione vadi-
monioq; capitali, testimonio suo fraudare, animæ suæ par-
centem, & vitæ blandimentis adductū: fidē ipsi non præ-
stare promissam, ambitioni, cupiditati, voluptati seruien-
tem, animoq; obsequentem, sensibus suis indulgenti & ad-
dicto, quo nomine appellabimus? Profecto diuitiæ seruo-
rum, & affluentia exuberans in ministerio domini, inopiæ
ac penuriæ patroni & assertoris, res sunt infaufti nominis
atque ominis, ad eius amicitiam gratiāque conciliandā.
Quid verò si nihil quicquam pensi habere non obscuris-
simi homines præ se ferunt, quonam pacto ad extremum
cum rationibus dominicis paria facturi sint? At difficile
est ipsum seruii quoque frugalitati, vt quidem est opinio
eiusdem ordinis sapientissimorum, qui tabulas huiuscemo-
di rationum conficere diligēter soliti sunt. Videlicet ser-
uorum huiuscemodi fides, vel herum ipsum sibi met tabu-
las non conficere censet, vel accepta certē & expensa sibi,
in rationes referre iam negligentius atque conniuentius:
quod summæ est amentitiæ, vel deploratam spē habet, quod
vltimæ est miseritiæ: vel spei subsidium sibi fingit in ele-
mentia eiusdem heri. At is exacturum sese nomina huius-
cemodi ad vltimum quadrantem testatus est. Vtrū est hoc
igitur vitæ agendæ rationes instituere, & eas temperare ad
prædicta præscriptāque dominica: an alogistiam potius
quā vocant, in re perditā & profligatā, aut in ratione im-
pedita cōturbarāque meditari? Atqui id seruorum est ne-
quam & pistrino destinatorum, ergastuloque tetro, per-
petuo, & miserrimo: aut fugam circumspectatium, & tan-
quam vasa colligantium. At verò fugitiuus nullus es-
se potest omnia pro imperio obtinentis domini vniuer-
sa oculis perlustrantis, supera, infera, in mediōque posi-
ta, exposita iuxta atque condita. Ita nihil reliquum est

ad spem expectationemque certam dominici imperii contemptoribus, nisi ut ad Erebi asylum se proripiant, poenarum domicilium, durum, horrendum, & sempiternū. Proh diui immortales, præcipientes vitæ abruptæque rationes. Christi prouincia fuit regnum euertere cupiditatis, astruere charitatis & beneuolentiæ. ii autē qui se christos Christi esse gloriantur (de multis loquor, non de omnibus) ii etiam qui inter magistros censentur eius pecuariæ, eoque nomine honori (ut par est) & venerationi habentur, capitalis auaritiæ exempla prodere non verentur sæpissime in medio eius atrio, sed quasi in theatro. Quanquā quid mirum (aiebat quidā satyricus è proscenio) si ii qui in ouile domini per posticum ingressi, vel pseudothyrum potius, à domino olim obstructum, & multis ætatibus nulli peruium: sic fucum aliquando sponsæ Christi ac dilectæ fecerunt, ut Iupiter ille Terentianus, per impluium aureo imbre delapsus, Danae fucum fecit. Utinam tanti esset in regnum cælorum introire, in eoque inambulare, versari, & permanere, sensus communis iudicio, quanti esse videmus clauium eius arbitrium ac cæsuram, æstimatione istius ordinis prudentiæ, Christi fascibus augusti, meritoque eius ipsius amplissimi. Age iam quo pertinere tandem, quid significare, quid polliceri, quid minari apologos illos sacros putamus euangelii seruatoris, quos audire cum recitantur, inter rem diuinam faciendum videmur magna cum attentione, quibûsque auscultare aure admodum religiosa? num acroamata esse illa, num rhapsodias censemus, retinendæ multitudinis causa & oblectandæ, inter sacra dicatas atque ceremonias? Utinam tam tenaces animi nostri essent monitorum sapientiæ, diuinarumque prædictionum memores, quàm rerū multarū nihil ad summā felicitatis humanæ pertinentiū, ne dicam

DE TRANS. HELL.

incommodissimarum, capaces sunt atque comprehensores. Sed nos velut vasa figuli, vel rimis perfluentia, vel luti vicio acceptum liquorem sensim remittentia, vel à clibano adhuc cruda extracta: rerum diuinarum intelligentiam conceptam, atque opinionem, si non protinus, & alias res agitando, paulatim euanescere sinimus, ex animisque nostris exolescere. ex quo fit, ut cum ad res minus secundas, ad iniurias vel hominum vel fortunæ perpetiendas, ad dolores ventum est: cum ad iram, auaritiam, ambitionemve compescendam: cum ad gestiètem voluptatè, arcendam & comprimendam: tum denique, tum (inquam) ut friuola, tum ut futilia vasa reperiamur. quippe sonat vicium percussa: malignè respondet, viridi non cocta fidelia limo. At nos probè meditati & accincti ad certamen nobis esse videbamus in prima statim commentatione, quasque in umbratili quadam prolusione. Causa est autem (ut opinor) quòd nos ut degener proles Abrahæ, & fide cassa, animæ multum, corporis plurimū, animi & spiritus parum, per (inquam) parum aut nihil animi & spiritus habemus ac retinemus. tum demum verò anima animus esse cœperit & spiritus, cum philotheoriæ studio informata fuerit, prona & aspirante dei benignitate. Est enim philosophia eorum recoctrix hominum, qui post Christianismum susceptum, iterum relapsi sunt in Hellenismum: qui veluti colubri sunt exutam senectutè denuò resumentes: quod plerique facimus. Capitaliores tamen sunt, qui sapientiæ monita, dictatæque veritatis deuorantes in præsentia, ut iucunda & suauia: dein non regustantes ea, nec saluam illam reuocantes sale diuino conditam, nihilo meliores inde fiunt, tanquā stupère palato cupiditatis aut voluptatis ad epulas mystagógicas, quanlibet ambrosiā vehemèter resipientes. alii cōclamati fastidii auditores, aut aliàs obauditio-

res: auribus etiam fortasse redundantibus Sirenū incantamentis, appulsam sapientiæ celestis auditionē continuo respuunt. Quæ etiam si ab illis quoquo pacto atque agrè intrò admissa fuerit, tamen ad stomachum callosum, morticinisque assuetum, nō magnopere facit suauitas illa doctrinæ celestis & immortalis, sermonisque dei sapor, viui & animantis. eorum verò deterrimi illi sunt, qui velut atrophia laborantes, alimentum animæ non sentiunt in tabe pertinaci. Hos nimirum ipsos, ipsa si cupierit salus, seruare non poterit, vt quodam loco inquit Comicus. Atque huius quidem formæ plurimi sunt, auriti illi quidem, atque acres noxiarum Sirenū cantibus exaudiendis, urbanisque salibus summo opere dociles: ceterū auditu multatū ad veritatis perceptionem, mystica & miranda, falsa, salutariæque docentem. Hæc natio τὰ ἐν αἰσῶσι, καὶ τὰ ἐν ᾤᾳ, cum Lucretio argumenta esse putant scenica & theatra. Ad huiusmodi auditores sapientiæ dei, cum populo, cum primoribus, cum plebe, cum ordinibus agens: negabat tamen sese orationem habere cum palam proloqueretur. At prudentia vulgiuaga, homines quosdam Grætiarum lacte nutritos, earumque numine afflatos in nugis perdiscendis, lautos & elegantes esse, & æmulandos ducit, tanquam ad vitam agendam commodè & feliciter fictos. Nobis igitur qui Hellenismi sensibus perimbutum cor habemus, munienda via est verbo dei, secandæque semita aduentanti sapientiæ: id quod Ioānes ille soliuagus in solitudine clamitando monebat esse faciendum, vt Origenes inquit. In corpore autem humano partes duæ capacissimæ, qualisq; officinæ animæ, cōuerrēdæ sunt diligēter: summæq; cū attentione præparādæ, ad verbi ipsius aduentū inuitandū apud nos, atq; excipiendū: altera volūtātū & cogitationū, in corde: altera sensorū atq; animi cōceptū,

DE TRANS. HELL.

in cerebro nihil vt statuamus ipsi ac velimus. nihil vt in mente versemus, quod non sit consentaneum disciplinæ verbi dei & Christi, atque orthodoxiæ. est enim cor humanum veluti fons quidam perennis, vnde sermo interior & exterior, quasi ductus aquæ fertur, vt inquit Basilius. estque sermo noster, quasi partus quidam mentis nostræ, imagoq; ipsius: vt verbum diuinum, imago est patris expressissima. Sermo etiâ humanus, mentis vim & facultatem secum fert, aut similitudine eas refert, cum tamen in mente vt Christus in patre, nihilo minus maneat. Sed naturæ candorem atque simplicitatem in plurimis mortalium adulterant mendosa oratio, vultusque ei subseruiens, vani mentis indices, & charitatis euangelicæ internicio. Auscultandum verò nobis imprimis esse sapientiæ, nobilis ille auctor sapientiæ studii admonuit, qui sapientis cōgnomentum ob excellentiam inuenit. Is enim quasi pædagogus quidam communis prudentiæ, si docilem ipsa se præberet: cū sæculis ipse multis natus esset ante allapsum in mundum ipsius sapientiæ, de ipsa ita inquit in Prouerbiis suis, Lignum vitæ est iis qui apprehensam omni ope retinuerint, nec eos ipsa fallit qui se nixi fuerint. Eiusdē ille verò sapientiæ vel nomen tantum & vmbra odorari, & admirari visus est, cum eam non nouisset, qui in satyra olim scripsit, Petite hinc iuuenēsque senēsque finem animo certum, miserisq; viatica canis. Hæc est vna deniq; ipsa quæ suauibus suis canticis, excātare faciliē possit mala mūdi carmina, quæ Sirenes sæpe dictæ, ad perniciem summam incantauerunt incautius in mari euagantium. Cæterum auriū discutere prius torporē necesse est, quæ ad spiritalia acroamata obsurduerunt atque salutaria. & enīcū oportet humanæ prudentiæ sensum, si ibidem pollece numen cupimus diuinæ sapientiæ. siquidem luculēto

diffidio illarum naturæ discrepant, velut ortus & natales earundem. Hellenismi autem sapiëntia duxit bellum olim magis, quàm gessit cum viciis & erroribus vitæ, vel indixit tantum potius. gladius autem sapiëntiæ diuinæ bellum ipsum decreuit & confecit, quacunque impressionem fecit. Proinde oportet discipulum sapiëntiæ auribus circumcisis esse (quod antea dictum est) si ex eius magistræ doctrina, animi sui spiritûsque cōdicionem facturum est meliorem atque beatiorem. Cultor enim iuuenum purgatas inserit aures fruge Cleâtea, inquit idem Persius, de philosopho prisco loquens. quanto magis igitur euangelus ipse profanas aures atque erraticas, mysticis insiturus est auribus, à spiritûque oriundis, si operam ei demus bonam atque strenuam, fidei quoque bonæ comitem? Quapropter non iam in iugis Parnassî nobis cū musis res habenda, nō in porticu, non in academia, non in ambulatione arguta, de vita beata disputandum est: sed in schola euangelii, in olympe theoriæ, & velut in paradiso theosophicæ contemplationis philosophandum, siue philomorari potius id appellare placet communis sensus interpretatione: sic enim scriptura significasse dixissèque videtur. Hoc autem genus philosophiæ, mundiꝝ iudicio philomoriæ, in sanctario sapiëntiæ commentari, sanctioréque animorum in officina debet, in qua animus magis quàm anima excolitur: vbi facies subactæ mentis nouatur, ad meliorem frugem salubriorémque accipiendam atque reddendam. Admonitos autem lectores velim, id quod alibi non semel admonui, ad eos me nunc verba facere, qui vasa Aegyptiorum aurea & argentea, rogauerunt vt tenda, quæ nunquam restituerent. iecircóque idonei sunt qui mysticæ sapiëntiæ ac transmarinæ iam discipuli fiant: quales fortasse sunt, qui in Socratico sinu (vt idē inquit Persius) ele-

DE TRANS. HELL.

menta philosophiæ edocti sunt, quorum studia non parvis tantum (ut dicitur apud Græcos) sed magnis etiam mysteriis, matura sunt aut adulta. ad quos gentilis ille supradictus sapiens, idem philosophiæ cœlipetæ mystagogus, ita inquit, Vir qui errauerit in via doctrinæ, in cœtu gigantum demorabitur. vel ut apud Græcos legitur, Vir qui aberrauerit à via iustitiæ, in conuentu gigantum requiescet. Gigantum populus homines sunt terrigenæ, inficiatores providentiæ, atque immortalitatis animæ, & contemptores diuinitatis. Quam ob causam à poetis quondam dicti sunt deos è cœlo deiicere voluisse. Homines vasto corpore, immani ventre, nullo penè pectore. quorū pedes in draconum volumina desinere proditum est: quod significat nihil illos supernum & cœleste, nihil cogitare diuinum: perpetuum verò eorū vitæ processum humi repere, ad inferosq; vergere, ut scripsit Macrobius. Omnino terræ filii, nulla cœlum necessitudine, nulla contingentes superos affinitate, nullum cum deo commercium habentes. materiariæ (ut ita dicam) & carnariæ animæ, cum terrâq; prorsus concretæ. quales sunt plerunque homines adipe rerum secundarum obesi, ingenii interdum multū, mentis & spiritus non perinde habentes. Quorum genus aut generis indolem, penitus & radicitus post apertum cœlū & dei conuersationem inter mortales, non periisse, mirum est. Tales etiam sunt illi, quos diuus ille Paulus, diuersorium numinis paracleti cœlestium rerum indicis, progeniem appellat apithiæ, homines corneis præcordiorum fibris, nullam in deo fiduciam habentes: nec ab eo metuendum esse quicquam censescentes, non magis quàm ab Erebo, diri illius erroris & detestandi, atque ignorationis dei vāsanæ, parête & auctore. Nobis autem adhuc in doctrina verbi dei pueris, qui discendi rudimenta in cunabulis posuimus profanæ philo-

sophiæ, quibus in ipsis tametsi terrestribus, animus tamen alitur & vegetatur, ad beatæ vitæ cupiditatem, atque æternæ, aliud consilium capiendum esse censeo. Nam sapientiæ Græcorum magisteriū, regēdi principatus animi prouinciā obtinere imperio consulari & censorio potest: non item dictatorio, quod maiorum est auspiciorum, numinēque præditorum paracletico. Quocirca strenuissimo cuiusque philotheoriæ studio, quæ beatitudinem illam pollicetur æternam, hoc omni animi contentione faciendum est, in orthodoxiæ vt portum recta via, à maiorum (vt dicitur) gentium Philotheoris inita atque munita, sese conferat, omnibus cum suis animæ facultatibus. vt qui memi- nisse debeat, lustrico se natali, atque initiali die, & verò in lucis veræ vitæque tyrocinio, ex Aegypto migrasse, tuncque Christigenam & cœlitum affinem, è terrigena factū. Huius philosophiæ summa, quāquam copiosam, variam, amœnam cōmentationem habet, atque admirabilem: quauis omnium studiorum atque scientiarum claritatem suo splendore dubio procul obscuret: tamen in crucis contemplatione, in Christi in eam sublatis theurgia atque cœconomia, cum animaduertenda, tum animo comprehendenda complectēdaque vertitur, qui cardo est Christianismi, quod firmamentū religionis, quod columē pietatis, quod decus polytheiæ fusæ, fugatæ, prostratæ, è mundoque explosæ. denique quod immortalitatis pignus est, quæ fiducia, quæ fides, humani generis transcriptionis in numeros cœlitum, primanos, secundanos, & tertianos. Ab eoque velut fonte ac capite salutaris sapientiæ, omnis ratio philosophiadi in theoria manat, indeque à nobis arcessenda est. eò etiam semper reuoluenda speculatio, si quando, aut si tantulum aqua theosophiæ, cuiusque theorematum hæserit in obice quopiam obiacēte, vt est mentis humanæ in-

DE TRANS. HELL.

stabilitas. Hæc illa est, illa (inquam) est victima, quam in crucem sublatam ab hominibus ingratis atque impiis, diuinitatis vnitas, ternario distincta personarum, piacularẽ hostiam esse ac salutarem mundo voluit. siquidem hanc pro palladio in primordiis rerum amisso, pro numine læso, effigiem statuere, nefas quæ triste piaret; nefas (inquam) contempti interdicti diuini vt expiaret, commissæq; multæ æternæ & calamitosissimæ dispendium sarciret. Hoc illud est arcanum, quod ab æterno soli naturæ diuinæ notum fuit: cæteris omnibus absconditum à mundi tyrocinio, superis iuxta atque inferis, quod Paulus idem ad Collocenses scripsit. solisque sanctis dei locuples œconomia eiusdẽ mysterii, in Christo semper abdita, innotuit quondam inter gentes & nationes, illisque demũ quæ deus aperire quod conditum erat, voluit. Hic ego centenas ausim deposcere mentes, ad commentationem vnus huius loci, cum mihi animo obuersatur tantæ rei imago: cum mihi in mentem venit, non dico mundi quædam insignis aut temporum inclinatio ad res nouas edendas, sed rerum humanarum summæ, stupenda & inaudita; inenarrabilisque conuersio, quæ ad tristis illius multæ capitalisque antiquationem incubuit, humanique generis selectorum inter diuos & superos adlectionem. Cum æterna prouidentia in gratiam natura cum humana redeũte, noxa & offensio in gratiam verterunt atque benignitatem. cum pater ille cœlestis, filium suum minorem, afortum & erronem, familia quondam abdicatum, longo pòst interuallo, rursus in familiam fremente maiore filio, inuidentéque asciuit, ex patruoque pater, ex Demæa Mitio factus, gratuita indulgentia supplicem, festiuâque excepit. cum mundi liberator, & sociam ciuitatem, & stipendiarias omnes prouincias, eodem iure immunitatis esse voluit: nouarumq; tabularum

legem in vniuersum tulit aduersus Orci nexus atque calendaria. Denique cum deus homo natus, homines commercio cœli vicissim, diuinitatisque communione donauit. Quo ipso in miraculo, illud alterum exiit miraculum, quod tanta, tam admirabilis, naturæque nouatrix, orbis rerum cōuersio, surda & cæca fuit, paucissimisq; mortalium vel visa vel exaudita, vtpote mūdo res alias aliâque agente. Peperit enim in loco obscuro salutē homini prouidentia, pusillisque in cunabulis eduxit: quam in vtero æternitatis à principio parturierat. tum noctis cōtici-
nio & in brumæ tenebris, natus est Diphyes ille Cæcrops, solq; è cœlo & terra diuina manu coagmentatus: qui breui orbem terrarum nominis sui claritate impleuit, numinisque maiestate. O rem mentium excelsarum capacissimam, & retinentissimam. Hic cum vestigia quidē sui impressissima, per totum orbem terrarum monumentaq; reliquerit illustrissima, hominū tamen inertia capitali, stuporēque damnosissimo, eadem ipsa fugere vestigia exole-
scerēque cœperunt, & simul monumentorum auctoritas quanlibet consecrata, sensim obsolescere. & cū cœli quidē motus ad mortis eius miraculū obtorpuerit, sol splendoris defectu laborauerit: durum tamen animantium genus homines, saxēumque, hoc non quiuerūt persentiscere. Videlicet hæc illa est labe naturæ deprauatæ. animiq; humani, nisi assiduē exerceatur harum rerum meditationibus: noxam citò contrahunt obliuionis atque torporis. Hæc(inquam)est solertia scelerata Autolyçi tartarei, animarum sublectoris:quem mire Homerus *Ἰπποφύλακας* vocauit, quasi furiā acruagam, & grassatorem tenebricosum: mortalium semper capitibus incubantem vt eis incommoditet. cuius subautolycus est (vt ita loquar) is qui à Christo mundus dictus est. Protheus quidam inauspica-

DE TRANS. HELL.

tus iis qui in regno dei vitam agunt, omnia transformans sese in miracula rerum, circulatoriâque vanitate hominû mentes auertens à rerum supra dictarum animaduersione. Hic igitur velut scopus, salutis indagatrici philosophiæ propositus sit: eò omnis animus contentus ad commendandum, incumbat, ab eo digitum transuersum ne aberret mens philosophi. Hæc enim est ara misericordiæ dicata, ad quam perfugium certissimum supplicibus patet rerum capitalium reis. Hoc altare edito loco, & vndiq; aspectabili, visendoque erectum: in quo pater optimus, maximus, Isaacum suum dilectissimum, primigenium eundem & vni- genum, sacrificatû voluit. Cui filio numeris omnibus paterni splendoris, diuinæque maiestatis prædito, patrimonium amplissimum dominatus gentium ac nationum omnium, pater, omniumque omnino rerum dispensationem superarum & inferarum, dederat: eaq; cum libera, cum sibi æquali potestate, cum pari & eodem secum imperio dederat. Hoc (inquam) ipso in altari, deus filium suum Christum, mactandum sacerdotibus dedidit, ad eadem cum exposcentibus: sæuitiæque & liuori paucorum victimâ tradidit succidancam atque piacularem pro innumera mortalium multitudine, ex Erebi nexu, è vinculisque eximenda reatus primordialis, & porro inter diuos superosq; adoptanda. tanta (inquam) pro multitudine dilectissimum filium dedit, in quo filio intuendò & æstimandò patria maiestas suauiter acquiescebat, atque pro eiusmodi multitudine, quæ stellas cœli numero æquare posset, earumque decori minimè, splendorique cederet. Ante id tempus autem, mundus ab ornatu vtrique lingua dictus, nihil tam fuisse videri potest, quàm carcer tyrannorum principis, in quo carcere non tam homines quàm Orci custodiz, a caluo (vt dicitur) ad caluum inter reos relatz, erroribus variis

sceleribusque victæ asseruabantur: affectibus etiam nefariis, bellis & discordiis exagitata interim, & vapulantes. indeque ad vltimum vitæ spiritumeductæ, per sceleratum vicum, nefastamque portam & Charoniam, τῆς ἐνὶ χάρωνος, vt Græci dicunt, abducebantur in perpetuum. à qua sorte sæcula nostra exempta, nec grata memoria id beneficium prosequentia, quæ tandē animaduersio dei, quæ condicio maneat, ominari vereor. Proinde iure optimo atque meritiſſimo à nobis deus poſcit, non iam vt cruētis sacrificiis filio suo litemus: etſi patri æquali, pari, æquē pollenti: tamen in crucem actō ſua ſponte ſalutis hominum ergo. Non vt paria ſerui, quatenus fieri poteſt, cum domino facere aggrediamur: non vices vt beneuolentiæ aut pares aut ſimiles (quod fieri non poteſt) ipſi exhibeamus exigat. id quod tamen heroica manus quondam, & numeroſiſſima militum purpuratorum, quoad eius fieri potuit, fecit: volonūque lectiſſimorum, in aciem illa quidem ſtrenuē & fortiter, ſed auſpiciis ſeruatoris inſtructa, aduerſus mundi principem, & contra eius copias immanes & efferaſſimas. Cæterum voluntatem vt noſtram eidem hero noſtro atque domino, liberū vt arbitrium, quale illud quantumque habemus cunque, vel quantulum ſi mauis, eidem vt maſtemus: id verò ille poſcit, cum iubere, cum imperare, cum cogere iure ſuo, eodēque optimo, ipſe ſi velit poſſit. Simul vetuſtum vt hunc hominem noſtrum, vietum, veternoſum, ſordentem, illotum, & ſquallentem, in familia denique & comitatu cœleſtis domini obſolentem: ad aratrum iugulemus eandem, in qua ipſe dominus pro nobis occubuit: in cuius humerum pater æternus, ſuperorum inferorūque & vniuerſi imperium ſummū principatūque cum cruce impoſuit. Hoc autem vnum ad verum naturam æſtimantibus, noſtri eſt vtcunque mancipii, cū re-

DE TRANS. HELL.

liqua sint omnia tantum in peculio. Verum, hoc modo cum sciamus deum nobiscum agere, deum (inquā) immortalē cum mortalibus, patrem cum liberis, dominum cum seruis, quorum vitæ & necis liberam habet, omniumque dierum atque horarum potestatem: ac ne id quidē modo, sed opificē ipsum cum operibus norimus, & Prometheus cum figmētis suis, cum friuolis, cum vasculis agere luteis: quæ confringere, quæ conterere, quæ in ignē abicere temporis momento potest, simulac sibi ipse videt illa, do minōque ipsi esse inutilia: Hæc igitur & alia eiusdem mo di, cum comperta sint omnibus & inculcata, cū aliās, tum verò ipsius dei notione, nulli non natura anticipata: nos tamen tā profligata ac deplorata ratione viuimus ad beatam vitam quærendam & consequendam, ad aram vt elementæ ipsius & misericordiæ, ne hoc quidem quasi thusculo saltem, liberalius sacrificare sustineamus, ipsi acceptissimō. Nam quid aliud est obsecro, corporeā voluptatem, quærendi & fruendi honorum bonorumque cupiditatem, vlciscendi libidinem improbam, denique Cerberi trifaucis tumidam ingluuiem, enecare & iugulare ad pedes in crucē acti Iesu Christi: quā thusculo litare seruatori hominum, exiguū quidem illo, sed odoratissimo, nidorisque ad cælum pertinentis? Quod si cupiditates viciorum omnium errorumque parentes, exanimare penitus, eliderēque earū reliquias nequimus, è terreno corpore, è solo (vt sic dicam) tribuloso, naturæ sponte scatentes, gladio tamē verbi dei sanctiore de philosophia rogato & accepto, ita sanciare eas possumus & concidere, vt exuccæ iam & languidæ deinde esse videantur. Hæc atque alia animorū venena, cum prudentia ciuilis parū animaduertere solita sit, aut animaduersa sus deq; (vt olim loquebātur) habere: nec verò cauenda & auersanda ducere: philosophiæ est vtique

germanæ veracis & cœlipetæ, id videre. quippe mortis & crucis commentatrix est ipsa, tamque immortalitatis cupida, quam prudentia illa communis, rerum est intereuntium nugarumque, auida & studiosa: quo nomine eā philomoriā appellare verissimè possumus, vt è diametro oppositam philosophiæ. Ad eam igitur cogitationē sese accingat oportet Christigenarum philosophia, quam fieri potest maximè: quandoquidem ab aliis ipsa curis feriata est, nihil ad rem qua de re imprimis agendum est pertinentibus. Quodnam autem alioqui dignum erit operæ pretiū disciplinæ orbicularis, quam encyclopædiam Græci vocant: per tot annos ætatis decursæ florētissimæ, si senectuti fortasse amœnum præbitura est, animi tantū causa, non etiam animæ diuersorium: nec veteres eadem opera (vt inquit ille) auias mihi de pulmone reuellet. Atqui nulli erit vsui memorabili, nisi gradū nobis factura est ad studia altiora, sanctiora atq; salubriora. Nisi verò non à ligno scientiæ noxiæ causa primordialis manauit, cui lignū illud vitæ idēque sapientiæ, remedium attulit expiabile. Neque verò satis est hominis studiosi & eruditi subactum esse ingenium (vt Ciceronis verbo loquar) & iteratum, parū est etiam exultū & nitidum esse aruum animi. Nam nisi eam culturā sementis opportuna probaque exceperit, nulla inde fruges existet, quæ quidem culturæ responsura sit: vnde igitur & quò tanti laboris messis? Semen verò sapientia prolixè suppeditabit homini, in æde pietatis fideiq; philosophanti. & ipse sibi porro philosophus è granariis duobus scripturæ admetietur, quæ vnique pulsanti, ac modulis suis poscenti, aperiri paulatim solent: Idque pro soli bonitate & culturæ industria, restibili fecunditate prouenit, ampliùsque centuplicatò reddit. Eadem etiā philosophia index thesaurorum sapientiæ, puteos animantis

DE TRANS. HELL.

aqua, à priscis puteariis ipsius sapientiæ demonstrabit effoscos, de quibus rigabit agri cultor huiusmodi, ea quæ videbuntur neglecta exaruisse. Pretium autem erit operæ, cum inter hauriendum nectaræam aquam, laborémque studii theorici exhauriendum, bibere ex ea licuerit nullo sensu laboris, & cum ingenti desiderio, inexplibili quidē illo fortasse, cæterum huiusmodi, haustus ut quisque, quantus unicuique plenissimus esse potest, ad stomachum hominis pro portione faciat. Summa verò est comitas illa sapientiæ, incredibilisq; benignitas, quòd omnibus bona fide ab ipsa poscentibus, atque eam per ipsam fidem obsecrantibus, ducere largè & assiduè licet. & porrò priuatim non cisternam modo sibi lacumque compluuium, sed puteum viuum fodere: ex eoque inter commentandum magna cum suauitate iugem aquam auferre, pro moduli cuiusque capacitæ. nihil etiam singulos vetat, eorum quidem certè quibus cum nunc ipse verba facio, & aquilegem sibi met ipsi, & putearium esse, ad nutritionem mentis & interioris hominis. At hoc quid voueat dulci nutricula maius alumno? Quid homini (inquam) studiosissimo literatum antiquarum, atque vendibilium, magis est exoptandum, quàm in huiusmodi philosophiæ cõtubernio, emeritæ saltem senectutis annos aliquot exigere, nec inerteis nec effætos? Mihi certe philologia, quā iam annos fermè quadraginta amare primum institi, curriculumque ipsum honestarum disciplinarum quoquo modo decursum, eos quædam esse videtur apranda gladio verbi domini, ad aciem ingenii exacuendam, ad significationes percipiendas mysticæ theologiæ, troporumque eius symbolicorum. Quare nobis videndum est ut censeo maximopere, ne ad Loto-phagorum littora adhærescētibus ad horam vndecimam, sapius frustra animi iā sibi moræ conscii immodicè, in-

gemiscendo dicāt, Quid stetimus hic tandiu ociosē? Quin a persuasibilibus disciplinis tandem, ad certam illam doctrinam, ac suapte fide nixam migramus philosophiam? *ἡ δὲ ἀπὸ τοῦ ἀγῶνος* atati iam vergenti. ex illa encyclopædiæ sylua nihil præter glandem legitur. ad Cereale studium transeundum, quo ager domini consitus est. Verum (vt alibi diximus) huius philosophiæ caput est, cum Paulo sæpe dicto, principe eiusdem & antistite, imprimis hoc profiteri, nos scire Iesum Christum, & scire in crucem actum: Idque salutis mortalium gratia, atque immortalitatis. ad quem veluti scopulum, hominum æternæ vitæ rationem prædicationemque respuentium, arietina quidem Iudæorum pertinacia, hæcenus in vniuersum offensa est inexpressibiliter. Gentilis verò philosophia, eadem aut simili offensione in pseudosophiam tādē est versa, quæ reuera semper oxymoria fuerat. Hanc porro effigiem circunferre semper eum & quocunque oportet, qui rectē & commodē philosophari cupit, in sinu cordis conditam: non leuiter ipsam (qualem vulgus hominum solet) deliniam, sed sculptam, sed incisam, sed indelebili memoria intus penitusque inustam. Nec verò eam modo in secessu & in solitudine: sed vel mediam per Aegyptum, per Babylonem perferre, palamque & prædicabiliter, siquando negocium sit nobis cum Aegyptiis atque Babylo-niis. Licet enim & Babylone Hebræum esse, vt inquit Ambrosius in libro de anima. Hæc est autem virga, qua in Aegypto Moses quondam memoranda edidit, claræque facinora theurgæ. quæ in terram proiecta, in serpentemque versa symbolum sapientiæ, cunctos Aegypti serpentes sapientēsque deuorauit, cum sua sapientia humi semper reptante. Quo intelligi potest maximè,

DE TRANS. HELL.

quantum sit numinis, cuiusmodique, in hac philosophia. Digna igitur est ærumna circumferendæ crucis, homine philosopho, quàmque orthodoxiæ discipulus humeris suis iniunctam cupiat, & gaudeat: quando Herculem indecorum est sine claua conspici. In hac etiam ipsa sita est, & verò clavis fixa trabalibus (vt dicitur) atque adamantinis, auctoritas fidesque Christianismi. In hac confixa est sceleratissima principis mundi arrogantia, qui generis humani à deo ac veritate auersi, imperium sibi vèdicauerat, diro ac detestando errore mortalium. Quapropter, qui ad philosophiam istam resipiscentiæ magistræ sese applicare statuerunt, quod omnibus necesse est cœlipetarum viam capeissentibus: ad staurophoriam ii pariter semetipsos oportet vt comparent: quæ pars philosophiæ, ab eodem illo ipso, auctore rerum cœlestium sæpe dicto, instituta est & demonstrata. Nam cum omnes Christi actiones sint admodum admirabiles, cum omnia eius opera diuinitatem suspiciendam præferant, ea tamen quæ per crucem acta sunt atque administrata, omnium sunt admirabilissima, vt inquit Damascenus. In hac maiestas Christianismi, eiusque placitorum vertitur. in hac summa theurgicæ atque œconomici Christi, quasi in capite, in cardine, in firmamento rectæ philosophiæ, vt posita, sic querenda est. Hoc denique velut cornucopiæ habeto philotheorus, salutis indagator, cœlestis viæ confectator, in vita peregrinus: hoc (inquam) Amaltheæ cornu locuples in sinu interiore teneto, ex quo viaticum animi contemplatoris largè & copiosè promptitet. Hoc eodem in palo, cippoque adeò illustrissimo, medio mundi loco, ob idque visendo & monstrabili erecto, chirographum illud vetus, graue, scæneratitium, longissimique temporis interual-
lis indies ingrauescens, nedum indelebile, cum seruatore

ipso confixum est: vt inductum ab eo & circumscriptum, ad nummumque vltimum dissolutum, atque eo amplius. Cuius chirographi nexum mortalitas vniuersim sigillatimque, stygio fœneratori auctorata fuit tandiu, atque in eius ergastulis durissima condicione, dirissimaque vineta, nullo sensu (quod mirum est, an miserum potius) calamitatis suæ: in caligine densissima merfa ignorationis dei, & summi boni, ac veritatis. Id tale tantumque beneficium, humana oratione nequaquam enarrabile, cruci Christoque acceptum referri debet vni, recordatione perenni, assidua, & accurata. quippe qui pro nobis tantum æris alieni dependerit, à maioribus nostris contracti iam inde à primis vitæ incunabulis. Quorum omnis posteritas iure quodam successorio & erratico, deinceps ad eum diem, maiorum tantum (vt clarum est) possessionem, non etiam bonorum agnouerat. Cruci igitur affixus, cōstituto debiti grandis atque piacularis, in præteritum, in instans, in futurumque factus, & sortem ipse & vsuras pro vniuersitate dependit: sicque ergastula iam vetusta emisit, iussa esse libera: quæ quidem certè salutare stigmatē, notaque prouidentię, inusta reperta sunt. Postremo hoc teneamus vt enunciatum quoddam ratum orthodoxię, qui inter euocatos Christi cenſeri, qui in numeros illos æternos referri, qui delectarum copiarum, quæ supernis exercitiis in supplementum aggregandæ sunt, numerum augere concupierint: id quod nemini non precamur, vt expetendum imprimis, cui optimè cōsultum ipsi volumus, nobismet etiam ipsis ominari gaudemus. Quibus hæc (inquam) in mentem instinctu dei venerint, iis omnibus illud gestamen Christianismi, & velut labantis animi sciptionem, aut fidei concussæ & languentis adminiculum, suscipiendum esse, ad finemque vitæ constanter perfe-

DE TRANS. HELL.

rendum. Siquidem absque eo adiumento surgere iacentes animi, & stare recti nequeunt. Quis autem Christianorum hominum vel immortalitatis inconsiderantissimus in vita, non in morte crucem ipsam cum Christo significato, eius numine & ornamento, adorandam esse cenlet & amplectendam, ut baculum quoddam alexicacum? Quis funeri suo crucifixum præferri non precatur? Quis inter vltima mandata hæredibus non imperat? nisi forte simulatorum inimici, stauromastiges quoque esse sustinent. omnes enim sanæ mentis merito tanquam tesseram cœlestis hospitii, crucem Christi aut eius omen, secum auferre hinc emigrantes cupiunt. Hoc denique sublato gestamine, signum dat nobis è littoris specula in mari euagantibus, theorica philosophia. Quocirca cum crucē domini supplicum velamen esse nouerimus, & misericordiæ pignus: & in misericordia vnam quidem, cæterum certam nobis spem salutis compertamque esse positam: quid causæ est, quin planè futilis atque nugatoria sit prudentia ciuili, tametsi honori habita inter eos, ut comoda, qui boni grauésque viri existimantur? Quidni enim bellam istam sapientiam hominum, nugas esse censeamus, si quidem Christigenam sese ingenti contentione asserit, & cœlipetam: nec tamen Christum quærît sequiturque seruatorem? Nisi verò Iesum Christum quærere est, Christum iam triumphantem quærere, Christum prouincia iam confecta, comitatu laureato insignem, in cœlūque ouantem, immortalī cum exercitu innumerabilique ingredientem, cupere. à nobis enim huiusmodi Christus sperandus est ille quidem, & exorandus: sed ita demum si Christum ipsum quæsierimus in cruce fixum atque cupierimus, cum quo nos cruci nunc affixos esse omnino necesse est, & staurophoros eius, qualesque calones esse, si cum

ipſo quidem certè nos à morte ac per ipſum, excitatos volumus & cupimus. Multos porrò chriftoſ fuiſſe nos legimus, & Ieſus etiam plures: ſed vnum tantum cruci affixum, qui ſeruator, qui liberator, qui aſſertor & vindex eſt hominum. Age, ſi buccinæ veritatis, ſpiritu cœleſtis ſapientix plenæ, hæc quondam cecinerunt, quos prophetas ſacroſancta ſcripta vocât: ſi ſermo dei ſalutis promulgator, hoc palàm conſteſtatus eſt: ſi Paulus accenſus (vt ita dicam) cœleſtis dictaturæ, id verbis conceptis poſteritati prodidit, in crucifixoque ſummam expectationis ſuæ poſuit: ſi vades ipſius cruci affixi: ſi tot teſtes non fortuiti, non rogati, ſed diuinitus oblati, hoc fortunæ & pignoribus ſuis, hoc capite cauerunt: Cur omen ſtaurophoriæ uſque adeò reiicimus & auerſamur, vt inimicis id noſtris capitalibus, vt hoſtibus imprecemur: à nobis autem, à charis pignoribus, ab amicis id noſtris abominando amoliamur? Ecquis eſt autem mortalium ſanæ mentis, qui cum hæc apud ſe exiſtens, maturè & perpenſè conſiderarit, non extemplo ab hilaribus (vt aiunt) ad cineralia tranſiturus ſit? Profectò ſi doctrinam euangelii, cum Pauli epiſtoliſ, qui veluti codicilli ſunt additi teſtamento ipſius, animaduertere velimus: neceſſe erit vt fateamur, ſatyram hanc eſſe quandam ſapientix delapſam è cœlo, ac deſtinatam ad reprehentionem humanæ prudentiæ: acerbam quidem illam ſatyram primore ſenſu, & tanquam aduerſus contumaciam noſtram, monita ſapientix obaudienter excipientem, ſtriſtam illam frameam verbi dei vibrantem: cæterum aures hominum ſummiſſè libentérque euangelio auſcultantium, mirè patefacientem ſymbolicæ ſapientix. verum ad præcordia eorum ipſa demum penitus inſinuat, quos dei prouideria ſpiritus ſacroſancti appulſu pi gnerata eſt. Nunc autem vt mores ad ſtultitiam, ad vani-

DE TRANS. HELL.

tatem, ad nugas, ad incuriam denique, cōtemptionēque æternitatis, vergere iam cœperunt: sic breue curriculum vitæ nos peragimus (quibus quidem cōsenescere contigit, quæ minima pars est hominum) quasi inter aleam quandam ancipitem finium constituti, bonorum & malorum: ob idque non magnopere de exitu casu laborantes. Et enim tanta in securitate futuræ vitæ merfi sumus, tantæque incuria præditi an perdiri, vt multi his de rebus sermocinantes, sortiri quid dicant ac censeant (vt est in pro-
uerbio) videantur potius, quàm ratione pendere & æstimare. Cæcum vitæ propositum (superi immortales) diramque amentiam. Scilicet improba Siren illa desidia, secordiæque somniculosa, nos oppressit in tumultu, in naufragio, in incendio gliscente, in tanto discrimine. Tum spes & opinio longiusculæ vitæ, diem ex die ducit, & resipiscentiæ plarique differimus in id tempus, quod resipiscendi spatium non admittit. Fati enim supremi aduentus inopinatus, mentem apud sese esse non sinit, sibi que cōsulere attētius, vtpote tumultuariam manum Atropi, eademque indeprecabilem iniiciens. Nam iuuentus aut firma valetudo, cum semel vnicique mortalium, caniciem seram & longos promiserit annos, cunctationi protinus homines sese dedunt, & procrastinationi. quam deinde incuria sequitur & obliuio vitæ ad decessionem expediendæ, rationumque subducendarum neglectio, ad impetrandum ius illud ciuitatis supernæ & æternæ. At hoc propriū munus est huius philosophiæ quā sectandā esse ducimus, nō illius hallucinatricis, quæ veluti planus gētiū ætatūque profanarū, verba Græciæ & Barbariæ dedit. Verū illæ duæ ad sese redeūdi remoræ, lōgè latēque in vitæ celebritate grassantur, quasi agminibus illis lucifugis, cœloque extorri multitudini subseruiētes, multoſque ybi que gētiū circūscribē-

res, qua iuuenes, qua senes, qua valentes, qua languidos & semineces. Quo clarius intelligere possumus, non de nihilo illud esse, quod excubare nos dominus & peruigiles esse, sermocinationibus suis admonet. Entētiōssimis, mortisque subitum vadimonium, & furis nocturni aduentum, providere necopinatū. Qui etiam olim provinciam suam obiens, primum illud edictum ore proprio ac propalam pronuntiandum censuit, Resipiscite, appropinquavit enim regnum cœlorum. nimirum ipse legem mœrentis obsecus admissa conscientia, auctoritate sua sanciens: quam prænūcius eius, victimāque præcidanea antea promulgauerat. Id verò satis significat sapientiam humanā & mortalem, cum diuina & immortalī plenam habere discrepantiam, ex edictōque illo suo Christum, ius vnicuique provincialium tandem esse dicturum. Proinde cum rerum diuinarum æternarumque enūci pronuntiatores, præscita sua prædictaque reliquerint vitæ, conscripta luculenter & consignata: cum deus ipse Christus superum iuxta inferumque potens, pœnas præmiāque ore veritatis atque sapientia pronunciarit: omnem nobis ansam vtiq; prolatanda resipiscētia, procrastinādique studii philosophiæ propriē dictæ, præcidit. In biuio igitur vitæ peregrinantis fac duos esse cippos: alterum euangelī doctrina, alterū anteuangelī incisum vel inscriptum, qui sensus est communis magisterio mūdi imbutus & institutus: inde autem vias duas a peregrinis iniri, alteram sursum versus spectantem, scāstiq; ferentē peregrinos & viatores, asperam, angustam, pedestrem, ac raris diuerforiis. alterā in diuersum vergentem, pronā, planam, curulem & equestrem, tabernis multis diuerforiis distinctam, quibusdāque peramœnis, tum instrumento vitæ vario, visendo, ac copioso instructis. Da etiam huic, si placet, agendæ vitæ facilitatem non

Q. iiii.

DE TRANS. HELL.

dubiam, commoditatēque conspicuam & luculentam. illinc fac è cōtrario omnia incommodis scatentia, curis-que argentibus. Harum (opinor) duarum vitæ formarum rara in vita exempla sunt, propterea quòd ciuilis conuersatio, & alia quæcunque celebritate hominum cōstans, ex vtroque genere temperata est illa quidem, atq; permixta: cæterum maioribus minoribûsque modulis, prout est id quod tulit ac statuit vniciuique ratio prouidentia. Hæc autem ab hominibus iccirco comprehendere non potest: quòd arcanas causas habet effectûsque quî mortalium cōiecturam fugiunt. Nemeseos enim numen vniciuique suum ius, suamque sortem tribuens, vt nomine ipso præ se fert, non ex humani sensus formulis ius reddit distributiui, sed vt Lachesi illi cœlesti visum est, dispensatrici prouidentia. At verò hæc veluti libraria quædam cœlestis, vniciuique p̄sum suum vel parcè vel prolixè: tum operosum & molestum, tum facile & iucundum appēdit. Temeritas autem casuum, & fortis fortunæ iniquitas, in rerum humanarum administrationem, bonorūque & malorum admensiōnem, iure quodam obscurissimo cōnuētia diuinæ irrum-pentes atque patientia: rationes conturbare vidētur ipsius Nemeseos, summāque cum imis permiscere perplexissimè. Inde illa fors & fortuna, in cœlum quondam hominum errore sublata: quæ tamen etiam hoc tempore, & summi actus rerum & infimi, eorūque confinis gubernacula tenere vulgò existimatur. Illa verò è cornu copia mundi, è penūque fatorum non modo pro potestate, sed etiā pro numine promere mortalibus, quibuscūque profundere. non aliter atque olim, cum simulachrum eius pingebatur gubernaculum manu tenens cum copia, tanquam rerum ipsa regimē haberet in potestate. Quæ causa est vt in ciuili vitæ aulicæque præcipuè rationibus, & acceptorum pa-

ginam & expeſorum impleant non eius modo beneficia, ſed etiam maleſicia. æquè enim & bonorum & malorum diſpenſatrix vel dilargitrix potius eſſe dicitur, è doliſſque illis Homericis fundere ſumma iniquitate. Huius eſſe creditur beneficentia, mundi penè monarchia ſub Alexandro magno (quod mirari poſſimus) ab ethnarchia nata. Hæc memoria noſtra quosdam, terræ quidem filios, ſed è Pygmæorum gente, triduo aut triennio colosſicos fecit, talesque trinoctio vt concepti è Ioue eſſe viderentur: quod de Hercule traditum eſt in fabulis. Itaque cum huius intemperię ludibriis, perpetua & inexpiabilis eſt rationi dimiſſio: cuius auxiliares copię ſunt ſpes bonorū æternorū, fides dei promiſſorū, cū charitate Chriſti numeris omnibus abſoluta, nec æmulam aliam admittente cupiditatem. Fortunæ autem auxilia ſunt mundus iam sæpe dictus, caro, id eſt voluptas, & cupiditas. illa, in omne genus animantium imperioſiſſima domina: hæc, tantum in hominum. Iudice autem philoſophia orthodoxię affini atq; alumna, & cuncta & ſingula auſpiciis reguntur prouidentię: etſi sæpe tum iniquitate mortalium, tum larium ſtygiorū inſtinctu conſilioque, negocia & facinora ſuſcepta ſunt & inſtituta. Neq; verò in ſchola philoſophię, fortuna rerū clauum tenens pingitur, aut fingitur: ſed aleam potius manu mouēs: quo ludo oblectari etiam ab antiquis dicta eſt, vt inquit Euſtathius. Quapropter rerum euentis mortales rerum peritos, vltra modum permoueri, ægreſceréque vehementius non cōuenit, ſed illis tanquam actis quibuſdam cœleſtium Parcarum, prouidentię vtique diuinæ certo quodam modo arcanoque ancillantium, quoad eius facere poſſumus, acquieſcere. Eſto verò hoc animo hominis ſapientię diſcipuli, præiudicatum in præteritum, in præſens, & in poſterum, quicquid tempore & cœli cōuerſione

DE TRANS. HELL.

fiat, factumve à mundi sit molitione, atque etiam ad vsq; conflagrationem eius futurum, nihil vtique fieri, fore, factum esse, absque eius ipsius auspiciis, qui causarū omnis generis auctor iā inde ab initio fuit, & cœli vertiginis arbiter in perpetuum. Id quod attentius paulum, sæpiusque æstimatum, efficiet in rebus vt aduersis secundisq;que, perinde sentire de amore diuino erga nos indulgentiāque debeamus. Ecquid autem est aliud patientiam rebus aduersis, & fortasse destinato dei certōque consilio, accommodare, quā paucorum annorum, an mensium, an dierum, molestiam deuorare? Sæpe verò œconomia ipsius prouidentix, cuidam quasi numini fortunæ ascribitur, ignorantione nostra, rationisq; stupore. Flexuosa enim ratione hominum coniectura sæpe vtitur: atque in multas erratiunculas digrediente, quæq; erratio potius, quā ratio dici debeat. Ac tamen si humanæ mentis Mercurius, id est ratiocinatio, quæ sæpe mendosa est, prouidentix cōsilia atque eorum causas, interpretari & explicare nequit: æquitas tamen animi tanquam arbitra quædam honoraria, ac iuris diuini consultior, controuersiam illam prouidentix ac fortunæ, in iudicio communis sensus omni memoria, in omniq; gente, apud doctos agitatam: conuocato senatu sanctioris philosophix, dirimere semel atque in perpetuum: iudicareque secundum illam partem debet, quæ patrociniū cœlestis sapientix meruit, & simul suffragium beatæ multitudinis. In iudicio enim rerum tantarum, ad summāque bonorum & malorum recta pertinentium, simul vt Mercurius humanus hæere cœpit, ratiōque torpere, ad cœlestem illum consulendum protinus Mercuriū adeundum est. sermonem dico dei, inter oracula receptum omnium quondam mortalium consensu, & piè consecratum, rerum cœlestium nobis diuinitus enarratorem datū:

adhibita eodem & aduocata ratione ab eo condocēfacta, non etiam ab ista prudētia communi informata, quā notions nobis suggerit erraticas, atque à veritate deuias ger manāque sapientia. Quis autem sanæ mētis homo, cūctetur ore, mente, pedibus in sententiam transire sapientia? atqui resipiscere, & ante aētorum pēnitere, post errorem est intellectum in auctoritate esse velle sapientia, vt prāstantioris & consultioris magistra. Quare cum aduentantis regni dei prānuncius resipiscere nos iubet, nihil aliud, quā diuersam & auersam viam, ab instituta iure gentiū vita, nobis ineundam esse docet: secundum quam vitā animus iure suo decedens, quāsiq; vir vxori rerum suarum regimine summo cedens, & principatu sese abdicans, sensibus temerariis habenas arbitrii scēdissimē permisit. Ita qui verē resipiscere instituit, quod plārique prā se ferunt, is viam, veritatem, & vitam sequatur: necesse est: quā vita ex animantibus homines spirituales efficit. mors est enim non vita si scripturam audimus, Hellenismi sensus, consilium mundi, & propositum. vt nō mirum sit, quōd Christus regnum suum, à mundi tyrannide diremisit, nō semel testatus est. Quo vel vno argumento liquere potest, quā in irrita sint preces nostrā, qui identidem aduentū regni dei exposcentes, deūmq; votis nequicquam fatigantes in ea ipsa verba conceptis, interim quā longissimē possumus, ab eo regno aberramus. Profecto labat fides, & conspicuē vibrat, etsi conuelli non potest. & quod Plato in vniuersitate, analogiam esse voluit, id est *διεσμον τῶ παντός*, in Timæo, hoc idem est Christi charitas sponſalitia, in ecclesia. quanquam id appositius esse cenſeo & commodius, quod ē Philone Eusebius dixit, verbum dei, mundi & naturā vinculum esse, atque retinaculum: illud verō idem & fidei firmamentum est in vniuersitate ecclesia, vt manife-

DE TRANS. HELL.

stè apparet. Fidem autem intelligi volo, non inertem, non cessatricem, non manibus confertis in securitate acquiescentem, ignauâque fiducia fretam destinatricis providentia: sed strenuâ & actuosam, sætâmq; amula probâq; charitate. Verum enimvero ut dicere cœperam, vita etsi varietates multas & mirabiles habet, *δοκοῖ γὰρ τι πῶλοι κατὰ κράτος ἐν δυνὶ ἔσθαι, δ' ὥρων διὰ δυνάμει, κακῶν, ἑτέροις δ' ἰσθῶν*, tamen plærunq; bona malis mixta: & versa vice, mala bonis tēperata sunt, dūtaxat apud homines rectum iudicium habentes. Nemo certè adhuc inuētus, qui malorum expers fuerit, eodem teste poeta rerum humanarū prudentissimò, ut hisce ex versibus eius intelligimus, *ὃ μὲν καμμίξας δάμνηνς τυρρικέφαντος, ἄλλοτι μὲν τι κακῶ ὄγει κύματα, ἄλλοτι δ' ἰσθλῶν*. & verò abundè atque indulgēter (inquit Plinius) à fortuna cum eo deciditur, qui iure dici non infelix potest. Sed fac esse ut illa via late patens atque frequentissima, præ se ferat omnia homini celsura animi ē sententia, ad implenda vitæ desideria: num in eo tandem viarum diuortio Hercules constitutus, non ille quidem Iunonis inclementia, & gloriæ cupidine exagitatus, sed pietate Christianismi instinctus atque imbutus: si ipsi optio permittatur, utram malit inire viam, Paridis statim exemplo, Minerua contempta, voluptatem præsentem secuturus sit: an Themidis supradictæ potius oraculū aditurus, ex eiúsque responsis consilium agendæ peregræ vitæ capturus, commodiorem ut in partem, id est ad salutem procliuiorem, summam rationū vitæ conferat? Equidem sic futurum opinor: neminēque consultum verēque prudentem, facturum, præsentem ut bonorum copiā, ut theatricum factum, ut viam denique cæcam & præcipitem eligat, præ via euangelica, ad cælumq; ferente, præfertim aduersus quod ipse pepigit ac popondit die lustrico ac purifico. Quippe qui probè intelligat, illa bona, bo

nis istis, cœlestia terrenis, vera imaginariis, æterna temporariis, summa infimis, diuina fortuitis, continuari & coherere non posse contra fidem oraculorum. Proinde si minus de torrente in via bibit, & nos saltē in hac via mœrentis ob culpam pœnitentiæ, super agelaston petram sedentes acquiescamus. Nam quid aliud est homo euangelicæ disciplinæ retinēs, nisi ille apud Terentium in sese suā ob culpam animaduertens, *ἐαυτοῦ τῷ αἰσχρομένῳ*, de semetipso deo dans sua sponte supplicium: Quod qui facere pergūt, iis dominus non veniam solum deprecantibus: sed etiam ultro grande pretium operæ pollicitus est. At nos aut Liberi sacris & Veneris operātes, aut promissa iuxta minasque dei, vt Iunonis asseclæ, studiis cupiditatis ambitūsque posthabentes: momo tamē cœlesti litaturos nos speramus ad vltimum, nec de hoc magnopere interim angimur aut laboramus. Verum illa Saturno sacra Iuno, vt virtutis inimica semper à priscis induc̃ta est: virisque fortibus cœlū petentibus inuidens, vt inquit Augustinus in decimo de ciuitate dei. Quæ cum hera à Græcis appellata sit, accipiti vt videtur omine colitur deuotissimē ab hominibus seruitutē cupiditati, non Christo seruatori seruientibus. eius etiam heræ clientum, atque in fide patrociniōque positorū, longē plures inter heroes, quā inter diuos relati commemoratur. Nēpe quasi *ἀποβατὸν τί τι καὶ ταῖς νηφίλαις ἐνιότις*, & cum dæmonum natione aeriuagi. Summa autem nostræ disputationis eō pertinet, vt intelligamus, virga Moysi iter per mare pādendū nobis esse, hoc est cœlestis sapiētiæ disciplina, scripturæq; auctoritate: quæ virtutem dei, summāque theurgicæ totius admirandæ, in Christo cruci affixo sitam esse ac fuisse, nos docuit, atque in eius fide rata, in animōque fixa & persidente, ad opera semper accincta, qua Christianismus constat. Hanc enim vnā ar-

DE TRANS. HELL.

cem habemus: hoc præsidium religionis rectæ, cœlitusque proditæ. Cuius auctoritatem & maiestatem, rituumque eius normalem disciplinam, si summi morum censores, maiorum vestigiis admoniti, sartam ac tectam per manus deinceps posteris tradidissent, longè melius utique, præclarius, & salubrius, cum genere humano tot iam sæculis actûesset. Sed illa est scilicet potestas principis tenebrarum, hominum ut singulorum nentes sine noxa, morésque vniuersorum, diu permanere non possint, nisi omnibus vngulis, omni ope cautionis diuinitus adminiculatæ, obuiam eatur illi. & natura comparatum est deprauata & viciata, ut vita & mundus in peius sensim deteriusque veterascant: Quam in partem iamiam vix erit multorum opinione, idemque est fortasse, ut incrementum dies afferre posse videatur. quippe ubi fas versum (inquiunt) atque nefas, tot bella per vrbes, eaque nefaria: tam multa scelerum impiarumque opinionum facies, non vllus aratro dignus honos, cui nam? dicet aliquis. Nempe quo terra subigitur humana, ad fruges accipiendas animis salutare, & refundendas vicissim. Proinde hominem philosophum hæc æstimantem, oportet & necesse est, cruce dominica humeris suis iniuncta, quasi quadam ærumna, Christum ipsum crucifixum, diui Pauli delitias, in sinu circumferre. tum Christianismi placita, fixa in corde suo, incisâque habere, literis Latinis & Græcis, ac si fieri potest etiam Hebraicis: hocque quod dicturus sum, ut enunciatum theosophiæ suapte auctoritate nixum fixumque, consertis manibus retinendum est. Quia lignum vitæ, idemque sacrosanctæ disciplinæ, copiosæ, variæ, amcenæ ac mirabilis, interioris hominis dente non attigerit: qui in caudicem eius & stirpē iudicii morsum non impeerit cum magna suauitate: ipsum nequaquam posse de puteo aquæ viuæ, atque etiam animantis homines iu-

gis & perpetuæ, salubriter haurire. Quod qui facere super-
 federit, aliis studiis nimio opere deditus, is non philosophiæ
 studio, sed aut philomoriæ (vt dictū est) aut pseudosophiæ
 teneri, fallacisq; aut inanis simulachri scientiæ, ad extre-
 mum vt comperiatur necesse est: quod genus à Græcis *κρυ-
 πτα* dicitur. A diuturniore ergo potu aquarum Aegy-
 ptiarum, siccā saltem esse ætatē iam ingrauescentem, con-
 uenit professioni philosophiæ: quo facilius hauriat philo-
 sophus & suauius puteo euangelico. Nam Christianismi
 alumnum esse, & simul Hellenismi perpetuum discipulū,
 cothurnum est quodammodo Theramenis perpetuum in-
 duere, in confinioque habitare, atque vitam agere pietatis
 atque Polytheiæ, vel Atheiæ potius impurissimæ. Igitur
 ἄλλοι iam *δ' ἑσθλοῦ*, quod antea dictū est: nec Cereali munere in-
 uēto & pergustato, in sylua deinde Hellenismi diutius ex-
 patiandum. ex qua tanquam sylua pascua, vt glande sues
 læti, ad extremum tantum incōsulti quidam redeunt, fru-
 gibusque non gustatis diem obeunt iudicii decretorium in
 perpetuum, non suum, sed inimici, atrocis & infesti vehe-
 menter criminatoris. Porro autem qui Christum cruci af-
 fixum in sinu fouere & continere cupiunt, expressamque
 & eminentem effigiem summi boni æternique colere: iis
 hoc quoq; faciendum est, vt cincti sint circa lumbos quā-
 accuratissimè atque exactissimè. Nec verò vnquam com-
 mittendum, vt per incuriam discinctis, aut per incontine-
 tiam, fides & charitas excidant, pignora summæ spei, quas
 ipsi in sinu suo confouere cœperunt. tæta si Christus ipse,
 quem in limen templi admittere diebus cōstitutis & aliàs,
 vnicuique solenne est, per paucis autem penitus & hospita-
 li mente: si semel in cordis intima insinuarit: ibique di-
 uersorium sibi loco mundo, scopisq; iam dictis repre-
 hensantis sese cum mœstitia conscientiæ, rectè atque or-

DE TRANS. HELL.

dine circumuerso, elegerit atque ceperit: non facile deinde sic emigrare solet inde, præsidio vt suo exutum hospitem destituat. Absque hoc verò hospite, cõtubernalem habere pacatæ mentis statum, euthymiamque illam nemo potest, interioris hominis felicitatem, cuius prisca philosophia nominis tantum splendorem, sanè augustum & expectendum, vehementer admirata est. Sed enim Christo dei verbo atque sapietia, hospiti amplissimo atque suauissimo, & verò votorum philosophiæ summam, pignusque summi boni, secum vna ferenti, via domum aduenienti munienda est & præparanda, supplicium ipsi suppliciter de se dando per moerentem ob secus admissa ægritudinem. dirigenda etiã & explananda, vt vates ille maximus, appetentis salutis præmetator & prænūcius, admonuit: à quo Christus ipse lustrari mystica immersione voluit. Ita autē ferre mihi videtur ordo, ratio & processus elementaris philosophiæ ac philotheoriæ, vt verbū dei in præcordia admissum, paulatim in corde concipiatur: dein ex informi & adhuc inanimo, sensim commentando formetur in modum expressiorem, diuinitusque deinde animetur, vix iam semianimo exteriore homine. Ab hoc profectu Christus ipse cum in corde iam animatus est, tum animans est animi, atque etiam inspirans, ob idque in corde regnare auspicatur: & porrò tyrannidem mundi, cuiusque principis potentatum, loco mouisse videtur, & cieisse fortasse. ex quo fit vt homunciones sæpe, plus quàm heroes euadāt: famiolæque vasa paulum antea & futilia, interdum fiant aurea, dominoque præpotenti grata & vtilia. tales enim fuerunt permulti olim viri sancti, quibus numen illud paracletū incubans, spiramētum vitæ coelestis luteam in faciem mirifice inspirauit. Hi sunt qui spiritu domini tincti atque imbuti, summum bonum in vita, summamque definiunt

felicitatem, summa fidei amorisque dei affectione: quique omnium actionum suarum, consiliorumque ac desideriorum summam, fructum etiam omnem eorum, atque operæ pretium vitæ, in duabus illis virtutibus sita esse existimant, amplissimæque ad extremum constatura esse mortalibus. Nobis autem studium sapientiæ auspitiis Christi capeissentibus, hoc omni ope contendendum est, ut ab infantia verbi dei, ad adultam fidem eius intelligentiamque assurgere commentando possimus. quod quia sine magisterio indulgentiæ diuinæ impulsuque fieri nequit, ideo à nobis precibus imploranda est atque obsecrationibus. Animus autem farragine literarum humanarum disciplinarumque sæctus, cum ad sapientiæ studium contentionem sui transcripserit: historiæ theurgicæ pabulo primum delectabitur, nisi genio præditus sit ad salubrem doctrinam refractario atque dissono. deinde animæ & mystico intellectu quasi epulis diuinis & pane cœlesti aletur. Vnde sensim euehetur ad intelligentiam anagogicam & spirituales: longè maiorem ipsam augustioremque profanæ philosophiæ fastigio. Quidnā porro iucundius hoc, quid verò euthymicæ illi beatæ affinius esse potest, quàm huiusmodi philosophiæ studentes, ad mortis antè prouisæ, atque præmeditatæ vadimonium excubantes: porroque ad mortis certamen proludentibus similes, præpetem spem amplecti, tenere & fouere, hominem quidem illam quāquam adhuc mortalem, sublimem nihilominus, in cœlumque rapientem? Verum enimvero cum magni cuiusdam sit negotii animum reuocare à commercio sensuum, morisque à consuetudine abducere diuturna, quæ iam callum obduxit in sensu cōmunis prudentiæ: ideo philosophiæ præfata elementis opus est, studium augustioris philosophiæ capeissentibus: quàm Cicero in Tullianis ait culturā esse

DE TRANS. HELL.

animi, quæ extrahit vicia radicitus, & præparat animos ad
 fatus accipiendos, qui tandem adulti, fructus vberimos fe-
 rant. Et in tertio de Oratore dialogo, Philosophia est (in-
 quit) omnium optimarum rerû cognitio, atque in iis ex-
 ercitatio. Quod tamen nunc qui facere optima fide cœpe-
 rint, philomori magis (vt dixi) ciuili prudētia, quàm phi-
 losophi videbūtur: vtpote cuius aures occalluerint ad mo-
 nita sapientiæ, ad iussa, ad interdicta legis summæ, ad præ-
 miorum iuxta pœnarumque immortalium denunciatio-
 nes. Proinde qui in literis antiquis, honestisq; vtraque lin-
 gua disciplinis feliciter eruditi, ad sacram ipsi philoso-
 phiam conuertere parem animi contentionem non ma-
 gnopere laborant semini diuino accipiendo: aut cum id
 statuerint, in æratem iam causariam differunt exuccam-
 que, facere: ii mea sententia tam absurdum consilium vi-
 tæ capiunt, quàm de agricultura illi perperam statuunt &
 incommode, qui segetes in agro supra modum inarescere
 sinunt, messis fructum sustinendum esse putantes, ad ina-
 nitàtem vsq; spicarum aut siliquarum. Qui verò aut ani-
 mi causa, aut gloriæ comparandæ studentes, in externis di-
 sciplinis consenescere cōstituerunt: atque in extremo actu
 fabulæ huius vitæ, animam quoque agere non verentur:
 hos quidem ipsos non tam philosophari in literis cœsue-
 rim, quàm cum Fauni (vt prisca voce vtar) vxore fatuari:
 id quod significat amore musarum lasciuiorū captos, af-
 flatuq; spiritus proteruitatis, fanatico atq; infano impe-
 tu vaticinari, quod Hesiodus fecit in illa sua Theogonia,
 stemmatēq; teterrimō Titanum atque Tartaridarum. A
 quo ipso forsitan proximè abesse videri possunt, alumno-
 rum vatū Polytheiæ perpetui admiratores, qui lepore poe-
 tico insanè delectati, sacrosanctæ doctrinæ salutarisq; stu-
 dium ob id flocci faciunt, veluti ad eruditionem politio-

rem ineptum & incōmodum: in summa sanè ipsi versantes inanitate studii, adumbratamque tantum persequentes philosophiam. Siquidem vaniloquam in vniuersum philosophiam externam, fatuam ac Fāuni coniugem esse, nemo inficiari potest: duntaxat non impudēs atque impius, aut certè non imperitus. Quòd si sale condita sit eadem philosophia: & verò si salibus aspersa germanæ æternæque sapientiæ, atque diuinitus proditæ, haud dubitarim ipse eam primæ commendationis esse dicere, inter res quidem certè humanas, oprandas & consecrādas ingenuis animis atque excellentibus. Animi porrò nō exigui tantum, sed etiam diuina pro nihilo ducentis esse mihi videtur, & tanquam demissi cuiusdam infernatīque philosophi, inter homines rerum humanarum prudentes, facundiā omni studio eloquentiāque comparare: quod pleriq; facimus: inter eos verò qui sapientiæ student, ac de ratione summī boni adipiscendi disserunt, infantē esse non nolle, aut certè non omni ope vitare. Ultra modum autem & ætatem amœnitati tantum studere literarum, summæ est amœtiæ: nisi verò amentium non est, animi causa animam suam perdere, aut de eius salute perpetua negotium sibi non faciendum ducere. nempe quasi ex actis tantum destinatricis prouidentia, ius beatæ vitæ petendum habeamus: non etiā ex pietatis & religionis studiis, exposcendāq; per mœrentem pœnitentiam venia, sperare debeamus. At qui post sermonis mortalis peritiā atque philologiæ, ipsa quoq; sapientiæ dialectos, immortalis & sempiternæ, cognitu est vtrique dignissima, vt summum ac salubre fastigium eloquentiæ columénque illustre impositura. Id quod ii deum hominum doctissimorum (vt opinor) contemnere soliti sunt, qui præputiū Hellenismi, post Christianismi sacramentum retinentes, creta an carbone notandæ sint

R.ii.

DE TRANS. HELL.

animæ ad extremum, aut nihil aut parum interesse nostra putant. nihil verò referre, inter dei filios & cœlites ipsi referendi sint, an inter Tartaridas & Orcicolas. Verum hi ex eorum natione sunt, <sup>ἢ τῶν οὐρανῶν λέγοντες ἀναπαύεσθαι, ὡς ἐστὶ πινυ-
ντες, κατὰ πρὶν ἡμῶν ἔτι, ἡμῶν δ' ἀνθρώπων,</sup> vt inquit ille Comicus. Hactenus enim ipsi nec amplius cœlestibus de rebus sem- piternisq̃ philosophantur. quorum contubernium at- que sodalitatem, vt diram & capitalem, eos auersari oportet, qui aduersus Sirenũ sæculariũ delinimenta, & sæpe lustralium, circuncidere sensus suos statuerunt, cultróque selectioris philosophiæ, accidere desideria cupiditatis improba. Deus autem omni genere doctrinæ, ad cognitionẽ sui ac nostri condocēfactos nos volens, præsertim hac at- ta- te literarum meliorũ strenua instauratrice, præcidisse no- bis omnem spem mihi videtur causandæ ignorantix. quo impendio magis ætenti esse debemus, ad aureis perpurgan- das veritati exaudiendæ. O tenebræ Cimmeriæ vita quæ lux ab antiquis appellata est. Abrahamus ille medius fi- dius, in scriptura decantatus, vt fidelium decus ac parens, in tanta luce literarum, in summa illustratione proditæ quondam promulgatæque veritatis, diffidentiam expro- brare nobis capitalem, diramque mihi videtur incuriam immortalitatis beatissimæ: qui in spem ipse maiora spe, fidẽque pollicitationis sibi factæ, credidit. quod Paulus ille sanctioris veritatis calamus, ad Romanos scribens, te- status est clarissimẽ. Tametsi nõ capitalior est nostra dif- fidentia, qui in gentem Abrahamidarum nos professione tantum verbóque adoptauimus: quàm sceleratior confi- dentia, quòd in lubrico & præcipiti loco stantes, tamẽ se- curi, supini, somniculosi, veterno deniq; diro oppressi, ac- quiescimus. Proinde (vt finem dicẽdi faciam ea de re, quæ nec dicendo, nec scribendo, nec commentando finem vl-

lum inuenit) literarum bonarum (vt vocamus) doctrinam, philosophiamque antiquam & externam, sic cedere sapientiae oraculari & consecratae oportet, vt sensum rationi. nec modo manus illi vt meliori, vt superiori, vt multum augustiori dare: sed sese etiam ipsam, atq; suas omneis copias & facultates, quanlibet instructas & pugnaces, praebere eidem necesse est ac permittere. nec verò manus quolibet modo dare, quasiq; defunctorie, sed vinculis quidem illas Christianismi constringendas, timorisque dominici: ceterum æquis atq; liberalibus, & porro dignissimis natione mortalium immortalitatis admiratorum, hominumq; animis natalibus restitutorum. Hæc enim post compertam veritatem atque agnitam, sola vocari merito philosophia potest, fidelium tantum ipsa magistra, & mystagogos, quos Græci *πρωτοπλάτους* appellat. Qui sibi rerum diuinarum atque sempiternarum uarietatem ita persuaferunt adducti, vi illa admirabili Pithûs euangelicæ, abduci vti fide Iesu Christi euangeli alia nulla vi queant, nō humana, non dæmonia, non prece, non precio, non terrore, nō præmio. quippe qui non suam, non sensuum, non rationis fidē, non disciplinarum sequantur. sed grandis illius pronunciatoris, rerumque in spe positarum, certissima certiore, repromissoris, classici & assidui, vt prisca loquebatur. Habet autem & hoc genus philologiæ musæum suum amœnissimum, suæque encyclopediæ spatium, studio dignum trisæculari Nestoribusque discipulis: habebūt enim illic homines doctissimi, ubi philologiæ genium accipere lautē & opiparē possint, epulis sanctioribus. gustabunt etiam interdū nonnihil contemplationis sublimipetæ, & tanquam extatica: qui etsi extemporalis breuisque suauitatis fructus est, ἀλλὰ τὸ δὲ ἀμειβομένη καὶ νικητὴς ἐστὶ ἀποψύχῃ. Neque verò asinum iugum domini est aut bubulum, quod multis ata-

DE TRANS. HELL.

tibus existimatum fuit & persuasum vulgo. Sed & equestre curriculum decurrere, & quadrigarium potest theoricæ philosophia, non tam mortis contemplatrix, quàm immortalitatis. Idq; iure proprio, nō occupatio. Iōgè enim maiores (quod Augustinus inquit) diuitiæ Solomonis regis fuerunt, quàm aurum, quàm argentum, quàm supplex, quàm vestis, à Mose quondam Iudæisq; ex Aegypto ablata & deportata. Proteus enim est propriè sermo dei, omnia transformans sese in miracula rerum. Quem sermonem si fide tenere, si studio colere, si amore completi institerimus: docebit nos ille omnia quæ sint, quæ fuerint, quæ mox ventura trahantur. Sed vinculo triplici vincendus est hic Proteus arctissimè, fidei, spei, & charitatis Christi. Quantum est autem theorema illud huiusce philosophiæ, genus humanum è mancipio tyrannidis inferorum, humanitate filii dei supplicioque exemptum esse: & simul inter cælum & terram intercurrente Christo tantum talèque commercium initum esse, vt immortalitas cum mortalitate sponsalitiū vinculum commerciumque contraxerit & coierit, communicato iure diuinitatis atque æternæ beatitudinis. Quanta porro amœnitas est in libris originum sacrarum, elementa considerare prodentis se homini veritatis sub persona dramaticæ simplicitatis, & mirè symbolice: ibi videas Mosen veluti fores cœli adhuc clausas pulsantem, quas Christus postea à se reclusas, patere delectæ multitudini voluit sibi que dedititæ. Huius lex temporarium edictum fuit è cœlo missum: quod ille ipse iam dictus, id est Christus, postea magna ex parte inductum, ad edictum perpetuum redegit: cui nec derogari quicquam ab alio, nec obrogari potest. & Moses quidem cum sua lege tanquam pegasus fuit, id est fama (sic enim pegasus interpretantur) salutis iam iam aduenien-

ris, id est ipsius prænuncius: qui musis sacrosanctis fontem illum aperuit enthei vaticinii, veraciúmque prædictionum. In vniuersum verò in scripturæ sensu multiplici, quasi in Iano quodam cœlesti, commentari magna cum voluptate licet, eadémque saluberrima. Qui Ianus quatergeminus principium & finem rerum temporúmque & intermedia tenet. aditus etiam multos habet ad veritatem summi boni atque sapientiæ comperiendam. Vnus est aditus, vt volunt, per historiam, quæ fidem rerum gestarum facit. Alter est aditus allegoriæ, quæ ea significat quæ credenda nobis sunt, non sine ingenti gratia troporum & figurarum. Admittimur intrò etiam perea quæ in mores recipienda ipsa scriptura docet occulta significatione. Sublime autem attollitur commentatio per eam quam anagogen Græci & *ἀνάγωγῃ* vocant quasi theoriæ quoddam auguraculum. Hæc autem literatores planè homines forasse siqui sunt, non probabunt, quorum ad stomachum literatura magis quàm mystica doctrina facit: doctissimi tamen viri olim & Græci & Latini, in iis ingenia præstantissima opportunè exercuerunt. Nam quo stomacho homines esse oportet, qui salibus diuinis non delectentur: vagina est historia: gladius est literaturæ spiritus. Enimvero marcētis animi spesque homines esse oportet, quos post disciplinas liberales studiúmque eloquentiæ, lectio sacra non iuuat, quorum animi scæno quasi animantes tantum alantur, ambrosia non vegetentur. Proinde si studiosissimi homines posthac doctissimique faciant, vt ex Hellenismi campo & curriculo, tempestiuè se in lucum Christianismi condere & abstrudere insistant, tanquam ad A Egeriæ iam sanctioris consuetudinem atque philologiæ animum transferentes: eo pacto fiet vtique & instituto, delitiæ vt hominum ad ingenii cultum natorum,

non modo literæ bonæ & elegantes, sed frugiferæ etiam
& salutare tum vocentur in posterum, tum esse videan-
tur. Quippe quarum succo perimbuta aurea argentea-
que vasa, ex illa animarum massa diuinitus exempta, ad
honoremque electa, non splēdidiora modo in æde domi-
ni exposita, sed etiam vtiliora fiant, atque ad instrumen-
tum eius ornamentumque præstantiora.

E R R A T A.

11	11	precario,
	12	aperiente tum
2.	21	extemporalis
.6	12	. Externa
11.	8	. omniaum
13.	3	dedit,
.47	3	interuallo:
	10	itáque
	11	providentiæ. Tum
47.	5	procurari,
53.	31	fanc:
55.	8	subseruientes,
.56	11	OE-
.61	23	comprehendinetur:
.63	4	incessans
63.	26	inconsiderantiores
70.	1	cupidos
72.	12	dicuntur.
.76	1	ætum succo
.78	7	πάρτα
.91	23	censeant,
.99	10	intermortuos
111.	12	fragi conseruatorem,
.118	16	prestantissima per totum orbem terrarum,
	28	ἐπὶ πᾶσι

Priuilegium in hanc sententiam impetratū est à regia maiestate.

CV M Gulielmus Budæus Regis Consiliarius, libello-
rumque supplicū in Regia Magister ordinarius: apud
Regem verba fecisset de Libris de Transitu Hellenismi ad
Christianismum: postulans vt de eorum editione priuile-
gium irrogaretur auctoritate atque imperio Regio: de ea
Regi placuit priuilegiū sanciri in Budæi postulationem
conceptum, ne fraudi esset ac dispedio chalcographorum
magistro, cui Budæus opus edendum madauisset: si, vt spe-
rabatur, emendatos eos elegantēque conformatos edidisset,
aliique magistri postea operæ impensæ atque olei fructum
ei præripuissent. eamque ob rem regia maiestas diploma
iussit priuilegii. quo diplomate interdictum omnibus
voluit huius libri impressione quinquennio proximo ab
editione, præterquam! cui quibūſue Budæus id licere vo-
luerit. additūque, si qua alia in prouincia extra Regis di-
tionem iidem libri imprimerentur, ne cuiquam liceat ve-
nales in regno publice proponere, nisi id permissu Budæi
ciūſue qui Budæi mandato ediderit, factū fuerit. Qui con-
tra hæc quippiam admiserit, pœna est in sanctione æsti-
mata, vt libri impressi, aut inter promercales habiti cum
characteribus chalcotypis publicentur. Priuilegium sub-
scriptum, signo Regio obſignatum est, mense Februario,
anno tricesimoquarto supra mille & quingentos:



E



Laboratorio
Routaero
Pandiniaglio
ROMA

1969

